





Handwritten marks:
A large, stylized letter 'K' or 'H' with a horizontal line through it, possibly a signature or initials.

Handwritten mark:
A small, stylized letter 'R' or 'n'.



14-28.62



13

IVSTI LIPSI
MONITA ET EXEMPLA
POLITICA.

LIBRI DVO,

Qui VIRTUTES ET VITIA
Principum spectant.



ANTVERPIÆ,
EX OFFICINA PLANTINIANA,
Apud Ioannem Moretum.

CLD. LDC. VI.

Cum Privilegiis Casaræ & duorum Regum.

SER.^{MO} ET POTENTISS^{MO}

PRINCIPI
ALBERTO

ARCHIDVCI AVSTRIÆ,
DVCI BVRGVNDIÆ,
PRINCIPI BELGARVM.



ERTIVM hoc in-
genij & stili mei
monumentum est,
SER^{ME} PRINCEPS,
quod inclyto no-
mini tuo LIBENTES MERITO
imus consecratum. Etsi vllum;
quomodo non istud, quod ipso ti-
tulo ad Te vocat, & augustum hoc
nomen vult inscribi? Sunt enim

A 2 MONI-

MONITA POLITICA: ad quem
iustiùs, quàm ad Politix & status
nostri rectorem ibunt? Sunt EXEM-
PLA: & cui conuenientiùs dabun-
tur, quàm qui stirpem & gentem
suam in ijs agnoscet? *Rudolfi, Phi-
lippi, Maximiliani, Caroli, Fer-
dinandi, Alphonsi*, passim hîc me-
morabuntur, è maioribus tuis: qui
scriptionem hanc illustrent & in-
signiunt, vt cælum stellæ. Quid,
quòd argumentum & materies eo-
dem ducit? VIRTUTES ET VI-
TIA Principum; illas formamus
aut suggerimus, & hæc amolimus:
at tu illarum grande exemplar es,
qui eximias habuisti & habes; &
hòrum (quantum homini licet)
pænè expers, in omni ætate aut ne-
sciisti ea, aut spreuisti. Ergo ad Te
imus:

imus : & quo fine? vt splendorem
huic ſcriptioni mutuemur, & tu-
telam. Sicut inſignia veſtra ædi-
bus , Prætorijs, villis appendimus,
contra vim aut proteruiam : ſic
nomina hæc ſacra, contra calum-
niam, aut liuorem. Neque enim
vobis hîc aliquid quæritur: non a-
liter , quàm cùm Deo ſacra faci-
mus , & donum ponimus, noſtrâ
id fit , non ipſius cauſâ. A nobis
officium omne eſt, & debetur; à
vobis beneficium. & hoc ipſo ac-
cipimus , quòd frontes operum ſo-
lâ præſcriptione veſtrâ honeſtatis.
Ego eo fine feci:patere SER^{ME} PRIN-
CEPS. & ſicut aurum aut ebur ma-
gis æſtimare ſoletis , à ſolerti manu
& arte politum:ſic has EXEMPLOR-
VM gemmas , ingenij & eloquij

A 3 ali-

aliquâ luce(cum Deo dicam) per-
fusas. Ille idem Deus,

SER^{ME} ET POTENTISS^{ME} PRINCEPS,
longæuum Te nobis seruet , &
donet aliquando sub OPTIMO
PRINCIPE optimum statum , id
est, desideratam diu tranquillita-
tem & PACEM. Louanij xv. Kal.
Feb. anni ∞ . IOC.v.



LECTO-

LECTORI.



CCE duos istos libros, Lector, trientem operis destinati, & addam, affecti. Nam duo alij sequuntur, qui Civilem Prudentiam habent: itémque duo, qui Militarem. Est scilicet eadem diuisio, & ordo, qui in Politicis nostris fuit: quorum luci aut assertioni hæc scribuntur. Sed cur non confeci igitur? aut certè cur non distuli? Utrumque ab eadem caussa. fatebor enim ingenuè, postremus ille grauior morbus me deiecit, & à stilo arcuit; atque idem impulit vel incohata hæc sic edere, quia post me nihil edi, adamantinum est meum decretum. Ego quidem, ut res erat, ostium tunc spectabam: neque nunc ad interiora valde me recepi. Ceterum Exempla quæ hîc sunt, aut in alijs erunt, scito ab optimis, nec obuijs semper auctoribus esse: & cur non eos edidi: quia nouitij aut Grammatici

*matici commatis illa cura videtur, & aut
à vano aut pusillo animo esse. A vano, si
lectionem variam iactas : à pusillo, si dis-
fidis credi. Nobis ætas, & priora scripta,
fidem vindicant : qui abrogat, inquirat,
spondeo inuenturum auctores. Satis est. tu
istis frui, & reliqua exspecta (utiliora
haud dubiè & rariora, ut res & materia
est) exspecta, inquam, si Deus, vita, &
otium, dabunt. Si non; à te suppose, &
dedi exemplum.*



IVSTI LIPSI
MONITA ET EXEMPLA
POLITICA.
LIBER PRIMVS.

CAPVT PRIMVM.

*In sermonem & rem ingressio, atque obiter
utilitas Exemplorum.*



V D I T O R. Accedo. annuis?
L I P S I V S. Imò accede, &
fede, vacuum reperis, &
sermonibus haud alienum.
Otium est, & lapsus cum
equo (non enim ab equo, ne
rideas) ferias mihi fecit, &
domum seruare, focum as-
sidere, iussit. O rem ingenio meo alienam! nec
aliud magis vitam aut vigorem mihi sustinet, quàm
exercitatio & motus. At ferendum est, quod non
mutes. A V D. Ferendum. & nobis diutinum de-
siderium: quod haud semel promere memini, &
ad te velut communi legatione deferre. L I P S. Quid
ais? A V D. Illud de EXEMPLIS. quæ viri & iuue-
nes flagitant (ita loquendum est: nec enim perunt
tantum.) subiungi POLITICORVM tuis libris. Sunt
ibi Sententiæ & velut Decreta, vtilia ac salutaria:

A 5 quis

quis abnuat? sed vt valida atque efficacia sint, nō-
ne vides vsum, id est Exempla deesse? Hæc adde,
& pulcherrimè cœptum opus absolue: nec muros
tantum & tectum, sed instrumenta atque orna-
menta adiunge. Sicut herbas qui seuit, opportunè
eas irrigat atque alit, vt adolescant: sic tu Sententia-
rum istos velut frutices foue & attolle, vel sole
vel pluuiâ, vt sic dicam, Exemplorum. Vtrum-
uis enim præstant. illustant, dum in rem velut
præsentem ducunt, & facta ostendunt, quæ facien-
da suadentur; fouent etiam, dum animum erigunt,
& re docent non noua, non ardua proponi. Sed
& viam præeunt, in quâ vestigia tutò ponamus.
sicut qui gubernandi parùm peritus est, vbi plures
naues, cursum temperat, & sequitur priores. Ita
vada & scopulos vitat, & sine magnâ suâ arte, por-
tum cum prioribus petit, & tenet. Vidistine etiam,
qui ad speculum se comunt, faciem & cultum re-
ctè disponere? prorsus hîc idem: aliena vita &
facta speculum sunt, & imago, in quâ te videas &
ad eam decorè componas. Quod magis fit, vbi
varia & multiplex lectio Exempla varia & multa
suppeditat; vt eligere sit, & ad rem talem aut talem
appositum aliquid semper applicare. Ita sicut Zeu-
xis ille pictor olim, Iunonem effigiaturus, virgi-
nes Agrigentinorum pulcherrimas conduxit, & è
singulis aptauit quod præstantissimum in quaque
esset: ita, inquam, Princeps, & politici viri, ab
exemplis factisque illustribus potentiam (ea Iuno
est) & prudentiam suam forment. Quid ais, mi
Doctor; nihil moueo, aut impetro? L I P S. Illud,
nondum istud. Moues, fateor: & ex facili, quip-
pe iamantè morum. Rationes quas dicis, iamdiu
in mente agito: & rem per se vtilem atque opportu-
nam

nam agnosco : sed vt suscipiam & præstem , nondum herclè impellis. Nam liberè dicamus , cui bono? Spargimus hæc monita ; & velut pharmaca ægris, aut lumē cæcutientibus, offerimus: quem vsum tamen fructumq; videmus? Et vis plura etiam addam , id est perdam? A V D. Bona verba, vir optime.

Quod medicis, hoc tibi faciendum cense : cum veteri imperitiæ morbo acriter pugnandum: & à perseuerantiâ fructum exspecta. Sparge, sparge salutaria hæc velut semina : & cur non vel ab agricolæ exemplo? Ille si hoc alteroq; anno spes destituit, tamen arat, occat, serit: & Bonus Euentus seriùs, sed vberiùs , sæpè respondet. Audi tuum doctorem.

Sen. Epist.

Quare verbis parca? gratuita sunt. Non possum scire, xxix.

an ei profuturus sim, quem admoneo : illud scio, alicui me profuturum, si multos admonuero. Spargenda est manus. non potest fieri, vt non aliquando succedat multa tentanti. LIP S. Hæc quidem auctoritas valdè me quatiat: sed & tua honesta sic voluntas. Etiam ratio alia, quòd sicut gēma, etsi in lutum aut sordes abiectæ, splendorem non amittunt: & dies postea reue-lat, & attollit: sic in istis, quæ benè & honestè dicuntur. si diem tamen ferent. Ergo huc imus? eamus. tanto alacriùs, quòd breuius iter laboribus scriptisq; nostris restat. Sicut athletæ cùm metam vident & accedunt, etsi fessi, appropierant: sic nos in senectutis hoc limite, alacriùs promptiusque laboremus, quia laborū mox expertes. Conscientia utique sustentabit, & vires porriget: quòd hæc atque alia, in tuum ô magne Deus honorè, in vestrum Principes ac subditi bonum moliti sumus, atq; vtinam emoliti. Adspira tu idem ille Deus, vt possim ; fauete vos isti, & delectantia simul atque vtilia (talia erunt) prònis animis admittite. Ordinem seruabo , quem

POLITI-

POLITICIS præstruxi : nec EXEMPLA solùm , sed & MONITA passim inspergam , & alibi QUÆSTIV-
CVLAS. hæc omnia vtrique iam fini à me dicto. Au-
tu audi.

CAPVT II.

DE RELIGIONE.

*Eius utilitas , siue necessitas ostensa : vel in
totâ Societate , vel seorsim in Rege , &
Subditis.*

VT autem qui domum moliuntur , à funda-
mentis : sic nos qui Republicam , à fulcro &
velut basi eius , Religione ordiri debemus Sine
eâ , non Princeps officium suum , non Subditi fa-
cient : sine eâ , societas non erit. quia non Fides , non
Iustitia , non Virtus ; sed fraus , licentia , proteruitas ,
& , vno verbo , confusio hominum ac rerum. Quod
frænum erit peccaturis ? quis metus satis validus ?
nam externum illum , qui à pœnis aut morte est ,
multi contemnunt : & desperatio , impetus , aut ira-
cundia , eò ducunt. Esto igitur vinculum & firma-
mētum reipublicæ , Religio : ac Princeps , vt dixi , ipse
habeat. quo Ratio eum & Gratitude vocât. Rex es ?
à Deo habes : & quò maior , altiorq̃ , plura benefico
illi Numini debes : & per cultum igitur veneratio-
nemq̃ ; eius agnosce. Rex es ? vt diu & feliciter esse
possis , datori supplica : & scito tollere posse qui tri-
buit , & euertere qui sublimauit. Aristoteles , ad suum

De Mun-
do ad Ale-
xandr.

Regem : Αρχαῖος μὲν οὐδ' ἐστὶ λόγος ἢ πάσης ἐστὶ πα-
σιν ἀνθρώποις , ὥς ἐκ θεοῦ τὰ πάντα , καὶ διὰ θεοῦ , ἡμῶν
σωθήσεται. *Vetus & à maioribus acceptus hominibus est
sermo,*

sermo, quòd OMNIA A DEO, ET PER DEVM, nobis sint constituta. Qui hoc imbibit, Religionem quomodo non habebit?

Prima mihi debes animi bona. SANCTVS habere.

Ex quo sequetur, vt virtutes etiam habeas, & maxime Modestiam ac Clementiam : quæ Religioni proximè adhærent. Addo, quòd tutior ita eris. amor enim ex isto, & veneratio erga ipsos Principes innascitur : nec facilè exteri aut subditi lædent, cui Numen amicum & propitium arbitrantur. Quid, quòd ipsi Subditi ita meliores tranquillioresque? Nulla res magis animos & mores componit, quàm Religio: & illa vbi in pectus demissa, Virtutum agmen sequitur. inprimis mansuetudo quædam animi & tranquillitas, bona imperantibus, & quæ faciles obnoxiosque præceptis reddit. Denique externa Felicitas eò vocat. quod ab omni æuo obseruatum, Deum qui se colunt attollere; & pijs religiosisque Principibus prospera plurimum euenisse, alia alijs. Exemplis hæc firmemus: videamusque in veteri & vanâ Religione etiam eius cultores fuisse, & præmium à Deo externum tulisse. Qui si imaginem & speciem eius honestat ac munerat: quid in verâ faciet? Primum igitur *Monitum*:

MONITVM I. *Deus vbique colendus, etiam inter & apud hostes.*

AGESILAVS Spartæ rex fecit. qui, vt Xenophon *Exempl. I.* ait, venerabatur delubra etiam in hostico sita, ab ijsque vim militum & iniuriam abstinebat: quòd existimaret diuina auxilia, non minùs in hostili, quàm amico solo, imploranda esse.

ALEXANDER MAGNVS quàm illustri exemplo *II.* docuit?

docuit? Tyrum obsederat, Iudææ finitimam, ceperatq;. In arduâ eâ & longâ obsidione, auxilia ab Iudæis petierat : repulsus. quia cum Dario vetustius iis fœdus erat. Iræ igitur plenus (& animos victoria fecerat) mouit in Iudæos, vlcisci certus, & prædæ ac cædi omnia destinabat. Venitque ita affectus. sed *Iaddus*, tunc Pontifex, diuinitus somnio monitus, cum omni populo cādido, cum cœtu sacerdotum byssino, ipse in hyacinthinâ stolâ, tiarâ capite & in eâ DEI nomen gerens, obuium se dedit, pacis specie atq; habitu. Atque ita ferocem Regem religio obiecta mouit, vt statim mitis submissusq; ad Pontificem vltro accederet, & ipsum saluaret, & MIRABILE illud nomen adoraret. Mirati comites, quidam & indignati: è quibus Parmenio Regem adiit, *Quid ita hominem adoraret, qui ipse passim iam pro Deo esset?* Respondit, *non illū se, sed in ipso Deum adorasse: quem eâ specie iamante, in vrbe Dio Macedonia, per somnium vidisset, hortantem vt promptè in Asiam pergeret, suâ ope & numine eam subiecturus.* Hæc Alexander, & vrbi ac genti veniam: quid veniam? præmia atque honores tribuit, & immunes suisque legibus viuere iussit; & quosdam in militiam suam allēgit.

- III. ANTIOCHI Syriæ regis in eâdem gente factum simile; imò à se, si non ab auctore, illustrius. Obsidebat Hierosolyma, in vnâ vrbe bellum patraturus: & ecce festū magnum Iudæi Scænopegia, siue Tabernaculorum, celebraturi erant. Gens nec in afflictis rebus cultum Dei deseruit: & Legatos ad Antiochum misit, sine alio colore petitem septem dierum inducias, vt operari sacris magni Dei possent. Magnus ille Deus pectus mouit. nec petita modò
rex

rex indulſit; ſed ipſe ad eius cultum verſus, boues auratis cornibus, magnam thuris & odorum vim, deduci ad portas iuſſit, ac ſacerdotibus tradita immolari. Quid magis mirer? an victoriæ interpellatæ patientiam? an ſacra non ſolùm permiſſa, ſed inſtructa? ſacra, quæ contra ſe conatusq; ſuos ſuſcipi ſciebat, fortasſe & caput ſuum iis peti. Sed fructus, vt ſolet, pietati adfuit. & Iudæi moti inopinatâ benignitate, finem certaminis, initium amicitiz fecêre, ac ſe ſuaq; Antiocho permiſêre.

MON. II. *Sacra nec in periculis deferenda, aut negligenda.*

Romani in arce Capitulinâ obſidebantur à Gal-
lis, clauſis vndique viis, nec aditu nec exitu. Quem tamen Religio inuênit. quæ nihil deterrita, Q. FABII pectus impulit, ſacra ſolennia & familiaria in colle Quirinali, ſtato die, obire. Is cùm adeſſet, ipſe cultu habituq; ſacro degreſſus, per medias hoſtium ſtationes, itum tutum & reditum habuit: ſiue attonitis illis inopinatâ audaciâ; ſiue religione etiam motis, ne pietati intercederent, quam nec præſens periculum, nec mors in oculis, impedirent.

Quid PAUSANIAS Spartanorum rex, & Græciæ
tunc totius dux? Is in pugnâ nobili ad Platæas cum Perſis, in quâ de Græciæ ſalute agebatur: ingruento iam hoſte & laceſſente, ſuos continuit, donec per ſacra & victimas Dij cōſulti pugnæ annuiſſent. Fiebat longius, & hoſtes interea cunctationem pro metu interpretati, magis inſtare, premere: multi è
Græcis

Gracis cadere. nec vel sic tamen telum remitti permisit : sed victimis multiplicatis, supinas denique manus ad cælum, & preces, tulit : *Vt si in fatis non foret Gracos vincere ; at saltem ne inultis, sed facinore aliquo memorabili edito, mori indulgerent* . Auditus est, & statim felicia exta : inde procursus, & victoria. Sed quis ille animus ? quàm fixus obnixusque in ceremonijs patrijs ? qui vel internecione cædi eligebat, quàm Dijs inuitis ferrum stringere.

III. At verò **LYDOVICVS**, cui **DIVI** prænomen virtus & merita pepererunt, Galliarum rex : per ipsa pericula, imò infortunia, religionem assertum & defensum iuit. Vitâ ille Princeps & moribus optimus ; iustitiæ tutor vnicus, histriionum osor, impiorum expulsor, ab anno duodecimo rex, in annum quinquagesimum sextum quo obiit, omnia (vt verbo dicam) cælo, & titulo suo digna, edidit. Sed quod meæ nunc rei facit, arma pro religione bis cepit. primò in Ægyptum trajiciens, infeliciter rem gessit, copijs, commeatu, machinis amissis. Nec tamen animo. iterumque magno exercitu in Africam iuit, vxore, liberis, regno relicto : sed nec ibi felix, vnâ re se putauit, quòd vitam si non in acie, in expeditione tamen posuit : id est, religioni donauit. Mortuus enim in ipsâ Africâ : sed in stirpe diu vixit, & viuit. è quâ **HENRICVS QVARTVS** Galliarum nunc rex imperat : quem proavi illos animos, sed feliciùs sumere, bellis & victorijs clarum, tacitum multorum est votum.

IIII. Quid ante Ludouicum **GODEFREDVS** Lotharingiæ & Bullionij Dux ? quàm acres illi in pectore stimuli, qui adegerunt rem tentare atque aggredi, vix Europæ viribus patranda ? Iudæa & Terra Sancta à

Et a profanis & impiis tenebatur: qui loca illa Christo-Deo calcata, aut cruentata, illudebant ac profanabant. Perditum est piissimo Heroi (sic nominandus est, & homine in eo aliquid maius:) militem collegit, opes suas & auitum patrimonium expendit, fratres ipsos duos impendit. Deus autem cœptis quàm palam adfuit? *ad sexcenta millia pedisum, equitum centena millia* armauit: exercitum, quem rarò Europa nostra vidisset. Scio esse, qui numerum minuant: sed fuisse certum est, etsi non omnes peruenisse. *Venit* igitur in Syriam, & (ut Iulianis olim verbis dicam) *vidit, vicit*. Rex Terræ Sanctæ factus, victoriis & vitâ illustris obiit: quem mirari aliquando subiit, non & ipsum relatum in Diuorum numerum, tam claris testatisque meritis.

CAROLVS QVINTVS Imperator, multâ vitæ sanctimoniâ, præsertim iam senior, fuit. Precès ipse componere, noctu surgere & ad Deum fundere: sed ardorem præsertim & studium in tuendâ religione profiteri. Voluisset & propagandâ: ac querentis eius vox sæpè audita, Quòd per bella interna, & cum Christianis Principibus, laurea eriperetur, quâ de veris profanisque hostibus posset referre: Sed quod ad tuendam, notum quid in Germanico bello fecerit: quâ periculosè susceperit, animosè gesserit, feliciter cōsummarit. In eo, dum Saxonem persequitur, ad Albim fluuium: sub ipsum prælij tēpus obseruauit imaginem Christi; in cruce adfixi, plumbeâ glande ab impio milite recenter traiectam. Stetit, & ingemuit: atque altâ voce ad Deum clamauit, *Domine, si vis iniuriam hanc vltisci, potes: ecce autem me vindicem tuum paratum. iuuua.* Certè audiuit, & iuuuit. fuga & dissipatio hostium ad eius

B

adspe-

adfectum facta, Dux ipse faucibus in manus venit,
& bellum vno prælio confectum.

MON. III. *Tuitio sacrorum famam &
potentiam donat.*

- I. Cuius clarissimum exemplum est PHILIPPVS MACEDO: qui tenuis adhuc viribus, neque inclytus nomine, gradum ad illa vtrique fecit à sacrorum tutelâ. Phocenses in Græciâ, cum Delfico templo præessent, bello impliciti, thesauros eius Dei veteres & famâ celebres tangere ausi, & mutui titulo, quid nisi spoliare? Ea res in odio & execratione omnium cum esset, solus ipse non iram, sed vindictam etiam & arma sumpsit. Contrâ sumunt Phocenses, Onomarcho quodam duce: & iuncti exercitus, & prælio instruuntur. Ibi Philippus, pulcherrimo astu, suos omnes lauru coronari iussit (sacræ Apollini eę frondes:) atque ita velut Deo duce, & Deo dicatum exercitum, manus conferere. Factum & alacriter, & feliciter. cum Phocenses ipsis insignibus violati numinis conspectis, in fugam consternati, armis abiectis abeunt, & temeratae religionis pœnas multo sanguine suo pendunt. In gratiâ & gloriâ ab hac re Philippus auxit opes & regnum, quod obscurum & modicum, validissimum Europæ effecit: & filio materiem ad illud Asiæ quærendum reliquit.
- II. CONSTANTINVM MAGNVM licet addere: eò iustius, quod veræ pietatis præbuit se assertorē. Quàm ea ad id æui iacebat? oppressa sedibus, ignibus, aquis: & caput aut vocem attollere in eius professionem non erat. Ille ante Principatum affectum aliquem, & iam Princeps amorem ostendit: templa
Diis

Diis clausit, Christo aperuit, & omni vi atque arte hoc nomen & numen iuit propagatum. An non se vnâ? imperium turbidis illis temporibus, & seditioni factis, firmiter ad senectutem tenuit, & suis aded reliquit. Prospera multa bello gessit, veterem Romanam tenuit, & nouam struxit. Hæc omnia cui accepto, nisi Religioni atque eius tutelæ, referat?

CAROLVS deinde MAGNVS iterum noui auctor III. imperij, qui id à Romanis vel potius Barbaris (nam ij dominabantur in Italiâ) ad Francos Germanosq; transtulit: is, inquam, palam hunc titulum debet inscripsitq; tutioni sacrorum. Ter in Italiam copias duxit, & victrices reduxit: vt laborantem à seditionis aut ab hostibus Pontificem maximum, in libertatem assereret, atque etiam dignitatem. Eundem potentiâ & finibus auxit, Rauennate Exarchatu, atque aliis in Italiâ, perpetuo dominij iure concessis. Alio enim etiam suo fructu? alio. nam iam Imperator victorias inclytas peperit: & ô laudabiles! contra hostes fidei bellis ferè susceptis. Mauros in Hispaniâ fregit & comminuit; Saxones, Danos, Auares in triumphum, nec suum, sed Christi duxit. Plerisque enim errores detraxit, & lumen veritatis nostræ infudit. Magnum Principem! & unde, dixi.

At Hispaniæ mentio ALFONSVM, siue ADELPHON- IIII. SVM vt prisca ferè scribunt, eius regem mihi suggerit, ab istâ hac radice florentem. Hispania scissa tunc variè, & Mauricis armis regnisq; in seffa erat: multa recepit, iunxit: & semper in istis prima ei cura, templa instaurare; vasis vestibisque, ad sacrorum cultum, exornare. Adeoque hæc agenti fauor numinis adfuit, vt sæpè, cum animosâ audaciâ

DCXXXI.

an temeritate dicam, castra hostium explorabūdus, atque id solus adierit: solus redierit ac sese explicarit, idque cū agnitus interdum ab iis fuisset. Miraculum hīc quis non agnoscat? Isto feruore (sic appellare debeo) CATHOLICI regis agnomen meruit: quod idem antea *Recaredo* datum in Concilio Tolitano, cū Gothorum gentem, abiectis Arii deliriis, in Ecclesiæ castra reduxisset. Ac tertium, idem in *Ferdinando* rege, patrum memoriā, à Iulio II. Pontifice renouatum. qui Mauros totā Hispaniā eiecit: & ab eo posteris successoribusque, ad hunc diem, gloriosum id & solenne mansit.

IIII.
∞. CC.
LXXIII.

Tēne ego hīc RVDOLFE AVSTRIACE prætereā? te, qui fluctuans per dissidia Imperium stabiliisti, & gentem fatalem sceptris regnisque propagasti. Quo merito? inquirere in Deum & diuina consulas, nec facio: sed non est inquisitio, quæ in aperto sunt memorare. Tu in modicā adhuc fortunā, nec nisi Comes Habelpurgensis, Pietatis multiplex studium prætulisti: & illi sequentem magnitudinem tuam vaticinia & diuinæ voces adscripserūt. Vnum videamus. Venatum fortè, vt nobilitas illa & nostra solet, cum paucis in equo exiuerat. Pluuus dies erat & viæ fractæ & sordentes: ecce occurrit sacerdos, venerabilem & mysticam hostiam, extremum solatium, ægrolaturus: & occurrit pedes. Is ad spectus pium pectus perculit. nec sine indignatiunculā aliquā equo desilit: & *Me vehi, te qui seruatore meum portas, pedibus incedere? indecorum, vel impium sit: conscende, & equum hunc cape.* Iussio, non preces erant: paret ille, & iste capite reuelato humilis sequitur, ad ipsas ædes ægri deducit, ab iis eodem habitu reducit. Iam domi & apud se Sacerdos erat. qui officio

officio attonitus, & mente à Deo motâ, bene abeunti dixit, & simul Imperium ipsi posterisque prædixit. Alij tamen ad Sucuicam vatem hoc referunt: quidam & somnio sequentis noctis edoctum ipsum volunt. Vndeunde prædictio; & res illa certa, & rata ista fuit, ac fidem etiam nunc ab euentis habet. Sed hæc narratio Monitum aliud mihi suggerit,

MON. IIII. *Sacrorum antistites aut ministros honorandos, audiendos esse.*

ALEXANDER SEVERVS Imperator tanti eos fecit, vt iudicatas à se causas, à Pontificibus atq; Auguribus retractari, atque aliter quàm ipse censuisset terminari, æquo animo pateretur. Bona submissio. non minuit, sed auxit Principale culmen, infra Religionem id posuisse.

CONSTANTINVS MAGNVS, cùm initio, vt fit, II. libertatis, feruor & fluctus, & contentio aliqua, inter Ecclesiæ proceres esset: indicto Concilio Nicæno, ipse interfuit, & auctoritatem accommodauit. Ecce autem libelli plures, qui mutuas criminationes continerent, ad eum delati fuerunt: quos omnes quasi lecturus cogniturusque accepit. sed in vnum fascem collectos, in ignem statim, nec inspectos quidem, coram omnibus iecit. Duo videlicet eo facto significans, & indignum illis esse, certare æmulatione aut odiis: nec se dignum, qui de iis iudicaret, quos Deus iudicare vicem suam in terris iussisset.

Iam ROBERTVS Galliarum rex quàm eosdem honorauit, & misceri iis honorem suum putauit? Scholas & templa adibat, locum inter eos sumebat: nec III. D. cccc. xcvi. orabat solum cum iis, sed in publico psallebat.



Quin & cantica eius sacra, quæ composuit edidit-
que, Ecclesia etiam nunc usurpat. Vir demissæ &
raræ sanctimonix. cui Deus etiam miraculo atte-
status est: cum, Auallonem urbem eo obsidente,
muri sponte corruerunt. ipso interea laudes hym-
nosque cum sacerdotibus in tabernaculo concinente.

III. Sed hoc mirari quam imitari plures volunt.

æ.c.c.

LXXIX.

sicut & illud, quod de OSMANE, VRCHANE,
MYRATE, à quibus Turcicum hoc grande im-
perium fundatum ceptumque est, Annales eius
gentis hisipsis verbis (digna enim ea prodi) tradunt.

*Quoties conuiuas vocabant, vesecebantur adhibitis
Talismanis (ita Sacerdotes dicunt:) quorum prae-
ceptis & admonitionibus inter conuiuandum aures præ-
bebant, & Alcoranum legi inbebant.* De Principibus,
an de Monachis hæc narrantur?

V. At submissionis exemplum etiam vnum, quod
horridæ &, ut quorundam deliciae sunt, sordidæ
Pietatis videbitur, in HENRICO II. Anglorum
rege. Ille suspectus in cæde beati Thomæ Cantua-
riensis Antistitis, non facto aut manibus eius, sed
iussu consensuue patratâ: & sæpè admonitus, ac
renitens semper aut abnuens, ad extremum ipsâ
conscientiâ salutariter adducente, ad ipsum locum
sepulchrumque beati viri, Cantuariam venit. atque
ibi statim in terram, simul & lacrimas, effusus ve-
niam pacemque petiit. Sancto deinde à pæniten-
tiâ impetu, ad cœtum monachorum pergit, & mul-
tis precibus impetrauit, ut à singulis eorum ordi-
ne virgis vapularet. Quid dicam? stupeo. rex fe-
cit, sponte fecit; sui oblitus, dum Deum cogi-
tat; iudicij hominum, dum cæli præmia. O si hîc
vilem, ibi beatum! imò & hîc, dum Deus ipso
illo

æ.c.

LXXIIII.

illo tempore eum attollit & magnificat, rege Scotorum à ducibus suis victo, capto, & per triumphum adducto. Plura in Religione liceat: sed seorsim iam feci in libello, quem *De una religione* vulgavi.

CAP. III.

DE SUPERSTITIONE.

Afsitam Religioni esse, & in vanitatem, vilitatem, timorem inclinare.

Religio igitur laudabilis: sed sita velut inter duos scopulos, Superstitionē & Impietatem. quem utrumque suademus, & opus est, vitare. Subit miserari humanam conditionem, siue, vt Plutarchi verbis efferam, ἀνθρωπίνην ἀδένειαν, ὅρον ἔκ ἑχυσαν, ἀλλ' ἐκφερομένην, ὅπου μὲν εἰς δεισιδαιμονίαν καὶ τύπον ὅπου δὲ εἰς ὀλιγορίαν καὶ δειῶν καὶ περρόνησιν: *humanam imbecillitatem, quæ finem aut modum non habet. sed aliàs abripitur in Superstitionem & vanitatē, aliàs in Neglectum rerum diuinarum aut Contemptum.* O vtraque magna pestis! sed illa crebrior, hæc deterior: atque illa Pietatis ipsâ imagine se commendat. Sed imagine, neq; aliud est, quàm *humanarum mentium ludibrium, Superstitio.* Quæ rudes, barbaros, & malè factos animos maximè tangit: καὶ ἐν ἁλώπιν (ait idem Plutarchus) εἰς δεισιδαιμονίαν φύσει τὰ βαρβαρικά: *Pronum naturâ ad Superstitionē genus barbaricū.* Ea autem non aliud est, quàm cultus Dei, quē, aut cui, non debet; aut aliter, ac debet. Errat in eligendo: vel modū excedit in colendo, & seruiliter, muliebriter, pueriliter segerit. Proprius autē ei timor, & inquietudo:

In camillo.

Curt. lib. 7.

do: quæ animos deprimunt, & ad nullam rem seri-
 am aut altam patiuntur aptari. Itaque Principi
 fugienda maxime: etsi

MON. I. *In tristibus aut aduersis sæ-
 pè se insinuat:*

I. Quod in ALEXANDRO MAGNO notatum, qui
 omni quidem vitâ religiosus, in extremâ eâ ad hanc
 declinavit. Nam ita animi & corporis ager iam se-
 gessit, ait Plutarchus, *ut nihil esset tam paruum aut*
absurdum, si modò insolitum, quod in prodigium aut
omen non verteret. Itaque sacrificantium, lustran-
tiùm, diuinantium regia erat plena: & plenus ipse
malis curisque, mortem dum fugit, accersit.

In Alexan-
 dro.

II. An non in LYDOVICO XI. rege Galliæ simile? qui
 ætate & valetudine iam inclinante, medicis blan-
 ditur, & auri montes promittit aut donat: deinde
 & sanctos viros euocat, & è filius educit, quibus
 vitam suam non emendandam, sed propagandam
 commendat. Tanto interâ metu, ut in arce mu-
 nitâ, & fenestris ipsis atq; omni aditu clathris fer-
 reis obstrueto, sese includeret: id est, quid nisi in
 spontaneum carcerem daret? O miser, hoc assidue
 times, quod semel faciendum est? hoc times, quod
 in tuâ manu est, ne timeas? Pietatem assûme, Su-
 perstitionem omitte: mors tua vita erit, & qui-
 dem beata, atque æterna.

MON. II. *In friuolis aut paruis se ostendit.*

Cuius rei cottidiana, pænè dicam, exempla sunt.
 Illustre in magno AVGVSTO. qui *Auspicia & omi-*
na, ait Suetonius, pro certissimis observabat: sed nec
Sem-

Somnia sua, aut aliena de se, negligebat. ne peregrinorum quidem religionum contemptor, cum Cereris Attica mysterijs initiari voluerit. Quid ei quietum, in talibus occupato?

QVÆSTIVNCVLA.

*An in populo non utilis Superstitio,
& Principi permittenda?*

A Principe igitur ipso remouemus: imò ausim dicere, nimiam Pietatē. Munus enim eius intueor. quod à Diuinis ad Humana etiā vocat: in quo ipso est Dei quidā cultus & honos Nicephorus Gregoras scitē hoc mihi dixisse videtur: Τῷ μόνῳ θεοσέχοντι Lib. III.
τὸν νῦν τῇ ἁγίᾳ θείᾳ θεωρίᾳ, ὁρεσι καὶ σπηλαιόις ἐνδιατρίβειν προσήκει. ὅς τις δὲ μὲν τῆς ἀρετῆς καὶ πολιτικὸν ἤκησεν ἦθος, καὶ πείραν ἔχει πραγμάτων παντοίων, ὅτος λαὸν ὁδηγεῖν εἰς τὰ βέλτιστα καὶ σωτήρια κράτεις: *Qui in unā Dei contemplatione mentem defixam habet, ei montes & speluncas habitare conuenit. At qui, unā cum virtute, etiam mores ciuiles exercuit & innoxit, quique notitiam parauit rerum variarum; ille verò populum regere, & ducere ad optima optimus est. Sed hoc cum ita sit: quid igitur? inquit. an non populum saltem in Superstitione habere, Principi vtile, & optadum est: Sunt qui asserant, & præsertim è priscis. Nam mitigari ita animos, & faciliores reddi ad parendum. Liuius Numam, qui Romā superstitionibus repleuit, spectasse hoc vult: & omnium primum, rem ad multitudinem imperitam, & illis temporibus rudem, efficacissimam, Deorum metum iniecisse. Et verò facit ad ingenium multitudinis. quæ alioquin impotens, sana, Curtius mutabilis, ubi vanā religione capta est, melius variis lib. I. I. I. suis (siue & sacerdotibus) quàm ducibus regibusque*
B 5 paret.

paret. Quin & Polybius Romanos laudat, & prudenter fecisse autumat, quòd partem eam, qua religionē & Deos spectat, in republicā suā sic conformarint & penè tragice extulerint, ut nihil sit addere. Quod mihi quidē videntur, inquit, PLEBIS CAVSSA fecisse. nam si è Sapiētibus viris Rempubicā fas constituere: nihil opus sit tali istā inductione uti at cum multitudo vana sit, & varia prater leges appetat, iracunda ac violenta, utile fuit interno hoc terrore, & superstitionis velut tragediā cohiberi. Hæc isti: at nobis non persuadeant, in bonā republicā vitiorum caput & fontem approbare. Mites animi fiunt, inquit. Imo viles, & istæ persuasiunculæ, ut cum poetā dicam.

*— faciunt animos humiles formidine diuūm,
Depressosque premunt ad terram.*

Nemo magnanimus, & alta meditans Princeps, tales subditos suos velit. Obedientiores etiam sunt? Abnuo, imò ad motus aut rebellionem proniores. Quoties olim, & nuper visum, prauæ aut nouæ Religionis titulo, populum concitatum? Vnus aliquis concionator, sanctimonix famâ, ut telo, armatus, & eloquentiâ aliquâ ornatus, quid non patrat? Omitto vetera, aut extera: ante annos circiter centum HIERONYMVS SAVANAROLA Florentinus, religiosi habitu (in Diui Dominici cœtu erat) tum vitæ verâ an fictâ sanctimoniâ, adhæc facundiâ, populum in se conuerterat. Pulsi Medicæi vrbe erant, & popularis status introductus: quem ille, ut ambitioni suæ opportunum, omni ope tuebatur. Plebs ab eo pendula, & verba consultaque eius, oracula habere: ipsi optimates virum colere, & per eum se suosque ad remp. (nam hæc in eius manu) promouere. Regnabat enim non in concionibus tantum & sacris ædibus, sed in curiâ, sed in comitiis: & raro

rarò publicè, imò priuatim maius aliquid, sine eius arbitrio gestum. Dicam? non animis modò, sed & arcis, sed & armis ciuium, imperabat. Hoc regnù totos annos quattuor exercuit. sed cùm in uidiâ interfectorum aliquot ciuium laboraret; alia etiam obiicerentur, quorum purgandorum, & diuinitatis famæ augēdæ, cùm pyram ardentem ingressurum se vltro spondidisset; mox retractans, vanitatis manifestus, & ex eo contemptior, apparuit. Deniq; in Pontificem summum lingue suæ tela vibrans, primò bonorum, mox & mediocrium fauore destitutus, pœnas ad vltimū ambitiosæ pietatis publico igne luit. Scio variare super eo iudicia, & benigniùs quosdam loqui: esto. sed exemplum tamen potētia in populo, per titulum Religionis, insigne & Principibus metuendum præbuit. Talia aliqua in libello *De vnâ religione* dicta. Iam ratio firmissima & intima, Christiano Principi nefas Superstitionem fouere. Et illi exterorum qui fecerunt, quàm turpiter & fœdè instituerunt? Exemplum libet dare, & ridere: ac primùm

ÆGYPTIORVM. quos omnes gentes credo equidem vanâ & stultâ superstitione antequisse. Neque enim ad homines, aut ad mortuos modò Deorum cultum, *Isim, Serapim, Anubim*; sed ad bestias, easque vilissimas trāstulerunt, *Canes, Ie neumones, Felles, Accipitres, Ibides, Lupos, Crocodilos*; tales plures. O amentiam! his cibos dare per obsequium pietatis soliti; his agros & vectigalia è publico assignare; horum in signis imagines præferre; his deniq; defunctis cum planctu funus, & sumptu monumenta facere. Ex his si quis sciens aliquod interfecisset, interficiebatur; si quis vel insciens *Felem* aut *Ibidem*, idem. Nugari videar. sed vera suo malo sens-

fit Romanus ciuis, æuo Diodori Siculi, id est Tullij Ciceronis, nam ipse id scribit & testem ac spectatorem re se adscribit. Ptolomæus, inquit, quem Romani in regnum postea restituerunt, cum primò Socius & amicus à Senatu P. Q. Romano dictus esset, magna lætitia publica, & concursus fuit. Erant & Romani in turbâ : atq; inter eos miles casu (non enim sponte) selem occidit. Clamor, ira, tumultus. non inscitia miseri, non Romani nominis reuerentia, non imperium Regis, qui purpuratorum præcipuos miserat ad sedandum & deprecandum: nihil, inquam, horum iuuat, quin ille statim mill'enis manibus discerperetur, sic ut nec funeri aut rogo aliquid superesset. Vides quàm mitis Superstitio? rabies & furor est, cum pectora inuasit.

- II. Sed & aliter etiã sæuitia, an vesania est, in exemplo, quod eidem scriptori debemus. *ÆGYPTVM* aliquando fames inuasit, sic ut alimēta deessent. Quid factum? versi sunt ad humanas carnes, & pepercerunt dictis bestiis: pepercerūt? imò & aluerunt, neq; ambiguum quin & humanâ carne. Cæcitātē! ergo homo Deo proximus, infra fœda animalia ponitur: & ille horum gratiâ interit, id est quid nisi iis immolatur?

- III. Tolerabilius *AFRI*, qui non bestiis, sed Saturno tamen homines viuos sacrificabant, & præsertim pueros, ætatem florentem, innoxiam; & ideo crudo illi Deo gratiorem. Res ita fuit. Stabat Carthagine statua Saturni ænea, manibus leuiter sublati, iterumque pandis in terram demissis. In eas solenniter vir aut puer impositus, statim præceps deuolvebatur in subiectum barathrum, igne & eius alimentis plenum. Id viui comburium Deo dabatur, stato quidem die quotannis: sed aliquando & ex-

tra ordinem, & multiplicatis victimis, si clades aut tristius aliquid ciuitati euenisset. Vt in eâ, quam ab Agathocle acceperant, placuit decreto ducentos (horresco referens) optimatum filios Saturno sic immolari, & quis credat? totidem alij sponte se obtulerunt. ipsa clades an florem hunc ciuium abstulerat, quem Superstitio impendit? indignor, an miseror? & lacrimas conditioni humanæ impendo, cui *vnus Superstitionem datam* Plinius conqueritur: an non iure, cum in hos usus?

Sed ad ridenda magis, quàm deflenda eamus: & IIII.
 stultitiam, quàm sæuitiam accusemus. DC.II.
 MAHVME-
 TES ille, heu nimis nostris cladibus notus, cum cupidine agigaretur nouarum opum & imperij, nouam Religionem, id est Superstitionem commentus est: ita me Deus, indecoram, futilem, nec colore vllò veri tinctam: etsi ex Iudæorum Christianorumque libris, velut per Sathyram, miscuit & confecit. O nugas, ô deliria! & lubet quædam recensere. Primum est, Deum vnum solidumq; (*ὁλόθεον* Græci expriment) eundemq; incorporeum esse: Christum non Deum, sed magnum vatem & prophetam; se tamen maiorem, & proximè à Deo missum. Præmia qui ipsum audient, Paradisum, qui post aliquot annorum millia reserabitur: ibi quattuor flumina, lacte, vino, melle, aquâ fluere: ibi palatia & ædificia gemmata atque aurata esse: carnes auiû suauissimarum, fructus omne genus, quos sparsi iacentesq; sub umbrâ arborum edent: sed caput felicitatis, viros fæminasq; maiores solito, magnis genitalibus, assiduâ libidine & eius usu, sine tædio aut fatigatione. Credet hæc aliquis dicta, & accepta? ampliùs. Ille verò Veneris his illecebris totam legem suam impleuit:
 &

& viro permittit vxores iustas quattuor habere, pel-
 lices tot quot lubet. Etiam, scribit hîsipsis verbis:
Mulieres habitaculum viri esse, ideò assidue debere
 eas colere, sed & ingredi quâ vellent. O turpitudinẽ
 non prouocat solum ad crebrã, sed ad promiscuam
 libidinem: & supera, infera, aduersa, auersa, eodem
 iure habet. Atque adeò ipse bellẽ & in exemplum
 gloriatur, *Vndecim se mulieres habuisse in contuber-*
 nio, & omnes unâ horâ singillatim iniuisse, & patrasse.
 Hæc & plura in eius *Corano*: sed & *Physica* quoque
 miranda. Nam facit Solem & Lunam in equis vehi:
 illum autem in aquam calidam vespere mergi, &
 bene lotum ascendere atque oriri. Stellas in aëre è
 catenis aureis pendere: terram in bouini cornu cu-
 spide stabilitam, & agitante se boue ac succutiente
 fieri terræ motum. Hominẽ autem ex hirudine aut
 sanguisugâ nasci. & quid addam? pudet, piget, mi-
 feret generis humani, cuius magna aut maxima pars
 his non vanitatibus, sed stuporibus est oppressa.
 Nam Asia ferè tota, plurimum *Africa*, multum *Eu-*
ropæ, iura sceptri & sacri *Turcici* accepit. Quin &
 multi extra *Turcarum* iura, vt magnus *Tatarorum*
Chamus, vt *Persa*, vt alij in *Indiâ* & extremo *O-*
rientis, deliria hæc delirant.

- v. Quid etiam omitto? iidem *TURCÆ*, ad *Ægy-*
priorum morem, feles, canes, pisces, aues, si non
 adorant, colunt tamen & pascunt: & his se velut
 largitionibus demereri diuinum Numen censent.
 Itaque videre *Byzantijs* statis horis est, cibos appo-
 ni dictis animalibus: nec viles quosdam, aut men-
 sarum analecta, sed orizam coctam, carnes assas re-
 cens, & hoc fine ex opopolio emptas. quas & per-
 ticiis longis imponere solent, & sic fugacibus aut vi-
 tabundis

tabundis eorum dare. Quid, quòd aues etiam captas redimunt, & aëri ac libertati deinde, per pietatem, restitunt? Iam in re inanimâ, id est Chartâ, quas nugas edunt? Nefas eam abiici, aut calcari: si cubi vel fragmen vident, tollunt religiosè, & parieti adfigunt, aut imponunt. Refert Augerius Busbequius, in legatione suâ ad Soleimânnum, cum ductores tutoresque viæ Genitzaros haberet, grauiter aliquando apud se questos, quòd famulitio eius charta ad obscœnos vsus esset. Causâ autem quàm iusta? quia *Coranus* ille in eâ scriptus.

Sed lubet leui oculo alia terrarum etiam, & in iis vi. Superstitionem, lustrare: quæ discolor, sed vbiæque decolor, & candori ac veritati aliena compâret. Sunt in Orientis magno tractu, qui MALABARES appellantur, & à Calecutio, mare versus, & introrsum etiam colunt. Iis varij Dij, & simulacra eorum fœdo habitu, colore etiam ferè in nigrum. Tempia *Pagodes* vocant: sacerdotes, *Brahmanes*. Iis tanta reuerentia, vt & belli tempore mediis armis interueniant, solâ religione & nomine suo tuti. Insigne eorum, tria fila, quæ ab humero dextro in sinistrum latus ligant. Nomen vetus est Indorum sapientum: & quædam ex iis habent. Sunt enim Astrologiæ periti, sed & Magiæ, ac prædictionibus plebi variè spem aut metum præbent. Finis earum, quæsticulus; vt in hoc genere solet. quem & ex sacrificiis aucupantur, cum Diis suis cibos, sed & nummos, offerri iubent: atque ipsi iis vescuntur, aut vtuntur. Sacra eorû & conuētus ferè cruenti. tela enim inter se spargunt, & qui iis occubunt, migrare ad beatorum sedes rectâ cēsentur. Animas immortales prædicât, sed Pythagoræ somnio, in corpora alia transire.

Sunt

VII. Sunt & SINITÆ, siue SINENSES, in ulteriore tractu
 ij quoque in Deorū cultu, quos domesticatim plu-
 res habent. quosdam & tricipiti figurā: an auditu-
 culā aliquā & adūbratione nostræ Trinitatis, quan-
 do & D. Thomam, & Christiana olim sacra, in iis
 locis fuisse, constans traditio est? Sed de uncūlos
 istos aded magni haud faciunt, vt si aliquid præter
 spem aut vota euēnit, ab ipsis pœnas exigant, atque
 aded flagris cæsos in publicum sæpè abiiciant & ex-
 ponant. Mox tamen pœnitentiā recipiunt, ite-
 rumque (ô bellum ludum!) adorant, placant, sup-
 plicant, verbis, thure, mero. Solem tamen inter
 omnes præcipuo cultu & æstimatione habent: at-
 que huic extra ædes progressi, sub dio, de paterā
 * vinum, Græco & Romano more, libant. Sacerdo-
 tes, pro deorum numero, ipsi quoque frequentes.
 Sunt *Bonzij*, sunt & *Bonzia* fœminæ; & super vtros-
 que *Tundi*; denique vnus supremus omnium, *Zaf-
 so*. Hi *Bonzij* conuentus suos & cõtubernia habent:
 vt Religiosi apud nos cœnobia: in regno quidem
 Iaponiæ ita crebra, vt vna aliqua prouincia supra
 dcc. recenseat: in quorum singulis haud minus sit
 triginta Bonziorum. Nomino Iaponiam, nam & ij
 ritus eisdem cum Sinitis & sacra habent, hause-
 runtque vtrique à communi doctore *Xacâ*. Eorum
 dogma, Animas interire, eademque omnia à morte,
 quæ ante natalem: exitiabile Virtuti.

• Vinum
 eius loci, à
 palmis.

VIII. Iam in nouo orbe & illâ AMERICA quid dicam?
 spissæ & Cimmeriæ tenebræ: nisi quodd Hispani le-
 uiter (sed adhuc leuiter) dispulerunt, & lucem no-
 stram intulerunt. In PERVVII regni finibus recep-
 tum, Solem colere: quod Ingæ reges pro firma-
 mento aut insigni dominationis instituerunt, cum
 essent

essent dii antea diuersi. Illorum solenne, templa vbique Soli erigere, ampla, magnifica, auro laqueata, aut & strata. In iis castæ aliquot Virgines, quarum pudicitia deuota: nec fas polluere, nisi vt luerent morte. Excusatur, siqua iurauit à sole compressam se, & ex eo vterū ferre. Panē is ritus fuit, qui Vestalium Romæ: sed numerus prægrandior, & in vno aliquo templo ducentæ, aut plures. Alij etiam ministri & æditui, alibi ad millia triginta: idque tantum in templi vnus cultum & vsum. Sed earum munus, lanam & filum carpere, vestes texere, dijs ornandis: siue & ad sacrorum ritum, quo solent vestes & hæc texta vnā cum ossibus pecudum cremare, & mixtum cinerem, in altum spectantes, Soli iactare. Has virgines *Mamaconas* vocabant: ipsa templa, aut & idola, *Guacas*. Sunt & alij sacerdotes, vestitu niueo insignes: qui Deos adeunt, saluant, fermocinantur. sed id cum hac cautione, vt terram despectent, & oculos versus eos non attollant. Imò quidam aut obligant sibi lumina, aut eruunt semel & euellunt: quod sanctius reuerentiūsq̃ habetur. Sacrificia sunt pecudes eius loci, sed homines crebrò etiam, & infantes. Horum sanguine simulacra oblinunt: deinde exta inspiciunt, & è notis augurantur.

In VICINIS ei regno Locis deorum alia portenta. Quidam tigres, leones, fera eiusmodi animalia colunt: alij feles, aut aues. Quidam (in prouinciâ, quæ *Manta* dicitur) Smaragdum insignem gemmam adorant, & pro vero numine habent. Mos omnibus, herbas certas pro thure adolere & incendere; itemque captiuos sacrificare, aut si desunt, è suis. Oracula petunt, & capiunt: tam certâ

C

plerum-

plerumque fide, vt Hispani tradant, nihil vel in eorum bellis, aut in suis ciuilibus euenisse, quod non prædictionibus fuerit vulgatum. Immortalitatem animi credunt, sed, vt videtur, cum ipso corpore, & quasi migrent: certè sepulchra laxiora, & magis apparatus faciunt, quàm villas viuientium domos. Sed & cùm moriuntur, comites accipiunt, quasi ad ministerium aut solatium: atque in primis carissimas vxorum. Eæ certant inter se & æmulantur, quæ cum mortuo viua (ita fit) defodiatur. Quod si insignior aliquis satrapa aut regulus obijt, turba est eorum earumque, quæ commoriuntur. Argumentum, quod ad res lætas & geniales ire se putent, hoc est, quod potum & cibum affatim apponant; sed & quotannis, velut parentaliibus, per foramen supernè, de industriâ sic factum, infundant. Choreas illic, & in alijs festis diebus honori Deorum ducunt, bini & bini iuncti in seriem, duobus præfultoribus, qui dant modos. Teneant autem sic saltantes manu vas potorium (assiduè enim bibunt) & alterâ interim penem, vt infusa emittant.

- x. Vltimi sunt MEXICANI, quos diuidit angustior ille Isthmus. Vastum regnum, & olim innumerus populus, & diu pro modo. Nam omnium fermè rerum affectuumque eos habebant, vt Aquæ, Piscium, Frumenti, Fructuum, Amorum, Bellorum, & quidquid dici fingique tale potest. Aiunt ad duo millia Deorum culta sollenniter in vrbe *Themistitan*, quæ regni metropolis, fuisse. Templâ ijs magnifica, laxa, quadratâ ferè formâ. Sacrificia cruenta, ex animato, & ex homine: atque aded hominum ad quinquaginta, aut supra, millia

vno anno immolabant. Dignum relatu est quod Ferdinando Cortesio (immortalis gloriæ, ob quæsitum subactumque hunc tractum) Cortesio, inquam, euēnit. Populi quidam ibi, nouitate facinorum eius attoniti, legatos mittunt, qui sic affantur. *Tria genera munerum ad te ferimus. Primò quinque homines. & si Deus quidem crudus es, & sanguine placandus; cape istos, & vescere. plures etiam dabimus. Sin bonus mitisque es Deus, en tibi herbas & plumas, ad supplicandum. Si porro homo es; cape has aues & fructus, quos damus in tuum & tuorum usum. O Deus, qui cæpisti has tenebras minuere, totas pelle, & ipsum te verum nouumque Deum cum nouo imperio ostende.*

Plerasque Superstitiones, quæ in partibus orbis sunt, dixi: ynam quæ in toto est, omisi, IVDÆORVM. Ij enim sparsi per Europam, Africam, Asiam, quaquâ versus colunt: pertinax natio, & qui umbram pro luce, pro veritate imaginem tenuerunt, & tenent. Quàm multa etiam priscis illis suis, sacrificisque libris, vana, superflua, inepta addiderunt? ad Thalmudem appello. Sed isti, quod mirum, & ter mirum est, toties attriti vel excisi potiùs, viuunt & vident; & corpus illud gentis seruant, atque ad eò propagant. Legat, qui volet, ab Hierosolymis captis, quoties à Principibus Romanis Græcisque pulsi vel cæsi, quoties à Christianis etiam regibus sint: mirabitur & vix credet, vel paucos superesse in semen. At illi, vt dixi, frequentes sunt & florent. frequentes? Bellonium audi, fidum obseruatorem. *In omni imperio Turcico, inquit, vix opidum aut pagus est, in quo non plurimi Iudæi agant: atque ij ferè variarum linguarum periti, quod magno vsui est*

est exteris aut peregrinis. Nec in illo tantum imperio, sed in Oriente, in Septentrione, apud Christianos etiam agunt: & quamquam sic distracti, unionem & puritatem gentis seruant, à coniugijs alienigenarum decreto auersi. Quid Deus in istis struat aut moliatur, nescio: nulla quidem gens ab orbe condito, aut frequentiam, aut sinceritatem suam seruauit, opinor, præter istam.

CAP. IV.

DE IMPIETATE.

Eius matrem Superbiam, aut Ferociam, sæpè & Vitiorum cumulum, esse.

DEfectio altera *Impietas*, siue *Irreligio*, si *ἀσέ-
Γεια* Græcorum sic licet vertere. Grande, & vt sic dicam, malorum malum: cum homo à ratione, imò à naturâ abit, contemptor Numinis aut negator, quod illa asseruit, & hæc inseuit. Eò veniri solet, siue à superbâ quadam & rudi Ferociâ; siue à Vitiorum magnitudine & cumulo, quæ animum manciparunt. Deo enim tum se subtrahit, & ne illum timeat, spernit: itemque præmia omnia futura, aut pœnas. Infelices hi tales! etiam in externis rebus successibusque: quia desertores sui Deus deserit, nec cadunt solum turpiter sæpè, sed ruunt. Quàm fœdi etiam sunt? super omnes Superstitiosos: quia vt illi conuiuent ad supremum Numen, aut malè vident; sic isti cæcutiunt, & nihil vident. Quis autem neget cæcitatem deteriorem lippitudine esse? Eam ego in paucis exemplis proponam: paucis

paucis, & idipsum timidè. nec aliter quàm in tem-
plus malos Genios solemus, ad fugiendum & ab-
horrendum.

Omitto veteres, apud quos veniam aliquam ha- 1.
buerit, in caligine errorum : apud Christianos quì
potest ? Et sunt tamen, qui non vitâ solùm eam
præferunt : sed impudenter linguâ exprimunt. vt
ille FREDERICVS II. Imperator. cui sæpè in ore:
*Tres fuisse insignes impostores, qui genus humanum
seduxerunt, Moysen, Christum, Mahumetem.* O
impure, ô impie ! te hoc dicere, quod gentilium
quidam olim, *Christum magum fuisse, & ex Æ-* Arnob.
gyptiorum adytis angelorum potentium nomina ha- lib. 1.
buisse ?

Mitior ALPHONSI X. Hispaniæ regis, sed non II.
melior vox aut sensus. qui solitus Prouidentiam
identidem culpare, & dicere : *Si principio mundi
ipse Deo adfuisset, multa melius, ordinatusque con-*
denda fuisse. Miselle, sapientiâ supra Deum es ? lin-
gua quò abis, mens quò abisti ? Sed notabile, y-
trumque istum, & Fridericum & Alfonsum, illum
imperio, hunc regno priuatos, in publico odio &
infamiâ obijisse. Plura non addo, nec vel calamum
aut chartam relatione ipsâ maculo.

CAP. V.

DE FAT O.

Id considerandum, credendumque esse.

AT tu qui Deum & Religionem colis, etiam
Fatum : id est Prouidentiam, decretumque
diuinum. *Quid enim aliud est Fatum* (dicet pro me

est exteris aut peregrinis. Nec in illo tantum imperio, sed in Oriente, in Septentrione, apud Christianos etiam agunt: & quamquam sic distracti, unionem & puritatem gentis seruant, à coniugijs alienigenarum decreto auersi. Quid Deus in istis struat aut moliatur, nescio: nulla quidem gens ab orbe condito, aut frequentiam, aut sinceritatem suam seruauit, opinor, præter istam.

CAP. IV.

DE IMPIETATE.

Eius matrem Superbiam, aut Ferociam, sæpè & Vitiorum cumulum, esse.

DEfectio altera *Impietas*, siue *Irreligio*, si à *Græcorum* sic licet vertere. Grande, & vt sic dicam, malorum malum: cum homo à ratione, imò à naturâ abit, contemptor Numinis aut negator, quod illa asseruit, & hæc inseuit. Eò veniri solet, siue à superbâ quadam & rudi Ferociâ; siue à Vitiorum magnitudine & cumulo, quæ animum manciparunt. Deo enim tum se subtrahit, & ne illum timeat, spernit: itemque præmia omnia futura, aut pœnas. Infelices hi tales! etiam in externis rebus successibusque: quia desertores sui Deus deserit, nec cadunt solum turpiter sæpè, sed ruunt. Quam fœdi etiam sunt? super omnes Superstitiones: quia vt illi conuiuent ad supremum Numen, aut malè vident; sic isti cæcutiunt, & nihil vident. Quis autem neget cæcitatem deteriorem lippitudine esse? Eam ego in paucis exemplis proponam: paucis

paucis, & idipsum timidè. nec aliter quàm in templis malos Genios solemus, ad fugiendum & abhorrendum.

Omitto veteres, apud quos veniam aliquam habuerit, in caligine errorum: apud Christianos què potest? Et sunt tamen, qui non vitâ solùm eam præferunt: sed impudenter linguâ exprimunt. vt ille FREDERICVS II. Imperator, cui sæpè in ore: *Tres fuisse insignes impostores, qui genus humanum seduxerunt, Moysen, Christum, Mahumetem.* O impure, ô impie! te hoc dicere, quod gentilium quidam olim, *Christum magum fuisse, & ex Ægyptiorum adytis angelorum potentium nomina habuisse?* Arnob. lib. 1.

Mitior ALPHONSI X. Hispaniæ regis, sed non melior vox aut sensus. qui solitus Prouidentiam identidem culpare, & dicere: *Si principio mundi ipse Deo adfuisset, multa melius, ordinatusque condenda fuisse.* Miselle, sapientiâ supra Deum es? lingua quò abis, mens quò abisti? Sed notabile, ytrumque istum, & Fridericum & Alfonsum, illum imperio, hunc regno priuatos, in publico odio & infamiâ obijisse. Plura non addo, nec vel calamum aut chartam relatione ipsâ maculo.

CAP. V.

DE FATO.

Id considerandum, credendumque esse.

AT tu qui Deum & Religionem colis, etiam Fatum: id est Prouidentiam, decretumque diuinum. *Quid enim aliud est Fatum* (dicet pro me

Cap. xv.

Minutius Felix) *quàm id quod de unoquoque nostrum fatus est Deus?* De unoquoque nostrum, sed & de rebus omnibus quæ sunt, fuerunt, erunt. Is enim qui omnia fecit, dirigit eadem, mouet, seruat: καὶ ἀ-
 πρὸς ζωὸς & ἀγαθὸς (verba Trismegisti) τὸ τῷ κόσμῳ
 ἄρμα ἀσφαλιστάμεν & ἀναδίσας εἰς ἑαυτὸν, μὴ πως ἀτά-
 κτως φέροιτε: *tamquam Auriga peritus, currum hunc*
mundi firmans in se atque alligans, ne in compositè fera-
tur. Prorsus ita est, per causas medias, variè nexas,
 prima illa causa omnia temperat, suauiter, pru-
 denter, vtiliter: nec aliter est censendum. Hoc mo-
 nitum variam vtilitatem Principi dabit. à Deo se
 & regnum; à Deo bona malaque externa esse: idèd
 nec in illis elatè, nec in istis abiectè nimis agen-
 dum. Constantia vbiq; esto, & volens quædam
 obedientia decretis diuinis. *Nam longè præstat* (ait

Lib. viii.

Gregoras Nicephorus) *quietum ferri à ferente Fato*
quàm obnitendo velut materiam & alimentum ei præ-
bere. Hoc enim tale est, ac si quis ignè metuens ades iam
circumdantem, non exstinguat eum, sed sarmentorum
fascies aggerat, & oleum affundat: aut si quis furente
Boreâ, & tempestate exigua fragiliq; cymbâ, contra
fluctus & per eos eluctari conetur. Altera etiam vtili-
 tas, inquirere leuiter & modestè in Fata, & videre
 quò vis illa supera, nostra hæc trahat: proque eâ
 inclinatione, se & consilia adaptare. Magnus est
 fructus; & prudenti viro vix publica Fata conuer-
 sionesque obscuræ, ex signis quæ præeunt vel ad-
 hærent. Ruere aut vertere hunc statum vult? con-
 silia praua, & homines tales erunt, qui ad guberna-
 cula admouebuntur. Delatio, adulatio, vanitas lo-
 cum habebunt: probitas, veritas, prudentia exsu-
 labunt. Sed &, vt in citharâ, concentus turbabitur:
 & obscura primùm, mox palàm discordia erit. Vult
 attol-

attollere? omnia alia. locus consilij, locus honoris; virtutibus, etiam artibus: denique siquid ægri in Republicâ, sanatur; siquid sani, fouetur. Vt qui libram tenet, in hanc aut illam lancem pondus adijci iubet, & inclinat: sic Deus. & fortunam temperat, sed manibus aut consilij ferè nostris. Atque hæc ita patet, ut vel hebes mens videat, si non præuideat: & dominum arbitrumque terrestrium rerum, ex euentis, illum è cælo agnoscat. O quàm mira, quàm inopinata sæpè ab illâ potentiâ? Nam & hoc gaudet atque amat, præter opinionem (non enim rationem) quædam facere, & vel sic ostendere vim illam omnia gubernantem & mouentem. Hæc vniuersè: sed in Exemplis etiam distinctiùs videamus, & monita pro ijs aptemus. Primum esto,

MON. I. *Regna & Reges à Deo dari.*

Quid clarius? quæ vis, gratia, aut commendatio, AGATHOCLI regnum in Siciliâ dederunt? Pater ei figulus, pueritiam in luti sordibus, adolescentiam in impudiciâ, iuuentam in libidinis egit. Ab omni parte infamis, odio ciuium & inopiâ, ad latrocinium compellitur. En gradus, quibus ad sceptrum veniatur! Sed mox miles, & dux è milite: id quoque cum infamiâ, quod defuncti *Damasconis*, cui successerat, uxorem stupro antea cognitam, sibi ceperat, & cum eâ ingentes opes. His fretus, occupare imperium patriæ bis conatus, bis repellitur; denique in exilium agitur. Quid fit? iungit se Siculis, Syracusorum hostibus, palàm bello patriam petit, & obsidet: nihil efficit, cum Pœni in auxilium euocati

strenuè propugnarent. Vi desperatâ, ad fraudes se vertit, *Hamilcarem* Pœnorum ducem ad pacem inuitat (ea species & honestus titulus fuit:) reuera ad pactionem, vt cederet, & traderet sibi Syracusas. Ita factum. regnat, cædes populi & Principum facit: & miro iterùm fato, ipsis conciliatoribus sceptri Pœnis bellum infert, & in Africam transfert. Præter spem variè victor, & præter spem quoque mox victus, deserto exercitu, liberis, amicis, pænè solus in Siciliam effugit. Seruat tamen regnum, etsi in variâ sorte: immoritur ei, sed ita vt pelli vxorem liberosque videret, & ab nepote id eripi, non diu fruituro. In his talibus vbi ratio alia, quàm summa illa Ratio est, Fatum nobis dicta?

- II. Hæc in vno illò rege. quid in quattuor (septem in vniuersum fuere) ROMANORVM? Primus *Romulus*, & tertius *Tullus Hostilius*, vterque ex pastore ad sceptrum peruénit: quintus *Tarquinius Priscus*, è peregrino & exsule: sextus *Seruius*, quod ipsum nomen præfert, è vernulâ & seruo. Quid hæc aliud sunt, quàm

Sidus, & occulti miranda potentia fati?

- III. Nam de C. MARIO minùs mirum in populari electione, si ad summa peruénit ipse popularis. Sed ex imâ tamen plebe ac municipali, miles mox factus in caligâ, tum Centurio, tum Tribunus: & in vrbe etiam petere honores ausus, sæpè repulsus, spretus, irrupit tandem in Curiam magis, quàm peruénit. Ex illo tamen Mario tam humili, tam fastidito, ille Marius emerfit qui Africam vicit, regem Iugurtham, formidatum Romanis, in triumphum duxit: & parum est: ille Marius, qui

Cim-

— *Cimbros, & summa pericula rerum*

Excepit :

& trepidam non Italiam modò, sed urbem defendit. Ille, qui post seatum Consulatum (rarum decus) carcerem & exilium subiuit: plenus tamen certusque spei, quòd olim iuueni in agro apricanti, Aquila septem pullos in sinum iecisset, toties iterandi scilicet summi imperij signum. Nec fefellit euentus. Redijt, hostes vicit, urbem & Consulatum septimò iniuit, & in eo exspirauit. Quidlibet sperandi & timendi, cùm Fata volunt, clarum exemplum.

Nec minus in MASANISSA (*Marius* enim me in IIII
Africam reuocat.) qui mortuo patre Galâ, patruo
succedente, & mox illo quoque mortuo, per fraudem exutus regno & priuatus, arma sumplit, ac denique victoriæ & illius compos fuit. Sed non diu eâ gauisus, & hoc fruitus, à *Syphace* rege bellum excepit: qui iusto prælio eum fudit. In montem Balbum confugerat, sed illinc quoque *Bocchar* Præfectus regius eum pepulit, ad tantam paucitatem redactum, vt vix quattuor equitibus comitatus effugerit. Ventum erat ad flumen, nec vadari poterat: quid facis Masanissâ, & tuum Fatum? metu urgente in id se conijcit, & duobus comitum gurgite abreptis, ipse cum duobus aliis inter virgulta vteriora delituit. Fama tamen sparsa submersi, populares (vt quisque in eum affectus) erexit, aut terruit: cùm ille vulnus (nam & id acceperat) in speluncâ auiâ curans, latrocinio duorum equitum per dies aliquot vixit. Mox vbi equi pariens fuit, audaciâ ingenti pergit ire ad regnum recuperandum: quibus præsidij? haud plus quadragin-

draginta equitibus, qui in viâ se addiderant: auctisque paullatim ad VI. millia peditum, IIII. equitum, copijs, paternum totum regnum recepit. Sed nondum finis fatalis dispositionis. iterum pellitur, victus à *Verminâ Syphacis* filio, quem rex in eum miserat. Ibi omnibus opibus, sed non spe amisâ, cum LXX. equitibus effugit ad Garamantum terram: hæsitque vagans aut latitans, donec C. Lælius à Scipione missus cum classe appulisset. Iunxit se, & magnum nomen, etsi exiguas vires attulit: peritiâ tamen militiæ & locorum, aliquod ad victoriam momentum. Quæ mox secuta. victi Carthaginienses & Syphax: iste periit, & regnum eius Scipio totum Masanissæ donat, finibus etiam auctis. Quid deinde? nec sic fideliter Fortuna ei ridet. in ipso aditu iactatur, sed Veneris insidijs, non vi Martis. Erat *Sophonisba*, Syphacis antea vxor, mulier insigni facie, facundiâ, & astu. Hæc regiam ingredienti occurrit, deiecta, mæsta, sed quod deceret: & statim Numidam in amorem sui rapit. Iubet igitur bono animo esse, dextram & mox corpus iungit: sed petenti antea iurat, *Nemini se traditurum eam Romano*. In his erat, cum Lælius superuenit, & Sophonisbam dedi postulat: fluctuante Masanissâ, in vehementissimi amoris æstibus, illam defereret, an amicitiam Romanam. Sed ratio & vtilitas affectum vicit: illa vitâ abit, iste ad Romanos redit, & adhæret. per eos regnum stabilis, auget, quod ad posteros etiam transmisit.

- V. Inferit se his exemplis & fæmina. Erat *Leontij* cuiusdam Atheniensis philosophi filia, *ATHENAI*S nomine, multo ingenij corporisque lepore, aut *Venerere*. Pater occulto aliquo de fortunâ eius præfagio,

sagio, omnes opes moriturus duobus filijs reliquerat; huic solos centum aureos, cum elogio, *Suspecturam ei fortunam suam*. Igitur cum fratribus litigat, ut iniuriâ affecta. sed infirmior sexus aliam etiam accipit, & pulsa ac ijs Constantinopolim venit, ut viam futuræ magnitudini aperiret. Insinuat se, & commendat causam *Pulcheriæ* Imperatoris sorori: cui statim ita placuit, ut percontata, ecquid virgo esset? in aulam acceperit, sed baptismo, rudem ad id Christianæ religionis, prius ablutam. Nomen eius in *EUDOCIAM* mutat: ac sic denique amat, ut fratri *Theodosio*, apud quem omnia poterat, coniugem desponderet. Hem; ascensus! sed ecce & deiectio. nam diu felix eo coniugio, amata & amans, in suspicionem probri incidit, & contubernio excidit, hac causâ. Imperator insigne, & prægrande pomum dono acceperat: quod porrò vxori suæ blandiens transmisit. Accepit illa, & idem mox *Paullino*, facundo & erudito viro, ideoque eruditæ fæminæ caro, nihil sequius cogitans dedit. Quod ille, ignarus vnde esset, iterum Imperatori, ut regium aliquod munus offert. Mirari ille, & primum ambigere; mox agnoscere, & suspicari. atque ita prope ad vxorem veniens, callidè pomum ab eâ repetit, antea donatum. Hæc totius facti ignara, temerè & iuueniliter asserit, sese edisse: iterumque rogata dicit, atque adeò iurat. Imperator serio tum offensus, & mendacij arguens, pomum profert: nec satis, de amore occulto & improbo suspicatus, *Paullinum* occidit, illam abdicat, & relegat. O vterque amans, vestri misereor! etsi hæc quidem casum fortiter tulit: & iuit Hierosolyma, & piè castellumque viuens ibi moritur, sed præmortuo marito.

Multa

VI. Multa hæc in historiâ veteri: nostri æui vnum addam. PHILIPPVS II. Hispaniarum rex, quid nisi fato in illud Lusitaniæ etiam vênit? Quod ita fundatum firmumque in copia successorum videbatur, vt locus nō esset aut rima vel improbæ exten-
 sionis spei. Ecce * *Emanuel* XIII. Lusitaniæ rex tres uxores duxerat, & ex omnibus liberos tulerat. primâ, *Isabellam*, maximam natu filiarum *Ferdinandi* & *Isabellæ* Hispaniæ regum. Proles ex eâ nata *Michael*: qui si vixisset, certus heres omnium istorum regnorum erat, quæ nunc magnus Hispaniarum rex tenet. Obijt puer, & ipsa mater eius à partione. Ergo alteram tunc filiam *Mariam*, quæ tertia erat eisdem Ferdinando & Isabellæ, nuptijs iungit: nam *Ioanna* secunda, tradita *Philippo* Austriaco fuit, è quo coniugio Hispaniæ isti reges. Emanuel igitur ex *Mariâ* numerosam sanè prolem gignit, sex masculos, duas filias: denique è tertijs etiam nuptijs, quas cum *Leonora* Philippi Austrij filiâ coiuit, duos liberos, filium filiamque. Obserua, te obsecro. an non hæc fundata domus, in tot fulcris, vt sic dicam, regni? Iam ad liberos istorum veni, quanta series? *vigintiduo* erant, qui Philippum regem anteibant, & successionem legitimè arcebant: & tamen quò Fata vocabant, vênit & successit. Præmortui omnes illi sunt, quid? nisi vt vnum facerent Hispaniæ totius caput. Magnus fauor Numinis, nec semel in hac gente (Austriam dico) se ostendit: quæ per hereditates & aduenticia incrementa ferè creuit.

* Regnare
 cepit an.
 1550. cccc.
 xcv.

II. *Regna à Deo & Reges tolli.*

Vis illustre exemplum? CYRVS erit. qui per 1.
 annos triginta, in magnâ gloriâ rex Persarum, finitimis, deinde longinquis, subactis, longiùs manus etiam ad Scythas porrexit. Venit cum magno & victore exercitu, ô dedecus! à fæminâ vincendus. *Thamyris* ea erat, quæ genti præerat, & filium ad fines regni repulsurum vim externam miserat: sed victus est, & insidijs à Cyro circumuentus. Ergo ipsa molem regni ultimam exciuit, & dat se animosè obuiam, atque ijsdem fraudibus circumuentum & clausum, ipsum copiasque cecidit. Dūcenta Persarum millia erant: ingens clades: adde ludibrium. caput mortuo refecat, & in virem sanguine plenum merso exprobrat: *Satia te sanguine, quo expleri nequisti.* Regnum longâ mole fundatum, vbi es? rex tot annos felix & victor, vbi es? quò Fata & ordo rerum miserunt, à summis ad ima decidisti.

Iam POLYCRATES, rex Samiorum, non fortu- 11.
 nati, sed Fortunæ nomen videbatur. Nihil ei in vitâ aduersum: ante vota, supra vota, omnia aderant: id est, priusquam vellet, & plusquam vellet. Cælum, terra, mare fauebant, aut seruiebant: & res in exemplo raro dixit. Anulum in mare abiecit, quasi Nemese placandæ: quid sit? in pisce mox inuentum recepit. At vltima dissident. & *Oroetes* Darij regis satrapa victum, captum, morte, nec ea communi (non dicam regia) affecit: sed in cruce alta suspensum, mirabile & miserabile orbi spectaculū, subiecit. O verè Deum, qui inopinatè mutat!
 Et

III. Et in VALERIANO etiam Imperatore Romanorum, id est orbis pænè terræ, quàm simile ludibrium! Ille post quindecim regni annos in ignobilem seruitutem, & audientium aures grauaturam, vi Fati incidit. Bellum, magnis viribus, *Sapor* Persarum regi fecit: sed eo fine, vt victus & viuus in manus hostium veniret Imperator. Barbaro fastu victoriâ vsi sunt. siquidem *Sapor*, vt catenarum mancipium circumduxit; & quoties equum conscenderet, non manu eius, sed inclinati dorso, adiurus innixusque est. Quis hominum sic subitò deijcere & calcare Principem rerum potuit, præter diuinum supremumque decretum?

IIII. Affidet, quod *BAIASITES PRIMVS*, quem *Gilderun Chan* à fulmine Turcæ dicunt, magnus animo & rebus Imperator fuit. Atque is variè, & per decem ampliùs annos victor, magno illo prælio cum *Temire Chano*, quem *Temir-lancum* à claudicatione item vocant, conflixit. Vtrimque ingentes copiæ. robora virorum & militiæ vsus à Turcis; Fatum aliunde stetit. Nam & auxiliares copiæ Tatarorum in ipsâ pugnâ deseruerunt *Baiafitem*, transitione ad hostem factâ: idem milites, è regione *Germiani* & *Mentesij*. Solus se non deseruit, cum immoto Prætoriano agmine, *Baiafites*: & murus illic belli. Sed vis ac multitudo perripit, ipse captus, filius eius *Mustaphas* cæsus, & quidem feliciùs. Nam pater ad victorem *Temirem* perductus, honestè primùm exceptus est: cum & obuiam pedes extra tentorium iuisset illi, in equo aduentanti. Cum descendisset; vterque, pro more gentis, humi in tapete consedit. atque ibi *Temir* (operæ pretium visum, fide Annalium Turcicorum

cicorum verba dare) O * Chan, inquit, magnas v-
 terque Deo gratias debemus : ego, quòd claudius ille ab
 ipsis India finibus ad mania Sinaſta imperium exten-
 derim ; tu, quòd à Sinaſtâ, ad ipſos Pannonia fines.
 Orbem terra inter nos partiti panè ſumus . Debemus
 igitur gratias , atque ego reddidi , & reddam : tu ve-
 ro parum fortasſe memori grataque mente fuiſti , &
 ideo hæc calamitas interuenit . Sed age mi Chan, ſi ego
 in tuâ ſic ſim poteſtate, quid ageres ? dic liberè & ve-
 raciter . Ibi aiunt Baiaſitem, qui feroci & elato a-
 nimo erat, ſubiiciſſe : Equidem te , ſi numen victo-
 riam aduiſſet, in ferream caueam incluſum circum-
 duiſſem , ſpectaculo & oſtentui cunctis . Temir eo
 audito, ſententiâ hac in ipſum eſt uſus, & ſic inclu-
 ſit . Miſer triennium ferè ita vixit : & cùm deſpe-
 ratâ liberatione audiſſet in Tataros ſe abducen-
 dum , caput validis iteratiſque iſtibus caueæ fer-
 reæ incuſſit, & indignantem animam ſic emiſit .
 Multi & pulchri ludi in hoc Mundi theatro : ſed
 tragœdiam belliorem rarò, aut nec legimus .

Niſi lubet & ad Sacros apices venire, & videre V.
 quomodo nec ijs viſiſta parcat . CAROLVS CA-
 RAFFA à Paulo IIII. Pontifice deſignatus Car-
 dinalis fuit: eius frater IOANNES Montorij Co-
 mes, & Dux Paliani factus . Omnia iſti apud
 Pontificem, quæ vellent, poterant : & plus quàm
 æquum decorumque erat, volebant . Manſit au-
 ra ſecunda, quamdiu ſidus illud luxit: poſt eius
 occaſum , Pius Quartus in Pontificatum aſſum-
 ptus, idque operâ & gratiâ (notabile eſt) Ca-
 raffarum maximè . Sed iſte inter primas ferè pu-
 blicas aſtiones habuit, Caraffas euertere : fecit-
 que initium VI I. Idus Iunij, ipſo die, quo Carolus
 pilei

* Dominum
 notat.

∞ .15. LX.

pillei honore donatus fuerat, in carcerem eo coniecto. Additus Dux Paliani, frater; Comes Allifanus, alijque propinqui eorum aut clientes. Nouem menses in arce Sancti Angeli habiti, non nisi crimina & mortes audierunt: & hanc denique sententiâ Pontificiâ subierunt. Cardinalis nocte, carnificis manu strangulatus; Dux capite truncatus, vnâ cum Allifano Comite; & cadauera in publicum spectaculum exposita. Quis sensus, & occulta vox, tibi Roma tunc fuit? cum multi Pontificis feueritatem, & ingratitude, accusarent: sapientiores, incerta rerum humanarum, sub illustribus exemplis, agnoscerent; & vilium reorum pœnâ atque ignominiâ perijsse, qui dignitate & opibus culmina paulloantè fuerant rei Romanæ.

MON. III. *Et causas quasdam medias, sed inopinatas, his interuenire.*

1. Adstruit & asserit se vbique Prouidentia: sed apertius, cum causæ quædam mediæ subitæ, aut insolitæ interueniunt, & licet dicere, Quis expectasset? In DIONIS rebus hoc elucet, cum Syracusas liberatum iret à tyrannide Dionysij, graui & famosâ. Erat tum fortè in Italia Dionysius, & res alias agebat: id quod Dioni (fato sic disponente) commodè & feliciter euênit. Nam cum ipse in Siciliam, exiguis copijs, animo quàm prudentia maiore, appulisset: *Timocrates*, primus amicorum Dionysij, & qui vicem eius regebat, statim hominem certum cum litteris ad Dionysium ablegat, qui Dionis aduentum, & res in Sicilia motas nunciaret. Summa erat, omnia relinqueret, rediret, nisi à suis

fuis vellet relinqui . Homo feliciter fratrum trajicit, *Cauloniam* terrâ tendit, vbi Dionysius tunc securè agebat . In viâ fortè notus occurrit, qui recens victimam immolauerat , & partem eius amicè communicat & donat . Accipit, in vidulum lateralem imponit, vbi & Timocratis epistola erat . Pergit intereà strenuè , & noctem itineri cùm adsumpisset . iam fessus, neglectim abiicit se in humum, & componit leuiter dormiturus . Haud procul à siluâ erat : è quâ ecce lupo egreditur , & odore carnis stimularus accedit, & vidulum à latere abripit cum ipsâ carne . Paullopòst homo experscitur , vidulum desiderat , & circâ quærit: frustra. itaque metuens offensæ aut pœnæ, non sustinet ad Dionysium ire, & aliò diuertit . Hoc casu , tardius quàm opus erat, & alijs litteris, Dionysius cognoscit quid ageretur . Subuenire vult, non potest : à sceptro ad ferulam redigitur . à quo? Deo, Deo, qui inopinatum illud interiecit.

Quid in M. BRUTO, & campis Philippicis? II.
manu Prouidentiam tango. Legiones vtrimque, & instructæ copiæ : egregij duces. concurrunt: vincit cornu dextero Brutus , & oppositum *Octavianum* pellit, atque adeò castra eius capit : & quàm pænè ipsum ? Plena & certa victoria videbatur : sed quam Cassius malâ sorte peruertit . Nam ipse ab *Antonio* pulsus in suo cornu ; sed fugâ & damno leuiore : & facilis instauratio , si de Bruto sciuisset, aut sperasset . At campus, qui puluere stabat, impediit prospectum : & triste, sed falsum , ei augurium in animo , victum etiam Brutum esse . Tamen adhuc dubius, substitit in colle quodam, & L. Titinnium, ex fidis amicis, mittit ad explorandum.

dum . Ille in Bruti milites statim incidit , victores & , vt fit , palantes . De Cassio, *Quàm saluè?* quærunt , audiunt , & læti Titinnium circumfundunt , & vnà ad Cassium , animaturi eum tendunt . Qui cùm videt , & rectà ad se venire , hostes arbitratus , & amicum suum captum : *Quid ultrà moramur?* inquit : *spes, vita, dedecus abeant :* & simul ceruices suas liberto præbuit incidendas . Vix factum , Titinnius superuënit : & casum miseratus , sibi iratus , (quasi mora in causâ fuisset) idem genus fati sponte sumpsit . Hæc res & Brutum perdidit : qui in Cassij animâ suum animum amisit .

- III. Multa possum : vnum ex historiâ vetere , & de inclyto illo ANNIBALE inter omnis æui duces . Iure hoc elogium vindicat : nec fuit aut erit , qui militari astu aut peritiâ virum æquabit , non dicam superabit . Is in Italiâ dominabatur , post Cannas victor : & quid nisi Roma restabat ? Frænum fati cohibuit , ne statim iret : idem consilia eius alia , consulta licet & firma , euertit . Fœdus cum *Philippo* tunc Macedonum rege percusserat , & vt is in societatem belli , aut potius victoriæ , veniret : legibus ijs , vt Italia quidem Annibalis & Carthaginensium esset ; Græcia Philippi , Punicis mox armis subiuganda . In hanc rem firmandam , Xenophanes legatus à Philippo mittitur . nauigat , legit oram Italiæ , iuxta Tarentum in classem Romanam incidit , capitur : & *Quis, quò, quare* , rogatur . Ille Græculus , callidomendacio se expedit , & ait à Philippo rege ad Senatum Romanum mitti , vt fœdus in Annibalem & Pœnos iungat . Romani , & eorum Dux Valerius Lævinus , latari , otare : & cælitus tam opportunum auxilium , à potenti rege , in re-

in rebus arctis, missum opinari. Itaque honore honestant, prosequuntur, & in tutum Italiæ litus exponunt. Expositus ille rectâ ad Annibalem tendit, & mandata dat, accipit: denique de tota re peragit & definit. Nihil supererat, nisi vt ipse ad Philippum, Philippus in Italiam veniret; & funus res Romanæ essent. Deo aliter visum, vigilat: & in reditu eadem naus in Romanam classem incidit, sed cui Q. Fuluius præesset. Ille prioris doli & hominum ignarus, quærit solita: & Xenophanes semel mentiendi felix, eodem applicat, *A Senatu venire, ad regem suum ire*. Hæc vultu ac voce constans: iamque persuaserat. cùm ecce vident inter comites, quosdam Punico habitu. & *Qui isti?* clamât Fuluius: *à Graciâ non sunt*. Turbantur, fœtentur, in vincula dantur, Romam mittuntur: omnia consilia & pacta detecta, Roma seruata. Seruare enim eam fuit, vel in tempus cœpta impedire, & donec misera respirasset. I nunc, & quis Epicurus hîc Prouidentiam neget?

Iterùm idem in E O D E M. Rebus iam, sua culpa & mora, dubijs, & Romanis animo ac viribus auctis: vt suas pariter firmaret, fratrem *Asdrubalem* ex Hispania euocauerat, cum nouis copiis, & valido exercitu. Iam Alpes transierat, iam aduentabat: quis non actum de re Romana censuisset, quæ ægrè vel vni Annibali resistebat? Iunge istum, veteranum ducem, tot subsidia: ad exsequias tuas Roma imus. Vide rem leuem, sed à Deo, quæ turbat. Nesciebat etiam Annibal fratrem in Italiam venisse, & in extrema Apulia confidebat: cui obuiam ire, ratio alioqui & consilium erat. Miserat autem Asdrubal, præmijs inductos, quattuor Gallos equi-

tes, duos Numidas, qui omnia Annibali significarent : sed ij cùm totam ferè Italiam turò emensi ad Tarentum venissent, ibi à vagis Romanis pabulatoribus excipiuntur, Annibali iam vicini. Deducuntur ad Consulem *Claudium Neronem*, castra opposita Annibali illïc habentem : fatentur, litteras tradunt, per interpretem explicantur. Ibi cognitum, Asdrubalem in Vmbriam venire in animo habere, ac fratri ibi occursuro iungi. Consul statim, magno animo facinus ausus (vt in magno periculo) validissimam partem copiarum clàm è castris subducit : lectos omnes, sex millia peditum, mille equites : & dies noctesque non intermisso itinere, occultus ad *Linium Salinatorem* (is alter Consul oppositus Asdrubali erat) venit. Ita statim duplicatis viribus cum Asdrubale pugnatum : cuius victi & cæsi caput Nero secum eadem celeritate in castra refert : ac postero die ante stationes hostium proiecit. duobus etiam captiuis dimissis, qui rem omnem ordine nunciarent. Tum denique perculsus, imò desperatus Annibal, vocem hanc è pectore emisit : *Agnosco fortunam Carthaginis*. Benè, benè. Tu nitere, & omnia fac : vincens non vinces, prudentia infra fortunam erit, & Nemesis Carthaginem tuam premet.

MON. II II. Regna à Deo & Reges temperari.

1. Breue monitum, sed magni sensus & vsus: videre quomodo Deus disponat & cohibeat, hos ne crescant, hos ne cadant : & velut in æquilibrio res suspendat. Hoc Nicephori Gregoræ verbis dicendum

dum est: *Mirari mihi subit*, inquit, *impernestigabilem Dei sapientiam, qui planè contraria uno fine conclusit. Nam cum duas aduersarias potestates inter se committere statuit, nec alteram alteri subicere: aut ingenio & virtute praestantes utrique parti moderatores praeficit, ut alter alterius cōsilia & conatus euertat, & utrimque subditorum libertati consulatur; aut utrosque hebetes & imbelles deligit, ut neuter alterum tentare, & septa (quod aiunt) transilire audeat, veteresque regnorum limites conuellere. Dicit prudentius nihil potuit: & Prouidentiae hanc dispositionem quot exempla adfirmant? non insisto, & vetera omitto: sed nuper Carolus V. nobis, Franciscus I. Gallis, Soleimannus Turcis, imperitabant: quibus eorum dignus orbis terræ imperio. & habuissent, aut promouissent; nisi concursus ille fuisset, & alius alium interpellasset. In parte alterâ exempla, quæ verecundiâ prohibitus non dicam.* Lib. v.

MON. V. *Clarissimè Fata in Prædictionibus elucere.*

At nulla res Fatum clariùs certiusque, quàm i. Vaticinia, aut Prodigia asserant: quæ diu antè, caussis notisque nullis apparentibus, cum euenta designent: quid nisi & hæc definita, & à Deo esse clamant? Daniel ille VATES, & SIBYLLÆ, multis antè sæculis multa & magna prædixerunt: unde, & quomodo, nisi quia in Prouidentiae libro hæc descripta? & Deus reuelauerat. Nam ita amat Numinis illa benignitas, per *Somnia*, per *Signa*, per *Spētra*, & *Vaticinia*, res futuras ostendere: diuinitati suæ adstruendæ, nobis instruendis aut præ-

parandis. Latus latusque campus est, placet ingredi, & leuiter lustrare? fiat. Ac primò de SOMNIIS, nobile est quod ASTYAGI ultimo Medorum regi factum. Vidit per quietem, ex natura filiae, quam vnicam habebat, vitem enasci, & sic mox diffundi, vt totam Asiam palmito suo obumbraret. Consulti vates aiunt, *Nasciturum ex filia, qui Asia regnum occupet, suo cum nudet.* Territus hac denunciatione, & vt fatum auerteret (miser, quid operam ludis?) iamprimùm filiam suam extero, & obscuro tunc viro, *Cambysi* despondet. deinde eandem partui vicinam ad se traducit, & vt quod natum esset se teste necaretur. Ergo infans *Harpago* traditur occidendus, notæ fidei, & cui arcana illius regis iamdiu innixa. At ille veritus, ne si mortuo Astyage imperium ad filiam veniret (nec enim virilis ei sexus liberi) pœnam obsequij lueret: non necat, sed pastori regij pecoris tradit exponendum. Fortè & vxor huius pepererat. quæ re audita, summo rogat opere maritum, puerum ad se deferri, & oculis saltem libari. Maritus indulget, it in siluam vbi reliquerat: repperit canem fæminâ, quæ mammas præbebat, & vnâ alites ferasque abigebat. Tactus miraculo, & vel à cane doctus miserari, collit puerum, vxori defert; quæ videt, amat, alit. & crescit in virum, in regem: qui Astyagem vicit, sceptrum ad Persas transtulit.

- II. Sed & ANTIGONI somnium mirabile, super *Mithridate*. Ille è Persarum magis oriundus, erat in comitatu Antigoni Macedonum regis, Perside scilicet deuictâ, & fortunâ suâ cum publicâ inclinâtâ. Visus videre noctu Antigonus, sementem auream in magno campo se facere, eam surgere, adulescere

lescere & maturefcere : fed mox omnia demeffa item videre, & culmos fpicasque iacere inanes. Vocem adhuc audire, *Mithridatem in Pontum Euxinum fugere, auream meffem fecum affportantem*. Non obfcure fomnium, aut fignificatio, itaque rex, vbi euigilaffet, exterritus tollere ftatim Mithridatem ftatuit, & cum filio *Demetrio* communicat, fidem fientij iureiurando ftipulatus. Erat familiaris, in pari ætate, Mithridati Demetrius : & fortè ifte fe obtulit, à recenti indicio. Miferatur adolefcens, & adiutum velit, fed religione iuramenti cohibetur. Quid facit? apprehenfum feducit ab aliis, & nihil offatus, haftâ in terræ puluere fcribit : FUGE MITHRIDATES. Quod ille arripit, & verbis iftis, & vultu ipfo Demetrii mōitus, in Cappadociâ clam aufugit, & regnum mox potens & inclytum Ponticondidit : quod ftetit in octauam ab eo ftirpem, alterum illum *Mithridatem* Romanâ potentiâ vix euerfum.

Afsidet iftis, & primo utiq; fomnium quod ER- III.
TVCVLES pater *Osmanis*, à quo potentes ifti Afatici *Osmanida*, vidit : fed vidit de die, cū poft cibum fumptum meridiaretur. Experrectus igitur, & imagine eâ confufus, primò corpus aquis abluit, & fe purgat, vti religio gentis eius habet. tum ad *Edebalem*, virum inter ipfos fapientem & fāctum, venit atque inftit : *Somniaui vir venerabilis* (Annalium Turcicorum verba pono) *ſplendorem Luna è ſinu tuo prodire, eumque in meum deinde ſinum peruenire. Eò cū delatus eſſet, ex meo umbilico enaſci arborem, qua regiones varias, montes & valles inumbraret. Ad ipſas autem radices arboris, aquas emanaffe, quibus vineæ & horti rigarentur : atque ibi*

somnium me somnusque deseruit. Edebales audito, aliquamdiu secum reputans, effatur: Nasceatur tibi filius, vir bone, cui nomen erit Osman. Is multa bella geret, victoriam & famam pariet, ac posteri tui Principes Regesque terrarum erunt. Mea autem filia Osmani nubit: atque is splendor est: qui è sinu meo prodiiit, & in tuo coimit: ex utroque autem arbor. Quàm mira, & vera prædictio! sed & de Lunâ notabile, quam scimus inter signa prima esse Turcicæ gentis.

III. Iam ad SIGNA transeo: quæ *Magna* aut *Parna*, sed certa pariter se ostenderunt. TIMOLEONTI Corinthio, cum in Siciliam, ad pellendum tyrannum, exiguâ manu iret: fax ei in mari, totam noctem, nauiganti præluxit. Amplius, Delphos paulloantè profectus, ut Apollini sacra & vota faceret; è donis suspensis vittam, in caput suum deciduam, ita excepit, ut coronæ aut diadematis ritu cingeretur. atque erat ea vitta victoriolis & corollis intexta: prorsus ut à Deo coronari, & victor pronunciarî videretur. Quid, quod eidem ante pugnam cum *Ice*te contigit? Contentio honesta inter Centuriones & manipulos de ordine erat, & præire omnes volebant: cum ille, liti dirimendæ, sortem definire iubet, & anulos Centurionum in eam poscit. Conijciuntur in sinum vestis, commiscuntur: qui primus educitur, is trophæum pro insigni habebat insculptum. Aucti omnes ab omine animis, in hostem alacriter eunt, cædunt, vincunt.

V. MARCIANO Thraci, plebeio genere, & mox Imperatori, plura hæc potentia Signa euenerunt. Ad militiam primam eunti, & ut nomen daret, cadaver hominis occisi in via offertur: ad quod substitit,

tit, & miseratione tactus in eo est vt sepeliat, & terrâ tegat. Dum facit, deprehenditur, accusatur vt homicida, & Philippopolim abducitur. Iam pœna imminebat infonti: cùm verus homicida casu superuenit, & agnoscitur: ipse liber ad vicinos numeros tendit. quibus inscribitur, & (pulchrum omen!) in locum defuncti militis, *Augusti*. Et iam cum legionibus in expeditionem ibat: cùm morbus eum inuasit, & in Lyciâ substitit, hospitio apud duos fratres exceptus, *Iulium & Tatianum*. Cùm meliusculè ei esset, recreandi causâ, tres simul venatum eunt: & fatigati decumbunt, & dormiunt. Æstus solis erat, & ipse meridies: ibi aquila, pansis alis, leuiterque corpus librans, super Marcianum se suspendit, & umbram fecit. Tatianus exspectatus id videt, ac fratrem excitat, & ostendit: Vtrique mirabundus haud vanè augurantur, auem regiam regnum ei portendere: & Marciano futurâ sortem gratulati, ducentos etiam aureos in viaticum donant. vnum hoc apprecati, vt memor gratusque esset, cùm ad Imperium venisset. Idem hoc prodigium iterùm ei sic factum. In Africam, sub *Aspare* copiarum duce, profectus est: atque ibi pugnâ cum *Ganzerico* rege parùm prosperâ, capitur asservaturque. Cum pluribus sub diuo recumbit, calido item sole: ecce aquilam quæ aduolat, Marciano supersistit, & incorâm omnibus umbraculum ei sedulò præbet. Vidit ipse Ganzericus, & miratur, & vocat: ac litterum hac lege amittit, vt Imperator pacem cum Vandalis colat. Nec diu post, mortuo *Theodosio*, *Pulcheria* eius soror Principem hunc, & sibi maritum, destinat. sed maritum sermonis causâ: stipulaturque vt nomine contentus, cetero fructu corporis sui absti-

D 5 neât :

neat : quod castū pia virgo Deo consecrasset. Num-
quid veracia, & palàm à Deo hæc Signa ?

VI. Atque eadem, sed tristioris fortunæ nuncia, in
DEC. XII. Hispania apparuerunt, RODERICO ultimo Gotho-
rum rege. Palatium Toleti erat, sed clausum & va-
lidis vectibus ferroque munitum. Fama tenebat,
referatum id excidio Hispaniæ futurum: quod Ro-
dericus ridere, & thesauros oculi rarus, seras per-
fringendas curauit. Thesauri nulli, ceterum arca
reperta, & in ea linteum : in quo insolentes homi-
num facies vestesque depictæ, atque ipsi militæ
habitu atque impetu grassantes. Verba Latinè in-
scripta, *A talieâ gente exitium Hispaniam parere.*
Quid plura ? fides factis facta : *Julianus* Comes,
cuius filiam rex stuprauerat, ex Africa hostes indu-
cit, regem occidit, patriam perdit

VII. Sunt & *Parua* magnarum sæpè rerum signa. No-
stro ævo, cū in locum *Pauli* : III. Pontifex crean-
dus esset, & in conclaue purpurati patres venissent:
en super IOANNIS ANGE Cardinalis Medicæi,
qui post PIVS IIII. nonnō habuit, columba ali-
quamdiu circumuolans, cellam confedit : nec a-
liter omnes interpretati sunt, quàm velut à Numi-
ne missam, Pontificē hunc ostendere designandum.

VIII. In translatione Lusitanici sceptri ad PHILIPPVM
Hispaniarum regem, notatum à curiosis est, *Seba-*
stianum regem Lusitanix, cū in Africam magnā
mole moueret, & pecuniæ inopia esset, edicto per-
misse & aditum dedisse in Lusitaniam *Regalibus*
Castellanis : quod genus monetæ antea ibi spretum.
Item, in ipso apparatu & cultu nobilium, sub dis-
cessum omnes subito variasse, & ad Hispanicum
trans-

transisse. Clariora sunt, quàm vt interpretatione illustrentur.

At verò SPECTRA etiam sepè & Genij, variâ specie, prædicunt. Vt ille, qui DIONI SYRACVSIO apparuit, postquàm patriam magnâ suâ gloriâ à tyrannide liberasset. Domi sedebat, & clarâ luce habitu Furiaë mulier se obtulit, grandi staturâ, horrendâ feditate. Ea domum scopis cœpit verrere, nihil aliter prolocuta: & terito Dione, cùm familiares aduocasset, spectrum abscessit. Sed non noxa, quam signabat. nam filius eius grandior, incertum an per insaniam subitam, an iram, è summâ domo præcipitem se iecit, & fædè occidit. Sed & ipsum Dionem mox insidiatores domi interfecerunt, vxore & sorore eius in carcerem abductis. Quid? non egregiè domus hæc versa, si non euersa fuit, monstro significatum?

M. BRUTO Dionis æmulo, simile etiam spectrum oblatum. Parabat trajicere ex Asiâ exercitum in Europam, & funestos illos Philippos, vbi mox certatum. Nox alta erat, Luna lucens, & Brutus aliquid serium animo voluebat, aut, vt alij, lucubratur: cùm ecce sonus strepitusque ad cubiculi ianuam, & ingreditur vastâ formâ Æthiops, saeuo & terrentè aspectu. atque is silentio ante Brutum constitit. Qui animo & ore constans, interrogat: *Quis hominum deorumque es? qua res huc egit?* Responsum rettulit: *Malus tuus Genius sum, in campis Philippicis me videbis.* Iterum animosè Brutus: *Videbo.* Disparuit. sed vt dixerat, in ipsis illis campis comparuit, nocte quæ pugnam vltimâ antecessit: cùm à bono Genio Brutus

tus desertus, malo succubuit; atque adeò ipse occubuit, & Romania cum eo libertas.

xi. Compar istis, quod patrum ævo **LYDOVICO**

æ. 15.
xxvi.

Hungariæ regi accidit: cui bellum *Soleimannus* Turcarum Princeps parabat, atque ipse pariter se accingebat. Prandebat in arce Budæ, foribus tunc regiæ de more clausis. Astat ad portam quispiam humanâ specie, sed claudus, distortus, & habitu cetero cultuque sædo: qui acri ac stridulâ voce clamat, poscitque colloquium regis. Negligitur, & putabant mendicabulum hominis esse: cum magis magisque inclamat, & opus conuento rege, nec alio, esse. Re ad regem delatâ, mittit è splendidioribus aulicis, iussu nomen & personam suam præferre, & hoc quidquid esset elicere. Venit, & appellat claudum de arcano. qui inspecto, abnuat hunc regem esse: & *Quoniam*, inquit, *audire aspernatur, abi, nuncia breui & certò periturum.* Et cum dicto ex oculis adstantium euanuit. Nimis vera comminatio fuit. rex ad *Mohatzium* urbem, grandi prælio victus, & fugiens in paludes incidit: & dum enititur, equo super eum corridente obteritur, aut suffocatur. Annum agebat vigesimumprimum.

xii. Ad **VATICINIA** aut prædictiones venio: è quibus *Thrasylli* **TIBERIO** facta, quàm testata est? Erat in comitatu Tiberij, Mathematici titulo, cum Rhodi in exilio ageret. In exilio: & quàm procul à Principe? & *Caius* ac *Lucius Cæsares*, etiam viuebant. Non desinebat tamen iste identidem Tiberio fidem facere certi Principatus. Sed parùm credulo, & iam de dolo etiam suspectanti: & ne subornatus ab æmulis, ad eliciendas arcanas aliquas

quas voces esset. Atque adeò perdere eum statuit, & clam necare. Domum Rhodi habebat. & in eâ turrim, quæ rupibus imposita, mare ex alto despectabat. In hanc turrim ducit Thrasyllum, cum vno fido & valente liberto comite: certus, ut dixi, tollere, nisi fidem ei faceret fidæ prædictionis. Cum ascendissent igitur, cœpit interrogare: *Soli sumus, dic per quidquid carum habes, vera hætenus mihi dicis? de imperio etiam adfirmas*: Ille iterare, & sidera sic velle. *Si de meo igitur statu compertum, inquit, ex sideribus habes: de tuo ecquid vis? inspicere*. Ille thema ponere, situs ac spatia siderum considerare: denique timere, pallescere, & exclamare, *Anceps sibi, ac propè ultimum, discrimen instare*. Eo dicto complexus hominem Tiberius, verè conscium futurorum asserit: & quod de ipso meditabatur, si non satisfecisset, pandit. Quâ arte hoc Thrasyllus potuerit, verè siderali, an potiùs Geniali, alibi videndum sit: nunc aliud eius mirandum addo. Ambulabat in litore, cum eodem Tiberio. navis longè conspicitur: ille statim affirmat Româ venire, & litteras nunciosque ab Augusto de reditu eius afferre. An & hoc tale ex sideribus? nugæ: ex instinctu.

Neque minùs nobiles istæ (plures enim sunt) in **xiii.** DOMITIANI Principis rebus. Fuit *Largius Proculus* quidam, vir inter illustres: qui publicè in Germaniâ prædixit, ipso tali die Domitianum obituum. Cumque res ea ad Præsidentem dimanasset, gratificaturus Domitiano, & simul quia hæc præsentia vetita, vinctum eum Romam misit. Nec negavit, cum introductus ad Domitianum esset, imò magis magisque asseveravit. Iussus igitur in carcerem recludi,

cludi, & asseruari donec dies is transisset, tum puniendus: imò, vt res docuit, tum liberandus, & præfagi suspiciendus. Aliud. Fuit eodem tempore *Ajletario* Mathematicus, qui & diem & genus mortis Domitiani apud quosdam dixit. Vocatus ab ipso, eadem iteravit: quærentique Domitiano, vt eluderet, *Tu igitur, quâ morte periturus?* ille statim, *Fore, vt à canibus laniaretur.* Tum Imperator, ad fidem coarguendam, exemplò abduci, & viuum exuri iussit: siue, vt Suetonius, prius interfectum. Sed vtrum horum, tamen extra urbem, viâ Latinâ, homo vritur, scilicet vt nihil reliquum, è cadauere esset, quod canes laniarent. Sed ecce nimbus subito ortus rogam exstinguit, & ministri semiuictum relinquentes diffugiunt. Canes superueniunt, & vorant. Vespere cænant Domitiano, inter alias fabellas eius dici, id refertur: & valdè eum, sed frustrâ commouit. Munit se, domi hæret, neminem admittit: sed sui eum reperiunt, & Stephanus, cubiculariorum primus, cædem patrat. Quâ ipsâ in re, *Apollonci Thianei* nobile vaticinium non est omittendum. Erat tunc Ephesi in Asiâ, tanto terrarum & marium abiunctus. Is dissertationem fortè in publico habebat, ac primò hæsitare & loqui remissiùs, mox pallescere, & silere: denique passus aliquot exsiliens, vt mente motâ, *Enge Stephane*, inquit, *rectè. Percute tyrannum, percutite homicidam. Benè est, percussisti, vulnerasti, occidisti.* Hæc in publico dicta & gesta, ipsâ horâ, quâ Stephanus percussit: ô mira, sed vera. Attexetur autem non indecorè

Q V A E S T I O:

Liceátne igitur & deceat, in euentus inquirere, & vates aut diuinos consulere?

Non arbitramur: etſi ſuprà tetigi, prudentiâ aliquâ ſcrutari poſſe & odorari, quò tendant fata. Sed diſtinguēda tota res eſt: & ſic habe. Indicijs aut notis, quas vir prudens ex lectione, ex uſu, & obſervatione ſimiliũ collegerit, aliquid ſuſpicari aut præſumere de fatiſ, id licet: ſed cautè, & timidè. At ex artibus magorum, ariolorum, diuinorum, mathematicorum, & quod aliud tale genus, id verò nefas eſt, nec diuina aut humana lex permittit. Deus palàm edicit: *Non inuſniatur in te, qui ariolos ſciſcitetur, & obſeruet ſomnia atque anguria: nec ſit maleſicus, nec incantator, nec qui Pythones conſulat, nec diuinos, & querat à mortuis veritatem. Omnia enim hæc abominatur Dominus.* Et noſtra diuina lex tantum: etiam falſa illa Mahumetis. Ioannes Leo ſcribit: *Magiam & caballiſticas artes lege Mahumeticâ vetitas, & velut hæreticas haberi. Huius*

Deuteronom.
ca. XVIII.

enim, inquit, Alcoranus OMNE DIVINATIONVM genus vanum eſſe aſſerit, Denmque ſolum ar- cana noſſe. Benè hoc & prudenter Mahumetes: atque omnis bona Reſpublica damnat. Illa Romana, quot decretis & legibus? notæ ſunt: nec cauſæ etiam ignotæ, aut diu quærendæ. Eruo iſtas. primâ, quòd turbant prædictionibus animos, & ad nouas aut magnas ſpès impellunt. Mæcenas apud Dionem, in Oratione ad Auguſtum de Republicâ conſtituendâ, dignâ quàm Principes legant: *Τῶς ὅ μα- γείας, inquit, πάντῳ οὐκ εἶναι δεξιόται. πολλοῖς δὲ πολλὰ*

Lib. III. de
Africâ.

Lib. LII.

καὶ οἱ

καὶ οἱ ποῖτοι, τὰ μὲν πνα ἀληθῆ, τὰ δὲ πλείω ψαδῶ λέγον-
τες, νοχιμουῶ ἐπαίρουσι *Dinios & vates in republicâ*
esse, prorsus non oportet. Multos enim hi tales, dum
vera quadam, plura falsa proferunt, ad res novas
impellunt. Rem dicit. & quid tam proprium istis,
quàm magna & blanda prædicere, & animos ad
fortunæ fastigia attollere? facili nostrâ credulitate,
tamquam peritiâ, & monitu fatorum (ait Tacitus)
predicantur; & cupidine humani ingenij, libentiùs
obscura credi. O veriloquia! inclinamus: & vidi
& risi Principes viros, auribus atque animis in hæc
pronos, imò alia omnia artium præ his spernentes.
At, vt Dio aiebat, turbas & res novas dant. Quis
nescit, qui historiam veterem legit? & *ad scelus* (ait
iterùm Tacitus) *ab huiusmodi votis facillimè transi-*
tur. Hinc conspirationes in Principem, aggressio-
nes, deiectiones: & quæ copiâ exemplorum deter-
reor affirmare. Poëta sufficiat, aut veriori nomine
hîc vates:

Statius.

— *Nos prauum ac debile vulgus*
Scrutamur penitus superos. hinc pallor, & ira,
Hinc scelus, insidiaque, & nulla modestia voti.

Apollo veriora dicta numquam dedit. Sed caussa
altera, Fallacia. Nihil in prædictionibus istis fir-
mum, nihil ex arte certâ (quidquid assimulent)
haustum: & qui veriora dixisse videntur, à Genijs
habent. Sed iipsi quàm ament & gaudeant nos
fallere, id quoque scimus. Quid, quòd vel inuiti
etiam fallunt? neque enim sunt omniscij, & quam-
quam subtiles, & arcanorum Dei per notas scruta-
tores: tamen aberrant, & abyssum illam Fati non
peruadunt. Itaque benè iterùm Tacitus: *Mathe-*
matici, genus hominum potentibus infidum, speranti-
buss fallax. Certè vtrumque. nam & potentes desti-
tuunt

1. Histor.

tuunt aut decipiunt, aliò transgressi : & vanitatibus fallunt. *Pátere* (ait iocosè Seneca) *aliquando Mathematicos vera dicere*. Patior. & tot sagittas cùm emittant, vnam tangere, aberrantibus centenis. Enimuerò ridiculi Principes, qui huc se donant. Vide Agrippinam, Neronis matrem : quæ mortuo Claudio, domi eum aliquamdiu tenuit, & famam de morte suppressit, vt progressui scilicet & auspicijs *tempus prosperum, ex monitis Chaldaorum, attentaret*. O dii deique, tetigit ! quàm salutatis ille rector, quàm diuturnus, quàm illi & sibi lætus etiam fuit ! Bellum aliud in Nicetâ Choniæ, prudenti illo (fatendum est) historiæ scriptore. Tangit vitium sui (vtinam non & nostri !) æui, atque ait : *Nostri temporibus IMPERATORES NIL SINE PRÆSCRIPTO ASTROLOGORVM agunt : & rebus gerendis dies atque horas eligunt, vt sidera dictarunt*. Itaque Alexius Imperator, diu cunctatus, quando opportunè Blachernas rediret : tandem dies & hora ex astris eliguntur. Redit. & quidem ita feliciter, vt cùm primùm se moueret, terra ante ipsum profundè dehisceret : atque ipse euaderet, sed Alexius gener eius, & multi illustrium in specum delaberentur, laderenturque : Eunuchus verò unus è gratiosis planissimè periret. En, & hîc veracem ac felicem artem ! quam Deus de industriâ ridendam sic propinat, vt nos auertat. Recitat magis ridendum, de *Manuele*. cuius imperio, cùm Siculi & Latini mare occupassent, vicinum Byzantio, & damnum ac dedecus in oculis cottidie esset : semel iterumque in eos classem misit, sed cum clade & ignominia semper repulsam. Igitur Mathematici & astra consuluntur, eligitur dies felicior, nec ambigitur de successu. Parat se *Constantinus Angelus*, vir il-

E lustris,

Tac. xii.
Annal.

lustris, & prodit iam in hostem : sed ecce citis nuncijs è medio cursu reuocatur : *quia explorauerat Princeps parùm certo & sagaciter indagationem factam, & erroris aliquid interuenisse*. Ergo thema iterùm statuitur, magnâ curâ: & diu disputato inter peritos, tandem conuenit de benefico & salutari siderum aspectu. Constantinus emittitur: & quid quæris? victoria in manibus. Aded quidem certò, vt vix in mare progressus Constantinus, non dicam vincatur, sed ipse cum suis capiatur: quò nihil dererius potuit euenire. Eant Principes, & his credant. Atqui peritiores aliquos fortientur. Ita, peritiores ad fallendum, non ad sciendum: & quidquid dicitur, extrema fraus & noxa occupabit, rideant licet prima. Valerij verbis claudam: *Mathematici (& alios intellige) lenibus & ineptis ingenijs, fallaci siderum interpretatione, quæstuosam mendacijs suis caliginem iniiciunt*. Audis Princeps? *lenibus & ineptis ingenijs* adhærent, placent: & tu inter eos cenferi velis? Audi & de *quæstu*, quod addit: finem hunc omnes istæ præstigiæ (non enim artes) habent: caue, sperne. Tantum, si *Somnia, Signa, Spectra, Vaticinia* Deus palàm mittit (& viros tunc pios doctosq; consule: insuper ne habe-

CAP. VI.

DE CONSCIENTIA.

Eam curandum esse, atque obsequendum.

A Religione priusquam abeam, de Conscientiâ etiam admoneo, & adnecto. Quid ea est? ex religione & Dei metu animi iudicium ortum, bona approbans, mala abhorrens. Omnes
illuc

illuc vocamur ab interno isto iudice, velut ad tribunal: & homini formato indelebilem hunc characterem Deus impressit. Tertullianus pulchrè: *Potest obumbrari, quia non est Deus; extinguì non potest, quia à Deo est.* Ut umque rectè, nam & nubes aliqua siue aulæum ei obducitur, affectû aut contemptu iubente: sed prorsus non amouetur aut tollitur, imò ipsa aulæum tollit. Mali doctores in Politicis, qui hanc seponunt aut calcant: qui externam virtutum speciem nobis ingerunt, ipsas admitti negant. Bis terque miserî, etiamne animo huic & Conscientiæ imponent? Vela te, & verte in varias formas: vbi cumque vera virtus non est, vitium subsequetur, & ex eo inquires in animo aut timor. Vetus illè idem scriptor: *Omne malum aut timore, aut pudore natura suffudit.* Quanto melius, securius, firmitus, rectâ aperta que viâ incedere, Deo, sibi, hominibus, se probare? Exclamare cum Philosopho nostro: *Nihil opinionis causâ, omnia Conscientiæ faciam. Populo spectante fieri credam, quidquid me conscio faciam.* Ades, ades, quisquis populum ducis, hanc habe consiliorum actionumque tuarum ducem & magistrum. *Nihil hac luce clarius, nihil hoc gloriosius testimonio, cum veritas in mente fulget, & mens in veritate se videt.* Vis vnum, sed illustre, probæ vitæ, probæ mentis exemplum? cape.

Apolog.
cap. 1.

Seneca.

Bernard. in
Cantic.
Serm.
LXXXV.

LIVIVS DRVSVS, cum domum in Palatio ædificaret, & architectus offerret, ita se structurum, ut libera ab arbitris & omni despectu esset: *Quintus potius.* inquit, *si quid in te artis est, ita compone domum meam, ut quidquid agam, ab omnibus inspicì possit.* Vox magnifica, vox laudanda! vita an pro eâ fuerit, ambigo, neque inquirò.

CAP. VII.

DE PROBITATE, ET CONSTANTIA.

*Vtramque Principi conuenientem, aut
necessariam esse.*

HAs Virtuti & Religioni addidi : quæ iure v-
bique vtraque in Principum factis se osten-
dat. Quid enim *Probitatem* appello? nisi rectum
& sine fuce Virtutis amantem animum, quique
ipsam propter ipsam, non commodum aut famam,
amat. Talem in Principe requiro, & ex descri-
ptione Amphiarai, apud Æschylum :

Οὐ γὰρ δοκεῖν δίκαιον, ἀλλ' εἶναι δεῖται,

Βαθείας ἀλοχὰς διὰ φρενὸς καρπόμενον,

Αφ' ἧς τὰ καὶ νὰ βλαστάνει βυλόμενα :

Nam iustus esse, non viderier studet,

Sulcum profundum in mentis agro conferens,

Consilia de quo germinant salubria.

Bona descriptio, & monitio. Iustus probusque
esto: & ex profundâ mente pullulabunt honesta, &
vtilia, consilia. Ne enim ista separemus: non in-
quam Honestum ab Vtili. & errat ab Italiâ do-
ctor, qui ducit aliò; qui tyranniones minutos, non
Reges aut Principes legitimòs format. Abeat. tol-
le tu fucum & fraudem: quæ nec valida, nec diu-
turna esse possunt. Postea super hac re plura. At
verò *Constantiam* dico; animi erecti magnitudi-
nem, qui vtrique Fortunæ par est, nec attollendus
à lætâ, nec alterâ deprimendus. Sicut adamas, no-
bilissima inter gemmas, infractam vim habet: sic
Prin-

Princeps debet animi robur. Et verò quàm ei opus est? in altam illam fortunam quot nimbi, procellæ, fulmina incidunt, aut incurrunt? Nihil mihi Princepe, qui ad singula moueatur, aut se inflectat. Debet & ab usu, & tractatione rerum, inducere Constantiam. Videt adfiduè incerta rerum humanarum: publicè aut priuatim casus & calamitates audit: versetur in ijs, non inhæreat. & ut rota in curru per terram voluitur, sed super eam exstat: sic ipse. Tractet humana, & norit: sed ijs se etiam eximat, & secum dicat: *O quàm contempta res est homo, nisi super humana se erexerit!* Denique poëtæ hoc imbibat:

Seneca.

Lege Deum, minimas rerum discordia turbat,

Lucanus.

PACEM SUMMA tenent.

Sed exempla aliquot veræ Probitatis, & tum Constantia videamus.

ARISTIDE inter Græcos, quid probius aut simplicius? qui cùm gloriæ & nominis causâ periclitaretur in exilium decennale mitti, quod à genere suffragij *Ostracismus* Græci dicunt: minuendæ scilicet priuatæ potentiæ, & muniendæ publicæ libertati: ille, inquam, cùm in suffragia iam iretur, ipse quoque aderat, & stabat permixtus plebi. Ibi aliquis de numero, scribere imperitus, hunc propinquum rogauit, ut in testulam nomen *Aristidis* inscriberet, damnandi scilicet eijsciendique. *Ergo eum nosti?* inquit: *aut alibi is te lasit, nocuitque?* *Neutrum,* inquit alter: *sed hoc malè habet & damnatum eo, quod passim vocari audio iustum.* Testam accepit Aristides, & paruit, ac nomen suum promptè inscripsit. O summa probitas, & alio quàm populari illo theatro digna!

II. In iisdem Græcis, EPAMINONDÆ tota vita nil nisi probitas & rectitudo fuit: adeò in factis non obliquus, vt nec in verbis: & *ne ioco quidem mentitum umquam*, fidi scriptores tradiderunt. Idem, cum inuidiâ premēte, bello præfectus non esset, re tamen & necessitate talem Ducem postulante: imò & alius imperitus eiusce artis dilectus esset: ipse nihilum motus, pro gregario milite nomen dedit. Ac cum mox, ignaviâ ductoris, ventum in verum & grande discrimen esset; cunctis circumspicientibus & Epaminondam requirentibus, ille alacris, & detersâ iniuriæ memoriâ, prodijt, & exercitum obsidione ereptum, incolumem in patriam reduxit.

III. Simile aut gemellum tuum Q. FABI factum. qui cum per iniuriam æquatus imperio, ipse Dictator, cum *Minutio* Magistro tuo militum esses; quin & diuisio legionum, vt inter Consules solet, facta: haud diu fuit, cum temeritas & vanitas in laqueos incidit, datura Annibali pœnas, nisi tu patriæ & ciuium caritate, & probitatis illo stimulo, copias tuas statim de castris eductas hosti obiecisses; & ciues non libertati solùm, sed sanitati reddidisses. Pœnituit enim actorum, atque ipsum adeò auctorem Minutium. qui reuerentiâ & admiratione virtutis, signa, se, & suos in castra tua reduxit, & serio submisit ac subiecit.

IV. M. PORCII CATONIS nomen, in duplici homine meruit, vt Probitatis & Virtutis habeatur. Sanè ille senior, quantâ integritate vixisse debuit, qui caussam quinquagies dixit, & obtinuit: nec id gratiâ aut opibus, sed contra gratiam

tiam aut opes totius ferè ciuitatis. Nam inimicos plurimos ei aut inuidos, cùm Probitas tum & Seueritas faciebat: qui nemini parcere aut amicus esse didicerat, qui reip. non esset. Atque adeò (miræ fiduciæ factū) ex hoc numero inimicorum *Tib. Sempronium Gracchum*, cùm senex accusaretur, vltro iudicem poposcit & sumpsit: sed & aduersario iudicante absolutus, in posterum & gloriam sibi & securitatem peperit.

Quid Iunior CATO VTICENSIS? sed ille v. Contantix reseruetur, cuius pectus templum & sacrarium proprium ei Diuæ fuit.

In eius locum M. BRUTVS prodeat, qui & in VI. contubernio eius vixit, cùm Cyprum peteret; nec virtutibus solùm, sed adfinitate se iunxit. Duxit enim *Porciam* eius filiam, tali patre, tali marito dignam. Sed ipse Brutus, fallor, aut vnicum exemplar est in omni vita benignæ & mansuetæ Probitatis. Quàm compositus ille animus fuit, qui instante Pharsalicâ pugnâ, ipso vespere ad multam noctem legit, & scripsit, Polybij Epitomen commentans? Vnde ea quies, nisi ab animo introrsum quieto & puro? Qui nec Cæsarem quidem cum perturbatione aut odio occidit: testante M. Antonio, cuius hæc vox fuit, *Vnum se putare M. Brutum, ex sortem affectus, Cæsarem adortum, patriæ & legum amore*. Atque ita est, alij in regem surrexerunt, ipse in regnum. Quàm certum argumentum in ipso M. Antonio? quem cùm vno ore cõiurati occidendum cum Cæsare censerent, solus restitit, iustitiam magis quàm commodum spectans, & quia ex normâ legum modò putaret, tolli tyrannum. Eadem animi rectitudine, cùm alij optima-

tum ad Octavianum deflecterent, illum colerent : restitit , & palàm denunciauit, imponi & tolli in humeros tyranni heredem, grauiori mox seruitute. Nec id quidem metu suo, aut odio. quem ille odisset , qui nec armatum & insidiosum hostem, C. Antonium ? Bis eius copias & ipsum cinxit , & in manu habuit capere aut occidere : dimisit. Quo tam benignæ virtutis fulgore milites percussi , ad eum transierunt , atque ipsum ducem captiuum tradiderunt . Quid deinde in Lycios ? acres & peruiaces hostes erant : tamen captis per vim arcibus aliquot & opidis, omnes sine pretio liberos dimisit . Nec sic placantur . igitur Xanthios obfidet, premit, & fortuitus ignis urbem comprehendit : quem ciues introrsum, desperatione & peruiaciâ , augment , alimenta iniiciunt , se interficiunt : Bruto miserante, restingente , salutem offerente. Sed & lacrimas vbertim emisit in tristi casu , & præmium militibus pronunciauit, si quis hominem Lycium conseruasset . Talis & in Patarense fuit, pertinaciter item resistentes . Atque ipse cùm animi dubius esset, oppugnaret an omitteret ; non victoriæ diffidentiâ , sed metu similis vesaniæ : ecce habuit in potestate plerasque eorum fæminas, quas omnes intactas in urbem remisit. Perfregit ea res animos, & sponte opidum Virtuti, quod non Terrori aperuerunt. Tamen ille tam mitis in hostes, qualis in suos fuit ? seuerus, vbi meruissent . In ipso ardore ciuilium armorum, cùm multa militi, omnia ferè ducibus licent , accusatum apud se à Sardonis *L. Pellam* prætorem, repetundarum, nihil cunctatus damnauit, & infamiâ notauit : improbante & indignante Cassio , quòd id temporis amici non alienandi, sed noui adiungendi viderentur.

tur. At ille in Virtutis & Iustitiæ orbitâ firmus, nec in communi excessu excessit: & deferi, ac deferere omnia maluit, quàm illas. O virum, cui vel hostis meritò lacrimas impendit! Is fuit, *M. Antonius*. qui interfecti (sponte, & suâ manu) corpus liberato cuidam sepeliendum tradidit: atque adeò paludamento suo velauit. Quod ille cùm auaritiâ interuertisset, neque vnâ cremasset; gnarus iratusque Antonius, protinus interfici iussit, cum hac superdictione: *Et tu nesciebas, cuius tibi viri sepulturam mandaueram?* Nesciebat vile ingenium: sed viri hercules magni, & vel *primi, vel ultimi* (vtrumuis dicas) *Romanorum*. Transeo ad exempla

CONSTANTIÆ.

Quorum agmen ducat PHOCION Atheniensis: vir qui contra vulgus, contra potentes, contra fortunam & mortem ipsam immotus stetit. Oraculo aliquando Athenis recitato, *Esse unum virum, qui à concordia ciuitate dissentiret*: quærentibus omnibus, & freudentibus: *Quæso, inquit, quiescite: ego ille sum, quem queritis. nam mihi nihil eorum, quæ agitis, placet.* Proh animum! sicne vnâ voce totum populum reum agere peruersitatis & insipientiæ? Sed causa tamen erat: & illis Alexandri temporibus, populus Atheniensis delirabat senectute. Idem igitur, cùm Dux electus, trepidos suos in bello videret, & linguâ solâ fortes, prudenter abstinuit à pugnâ. Mox, cùm rediissent, & pace factâ incusarent illum ignauie, & quasi vincere nescisset, aut noluisse: inquit, *Felices vos, qui Ducem habetis vestri gnarum! nam alioqui iamdiu perissetis.* Festiuè & mordaciter, exprobrans ignauiam & im-

E 5 belliam,

belliam, quam in animo gerebant, ore auerteabant. Iterum in populum, & eius aurigam Demosthenem. cum ille quasi coërcens libertatem Phocionis diceret, *Interficiet te Athenienses, si furere caperint*: iste, *At te*, inquit, *si sapere*. Tetigit illum, ut improbū; hos, ut parū sanos. Et constans hic tenor per omnem vitam, nec in morte deseruit. ad quam publico iudicio damnatus, scissâ ciuitate in factiones: cum duceretur in carcerem, præcurrebant improbi, in viâ obuij & conuiciantes. inter eos vnus, sputum in os eius congestit. Ille conuersus placidè ad Archontes, *Nemon' huius*, inquit, *reprimet proteruiam?* Cum amicus eius in carcere quereretur, quod iniuste cum Phocione interficeretur: *Et tu*, inquit, *non in magnâ gloriâ ponis, quod cum Phocione?* Aliorogante, *Numquid ad filium vellet?* *Maximè*, inquit, *iubere me, ut iniuriarum populi Atheniensis obliuiscatur*. Alio amico petente, ut priori sibi bibere cicutam liceret: *Gravis mi Nicocle*, inquit, (id ei nomen) *hæc petitio: sed cui per omnem vitam nihil abnui, hoc quoque indulgeo*. Ita constantissimus vir obiit, cum sui famâ, Atheniensium infamiâ æternâ.

- II. Quid verò mulier in eâdem Græciâ? CRATESICLEA fuit mater *Cleomenis*, qui rex Spartæ res ibi nouauit, aut potius lapsas in antiquum locum reponere tentauit. Is cum grandi bello cum Achæis distineretur, sed & *Antigonum* ac Macedonas timeret; à se impar, opem & opes à *Ptolomeo* Ægypti rege petebat. Qui spem fecit, eâ lege, ut hæc Cratesiclea mater eius, itemque filius, obsides fidei in Ægyptum mitterentur. Durum & insolens satis visum *Cleomeni*; nec ausus matri proponere, etsi necessitas

cessitas adigebat. Itaque aliquoties loqui eâ de re conatus, abscondit, & abscessit. Mulier acuta animaduertit aliquid esse, & amicos eius percontata, *Eequid vellet effari Cleomenes, nec auderet? Quin hortata eos est, vt incitarent & submonerent. Tandem ergo Cleomenes postulata regis aperuit: illa autem in cachinnum effusa, Et hoc erat, inquit, quod dicere aggressus, non dicebas? Mitte verò hoc corpusculum quocumque terrarum, ubi vsui Sparta sit, potius quàm hic senio & desidia solvatur. At tu vir & rex esto.* Statimque institit mitti, & nauigare. Deduxit igitur Cleomenes cum toto exercitu Tænarum usque, Laconia promontorium, ubi parata navis. Illuc in templo Neptuni congressi, priusquam nauim conscenderet, inutuo complexu & lacrimis (quis matris & filij affectum nescit?) diuelluntur. Sed illa egrediens, *Age rex Spartanorum, inquit, compone vultum & animum, ac caue quisquam, qui foris adstunt, lacrimantes nos videat, aut Spartâ aliquid indignum admittentes. Hoc enim in nobis est, casus digni gubernabunt.* Sic fata egreditur alacri aspectu, puerum manibus trahens: nec fœminam solum exuit, sed matrem. Eadem paullo pòst, cùm Ptolomæus parùm ex fide ageret, & Cleomeni occasio esset paciscendi cû Achæis, sed cunctaretur ob matrê: illa audito, rescripsit animosè, *Ageret quod ex usu & dignitate Sparta esset, nec Ptolomæum hunc timeret, ob unam anî & puerum, quorû esset compos.* O mulier, non quidem filio meliore, sed fatò digna! nam & tu, & ille, postea sub ignauo & infido rege perijstis,

Licet & alteram fœminam addere **MONIMEN III.** Milesiam, quæ insigni formâ & lepore, sed ingenio melior, *Mithridati* regi placuit. Tentauit pudicitiam

dicitiâ eius, blanditijs, donis, & ad quindecim millia aureorum simul misit: quæ fortiter spreuit, & reiecit procum regem, donec nuptiarum titulo & pacto euicit. Sed nec eæ fregerunt magnitudinem animi. mærebat, & sortem suam deplorabat, quòd pro marito dominum, pro liberis & familiâ, custodiam nacta esset eunuchorum & barbarorum. Victus tandem Mithridates à Romanis, & animi atque amoris æger, ne in potestatem Monime veniret, misit qui mortem indiceret, eunuchum *Bacchidem*. Illa nihil cunctata, & cupienti propior, diadema detractum capiti (nam vt regina ornabatur) collo aptauit, atque ex eo se suspendit. Sed imbecillo & diffracto, indignabunda, *Infelix fasciâ*, inquit, *nec hîc mihi eris vsui?* Et abiiciens illud ac conspuens, iugulum Bacchidi alacriter obtulit, ac tantum non læta periit.

- IV. Quid Græca me tenent? M. CATO ad se vocat, ille inclytus Constantiæ sacerdos: cuius vel à puero dedit specimen. Nam cùm apud Liuitum Drusum auunculum, vnâ cum Cæpione fratre educaretur, ac Latini sub id tempus de impetrandâ ciuitate agerent: euênit, vt *Popedius Silo*, vir inter primos Latinorum, hospitium item apud Drusum haberet. Itaque cum pueris familiariter cauillans & iocans, & *Hens vos*, inquit, *ecquid apud auunculum pro nobis, & ciuitate capiendâ, intercedis?* Ibi Cæpio blandè statim annuere, Cato silere & toruûm intueri. Tum Popedius, *Quid tu igitur? non promittis?* & simul sustollit, & extra fenestram elatûm, pendulum habet, cum minis & terrore deiiciendi. Vocem etiam & vultum exasperat: sed Cato nihil motus, intrepidè sustinuit, & persti-

perstitit silentio negare. Ibi Popedius, relato & de-
 posito, submissè ad amicos: *Et quid si hic vir sit?*
ne unum quidem suffragium, credo, in populo fera-
mus. Benè diuinabat. nam Cato firmus & certus,
 nihil in rep. vllò metu dicere aut facere; sed nec
 ab alijs, quod in se erat, fieri. Eiusdem roboris,
 in Sullanis temporibus, à paullò iam grandiore ex-
 emplum. Annum enim agebat quartumdecimum:
 & sæpè *Sarpedon* pedagogus & doctor eius ad Sul-
 lam ducebat, honoris causâ, salutarum. Atque
 ipse admittebat, quia amicus patris eius fuerat, &
 comi sermone excipiebat. Domus autem illa pa-
 rum à carnificinâ aberat. ita capti, vincti, torti, du-
 cebantur, sed & capita inferebantur & efferebantur
 interfectorû. Cato inhorruit, & vidit alios clàm in-
 gemiscentes: atque ad magistrum suum, *Hunc ho-*
minem, inquit, *quid ita nemo interficit?* Subijciente
 illo, *Nam metuunt eum magis, quàm oderunt.* *Quin*
tu ergo mihi, inquit, *gladium dedisti, ut eum interi-*
mam, & patriam è seruitute asseram? Quæ dixit vul-
 tu atque oculis ita acribus & minacibus, ut Sarpe-
 don deinceps & rariùs ad Sullam duceret, nec nisi
 tentatum & excussum. Tertium, à iam viro. *Me-*
tellus Nepos Tribunus plebis rep. turbabat perni-
 ciosis rogationibus, quas Catoni certum erat im-
 pedire. Ille hoc providens, Cæsare adiutore, forum
 de multâ nocte seruis & mercede conductis operis
 occupauerat, vim haud dubiè facturum in resisten-
 tes. Amici igitur Catonis, & tota domus, mæsti &
 anxij; solus ipse securus cibum cepit, dormijt, ma-
 nè ad forum ijt. Cùm venisset, videt templum &
 gradus Castoris armatis infessos, ipsum Metellum
 assidente Cæsare, supernè imminentes, quasi du-
 ces: omnia ad pugnam & tumultum parata. Ri-
 fit, &

fit, & ad proximos : *O hominem timidum, qui aduersus unum & inermem tantum habuit dilectum!* Et Munatium Tribunum è bonis, manu secum trahens, eluctatus per gradus est in summum : atque ibi medium se statim immisit & composuit, inter Cæsarem & Metellum. Stupuit ipsa audacia, ad hoc robur : & cum trepidè Metellus legem per scribam recitari iussisset, Cato inhibuit : donec ipse Metellus, arrepto codice, recitaret. Sed & hunc Cato è manibus ei extorsit : ac Metellus, signo dato, armatos immisit, dissipatâ statim concione, & nemine, præter Catonem, resistente. Hunc cum lignis lapidibusque peterent, *Murena* Consul ægrè textit, & abduxit : sed confirmatis iterum ciuibus redijt, & solâ suâ constantiâ pestilentem rogationem disiecit. Quartum. Pompeius ab Oriente redux, & in magnis opibus ac gloriâ, vidit quid animorum in viro esset, & quanta sibi accessio si hunc adiunxisset. Itaque ad affinitatem adspirauit, & sorotem (siue sororis filiam, vt alij) petijt uxorem. Votiuâ conditio omnibus visa, atque ipsis maximè fæminis : sed non Catoni. qui renunciari liberè iussit, *Non capi aut illaqueari se per feminas. quod si Pompeius rectam in rep. viam iniret, ultrò se amicum fore ; sin aliam, nullo pacto aut precio.* Quintum. C. Cæsar Consul legem de diuidendo agro Campano ferebat, priuatim vtilem, publicè exitiosam. Vnus Cato resistebat acerrimè, aded vt Cæsar pro imperio, abstrahi à Rostris hominem, & duci in carcerem iuberet. Ducebatur, sed & sic inter viam de lege identidem differebat, incommoda & insidias eius ostendens. Iamque peruenerat pænè ad carcerem, deducente pleraque parte Senatus & optimatum ; cum Cæsar à constantia victus

viētus destitit, & è Tribunis vnum submīsit, quī eximeret & liberaret. Sextum. Praturam petebat Cato, & impetrasset, nisi Cæsar, Pompeius, & illa potentium manus se obieciſſet: vnum hunc reueriti, vt progressibus suis impedimentum. Itaque effusâ & apertâ largitione effecerunt, vt præferretur ei Vatinius, mortalium pænè postremus. Quid Cato? accepit & tulit iniuriâ eo animo, quo alij beneficium: & vultu etiam nihil deiectus, eodem die in forū venit, ambulauit, & pilâ lusi. Deus immortalis, an non super affectus & motus humanos hic vir fuit? an non dignus, de quo poëta scriberet?

Quippe malo vnum Catonem, quam trecentos Socratas?

Dignus. & robur etiam in morte ſileo, quod variam interpretationem habere potest, & nostræ religionis ſcito, culpam.

PORCIAM subnecto, patri filiam. Nupserat v. ea M. Bruto, marito heroinâ hac digno. Is cum agigaret de nece Cæſaris, etſi ſedulò ſilebat, tamen vultu manifeſtus erat grande aliquid & atrox agitare. præſertim amanti, & coniugi. Suſpicata igitur tale aliquid, & maritum ſilere quia diſſideret imbecillitati: ſtatuit ſui ſumere experimentum, & fecit. Cultro tonſorio, cū ſola eſſet, grauiter in femore ſe læſit. Secutus ſanguis largior, debilitas, atque etiam febris: cū Brutus domum venit, trepidus & re inopinatâ mæſtus. Illa remotis arbitris, *Age mi marite, aſſide, eſt quod ſerîo fabulemur. Ego tibi cū nupſi, conuux in domum tuam veni, non amica aut pellex: nec menſa aut tori tantum, ſed triſtium latorumque conſortem me dedi. Catonis filia ſum: & pro illâ ſtirpe me cenſe. Quid ergo? de te queror?*

ror? minimè, si alia specto, & sollennia coniugiorum, aut beniuolentiam suæ & amorem hunc externum. Sed altius spiro, & amicitiam etiam volo: atque unus ille in animo dolor est & pungit, fidem non haberi fidei meæ. Nàm quid dissimulas? nōne curam video, quæ te coquit? arcani magnique aliquid, quod agitas? cur me celas? auxilium si non speras, solatium exspecta: nam de silentio, possum apud te spondere. Non respice ad alias mei sexus: ego (iterum dico) Catonis filia sum: & addo, M. Bruti uxor. Vel natura me à tali patre, vel consuetudo à marito, fortem constantemque reddant, etiam aduersus extremos metus. Quid verba facio? rem uide. Cepi ipsa mei experimentum: & ecce hoc vulnus, quod sponte intuli, ut discerem ecquid dolori aut tormentis par essem. Sum, confide. possum ferro, possum contemnere: & mori ô Brute cum marito, & pro marito possum. Proinde siquid tu honesti agitas, quod utroque nostrum sit dignum, ne sile. Brutus admiratus animum, & osculatus affectum, manus præ gaudio in altum sustulit: &, Omnes celsites, adeste volentes propitij, ac dignum me Porciâ maritum præstate. Tum ordine coniurationem aperit, & consortes: nihil territæ aut deterrenti, imò animanti. Atque hoc primum eius Constantiæ, ut sic dicam, sacrum: alterum à mariti morte. Audiit enim de tristi in Philippis pugnâ, & Brutum suum fuisse. nihil igitur morata, mori voluit: sed amici & custodes impediabant. Illa ipsis & iam sibi irata, Quid? inquit, mortem aliquis impediat, aut neget? non potest: & pater vos docuit. Ac cum dicto prosiluit, & è foco prunas ardentes haustas ori ingessit: & spiritum, quem emittere non potuit, suffocauit inclusum. Probas hoc? inquires. non, sed miror: imò & probet aliquis, sed ab illo æuo.

Ad

Ad Christiana & nostra exempla tutiùs transeo: VI.
 quæ in sanctis viris & martyribus sunt infinita. ∞. c. et
 Nullâ re hæc religio magis abundat, magis se com- xciii.
 mendat & adfirmat. Sed ea in suis locis sunt prom-
 pta: nos sparsâ in historijs colligimus. & in ijs v-
 num ALFONSI PERESII GUSMANI, in Hispaniâ
 Beticâ, cui à moribus cognomentum BONI fuit.
 Magnus pace & bello ille vir, clarus opibus & ea-
 rum usu: atque ecce specimen. Rex Castellæ San-
 ctius *Tariffam* (quæ veterum *Carteia* siue *Tartesa*
sus est) de Mauris ceperat, sed anxius custodiendi
 & tenendi, ob hostium viciniam, & ingentes sum-
 ptus. Suscepit vltro in se curam Alfonso, & par-
 tem stipendij de suo daturum promisit: rex inter-
 eâ res alias ageret. Paullò pòst, frater regis, *Ioannes*,
 ambitione prauâ ad Maurum transijt, & copijs ab
 eo acceptis subitò *Tariffam* obsedit. Obsessi nihil
 trepidare, in suâ & ducis virtute fidere, animos su-
 pra periculum habere: nisi quòd infregit eos subi-
 tò inopinata res, captus Alfonso filius (in agris for-
 tè interceperant:) & ante mœnia ostensus. Vnicus
 porrò patri erat. Illi minari, nisi opidum dedere-
 tur, sub oculis interfecturos se, & fœdè lancinatu-
 ros. Motis flexisque alijs, ille nec hilum: & altâ
 voce negat, *Si centum filios in potestate haberent, non*
ideò se a fide & honesto abiturum. Quin, inquit, *si*
tanta libido ingulandi est, en gladium: & suum è
 mœnibus proiecit. Stupor me habet hæc scriben-
 tem: quid spectantes? Ille sic abiit, & ad prandium
 se composuit. cùm ecce clamor & eiulatus disso-
 nus auditus eum euocat: iterumque in mœnibus
 se sistit. Quærenti consternationis causam, refer-
 tur, *Filium barbarâ crudelitate interfectum. Hoc e-*
rat? inquit, *credebam urbem ab hostibus captam: &*

pari tranquillitate ad prandium vxoremque redijt. Creditis posterì? sed credite. res ita gesta est: & hostes magnitudine viri attoniti, nihil vltra tentantes, discesserunt. Libet hîc exsultare: éstne factum vel in omni antiquitate fortius, vel laudabilius? Gratulor tibi gens & domus illustris Ducum *Methymna Sidonia*, quæ ad hunc auctorem stemma & sanguinem refers. Felix origine, esto imitatione.

VII. Hæc ad miraculum exempla sunt: alia non tam ferientia, sed haud minùs sapienti approbanda. De FERDINANDO Hispaniarum rege traditur, postremo isto qui Mauros eiecit, per omnem ætatem firmo constantique ingenio fuisse: & cùm vtramque sæpè sortem expertus esset, prospera atque aduersa sic compositè & sedatè tulisse, vt nulla vmquam in vultu eius consiliorum aut affectuum vestigia deprehenderentur. Idem cùm Barcinone, à furioso quodam graue vulnus in ceruice subitò accepisset, neque animo turbatus est, nec gemitum aut vocem doloris indicem emisit: tantùm seruari paricidam & examinari iussit, quo auctore fecisset.

VIII. Vxor eius ISABELLA virilis animi curæque mulier, & hac laude æquauit, aut superauit maritum. Nam cùm nuptias adornaret cognominis suæ filia, cum *Emanuele* Lusitaniæ rege, & subitò nuncius adferretur de morte *Joannis* vnici filij; illa hoc agere, & dolorem comprimere, vultumque fingere tamdiu potuit, donec Emanuel ab alijs id rescisset. Eadem non in aduersæ solùm valetudinis, sed in partus acutissimis doloribus, & gemitum & vocem suppresserat. rem incredibilem, nisi à fidissimis matronis, quæ à cubiculi curâ erant, id certò se cognouisse *Marinam Siculum* adfirmaret:

Horum

Horum nepos CAROLVS QVINTVS Impera- IX.
 or, cùm in Germaniâ copias & castra ad Ingolsta-
 ium haberet, cinxissentque eum ingenti numero
 militum fœderari hostes: nec illi visum dimicare,
 el quia sui nondum conuenissent, vel quia præui-
 ebat tutam mox & sine cæde victoriam: ecce isti
 neorum tormentorum copiâ validi, tantum fer-
 æ grandinis in castra iaculati sunt, vt vno die ad
 1. millia maiorum globorum numerarent. Itaque
 nnia ictibus peruia, ipsum Cæsaris tentorium, &
 latus eius & tergum occisi: cùm ille nec locum,
 uid locum? nec statum, nec vultû mutauit. Quin-
 iam monentibus amicis sibi, atque omnibus in-
 parceret; dixisse arridens fertur, *Considerent, ne-*
nem Imperatorem tormenti ictu perijisse. Breuia hæc
 latu, examinanti ingentia sunt, & digna memo-
 ac laude sæculorum. Atque hæc talis constantia,
 morum actionumque grauitas, in omni reliquâ
 is vitâ fuit:

Etiâ in sanguine. Nam ab hac stirpe PHILIP- x.
 S I I. rex, familiarium testimonio, Constantiæ
 de veteres novosque æquauit. extra aut supra
 æctus; non gaudio, non dolori peruius; neque
 mo solùm, sed vultu æquabili & immoto. Quis
 oientium, & qui vnum hoc egerunt, eò perue-
 ? Sed quod alij verbis; ipse factis sibi vindica-
 , NEC SPE NEC MET V. Finiui, & addo,
 aliam virtutem Principe digniorem, aut in eo,
 ic dicam, honestiorem esse.

CAP. VII.

DE PRUDENTIA,

*Quam Vfus & Historia gignunt, &
producit Doctrina.*

POST Virtutem, cuius caput est Religio siue Pietas, Prudentia necessaria est Principi, atque ijs qui in republicâ versantur. Hæc non aliud est, quàm notitia rerum euentuumque, & iudicium in ijs rectum. Tria illam pariunt, Natura, Vfus, Doctrina. Natura multum potest, & ab eâ solâ, aut certè leuibus alijs auxilijs, prouecti quidam operæpretium fecerunt. Sed vsus si accesserit, etiam mediocris Natura attollitur, & in consilijs actionibusque se probat. Quid si doctrina? plurimum: & tria hæc vbi concurrunt, mirum quàm valida ea mixtio, & vera ex ijs firmaque Prudentia oritur. Nam profectò vbi aliquid horum solitarium, Superbia, Pertinacia, Error comitantur: & in multis scio me obseruisse. Quid tamen ex his ad rempublicam optimum? puto, Vfus: & Theognidem sapienter scripsisse,

Δόξα μὲν ἀνθρώποις καὶὸν μέγα, πῖνα δ' ἄριστον.

Est mala Opinio, at est homini longè optimus Vfus. Nam vbi sola Natura, siue & Doctrina; profectò Opinio innascitur, & gnari scientesque esse volumus, vbi non sumus. At Vfus firmior, & in artibus per se valet. Age, fabricam quàm multi solo opere & vsu didicerunt? quid artem nauis gubernandæ? & ciuilis & militaris in republicâ quædam

ars

res est: ab Vsu igitur discenda. Nec tamen plenè
 itis aut perfectè. quia illa, quæ dixi, vniforme a-
 quid & simplex sunt; ista, Deus bone, quas va-
 etates, quos sinus & recessus habet? Lumen vn-
 ique inferendum, vt peruideamus: & maximè à
 doctrina, non illa tamen arguta aut subtiliū scien-
 arum, sed memoriæ rerum præsertim, quam Hi-
 oriam appellamus. Nam ea, si attendis, quid nisi
 ter Vsus est? Quæ in isto video, tracto, facio; in
 la lego, haurio, disco: & tanto plura, quanto plus
 rum euentuumque complectitur, ab omni æuo.
 sihi paucis annis experiri licet, & in vna aliqua
 bis parte, siue angulo: illiæ sæculorum res sunt;
 hic, quàm latè patent sola hæc terrarum. Itaque
 ateries discendi maior: & disces, si oculos men-
 in illo velut speculo defigis exemplorum. Acce-
 t, quòd prudentes multi, & vsu docti, olim ferè
 storiam conscripserunt: & iidem sensus breues,
 et monita inseruerunt, Deus bone, quàm recta,
 iam salutaria, si bona mens eligit & excerpit? Sed
 istoriæ laudes pertexere, non hîc est locus, nec
 cet: addo, de *L. Lucullo* tradi, eo qui *Mithrida-*
m & *Tigranem* vicit, potentissimos reges, vix a-
 m imperandi bellandique peritiam, quàm ab
 istorijs attulisse. Et istas igitur præcipuè ego
 incipi; sed & adherentem *Geographiam* com-
 endem: *Geometriam* leuiter: & tum maximè *Phi-*
osophiam, id est *Ethicam* *Physicam*que. Duæ istæ
 rtes forment eius animum, vel ad Virtutum a-
 orem & pretium; vel ad notitiam cælestium &
 restrium, è quibus Magnitudo animi oritur,
 simul Modestia; collatione vtrorumque. Non
 isto (alibi feci:) sed *Peregrinationem* etiam obi-
 suadeam: quæ valdè ad notitiam sui status,

tum & ad Prudentiam facit. Hęc omnia quę Principi, magis ijs & plenius, qui circa ipsum, suggeram: quibus plus scilicet etij, & sæpè ingenij est, ad talia pernoſcenda. Sed age, pro inſtituto, Exemplis hęc illuſtrems aut firmemus.

- I. **SOLO**N Athenienſis, horum omnium vnus exemplum præbeat: in quo Natura, Vſus, Doctrina vigerunt. In republica aſſiduus ille fuit: ſed etiam in peregrinationibus, & Ægyptum, Cyprium, Aſiam luſtrauit: atque id diſcendi cauſâ. Vſum vides: quid Doctrinam? ſcripta & verſus docent, quos reliquit. Atque adeò tantâ eius cupiditate exarſit (ſic loquendum eſt:) vt ipſe in Carmine quodam gloriatur, *Cottidie addiſcentem ſe aliquid ſenem fieri*. Cottidie. itâne? etiam circa ipſam mortē. Nam cū langueret, & aſſidentes amici aliquid inter ſe diſſerent, ille caput ſuſtulit, & flexit ad audiendum. Interrogatusque, Quo fine tunc aut fructu? nobilem illam vocem edidit. *Vt cū iſtud ſciro, doctior moriar*. O deſiderium! & quid in vitâ, aut eius flore, faciendum: cū ille hęc in morte?

- II. **EPAMINONDAE** verò, etſi in craſſiore aëre nato, tantum litterarum ſtudium, philoſophię doctrina tanta fuit, vt *mirabile videretur*, ait Iuſtinus, *unde tam inſignis militia ſcientia homini inter litteras nato*. Quod mihi tamen non mirabile. imò cum **Lib. v.** Diodoro Siculo ſentio, qui ipſam hanc ſcientiam cauſſam fuiſſe vult rerum ab eo præclariffimè geſtarum. Philoſophatus ille ſcilicet eſt, ſed *ἀνδραγαθίας*, vt Thucydides loquitur & approbat: *ſine molliæ, aut deſidiâ*: & habuit ad robur & ad prudentiam magiſtram. Sanè Pythagoricis dogmatibus addi-

addictum maximè, & Physicę scientię fuisse, idem Diodorus monet.

Huius discipulus & alumnus PHILIPPVS MA- III.
CEDO, non *Alexandri* solum, sed & *Magni* pater. Ille inquam, omnem hanc magnitudinem aut institutione, aut iustrumento & iustructo reliquit. Gręcia domita, & firmus ille ordo militię, veteranus miles, optimi Duces, hæc omnia à Philippo fuerunt: & ipse Philippus ab Epaminonda, & doctrina. Nam obses triennio Thebis habitus, in eius domo diuertit, optimo magistro vsus ad dicendum, sapiendum, faciendum.

Ipsæ ALEXANDER haud aliâ re mihi qui- III.
dem magis laudabilis, quàm doctrinę studio videtur, & moribus quos hausit à doctrinâ. Ij fuere, Magnanimitas & Clementia. Sed à puero mitioribus artibus imbutus, mox in Ethicis & Politicis, alijsque Philosophię, præceptorem habuit Aristotelem: quem virum? ipsius Sapientię prolem aut alumnum. Felix doctore, sed & felix ingenio. cum non, vt plerique, leuiter imbuat ijs animum, nec statim, vt ad arma veniat, artes fastidit: sed & doctos in contubernio suo habuit, audiuitque; & ipse, cum licuit, assiduè legit. Idque *Homerum* maximè. quem ita non amauit, sed coluit, vt cum in Darianâ prædâ scrinium, gemmis & auro cultissimum, repertum esset, alijque aliò destinarent; Imò, inquit, *Homeri carminibus reseruetur*: quasi pulcherrimum opus, pulcherrimo conditorio dignum esset. Sed & incubuisse, & indormisse eum sæpè Homeri libris, traditur: vel ex eo, non vulgaris scientię aut iudicij estimandus, qui altum & super omne vulgus poetam estimaret.

- V. Ultimus, inter Græca exempla, PHILOPOEMEN esto: quem *ultimum Græcorum*, magnâ eius laude, quispiam dixit. Is etli in militiam studio & indole propenderet, tamen (ait Plutarchus) & *Philosophorum præcepta ac monita legebat, sed non omnium; eorum dumtaxat, è quibus progressum se ad Virtutem sperabat facturum*. Habebat & hoc in ore: *Doctrinam debere ad facta tendere, non otij aut inutilis loquacitatis causâ usurpari*. Atque vtinam hoc alijs, vt mihi, probet! Sed nos facere id decet, Principes debent.
- VI. Ad Romanos transeo. quorum conditores ROMULVS & REMVS, non tã rusticuli fuerunt, quàm vulgò eos faciunt: si verum est, quod Dionysius & Plutarchus tradiderunt, *Gabij in adolescentiâ, liberalibus studijs operatos, atque omni eorum liquore perfusos*. Et sanè facta atque ordo Romuli, non olent barbariè: minùs *Nyma, Seruij, aut Tarquinij regû*.
- VII. Et si fateor iacuisse pòst, aliquot etatibus, Romę Doctrinam; donec Græciâ captâ, ab hac caperentur. Longum sit omnes aut plures dicere: M. CATO VTICENSIS, pronepos illius qui Græcos & omne id genus pelli vrbe volebat, ita studijs eorum se dedit, vt & in Senatu, obiecta leuiter toga, libros legeret: vir, cuius nomen rectè factum defendit, quidquid fecit.
- VIII. Quid IVLIVS CÆSAR, ille sic acer militię, & Martis verè pullus? haud minùs Musarum fuit. Scripta eius id docent, quorum pauca exstant, pleraque perierunt: quę inter ipsos rerum ciuiliũ aut militarium ęstus iactationesque confecit. Nec
in iti-

itinere quidem vacuus: sed amanuensem in v-
 iculo apud se habens, dictansque aut legens. Iti-
 nere Hispaniensi, spatio xxiiii. dierum, siue vta-
 j, septem, poëma composuit, quod inscripsit *Iter*.
 in ipsa Hispania sub tempus Mundenſis pœlij (&
 quando vmquam magis, non dicam occupatus, sed
 sollicitus?) libros duos de *Analogiâ* confecit, & to-
 idem *Anticatones*. Mirabitur, qui breuitatem tem-
 poris, & occupationes viri nouerit: sed non mira-
 bitur, qui vigilantiam & instantiam, quando ple-
 traque hæc & alia, ipsis noctibus, sub pellibus scri-
 bebat. Maeste diuini, & indefessi simul ingenij, viri
 cuius & hoc signum, quod sollenne tibi *scribere &*
legere simul, dictare & audire (verba Plinij sunt:)
epistolas verò maximarum rerum quaternas pariter
librarijs dictare, aut si nihil aliud ageres, septenas. En
 aquilam! & quis ad hoc qui sublime sic volauit?

Nec degenerauit ab eo OCTAVIANVS, iudicio ix.
 filius, postea Augustus. qui *Eloquentiam & libera-*
lia studia, ait Suetonius, *ab etate primâ cupide &*
laboriosissimè exercuit. Ipso Mutinensi bello, in
 tantâ mole rerum, & legisse, & scripsisse, & decla-
 massè cottidie legitur. Itaque opera pluscula scri-
 psit, quedam & versibus; à tempore tamen, & eius
 inuidâ falce, præfecta. Nec in se modò eruditionem
 volebat, sed in Administris necessariam censebat.
 aded, *ut cuidam Legato Cōsulari, tamquam rudi*
& indocto, successorem dederit, cuius manu IXI. *pro*
ipsi. scriptum animaduertat.

TIBERIVS verò, vel ad culpam, vtriusque x.
 linguę studijs artibusque se dedit. Affectabat enim
 & rara & obscura, & quę pauci scirent, scire glo-
 riabatur. Itaque adsidui in cohorte eius Gręculi,

quos & præmijs honorabat, & quæstionibus exercebat. Hic tamen est Tiberius, cui nemo in calliditate, & firmâ regendi arte, se componat.

- XI.** Non eo per Imperatores ceteros: nam quis eorum non ferè talis fuit? Vsq̃ue adeò vt M. ANTONINO *Philosophi* cognomen hæserit: quòd supra alios in eo studio deditus esset, Stoicam etiam sectam professus. Et quis tamen vitâ melior, imperio mitior, aut felicior dabitur?
- XII.** Quid autem Christiani deinde nostri? de THEODOSIO IUNIORE traditur, cum historias Græcas Latinasq̃ue assiduè euoluissè: tam pertinaci in libris studio, vt cùm diem in militaribus aut ciuilibus occupationibus daret, noctem ijs seponeret. Quin & candelabrum sibi strui adfabrè curasse, eo opificio, vt oleum sponte ad lychnum perueniret ac suppeteret: ne vel interPELLARETUR lectio, vel ministri cum vigilante (ô humanitas!) vigiles essent.
- XIII.** CAROLI MAGNI amorem & honorem in litteras multa loquuntur. Quid clarius, quàm, velut vexillo proposito, vocati vndique viri docti Lutetiam, in castra quædam litterarum! Felicia castra, quæ tot præclaros non milites, sed duces dedistis & datis, in militiâ hactogatâ! Sed illud quoque in *Paulum*, Aquileiensis Ecclesiæ Diaconum eminet, genere nobilem, ingenio litterisq̃ue nobiliorem. His dotibus conciliatus olim *Desiderio* Longobardorum regulo, dum fata erant: postquam ea ad Carolum transissent, huic ijsdem causis carus, & inter intimos familiares admissus. Sed Paulus veteris beniuolentiæ & aulæ memor, consilia agitabat liberandi *Desiderij*, & è finibus exsilij educendi: quorum

n conuictus, ipse in exilium, in Diomedis insula, seponitur. Sed nec illic fidei aut legum satis reuens, rupit transcenditque terminos, & ad *Raisum* Bencuenti Ducem confugit. Itaque proceratim accusant, damnantque capitis duplici perfidiam: & in ipsum Ragaisum arma suantur. frustra, apud mitissimum & literarum antissimum regem: quod solum nomen & titulus illum seruauit, ipsumque cum Paulo Ragaisum conciliauit. Impositum modò munus, ut *Historias* ne *Eutropij* scriberet, item seorsim *Longobarda*, aliaque in profanis aut sacris. O dignum Principem, qui in digniorem hæc conferret!

Neque abnuo tenebras deinde fuisse, & nescio
 o malo fato barbariem: præsertim in Principum
 is, & priuatū modò bonum Doctrina censeba-
 : an addam, & nunc censi? Tamen, velut stel-
 nterluxerunt pauci, ut *ROBERTVS* rex Neapoli-
 us, cui litteræ & litterati percarari fuerunt. Ille est

XIII.

∞.ccc.

xl.

Petrarcham, & poësi, & serijs scriptis nobile
 enium, fouit: ille qui *Boccatiū* in amoribus ha-
 t. Quid ipsam doctrinā? Vox eius audita: *Cario-*
sibi litteras regno esse. Desipuit, an altè sapuit?

Et quàm similis vox & animus *ALFONSI* il-
 magni, in eodem regno fuit? Neque enim se-
 edixit: *Malle se omnium regnorum* (septem ea
 nerabat) *iacituram facere, quàm minimam do-*
re. Et sanè amauit in se, in alijs: & *Laurentium*
lam, *Antonium Panormitam*, *Bartholomeum*
cium, *Georgium Trapezuntium*, *Ioannem Au-*
am, *Iouianum Pontanum*, & examen deinde iu-
 rum, huic regi debemus. Ille Athenæa in re-
 : passim, ille Bibliothecas instituit, aut exorna-
 uit:

xv.

uit: nec gratius ei munus offerri poterat, quàm rarior aut electior liber. Quin ipsum *Librum apertum* pro insigni vsurpabat: significans Scientiam Principibus conuenire, ex ijs haustam. Et cùm aliquando audiret regem Hispanum dixisse, *Non conuenire Principibus litteras*: stomachans subiëcit, *Bonis, non hominis, vocem eam esse*. Itaque legit assiduè: *Linium & Casarem* maximè. nec dies fuit, vt fatiiliare tradiderunt, quin his inuersaretur. Idem, quod miremur, *Annai Seneca* magnus amator: addè vt ipse, suo Marte, in Hispanicum sermonem Epistolas verterit, vsui suæ gentis. Sed nec sacrâ lectione abstinebat: gloriatusque est, totum *Vetus & Nouum testamentum, unà cum Glossis*, decies & quater se perlegisse. Hæc rex, hæc senex: ubi priuati & iuuenes estis? Senex, inquam. nam vix ante quinquagesimum annum studia attigit, institutione eius in adolescente neglectâ. Tunc Grammaticam, operâ *Martini* cuiusdam didicit: quem ita carum deinceps habuit, vt nunquam à latere dimiserit. Videor non de Principe, sed litterione aliquo loqui: at ille etiam quantus vir belli domique fuit? quàm magnus, quàm felix rebus gestis? Elogium ei demus. à *Carolo Magno* maiorem virtute & fortunâ Principem Europa non habuit: & (mentiri velim) non habebit.

- XVI.** Addamus è Pannoniâ **MATTHIAM CORVINUM** regem. qui clarissimo militari patre *Ioanne Hunniade* natus, nec in eo studio degener, Doctrinæ istud adiunxit. Ferox ad id æui ea natio, & tota Martis, cultum ingeniorum morumque à Matthiâ accepit: & quis nescit regum exempla subditos æmulari? Itaque Italos Germanosque, siqui litterarum

rum gloriâ clarescent, euocauit: Bibliothecam instituit in ipsâ regiâ Budę, rararum thesaurũ, & quem cum dolore recordamur Barbaris, cum ipsâ Pannoniâ, obuénisse.

An & mulier his se inferet? inferet meritò **ISABELLA**, *Ferdinandi Catholici* regis vxor. quæ ad omnia alta nata, & verè virilium curarum mulier, etiam Doctrinam vnice amauit. Delectatâ semper constat (nescio quâ inclinatione animi) ipso Latine linguæ pronuntiata & sono: nihil vt libentiùs audiret. Et mox respirans paullisper à grauissimis cùris & bellis (reuera enim particeps & thori & sceptri erat:) respirans, inquam, statim se ad Grammaticum demisit, ei que annum ita assiduam operam dedit; vt Latina non solùm capere, sed vertere ipsa in suum sermonem, posset. Sacris etiam & diuinis officijs cùm interesset, lapsantes, aut vel in silabâ peccantes sacrificos aduertebat, sed & sæpè admonebat.

Enimuerò nec olim aut nunc Barbari (tam clara utilitas est) ab hoc cultu alieni, testor **MITHRIDATEM** illum veterem Ponti regem, qui variè, & in ipsâ medicinâ doctus; hoc præfert eximium, Tenuisse viginti duas linguas, sic vt omnes subditos, quemque suâ dialecto, promptè & scienter alloqueretur.

CHOSROES autem Persarum rex, Iustiniano & Romanis per suas clades notus, & eloquentiam Græcam adamauit, & Philosophiæ ipsius non limen, sed adyta penetrauit. Aristotelem totum percalluisse aiunt, Platonis lineas & numeros: sed & ipsa Græcorum opera in suam linguam multa transfu-

94 I. LIPSI MON. ET EXEMP. POLIT.
tulisse. Hæc aiunt : & demus famam aliquid ad-
struere : vel conatum ista. nōne magnum in ma-
gnis istis regum?

XX. MAHVMETES etiam Turca me tenet, SE-
CVNDVS eo nomine. qui cognitionis illustrium
virosum facinorumque maximè cupidus, Histo-
rias sibi verti in suum sermonem iussit, Græcas Ro-
manasque : & ipsos viros depingi à *Gentile Bellino*,
eleganti pictore, quem ad hanc operam à Venetis
exambierat. His ille stimulis, utinam ne ad tam al-
ta, & nobis tristia, animum emulatione erexisset?

XXI. CAROLVM V. de industriâ totum hoc agmen
volo claudere, & simul salutare monitum suggere-
re. Eum magnitudo statim rerum & imperij, tene-
rum adhuc à studijs abduxit : etsi amorem tamen
& reuerentiam non excussit. Ac quondam cùm
Genuæ oratorem aliquem audisset Latinè dicen-
tem, nec plenè satis cepisset, tristi & ingenuo ore
confessum Paullus Iouius scribit (is arbiter coràm
& testis erat :) confessum, inquam, *Dare se nunc
puerilis incuria penas: & prasagum Hadrianum præ-
ceptorem fuisse, qui hanc penitentiam ei prædixisset.*
Credimus optime Princeps. & quàm multi hodie-
que tecum, iam grandiores, id est sapientiores, do-
lent in hoc neglectu? Cogitent parentes, emendent,
filiorum & publico bono. Voueo.

I V S T I

IUSTI LIPSI
 MONITA ET EXEMPLA
 POLITICA.
 LIBER SECVNDVS.

CAPVT PRIMVM.
 DE PRINCIPATV.

Eum præferendum alijs imperijs videri.



VÆ adhuc dixi, etsi ad Principem aptavi, cōmunia cum aliis sunt, & in omni imperio adhibenda. Hunc formare magis, & propiùs dirigere incipiam: si tamen priùs breuiter adstruxero eum, & laudaro. Nam ambigere multos, & differi variè de optima Imperij formâ olim & nunc, scitum est: at nos istum præferimus, & causas distinctè, & velut per titulos libabo. Primò, quia liquet.

MON. I. *Antiquissimum hunc esse.*

Homines autem primi, & origini suæ id est Deo proximi, malis artibus fraudibusque nondum corrupti,

rupti, censendi sunt optima elegisse: elegerunt Principatum. In familiis, quod primum imperium, vnus fuit. Plures deinde familiæ cognationibus iunctæ, vnum habuerunt: & ex istis societates, conuentus, oppida, vnum, donec magna imperia nata, & oppressio cœpit, ab ambitione exorta: & sic quo-

Epist. xci.

que ferè vnus. Seneca verissimè: *Primi mortalium, quique ex his geniti Naturam incorrupti sequebatur, eundem habebant & Ducem & legem, commisi me-*

1. De Clement.

lioris arbitrio. Itaque idem alibi: Natura commenta est regem, quod & ex alijs animalibus licet cognoscere, & ex apibus: quarum regi amplissimum cubile est, medioque & tutissimo loco. Sed quibus alijs animalibus? in parte alibi explicat: *Mentis gregibus aut maxima corpora presunt, aut vehementissima. non precedit armenta degener taurus: elephantorum gregem excelsissimus ducit. Idem in ouibus, in auibis, & alio genere congregum animantium, est videre. Est igitur antiquissimus, & Sacræ etiam nostræ litterę ostendunt: in quibus à condito orbe ad diluuium, moderatum in familiis imperium fuit: à Diluuiio, ambitio miscuit, & Nimrodus Noachi pronepos, imperium in Assyriâ & finitimis inuasit. Hic est, quem profanæ litteræ (ad primorem sillabam allusione) Ninum appellant. Sed addo etiam,*

Epist. xci.

Idem in ouibus, in auibis, & alio genere congregum animantium, est videre. Est igitur antiquissimus, & Sacræ etiam nostræ litterę ostendunt: in quibus à condito orbe ad diluuium, moderatum in familiis imperium fuit: à Diluuiio, ambitio miscuit, & Nimrodus Noachi pronepos, imperium in Assyriâ & finitimis inuasit. Hic est, quem profanæ litteræ (ad primorem sillabam allusione) Ninum appellant. Sed addo etiam,

MON. II. Communissimum hunc esse:

1. Reg. cap. viii.

Neque olim tantum, sed & nunc plurimo orbis sic notari. Olim quidem, Sacra dicunt. vbi Iudæi regem poscentes sic audiuntur: *Constitu nobis regem, sicut & VNIVERSÆ habent nationes. Sed*

Lib. 1.

& in Italiâ, primi illi Romani (apud Liuium) in varijs

varijs voluntatibus, regem tamen OMNES volebant. Etſi poſteà mutarunt, & ad Optimatium ſtatum iuerunt: quid ita? naturali hac ſæpè mutatione, vt à rege in tyrannum, à tyranno ad optimates aut populum Reſpublica eat: iterumque ab iſtis ad tyrannum, & regem. Faſtidio & odio hoc fit, non Principatus, ſed Principis alicuius malè eo uſi. Ceterum & vetus hic orbis Principes ferè ubique habuit, in Aſiâ, Africâ, Europâ (pauca loca, neque diu excipias:) & nouus item repertus, ſic eſt, aut fuit. Argumentum, optimum uſu & ratione eſſe, quod tam diu, & tam multis placuit: atque, vt dixi, ab ipſâ naturâ. Sanè rationem, ſi excutiſſimus, eam videbis hinc ſtare, ab his cauſſis. Primò dicimus,

MON. III. *Iuſtitiam magis in eo exerceri.*

At Iuſtitie fruendę cauſâ Imperia primùm ſunt reperta. Ea igitur magis in Principatu floreſcit, vigetque: nec ſunt noxæ aut corruptelæ, quæ in alijs illis formis. Vide. Rex aut ipſe ius dicit (olim & * nuper etiam factum:) aut qui dicant, eligit & deſignat. Si ipſe, ſupra metum aut gratiam eſt, magis auaritiam: & nihil iſtis, quæ præſtringere oculos iudicantium ſolent, donat. Si alij; ſunt tamen ab ipſo. & curâ eligit, & electis iam ſuper eſt & intendit. Non ſunt ijs ſic libera iudicia, vt non iudicium huius metuant; & ſiquid fœdus patrent, pœnam. In alio ſtatu quid ſimile? Si ad Optimates iſ; factio, & agnati, & amici occurrent, & alternis inter ſe ius aut iniuriam gratificantes. Si ad populum; magis peccabitur, & irâ aut affectu damnatos paſſim

sim videbis, aut dimissos. Ad Athenienses aut Romanos leuiter transi: ostracismi optimorum sunt, & exsilia, & mulctæ. Contrà, pessimis honores habiti, & iudicijs per vim & manum etiam erepti. Quid de corruptelis dicam? hîc regnant. Secundò,

MON. IIII. *Tranquillitatem & concordiam coli:*

Quod optimum aut optatissimum in Societate est, viuere quietos, à vi & iniuriâ tutos. Metus vel auctoritas hoc facit Principis: quem vnum omnes respiciunt: qui vnus omnia potest: & ius vitæ necisque habet. Itaque meritò animi magis domiti & fracti sunt, & colla ad iugum inclinant. Non sic inter plures dominos: quorum potentia sparsa est, & ideò minor, vt flumē in plures riuos diductum. Alius alium respicit; patronum contra hunc aut illum habet: & addo, quòd nec coërcitio leuera aut libera. quia in suffragijs aut comitijs, popularium operâ egent. Itaque conuiuent & indulgent, gratiam singulorum quæunt. Ita minuitur Auctoritas; & quod sequitur, Reuerentia aut metus, vinculum obedientiæ & quietis. Parte alterâ minùs tranquilli, quia ad rempublicam sæpè auocantur. sunt comitia, sunt leges: & suffragia sua habent. In ijs deinde ambitio & factio interuenit: quid prætereà? seditio sæpè, & turbæ, atque etiam pugnæ. Vt mare rarò quietum est, ventos plurimùm, & sæpè procellas habet: sic respublica, vbi comitiorum potestas. Noster Tacitus rem tetigit: *Suspectum Senatus Populiq̃ue imperium, ob CERTAMINA potentium, & AVARITIAM magistratuum.* En duas assiduas ibi pestes: *Certamina*, & factiones, & exitum
siue

sue exitium, Ciuilia deinde bella: *Avaritiâ* & sunt nûdinationes, rapinæ, corruptelæ, in magistratibus, in prouincijs, in iudicijs. Tertio, & vniuersè dico,

MON. V. *Modum regendi meliorem tutioremque esse.*

Princeps diutiùs imperat, vnus & idem semper manet : itaque & discit magis assiduo ipso vsu, & rem etiam, vt propriam, cordi habet. Aliter in magistratibus, qui mutantur. Sunt ferè annui : id est, abeunt imperio, cum discere imperare cœperunt. Sed neque intentio eadem aut cura est, in breui & alieno imperio. Tradunt enim ignotis, aut inuisis sæpè successoribus : satis habent quomodocumque defungi, in posterum securitate. At Princeps non se solum cogitat, sed heredes. Deinde, arcana consilia aut litteræ sæpè interueniunt in gubernando : cum vicinis Principibus consilia aut pactiones, quas nolint intempestiuè vulgari. Quod secretum hîc inter plures erit ? quis liberè accedet, aut tutò credet ? Hæc in Principatu cessant. & aut vnus ipse tractat, aut fidi ministrorû, quibus committit. Quid etiam de secretâ corruptelâ dicam, crebrâ inter plures ? Vnus aliquis emi contra rempublicam potest, & facta consilia aut euertere, aut impedire. Athenis suis quàm hoc factum Demosthenes conqueritur, à callido Philippo ! & hunc esse scopulû (ita loquitur) *ad quem res adhærescant*. Quid Roma ? idem : & Tribunus aliquis emptus res turbabat, & hunc aut illum super capita ciuium imponebat. Poëta ingeniosè,

Mutatusque fuit momentum Curiorerum.

Ita vnus Curio à Cæsare corruptus, Cæsare Pom-

peio anterulit; reipublicæ & libertati finem dedit.
Quartò denique dicimus,

MON. VI. *Maximè hanc imperij formam diurnare.*

An non faciat, cùm à naturâ maximè & Ratione sit? Deus fauet & tutor est; vnus ille rector, vnus. Vide Status alios, pauci etiam tulerunt, quantumuis legibus bonis & institutis: excipio paruas quasdam respublicas, & validiorum tuitione aut amicitia firmas. Sparta, quâ nihil videbatur moribus aut viris melius, vix quinge. tos annos tenuit libertatem. Athenæ sæpè mutarunt, & oppressæ iterùm caput extulerunt: sed turbidæ semper, & in metu, aut potentioribus obnoxie. Roma quadringentos paullò plus annos liberum illum statum seruauit. Quid ista ad Principatus? Ille Assyriorum, vt à vetustissimo ordiar, *mille ducentos quadraginta annos* iterit: siue, vt alij largiuntur, *mille trecentos*. Ita enim vel Historici, vel Chronici scriptores, consensu tradiderunt: nec Appiano vbi mens fuerit, ego scio. qui initio operis scribit, nec *Assyriorum, Medorum, Persarum tria regna simul congesta, equare illud spatium cui potuisse, quod in Romano imperio ad summum tempus esset*. Profectò fallitur, nec excuses. nam à Româ conditâ ad Hadriani æuam *nongenti* circiter anni sunt, & sic ipse supputat: quanto plures, vt dixi, in solis Assyrijs? Iam Medi *ducentos sexaginta* ferè annos vindicant: Persæ *ducentos triginta tres*. Quamquam de Persis, mirum & notabile, haud diu ab Alexandro iterùm reuixisse, & vires regnumque recepisse, duce Arsace quodam
(vnde

(vnde *Arfacida*) sub bellum Punicum primum, sine annum vrbis D. III. Sed quia tamen initium asserendi à *Parthis* fuit, inde Romani atque alij, *Parthorum* hoc regnum appellarunt: reuera tamen in ijsdem ferè gentibus & finibus, mansitque ad *Alexandrum Mammææ* filium, per annos circiter cccc. lxxx. Tum iterum nomen *Persarum* surrexit, duce *Artaxerxe* quodam, qui *Artabanum* demouit & sustulit, vltimum *Parthorum* Regum. Exinde autem ad hoc æui (diuturnitatem agnosce, & mirare). *Persæ* viuunt & regnant, etsi grauitè ab *Heraclio* Imp. confusi, postea à *Tamerlano*, & nuper ab utroque *Selymo* *Turcarum*, auo & nepote: sed viuunt. Quid de *Ægyptiorum* olim regibus dicam? millia plura annorum numerant, ad vltimam *Cleopatram*. Quid hodie de *Sinarum*? ijsdem millia: & à *Uirco*, qui primus fuit, ad *Bonogum*, qui nuper imperitabat, reges in serie continuà habent *ducentos quadraginta tres*. Rarum exemplum: neque n nostrà Europâ reperiendum. Tamen & in eâ Principatus longæui. Gallorum regnum potens & florens, à *Faramundo* primo rege vique ad *Henricum* III. qui nunc feliciter regnat, computat *sexaginta tres* reges: idque per annos ∞ . c. xc. At in Hispaniâ Gothorù reges ab anno Christi cccviii. ad *Rodericum* & Maurorum inuasionem numerantur *triginta nonem*. Et sanguis quidem ille, sed non regnum defecit: suscepitque *Pelagius* anno Christi dccxvii. à quo perpetuà serie, nec interruptà, ad *Philippum* hunc III. sunt reges *quadraginta octo*. Alia exempla in minoribus Principibus liceat dicere: omitto, sicut & Respublicis minores. Sola *Veneta* est, quæ eum *millenarium* iactet: felix fari, sed & legum atque institutorum felix, quibus

velut vinculis firmata est adhuc contra lapsum.
Maneat, Floreat, fauemus & vouemus.

CAP. II.

*In eo Viros Fæminis præferendos, & has
vix feliciter imperare.*

PRincipatus igitur optimus, & cum Solone,
Εὐδαίμων Πολιτεύων ἐνὸς κήρυκος ἀκμῶν:

Felix urbs, qua iussa unius Principis audit.

sed quis ille Princeps esse debet, vnus & melioris,
an & alterius sexus? Vtrimque argumenta & ex-
empla sunt: sed magis pro nobis. Vir ad virtutem,
ad regimen natus: animo, corpore, voce, visu ro-
bustior, & quem magis vereare, aut venerere. In
femina omnia leuia, mollia; quæ amorem, non re-
uerentiam creent. A natura ipsa timide magis sunt,
quàm timende: non igitur hic Auctoritas. Iam in
viro prudentia & constantia: in illis calliditas aut
argutie, imbecillitas deinde iudicij, & in decretis
sensibusque Euripus. Septies in die mutant. Rarè
etiam altum aut honestum spirant: sunt in vanis
aut vilibus curis: non ergo ad sceptrum & publi-
cum decus idoneæ. Duæ etiam virtutes Principum
primæ, Iustitia & Fides, firmiter vix sunt in istis.
Non prior, quia inclinant faciliè & miserantur: fa-
cillimè & gratiæ aut affectui obsecundant. Non al-
tera, quia mobiles ingenio sunt, & mutant vt ven-
tus. Ne Clementia quidem sit, quæ putetur: & be-
nignior illè vultus, nescio quomodo, seuum sæpè
animum & vindicem celat. Quid de lasciuiâ aut
luxu dicam? vtrique vitio opportunas scimus, &
pudq-

pudorem atque opes prodigere : præferim cum sui iuris ac spontis, frēnum non habent quod adstringat. O quale regnum, vbi *Cleopatra* aliqua, *Messallina*, aut *Ioanna Neapolitana* imperat? Neque sine causâ Sacre litterę inter pessima comminantur: *Feminarum imperijs subiectum iri*. Sed parte tamen alterâ, exempla nos redarguant; itemque instituta gentium. Nam & alibi succedunt in regna, & feliciter atque industriè administrarunt: cui rei vtrique lubet Exempla ex Historijs dare. ac primum

Muliebris imperij infelicitis.

LAODICE *Ariarathia* Cappadocum regis, cum I. marito mortuo in regni administratione esset, quas clades, in mediâ pace, dedit? Sæuijt passim in proceres, & in vulgus: parum est. sæuijt in liberos, & suum sanguinem, & (ô sancta pietas!) sex ex se natos veneno omnes sustulit: quâ causâ? tantum, vt diuturnior in imperio esset. Vnus paruulus fato euasit Medeam illam: quem populus mox ad regnum sustulit, illâ prius communibus votis & suffragijs extinctâ. sed quid? vnâ & simplici morte extinctâ, quæ toties paricida, tot culleos meruisset.

Tale olim, & vetustius, in Sacris litteris, malum II. nomen *ATHALIA*, quæ Iosepho est *Gortholia*. Ea cum filius *Ochozias* per insidias interfectus esset, inuasit ipsa regnum: & nepotes ex co, & totum semen regiū sustulit: conniunte in sex annos diuinâ Nemesis. donec *Joas* à mulierculâ cædi subductus & seruatus, & iam adultior, regnum, & tot agnatos, vindicauit, belluâ illâ occisâ. Nam quid faminam dicam, supra omnes feras immanem & sæuam?

- III. Tragicum aulæum complicemus, scænicum si-
parium aperiamus : & lasciuiam pro sæuitiâ magis
demus. CLEOPATRA in theatrum veniat, à par-
uulâ ad nequitias, libidines, & luxum facta. Tiro-
cinium fuit in *Julio Cæsare*. qui cùm Alexandriæ
obsideretur ; illa velut fati præsaga, fratrem *Ptole-
maum*, & potiores (vti videbantur) partes dese-
ruit, ad Cæsarem translata. Verè, inquam, transla-
ta. nam & hunc astum ad fallendum, & tutò trans-
eundum, cogitauit. Portæ seruabantur, atque exi-
tus : illa *Apollodorum* quemdam inducit, culcitâ
se inuoluere & adstringere, vt sarcinam : ac sic in
regiam, vbi Cæsar, deferre. Factum est, deponi-
tur ante pedes eius : & ecce soluta emergit Venus,
non è mari, sed è culcitâ : & culcitellam mox se
Cæsari substernit. Nam ille, etsi in medio actu &
cæstu etiam rerum, tamen & ingenio illo, & mox
formâ ac lepôre captus, adamauit : & pretium li-
bidinûm adolescentula necem fratris, & regnum
Ægypti, tulit. Hoc, vt dixi, tirocinium fuit : fal-
lor ? an virgineam prætextam iam in amoribus *Cn.
Pompeij* filij paulloantè posuerat ? quod credere
nos Plutarchus, bonus auctor, iubet. Credo tum,
cùm missus ille à patre in Ægyptum, ad arcessen-
dam classem & auxilia fuit. Sed hæc puella pecca-
uit : quid iam mulier ? flagitia, cum ætate, magis
adulta. Post pugnam illam Philippensẽ, *M.
Antonius* & *Octavianus* partiti inter se sunt operas ;
vt alter in Italiam rediret, & veteranos in agris dis-
poneret : alter in Asiam & Orientem iræt, pecuniæ
vndique corrogandæ. *M. Antonio* istud euēnit,
qui dum reges, tetrarchas, vrbes, omnia excutit, &
colligit : visum & de Ægypto cogitare, illâ diuite,
& quæ offendisse videbatur, non semel auxilijs ad-
uersæ

uerſæ parti ſubmiſſis. Nam ipſa Cleopatra *Cafſio* ſuppetiata dicebatur. Itaque, eſſi ſuccinctus iam ad Parthicum bellum, tamen *Q. Dellium* Senatorem ad eam mittit, & queſtum ſimul & denuntiatum, vti in Ciliciam ſibi occurreret ad dicendam cauſſam. Ah miſer! ad cauſſæ dictionem euocas, tuam mox dominam & arbitram, & apud quam fatalem ſeruiſſes ſeruitutem! Dellius venit, ſæminam videt, & homo ſagax quid futurum præuidet: quippe & huius Veneres, & ſimul obnoxium talibus Antonium notat. Itaque captare iam nunc huius gratiam, audacter monere ad Antonium iret: mite & venuſtum ingenium reperturam. Perſuaſit, & conſcia formæ erat: ac pro eâ, & ſpe quam agitabat, cultum & comitatum ſumpſit. Cydno fluuiio ſubuehi ſe molliter iuſſit, naui auratâ, remigio argentato, velis purpureis, ad modulos tibicinum & citharædorum. Ipſa recumbebat ſub cælo aureo, gemmis diſtincto: pueri formoſuli, habitu Cupidinum adſtabant & miniſtrabant, quidam ventulum ei facientes. Virgines & ancillæ, inſtar nympharum, per foros & tabulata nauis diſponebantur. Ad ripam vtramque frequentes ab obuijs, & viſoribus, aræ & odores. Quid verbis opus? paſſim voces (& res ita erat) *Venerem ad Bacchum veniro comeſſatum.* Iam propinqua Antonio erat. & ille, magnitudinis ſcilicet Romanæ retinens, pro tribunali etiâ ſedere, atque eam exſpectare: quid niſi ſupplicem & excuſaturâ? At vide fiduciam. rectâ in hoſpitiū abit: & Antonius, ab omni tætu deſtitutus, relinquitur ſolus. Itaque ſubmittit paullum faſces, & ad cenam eam inuitat. Recuſat, & excuſat: quid iam Antonius? malè ſumptam perſonam abiicit, & prior atque vltro ad eam venit. *Cenat ibi,*

edit & bibit amorem : quem illa non tam vultu, ut aiunt, quàm verbis & ingenio inspirabat. quæ utraque tam mirifica possidebat, ut semel audita caperet & deuinciret. Argumentum sanè ingenij, quòd varias linguas docta, Hebræum, Græcum, Arabicum, Æthiopicum, Parthicum sermonem efferret, scito & natiuo cuiusque sonq. Hem M. Antoni quid facis ? ictus es, habes : & omisso bello omni, aliam militiam militas, & cum tuâ reâ in Ægyptum, id est in castes & carceres eius ultrò abis. Ibi quæ deliciæ, luxus, conuiuia ? Non *Fulvia* tua abstrahit, mori in angore & æmulatione adacta, non postea *Octavia*, noua vxor : hæres, peris, ipsa tecum, & cum utroque (infelicis faminei regni exitus) ipsa Ægyptus.

- III. Quid *MESSALLINA* in Romanis ? illa sæuitiæ, avaritiæ, impudiciæ, impudentiæ, omnium flagitiorum (fas sit in illâ sordidâ tali verbo uti) cloaca. Hæc vxor erat *Claudij* Imperatoris ; nomine quidem. sed quem ipsa & liberti, ut elephantum paruus æthiops, regebant. Itaque iure hanc pono inter imperantium exempla. Omitto cedes tot nobilium, quas patrauit, tot exsilia & fugas : in libidine non credo ab æuo tale monstrum fuisse. Cotidie adulteria, nouæ conditiones & admissarij : nec clàm, sed in ipso Palatio, coram matronis & viris, quasi infamia delectaret, Veneriatur. Quin noctu, veste tecta, & Messallinam dissimulans, ad publicum lupanar ire solita, prostare inter infelices illas victimas, cellam suam & titulum habere, accipere æra & poscere, & explere libidinem nec satiari. Quid etiam ? marito ipsi illudere, & hunc adigere non testem flagitiorum,

gitiorum, sed exactorem. Vide. Erat *Mneſter* quidam, nobilis Pantomimus, in quo ardere mulier cœpit: & pro ſuâ verecundiâ, ſolicitare ipſa, & poſcere. Ille ſubduxit, & renuit, Principem reueritus; ſiue etiam veritus, ne torum eius non impunè macularèt. Mulier ad hoc ridere. & *Quid ais?* inquit, *ſi ipſe Claudius meus inbeat, parebis?* Incredibilia videbantur: ſiunt. It ad maritum, perſuadet illi ſtipiti, vt Mneſterem vocet, & iubeat, in omnibus dicto ſibi audientem eſſe. Factum eſt: & mox hiſtrio liberè, quaſi iuſſu Domini, res domini egit. Eſtne quod ſuprà etiam poſſit? mulier repperit. Vulgaria adhuc hæc probra videbantur: nouum excogitat, & cui poſt factum vix ſit fides. Erat *C. Silius* Romanæ iuuentutis pulcherrimus. hunc allicit, fruitur, & palàm in amoribus habet. Præmium etiam eorum, facit Conſulem, opes & decora Aulae ad eum transfert: & iam colebatur, velut alter Princeps. Non eſt ſatis: oportet languentis voluptatis nouum aliquod eſſe condimentum. Itaque hoc addidit, vt maritum eum palàm caperet: viuo marito? viuo: Principe? Principe. Nec longiùs differitur, quàm dum maritus Hoſtiam ireret, & quaſi de compacto paulùm ſecederet. tum nuptiæ, & nuptialis tota pompa: ſos Senatorum & Equitum adſunt, menſe apparantur, lectulus Genialis ſternitur, auſpices adhibentur, alia ſollennia: quin & in mariti gremio noua nupta recumbit, oſcula, complexus, & reliqua licentiæ coniugalis. Dum ſcribo, ſtupro: & adhuc etiam Claudius, nec excitabatur, niſi liberti, & in quorum manu res erant, metu mutationis, eum commouiffent. Itaque tandem finis fabulæ impoſitus, venit Romam, tollit æmulum, & mox coniugem: nec id quoque, ſine aſtu liberti.

Conſor.

V. Confortem an non liceat addere *FAUSTINAM*, & hanc etiam Romani Principis coniugem? Agebat in matrimonio *M. ANTONINI Philosophi* cognomento, optimi non Principum solum, sed virorum. Infelicem tantum hac foedâ labe! quia & hæc libidinum sic promiscua & vilis erat, ut vulgò se vulgaret: in balneis, in arenis, & *Xystis*, ubi homines nudabantur, legere conditiones solita, & benè vasatos adnotare. Atqui non imperavit, inquit. Dedit qui imperaret *Commodum*, non falsâ opinione, gladiatore genitum: & hic rem Romanam perdidit, ab illâ matre.

VI. In Galliam transeo, ubi reginam video *FREDIGUNDIM*, nec scio an scelestius aliquid Sol vidit. Ea diu pellex duarum reginarum, *Chilperici* regis Galliarum vxorum: alteram *Andoveram*, ut pelleretur, effecit; alteram *Galsuindam*, per insidias curavit occidi. Ita totum Chilpericum, & sola iam possidens, legitimam vxorem & reginam egit: sed, pro ingenio, parùm fidam. Nam cum *Landrico* magistro equitum furtim consueverat: & res marito casu quodam detecta fuit. Ibat venatum, & vxorem conspicitur, quæ capillum comebat, & lotum siccat in sole, accedit tacitus, & per lusum à tergo virgâ percutit. Illa suspicata amatorem suum esse, & nomine compellans, *Quid agis mi Landrice?* inquit: *quin si vir es, aduerjam me, non auersam pete.* Confessio flagitij erat: & cum dicto se obuertit, plura etiam dictura; sed attonita maritum videt, & silet. Etiam ille, & porrò venatum, ut instituerat, pergit: iram coquens, & vindictam, ut res erat, meditans. Sed præuenit mulier, & *Landrico* suo vocato: *Perijurus uterque*, inquit,

incan-

incantâ meâ voce : & rem narrat, additque : *Quid stupes ? virum ostende : patiendum, aut putrandum est scelus*. Landricus suo metu, & illo stimulo excitatus, rem suscipit : deligit duos è fidissimis, qui Chilpericum serâ nocte è venatu redeuntem, turbæ mixti, ferro inuadunt, & singuli singulis ictibus conficiunt. Clamor est abignaris, & conscijs : atque isti, quasi externæ insidiæ essent, *in silvas*, vocem tollunt, eoque se proripuisse paricidas. Ita auctores celantur : & felix Fredegundis ad alia scelera animum adijcit, infensa inprimis *Prætextato* Rhotomagensium antistiti, non ob noxam aliquam, sed viri eximiam virtutem. Itaque lætissimo die Paschatis, cùm in frequenti templo sacra perageret, non Deum non homines verita, percutiendum curauit letali quidem vulnere, sed cui aliquamdiu superuixit. Mæsta coipso, venit visere, siue vt exploraret, siue vt oculos in eius angore pasceret : atque ibi bellè, vt putabat, dissimulans, questus & iram miscuit, quòd in tali die & loco, in talem virum, patratum esset facinus, & auctor lateret. Sed *Prætextatus*, vicinâ morte liberior : *Minimè*, inquit, *latet. & testor me eius scelere percussum, quæ reges occidit*. Benè ille de regibus. nam præter maritum suum, etiam fratrem eius sustulerat *Sigibertum*, Mediomatricum (vt tunc diuisio erat) regem. Sustulerat autem scelerato astu, inmissis duobus percussoribus : quos, cùm facinus exsecuti essent, ilicò iussit interfici : vt vocem cum vita amitterent, & in tuto auctor agitare. Ita iustitiæ victrix, si non famæ, egit : & paullò pòst *Childebertum* etiam regem, pralio priùs victum, cui ipsa interfuit stans in primâ acie, veneno tolli cum

li cum vxore, eodem vtrumque die curauit. Quot
palmas vna mulier meruit? habeat: & siccâ etiam
suaque morte abeat, Prouidentia apud imperitos
laborante.

- VII. Fastidio eiusmodi narrationum: nam quis mo-
dus sit, si velim persequi? Ecce in vno Neapolita-
no regno duæ IOANNÆ, duo suppare, in nequi-
tiâ compares: quarum flagitia atque etiam scelera
(nam & hæc mixta semper adulterijs) Annales te-
xam, si velim recensere. Et prouero magis ad alia
Exempla: neque enim desunt ea

Muliebris imperij boni, & felicitis.

- I. PHILE vxor Demetrii regis; filia Antipatri;
illius qui Macedoniam & Græciam viuo mortuo-
que Alexandro gubernauit. Hæc iam tunc puella;
& in annis teneris; natiuâ quadam prudentiâ sic vi-
sa excellere; vt ipse pater consilia ab eâ peteret, &
audiret. Pater; ille senex, ille vsu & tractatione rē-
rum sic peritus. Quid Demetrius, cum iam vxor
eius esset? erat ipse vario ingenio, & vitijs pro-
pior: sed mirâ temperie hæc maritum flectebat; ne
dicam regebat: calumnias supprimebat, iras miti-
gabatur, iusta & honesta inferebat. Iam populi verè
mater, tenuiorum filias dotibus datis elocabat; af-
flictos à fortunâ releuabat; bonos prouehat: quid
apud ipsos milites? Saluo pudore famineo, & ijs
se miscebat: alloquebatur, erigebat, tantâ auctori-
tate vel gratiâ, vt sola tumultuantes represserit, &
in seditionem lapsos reuocaret. Quæ fides deinde
& amor in ipsum maritum? cum victus à Pyrrho
rege

rege esset; castris ac regno exutus: viuere non vltro sustinuit, & morte spontaneâ inuidiâ Fortunæ fecit.

Æuo, non animo, inferior ZENOBIA Palmyrenorum regina. Hęc stirpem & sanguinem à Ptolomais, & ipsâ Cleopatrá, sed non mores (dij boni, quàm aberat!) ducebat. Vxor erat Odenati, fortissimi viri, & qui ad imperium Romanum ausus adspirare. Illo viuo, ijsdem cum eo exercitijs, in venatu, in montibus, in siluis, in ipsâ militiâ vti. Amans eius vtique, sed ob matrimonij finem, liberos: quos vt concepisset, tangi à marito mox abnuebat. In alijs virtutibus, scientiæ etiam auida: & historiæ Orientalis ita perita, vt ipsa eam suo stilo in compendium redegerit, vsui posterorum. Nec Græci Latiniq; sermonis, aut rerum, ignara fuit. Formâ autem corporis egregiâ, oculis supra modum vigentibus (verba Pollionis dabo) & nigris; tanto candore in dentibus, vt margaritas eam plerique habere putarent, non dentes. Vox præterea clara & virilis. Cum his dotibus, vt dixi, nupta, & forti quidem viro, etsi haud felici. Nam Gallieno illo ignauo Imperatore, cùm decus omne imperij labaret, aut rueret: ipse Persidem & Orientem inuasit, quasi Valerianum captum, & Romanam ignominiam vindicaturus. Res magnas gerit: adeò, vt ipse Gallienus consortem imperij sumpserit, & vltro Augustum declararit. Nec diu in hoc honore, insidijs Maonij consobrini sui vitam & potestatem amisit, aut hanc potius transmisit. Nam Zenobia illa vxor, laborum & victoriarum antè particeps (assidue enim comitari maritum, ipsa etiam sub armis, solita) imperium suscepit fortiter, & gessit. Bella cum Romanis, & Aureliano

reliano Príncipe habuit : *Ægyptum* inuasit , & victo ac cæso eius præside *Probo*, occupauit. Denique *Aurelianus*, sed ægrè, fregit, non enim profectò vicit : imò velut tacito pacto, passa in triumpho se duci ; sed vt vitam & dignitatem in parte seruaret. atque adeò sunt, qui filiam eius Imperatori dicant nuptijs iunctam : imò & stirpem eius diu post *Romæ*, inter illustres familias floruisse.

- III. Hęc militaris femina : pacatius exemplum *PVLCHERIA* dabit. Ea *Theodosij* iunioris soror, vitam & virginitatem Christo deuouit: paulò maiore natu, quàm ille. qui septuennis ferè à patre *Arcadio* relictus, hanc habuit morum & institutionis magistram. Atque adeò iam grandiore illo, adhæsit, & curas imperij participauit: salubriter omnia, & piè, modesteque disponens. Et verò quamdiu habenas tenuit, felix imperij & rectus cursus : postquam inuidiâ aliorum, & calumnijs Eunuchorum (*Chrysaphij* præsertim) submotus est, & loco pulsa : contulit ea se in *Hebdomon*, locum Byzantio suburbanum, atque ibi summâ pietate & quiete victitabat. Donec post annos septem, fraude calumniatorum agnitâ, & imperio vndique concusso, fulcrum iterum rebus labentibus adsumitur, aut reparatio iam lapsis. Fit vtrumque : & restituit pleraque omnia, aut tueretur. Specimen animi eius & prudentiæ hoc esto. Fratrem *Theodosium* videbat, & dolebat, temerè libellis sæpè subscribere, & nec lectis : alienâ commendatione aut fide, vt fit, nixum. Dolum bonum hunc repperit, ad emendandum. concepit enim & ipsa libellum, atque obtulit : quo *Eudociam* eius coniugem petebat mancipari sibi in seruitutem. Caput, & sub-
- scribit

scribit statim : quidni in sororis petitione ? atque illa , scænæ instruendæ causâ , Eudociam apud se aliquamdiu habet. Miranti , & euocanti , negat misuram , & suam cam , vti quæ OPTIMO MAXIMOQUE iure , esse. Profert manum & subscriptionem , confuso iam illi , nescio an emédando. Reuera enim secors ingenium fuit , & alter Claudius , in fæminarum aut effæminatorum (Eunuchos intelligo) potestate. Mortuo autem illo , & sine liberis , re celatâ , *Marcianum* euocat , virâ & bello bonum , & ad imperium producit. Quoq̃ue magis commendaret , nuptias suas ei donat , sed titulo tenus : stipulata , ne sacrata Deo virginitas libaretur. Rexit cum illo annos aliquot , mirificè à nostræ religionis apicibus , *Leone* Pontifice , *Hilario* Episcopo , aliisque laudata. Vixit annos circiter LVI.

Similem , non enim parem vndique , ei iungo IIII.
ISABELLAM Ferdinandi coniugē , Hispaniarum reginam. Parem ? in quibusdam superiorem , & solâ fortasse virginitate cedamus. Hæc , si pietatem spectas , in sacrorum cultu mirifica , & assidua ; nullâ occupatione aut delectatione demoueri ; horas suas Canonicas (vt loquimur) sacerdotali exemplo cotidie legere : ipsos sacerdotes honorare , templa exornare. Atq; id suis aut suarum ferè manibus. cum & ipsa acû pingeret aulæa aut vestes , aut à familiaribus puellis pingi texique iuberet. Iam reliquæ virtutes instructæ huic fundamento. casta , sic vt nec rumor de eâ mentiretur ; & maritum pariter còducens , pellices , amicas , & id genus callidè scrutata , & ab Aulâ amolita. Frugalis adcò , vt in omni vitâ nec vinum libarit : quæ virtus fomes , vt scimus , est castitatis , & modestæ grauitatis. Quam sanè ha-

H

buit,

buit, exosa mimos, scænicos, ludiones, totum hoc leuitatis instrumentum, & nec priuatim aut publicè audire sustinens, vel spectare. Eorum vicem, viros graues, matronas serias apud se habere: item pueros aut puellas nobiles, & utrosque, pro sexu, artibus studiisque informare. Aula illa, nil nisi palaestra honoris & virtutis erat. Itaque insignes viri, etiam militiâ, ex eâ prodierunt: & magum illû *Consaluum*, cui regnum Neapolitanum Hispania debet, hæc refert expensum. Matrona ipsa ciuiliū rerum gnara, bellicarum nec ignara. Quid magni in regno sine illâ, imò nisi per illam ferè, gestum est? Rex maritus & consiliarij, vsu edocti peritiam eius & felicitatem in sententiis, quæ edicebat pro oraculis (nec id per adulationem) amplecti. Illa factionibus, latrociniiis, infestum regnum purgauit, & pacauit: illa iustitiam restituit, potentiorum iniuriis exfulantem. Et quid alia cômementem? quàm in graui animaduuerterit, argumentum esto: quòd nec alex aut tesseræ ludum tolerauit, & edicto veritum sic repressit (etsi prona eò gens est) vt nec furtim & in angulis luderent, soliti in cauponis, viis, angiportis. Iam verò & militiæ non consilio tantum, sed operâ interuēnit: modesta quædam *Zenobia*: & bellum Lusitanicum, absente marito, confecit; & Maurico siue Granatenſi, quod plures annos traxit, pluries interfuit, & summam manum præſens cum marito imposuit. Magni ad omnia animi, & res spesq; magnas cõplexa. itaque Nauarræ regnum consiliis eius iunctum; Canariæ insulæ occupatæ, & inſeſſe; ipse Nouus orbis, Naturæ occultior pars, per eā reſectus & subiectus. Nā maritus, cetera vir egregius, restrictior aut timidior erat, retinere sua melior, quàm augere. Hæc dilatabat. & cùm *Christophoro*

rum Columbum diu rex duxisset, & ad extremum destituisset: bono Genio stimulante ad ipsam Reginam venit, conatus suos & perficiendi vias exposuit, & instrumenta, id est naues, viros, arma ab hac impetrauit. Salue, salue heroina, priscis par aut maior: & in quâ iure claudam exempla feminei boni imperij, quid enim tale addam?

CAP. III.

DE ELECTIONE.

Quæ commendare eam, quæ abiicere possint.

Viri igitur potius imperent, & soli. Sed quomodo? Electione, an Successione admoti? Electio antiquior videtur, & heroicis illis temporibus vix aliter factum; & Principatus pace aut bello, virtutis aut roboris prærogatiuâ assignati. *Natura enim est, ait Seneca, deteriora potioribus submittere.* Itaq; Brasilienses quidam, cum ad *Carolus* IX. Galliarum regem Rothomagum deducti venissent, valdè mirabantur, *Quomodo validi illi & proceri viri* (Heluetios intelligebant) *parèrent paruo & tenello regi.* Nimirum pro suo more, & sensu, iudicantes: satis læuè, quasi à solâ corporis magnitudine præstantia esset. Sunt etiam rationes, quæ commendare Electionem videantur. Prima, quòd optimi & aptissimi per eam capi; non item à Successione possint, in quâ quoscumque genitos admitti. Item, quòd iustâ ætate capi, & idoneâ iam regere: aliter in Successione, ubi pueri sæpe aut infantes ius sumunt.

Deinde, quoddam regnum ita moderatius videatur, cum nec innutriti sint potentia, & ex ea superbia, & quoddam neque proprium habeant, ab aliis acceptum, ad alios transmittendum. Eò minus intendunt imperium, aut subditos opprimunt: in quod enim post-
 vsum? Aperitur & virtutibus campus: ac multi ad eas adspirent, vel spe Principatus. Hæc & talia Aristotelem mouerint, ut Carthaginienſes laudaret hoc nomine, & Spartiatis præferret, qui stirpe reges legebant. Sunt & hodie, aut nuper fuerunt inter Christianos, electi reges: hodie quidem Polonia, nuper Bohemiæ, Daniæque. Ista pro Electione, plura in eam possunt. Primum quod dicitur, veterem esse: fatemur, sed usus illis rudibus subiecit, hic & alibi, meliora. Additur, optimos sic posse eligi: & verum est, sed etiamne eligi? si rem & experimenta vides, sæpe falsum. Rara electio, quæ sine priuato cuiusque affectu aut respectu fiat: nec rei publicæ vtilissimum, sed suæ legunt. Quærunt opportunos. ut omittam, pecuniam & corruptelas suffragia sæpe trahere, & rem geri promissis donisque. Atque ea nec fortasse meliore aliquo sæculo excludas: sicut nullo, odium aut amorem. Nicetas Choniates in hac re prudenter iudicat, ubi res *Alexij Imp. Græcanici* narrat: qui fato vicinus, & sine liberis, de eligendo successore cum suis agitabat. Scribit: *Igitur alij atque alij variè nominabantur, sed omnes qui sibi opportuni aut utiles essent, nominabant. De eo autem eligendo, qui optimè & ex usu publico imperaret, nulli cura aut cogitatio erat.* Verissima dicit, & usu probata ac probanda. Iam quod tertio inquirunt, iustæ ætatis, & maturæ imperio, sic eligi: ita habet, & commodum est. Sed enim illud adhæret incommodi, quoddam regnum interea vacat, nec possessorem habet

habet. Quod si quis considerat, maius malum est, & & plura sæpe daturum, quàm imbecilla in imperio ætas. Sanè ubi interregnum est, iustitia & leges silent, licentia & vis valent: atque id sæpe hebdomadas, menses, annos manet. Quæ interea confusio, aut scelera sunt? quæ ambitio & prensatio? per quas fraudes, & artes? Germaniam vide, ubi Imperator demortuus: boni omnes in præsentis & futuro sunt metu. Ipsa Roma nunc, in sacrorum Pontifice, hæc mala est cum sentit. Quid deinde in eligentium dissensu? dissidia, & bella. Quæ nec inter paucos electores semper effugas: appello ad illos Imperij Septemvirates. Appello ad ipsam iterum Romam: & cum noxâ religionis, & pænè dicam probro, audiimus legimusq; , plures vno tempore Pontifices, à tali causâ, se gessisse. Nota mihi istud, & incertum illud fluctuansque in successione: magna ratio & efficax est, ad totam Electionem repudiandam. Iam quartum erat, Moderatius ita fore regnum. Non abnuam: sed addam, solutius etiam, & minore curâ administrandum. Ut quid enim rei nec diu meæ, nec postea meorum, nimis acriter intendam? Frui satis est. Obnoxij etiam viuunt, siue iis qui elegerunt, & quibus hoc velut beneficium debent; siue omnibus, qui in occasione minuere possunt potestate, aut priuare. Poloniam adi: hæc fiunt. Itaque & iustitiam minùs coli, necessum est: & Principem indulgere, aut oculos claudere, in potentium noxis. Dixi etiam, minùs curæ aut custodiæ esse regnum: an non ita est? Germaniæ Imperatores video, ex facili aut opida, aut prouincias totas, vel liberis agnatisque suis, vel & exteris, auulsas à corpore contribuisse: sæpe per gratiam, aliquando & pecuniam aut mercedem.

cedem. Non sic fiet in proprio, & hereditario regno. Neque Principes solum secordes: sed ministri eorum tunc tales. Nam & ipsi futurorum securi, presentibus inhiant, lucellum in omni occasione caprant, subitis auidi, & ut inter incerta festinantes. Iam quintum illud, Virtutes sic excitari: vix colorem habet. Valdè scilicet, quia vnus aliquando, nec meritò sed casu, bonus eligitur, boni esse elaborant. Si ad euenta imus, quocumque in regno; Electiones mixtas videbis, & sæpè deterioribus pronas. Vel Roma in Principibus suis, vel Germania, dicat. Vltimum, Aristotelem approbare: & hodieq; alibi esse. De Aristotele, non mirum: Græcus & liber, regna amat proxima libertati. De vsu hodierno aut nupero, leue est: nam præponderant exempla alia, & pro vno Electionis, centena sunt Successionis. Quæ vis hîc igitur? Quòd si illud dicatur, etiam nunc melius regi aut crescere regna ab Electione: magnum sit. sed non dicetur, & oculi ac sensus refutabunt. Ego verò amplius dico. vbi cumque bonum & laudabile regnum fuit, in Perside, in Macedoniâ, in Ægypto, in Sinensibus, in Hebræis ipsis, Successionē valuisse: etiâ in Romanis, quoties Principum liberi aut geniturâ, aut (quod laxius) adoptione essent. Iterumque amplius dico. nec fuisse vlla Comititalia regna, nec fore diuturna. Exoritur semper aliquis, animo & consilio inter Principes maior, qui creditum vni sibi regnum, suis stabilit gratiâ, arte, præmio: & vis interdum adhibetur. Dania & Bohemia ostēdunt, alia magna regio fortasse ostendet. Sed in fine non me teneo, quin Nicetæ etiam verba, & ego eius sensibus, subscribam. Exclamāt: *O quanto deterius est multorum suffragium & electio, quam vnius! Tunc inclytum Romanum imperium, & gentibus*

gentibus adoranda maiestas, quos tyrannos pertulisti? quales amatores te petierunt? quibus substrata, tui copiam fecisti? quales coronâ, & diademate, & puniceo vestitu exornasti? Graviora utique tulisti, quam Penelope procorum illâ frequentia obfessa. Res ita habet. Romanum imperium statim à Claudio, qui primus à milite electus est, & fidem eorum præmio pignerauit, in vilissima capita & pessima hac Electione vênit; Electione, an palàm Emptione? Nam & hoc scimus, velut sub hastâ, vana pependisse: & non aliud magis clarum certumque exitium rei Romanæ fuisse. Sed exempla quædam Electionis videamus, bonæ aut malæ mixtim.

AVRVNCANI populi barbari sunt, in Perûano tractu. Ij a solis viribus corporis ductores legere soliti: experti eas in graui aliquo ligno. quod qui diutissime humeris baiulat, nec succumbit, putatur & regendi oneri par futurus.

Melius qui ab animi viribus aut præstantiâ sumunt: quod Romani olim veteres in suis regibus, *Romulo, Numâ, Seruio*, vix alio aspectu fecerunt. Secuti quàm aliter? & stirps Augusti cùm defecisset, casus aut corruptio Principes ferè dedit. Primum in CLAUDIO. qui C. Caligulâ occiso, rumore cædis exterritus, & sui quoque anxius, prorepfit ad solariû, & inter ianuar prætenta vela delituit. Miles aliquis è Prætorio, discurrens ad prædâ, hunc repperit, protrahitque: & interrogato Quis esset? acceptoque, impetu aut instinctu, Principem salutauit. Quanta vnus, & gregarij quidem, in re tantâ audacia? Produxit ad alios Prætorianos, fluctuantes adhuc, nec aliud, quàm frementes: qui vt cælitus oblatum arripuerunt, & læticæ impositum in castra sua, vicissim

cissim succollantes, tulerunt. Senatus & urbanae cohortes dissidebant, & Libertatem praeferabant: inane nomen vicit militaris electio, & fatale Romanis feruire. At Claudius iam imperij compos, ut militem magis obstringeret, *quinadena sestertia* singulis (sunt nobis *trecenti septuaginta quinque* Philippici) promisit, & dedit.

III. Idem casus siue error clariùs in VITELLIO se aperuit, longè ab omni Imperatoriâ aut virtute, aut stirpe. Homo ventri & abdomini factus erat, nullâ vel specie virtutum, nisi quoddam candor aut simplicitas in eo placerent. Is Legatus inferioris Germaniæ à Galbâ electus, & quattuor legionibus praefectus (amabant autem hos ignavos, & altioris cogitationis non suspectos) praefectus, inquam, agebat Coloniae Agrippinae, cum nuncium accipit, superioris Germaniæ legiones defecisse à Galbâ, & in S. P. Q. R. nomina iurasse. Dum consultat, quid facto opus, vis in defectores an consensus placeat: ecce *Fabius Valens* è Legatis legionum, cum paucis equitibus, opidum intrat, ipsum Vitellium Imperatorem salutat. Vnius vox omnium fuit. secutæ legiones, alæ, cohortes, ciues, socij, ardore magis quàm iudicio: & inuasit imperium atque armis peperit, armis mox amisit.

IIII. Lubet etiam hos fortunæ ludos videre, & in theatrum producere PROBV M. *Tacitus* Imp. absumptus erat, & *Florianus* frater eius adspirabat: sed dum electio pendet, Orientales exercitus eam occupare, & sui beneficij Principem habere voluerunt. Conueniunt ad eligendum: & Tribuni, quasi per decorum, eos monent, *fortem, clementem, probum Imperatorem requirendum esse*. Arripiunt vocem,

vocem, & statim acclamant, *Probe Auguste dyte seruent*. Inde purpura, tribunal, & legitimus Princeps.

Quid in REGILLIANO, quàm confimile? v. Dux Illyrici erat, & milites malè in *Gallienum* animati, res nouas agitabant. Fortè vnà plures cœnitabant. fuitque *Valerianus* Tribunus qui in ioco & vino diceret, *Regilliani nomen unde credimus dñum*? Subiecit statim alius, *A regno*: & milites communiter, *Ergo potest rex esse*? &, occasione solâ temerarij dicti, fecerunt.

O ludos! & lusum etiam adiungo, qui PRO- VI. C VLO tradidit Principatum. In Galliâ milites ad latrunculos ludebant, item conuiuantes. Fortè decies Imperator Proculus exiuit: atque ibi quispiam ludens, *Aue Auguste*: allataque lanâ purpureâ, humeros eius velauit. Timor mox eorum qui adfuerant: & ne accusarentur apud veterem Imperatorem, nouum hunc faciunt consensu.

Ridere in illis liceat, in istis indignari, vbi COR- VII. ruptio suffragia temperauit. Sicut in M. S ALVIO OTHONE, qui clâm & palâm militibus pecuniâ subornatis, & in *Galbam* armatis, eum sustulit, se immisit, sed Principem non diuturnum.

Non item, à simili fœditate, I VLIANVS VIII. perennauit. qui post cædem *Pertinacis*, cùm vxnale in castris Prætorianis pendêret imperium, & *Sulpicianus* licitaretur: iste, pecuniosus & ambiciosus senex, eodẽ aspirauit. & ad muros subiens, modum pecuniæ certum promisit: cumque illi ad *Sulpicianum* retulissent, plus aliquid adiicientem, iterumque ad istum (prorsus vt in sollèni auctione)

H 5 tandem

tandem peruicit Iulianus: finisq; fuit, vi *vicenaquina fextertia* (sunt *sexcenti viginti quinque* Philippæi) viritim Prætorianis darentur. Immanis summa! quam ille cōcussionibus & rapinis mox coëgit: atque hæc omnia, qui inter claros Iuriconsultos nomen vindicabat. adeò facilius est peritum esse legum, quàm seruantem. Sed pœna à tergo pressit: statimq; *Seuerus* superueniens, vitâ & imperio illum, Prætorianos zonâ & militiâ exuit.

- ix. Sed hæc fœda, exemplo vno aut altero eluantur laudabilis Electionis. Quæ autem laudabilior illâ, quam Deus iniecit, & direxit? CASIMIRVS fuit, filius *Miecislai* vnicus, qui ob teneram ætatem regno minimè aptus, sub curâ & gubernatione matris *Rixa* conqueuit. Sed ea mulier auara, superba, exteris Germanisque addicta, prouocauit odia Polonorum: quæ fugâ denique vitauit, ablatâ secû regni gazâ, & filio mox in Saxoniam secuto. Qui in exsilio isto animum ad litterarum studia appulit, & Lutetiâ Parisiorum deuenit. Illinc in Italiam porro; & deniq; pietate impulsus, in Cluniacensi cœnobio Benedictinum monachû professus, Deo totum se vouit & sacrauit. Intereà turbæ & fluctus in Poloniâ, vt in naui rectore vacuâ, & oculi atq; animi requisierût suum Casimirum: decretumq; publicè, vt missâ legatione vbiubi terrarû esset, requireretur. Ad Reginam primò ventum, ab eâ Cluniacum: & inueniunt non iam Casimirum, sed *Carolus* (nam & nomen mutauerat) eundemq; sacramenti religionem, sed & Diaconatus vinculo, obstrictum. Illi præterita excusant, patriæ discrimina & calamitates proponunt; & hunc, vt vnicum præsidium & subsidium, Principem deposcunt. Ipse fortiter recusare;

fare; alienę potestatis se iam ostendere, nec quidquam cum mundanis rebus commercij esse. Tamen vren t; ad Abbatem reiiciuntur, ab illo ad Pontificem. atque iste indulget, laxat sacramenti atque sacerdotij vincula, datâ etiam veniâ coniugij: cum lege, aiunt, vt Poloni caput deinceps in coronam tonderent ritu monachali, itemque nummum annum in luminaria & cereos Diui Petri Romam conferrent. Hoc eiusce indulti monumentum esset. Ita in regnum ducitur, gaudio & consensu excipitur: prudentissimè & fortissimè administrat, domi pace partâ, hostibus foris victis aut repulsis. Piè vixit, piè obiit, regno in posteros (nam & vxorem duxit, & liberos ex eâ tulit) propagato. Quis abnuet hæc à Deo esse? profugo, monacho, Diacono, patriam, sceptrum, vxorem, cum gratiâ, laude, veniâ.

Sed memorabilis illa quoque electio, siue Iudicium fuit, quo regnum Aragoniæ, auorum auo ad FERDINANDVM Henrici Castellæ regis fratrem transfuit. Obierat *Martinus* rex, idque sine liberis: & inter agnatos vel cognatos variè certabatur. Ius, fauor, factio comparabantur: & iam ad cœtus & arma res spectabar: quippe inter potentes compeditores, *Ludovicum Andegauensium Ducem & Neapolitanum regem, Iacobum Comitē Vrgelitanum, Alfonsum Marchionem Villena & Ducem Gandia*, & nostrum illum iam dictum. Sed visum consensu proceribus (rarum in tali ambitu) iudices siue arbitros super hac re legere, & quemcumque Regem dixissent, esse. Electi nouē, sanctimoniâ vitæ, & doctrinâ aut prudentiâ, conspicui: terni ex ipsâ Aragoniâ, totidem è Cataluniâ, iterumque totidem è Valentiâ: quæ tria regna scilicet in vnum corpus contributa. Dies igitur dicta

tandem peruicit Iulianus: finisq; fuit, vi *vicenaquingna fextertia* (sunt *sexcenti viginti quinque* Philippæi) viritim Prætorianis darentur. Immanis summa! quam ille cōcussionibus & rapinis mox coëgit: atque hæc omnia, qui inter claros Iuriconsultos nomen vindicabat. adeò facilius est peritum esse legum, quàm seruantem. Sed pœna à tergo preffit; statimque *Seuerus* superueniens, vitâ & imperio illum, Prætorianos zonâ & militiâ exuit.

- IX. Sed hæc fœda, exemplo vno aut altero eluantur laudabilis Electionis. Quæ autem laudabilior illâ, quam Deus iniecit, & direxit? CASIMIRVS fuit, filius *Miecislai* vnicus, qui ob teneram ætatem regno minimè aptus, sub curâ & gubernatione matris *Rixa* conqueuit. Sed ea mulier auara, superba, exteris Germanisq; addicta, prouocauit odia Polonorum: quæ fugâ denique vitauit, ablatâ secû regni gazâ, & filio mox in Saxoniam secuto. Qui in exsilio isto animum ad litterarum studia appulit, & Lutetiâ Parisiorum deuenit. Illinc in Italiam porro; & deniq; pietate impulsus, in Cluniacensi cœnobio Benedictinum monachû professus, Deo totum se vouit & sacrauit. Interea turbæ & fluctus in Poloniâ, vt in nâui rectore vacuâ, & oculi atq; animi requisierût suum Casimirum: decretumq; publicè, vt missâ legatione vbiubi terrarû esset, requireretur. Ad Reginam primò ventum, ab eâ Cluniacum: & inueniunt non iam Casimirum, sed *Carolus* (nam & nomen mutauerat) eundemq; sacramenti religione, sed & Diaconatus vinculo, obstrictum. Illi præterita excusant, patriæ discrimina & calamitates proponunt; & hunc, vt vnicum præsidium & subsidium, Principem deposcunt. Ipse fortiter recusare;

fare; alienę potestatis se iam ostendere, nec quidquam cum mundanis rebus commercij esse. Tamen vren t; ad Abbatem reiciuntur, ab illo ad Pontificem. atque iste indulget, laxat sacramenti atque sacerdotij vincula, datâ etiam veniâ coniugij: cum lege, aiunt, vt Poloni caput deinceps in coronam tonderent ritu monachali, itemque nummum annum in luminaria & cereos Diui Petri Romam conferrent. Hoc eiusce indulti monumentum esset. Ita in regnum ducitur, gaudio & consensu excipitur: prudentissimè & fortissimè administrat, domi pace partâ, hostibus foris victis aut repulsis. Piè vixit, piè obiit, regno in posteros (nam & vxorem duxit, & liberos ex eâ tulit) propagato. Quis abnuet hæc à Deo esse? profugo, monacho, Diacono, patriam, sceptrum, vxorem, cum gratiâ, laude, veniâ.

Sed memorabilis illa quoque electio, siue Iudicium fuit, quo regnum Aragoniæ, auctorum auo ad FERDINANDVM Henrici Castellæ regis fratrem transfuit. Obierat Martinus rex, idque sine liberis: & inter agnatos vel cognatos variè certabatur. Ius, fauor, factio comparabantur: & iam ad cœtus & arma res spectabar: quippe inter potentes compeditores, Ludonicum Andegauensem Ducem & Neapolitanum regem, Iacobum Comitē Vrgelitanum, Alfonsum Marchionem Villena & Ducem Gandia, & nostrum illum iam dictū. Sed visum consensu proceribus (rarum in tali ambitu) iudices siue arbitros super hac re legere, & quemcumque Regē ij dixissent, esse. Electi nouē, sanctimoniâ vitæ, & doctrinâ aut prudentiâ, conspicui: terni ex ipsâ Aragoniâ, totidem è Cataluniâ, iterumque totidem è Valentiâ: quæ tria regna scilicet in vnum corpus contributa. Dies igitur dicta

dicta electioni, locus captus arx *Caspa* in Aragoniâ. Magna expectatio, concursus, aperta & occulta vota aut metus: denique ipso iam die, tribunal pro foribus tēpli erectum, aulâis instratum & regifico ornatu. Confederunt iudices, præsedit iis (nam adesse voluit) Summus ipse Pontifex, etsi in schismate, *Benedictus*: tum surrexit *Vicentius Ferrerius* Dominicanus ordinis, magnâ sanctimonię opinione, & insigni ac feruidâ eloquētiâ, qui concione ad rem appositâ, proceres & populum consentire, obedire deniq; nouo Regi hortatus est. *Quis is erit?* suspendit aliquamdiu omnium animos, & grandi tandem voce protulit *Ferdinandum*. Clamor coronę, & iubilus, fausta precantiũ. nam plurium in hunc & virtutes eius inclinatio: quorundam tamen & mæstitia, qui suos candidatos decidisse tantâ spe indignabantur. At ipse coronam mox Regni, solenni ritu, accepit: pacem vbique repperit, aut peperit. & magnum illum *Alphonsum* genuit, Aragoniæ, Siciliæ, Neapolis regem.

- xī. Pulchra electio, & quam in manu Lusitanorum erat nuper imitari. Nam plures regnum illud, mortuo *Sebastiano*, competeiebāt, suis quisq; titulis, *PHILIPPVS* rex Hispaniarum; *Alexander* Parinæ Dux liberorum loco; *Ioannes* Dux Bragantiæ, ab vxore; *Antonius* nothus, sed qui legitimum credi se volebat. Concurrebat & regina Galliæ, *Catharina Medicaa*, vetusto & obsoleto titulo à Comitibus Bononiensibus repetito. Rex senex *Henricus* mædendi futuris malis poterat, & velle videbatur: sed fortior animus deerat, & cunctantem mors occupauit. Sed & post eum quinque *Gubernatores* electi, & vndeni *Iudices*, tarditate aut frigore pecca-

peccarunt : & quamquam proni in Philippum regem , non ausi ius ei adscribere , ob populi studia dissidentis. Quem suum ferè *Antonius* fecerat , & plenis velis per plebeias illas vndas ferebatur. Ita factiones , dissidia , & denique arma. Quæ tamen priusquam Philippus inferret (& parata habebat) pro suo ingenio leniter ac tardè agere , legationibus quàm legionibus velle rem conficere : à vi quidem adedò alienus , vt cùm *Antonius* ille , caput turbarum , eiectus ab Henrico rege , in Castella esset , & in cænobio quopiam Diui Benedicti , gnaro rege Philippo , latitaret : ille ne extraxit , nec reppulit , cùm in illo velut torre exstinguere incendium surgens possët. Simile in altero competitore Duce Bragantiæ : cuius filium captum à Mauris , infelici illo prælio , redimi per Legatum suum curauit , & eundem iam in Hispaniâ , cùm essent qui omni vi & viâ retinendum censerent , imò retinerent ; ille firmus in quietis consiliis , & iurè suo nixus , liberum dimisit . Sed neque sic , cùm alij arma pararent aut caperent , inuasit , aut eiecit . sed ante omnia ius suum disputari à Theologis , & Consul-
tis eius , fecit : iamque de eo certior , copias promo-
uit . In limite erat Lusitaniæ , & omnis mora noxia :
tamen iterùm moratur , iterumque peritos conuo-
cat , & per Deum & Fidem obtestatur , liberis vo-
cibus sensibusque edicerent , ecquid iuris sui esset .
Hoc non cupere se modò , sed iubere . Omnes vno
ore ius affirmant . Tum denique *Ferdinandus* Dux
Albæ inuadit , & septuaginta dierum spatio Lusita-
niam totam subiicit : vno prælio Antonio , qui regem
se ferebat , pulso . Si tamen prælium dixerim , vetera-
ni exercitus , cum semiermi & vrbanâ turbâ con-
gressionem . * Annos paullò minus quingentos auul-

* Auulsa
anno m.
sa Lu- c. x.

sa Lusitania fuerat à reliquo suo corpore: rediit, vt retuli. sed cum admiratione aliquâ eorum qui attendent, in re tam opportunâ, vtili, facili, cunctatorem Philippum sic fuisse. Imitentur reges, nec temerè ambitio ad arma impellat.

C A P. I I I I.

DE SVCCESIONE.

Hanc præferendam, et si incommoda etiam habet.

MEliore eam Electione tutioremque esse supra ostendimus: & duplex certè caussa euincit. Prior, quòd nullum hîc interregnum; atque ita nec competitio, nec bellorum materies: præsertim cùm iura successionum legibus aut moribus vbiq; firmentur. Secunda, quòd caritas vtriusque maior, & subditorum in genitum & sanguine Principem; & Principis in subditos, certo & veteri iure suos. Addam tertiam, astrictioris imperij, & reuerentiæ aut obedientiæ promptioris: quia vitari aut differri vindicta ægrè potest, cùm patri filius succedit, & illius iniuriam suam putat. Non sic in exteris: qui tutius contemnuntur, & si offenderis, secessu aliquo vitas, donec illi abeant è vitâ. Duo tamē incommoda adhærent (& quid purè bonum in rebus humanis?) quòd vel mali vel inutiles sic capiendi interdum sint; vel pueri & infantes, quos ætas arcet à regendo. Quod ad prius, sciamus idem & in Electione euenire posse, atque ad eò sæpè euenisse. Ferendum est, & melior expectandus;

etandus : vt post hiemem, aliqua æstas. Quod ad alterum, grande incommodum, fateor : & ferè Deus sic disponit (ipse met dicit) vbi visum ei punire regna aut immutare. Quid ni feramus tamen, si à Deo? Hanc ei viam castigandi adime; aliam reperiet, fortassè tristiore. Leges viam suam teneant, itemque fata. Et tamen in illa ipsa puerili Successione remedium, si viuunt mater. Hanc admoueri, & vices pueri gerere, cum prudenti aliquo Senatu, è re sit : & exempla docent, feliciter euenisse. Nam proceres regni eligi, anceps. si vnum, ceteros offendis, vt spreto; & hic fortassè proprias opes cogitet : si plures, non euades factiones inter eos, & turbas. Mater igitur melior. Sed exempla aliquot, aut iura diuersa Successionis videamus : in quâ consensu gentium receptum.

MON. I. Certos Liberos præferri:

Sed, vt dixi, certos legitimosque. Cui rei, vbi fraudis timeri poterat, cautiones video adhibitas, calumniæ aut suspitioni vitandæ. Sicut in OGINA Lucemburgicâ, quæ pænè *quinquagenaria*, in matrimonio *Balduini Pulchro-barbi*, Flandriæ Comitum, grauida est facta : & res ea suspecta multis, ne vanus aut fartus tumor, non à naturâ & pueri esset. Igitur circa dies iam partioni sollemnes, maritus in medio Atrebatium foro, tabernaculum tendi iussit, laxum & pretiosi operis : edixitque, omnibus fæminis, famâ & loco honestis, fas esse adstipendi, & oculis arbitrandi verus an suppositicius ille partus esset. Factum ita. viderunt plures, obseruauerunt : & omnes ita rumusculos dissiparunt, qui de sterilitate eius erant sparsi.

Circa annum 1111.

Planè

eo .C.
XCIIII.

- II. Planè idem in CONSTANTIA, Neapolitanâ regi-
nâ: quæ nupta *Henrico* Imperatori, quinquagenariâ
etiam maior vterum cœpit ferre, fraudem aut fu-
eum suspectantibus multis. Quod vtrumque pru-
denter amolitus est Henricus. ac primùm, cum vxor
ad eum in Germaniâ agentem adspiraret: vetuit,
iussitque in regno subsistere, & aduentum suum ex-
spectare, coram suis (cum bono Deo) heredem re-
gni parituram. Deinde, vxore etiam ipsâ sic volente,
in foro tentorium expansum, factâ potestate nobi-
libus fœminis veniendi, & parientem ac partum pa-
riter oculis vsurpandi. Peperit igitur, in tali, vt sic
dicam, scênâ *Fridericum*, paterni aui nomine appel-
latum. Hæc satis mira, in illâ ætate. etsi rei fides ali-
qua iamantè ab Abbate *Ioachimo* facta, illo cuius
vaticinia tunc clara erant, & nunc quoque tradita
scriptis leguntur. Quippe parituram prædixit, &
quidem filium, tali vitâ, & sorte: quæque alia *Fri-
derico* euenerunt.

MON. II. *Præferri ætate primos, etsi in ex-
emplis interdum aliter.*

- I. Liberi igitur succedunt: sed mares supra fœminas,
quod liquet; inter autem mares, ij qui ætate antecē-
dunt. Tamen hîc interdum quæstio, an ex causâ,
minore aliquis natu non præferatur? Causæ plures
esse possunt. vna, quæ olim inter *Darij* liberos litem
mouit, *Artemenē*, & *XERXEM*. Nam ex his *Arteme-
nes* regnum iure & more gentium petebat, natu
prior: at *Xerxes* controuersiâ non de ordine, sed de
nascendi felicitate faciebat. Nam illum *Dario* pri-
uato prouenisse, sese regi. Ita priuatas illi opes debe-
ri, quas tunc habuit; at sibi regnum, in quo genitus,
educa-

educatusque esset. Contentio, quamquam de regno, intra arma stetit: & arbitrum patrum sumplerunt *Artaphernem*, qui re pēsculatā, præponendum Xerxem putauit, siue ratione iam dictā, siue indole vtriusque motus. De patruo iudice, in Iuliano scribitur: In Herodoto pater ipse definit. qui idem Herodotus alterum fratrum non *Artemonem*, sed *Ariobarzancem* appellat.

Ipsum hoc in eodem Persarum regno, diu post mouit *Parysatis*, *Darij* alterius vxor: mouit, sed non eodem successu. Nam egro marito persuadere conata, vt **CYRVM** minorem filium *Arfaca* (qui postea *Artaxerxes* dictus) in iure sceptri præferret, ipsā illā dictā causā, & quod in regno natus esset: non impetrauit, & stabile priori ius suum fuit. Et si callida mulier *Xerxis* exemplum suggereret: sed quod paullō diuersum inueniet, qui explorabit. Nam *Artemenes* tunc natus *Dario* fuit, cum verē priuatus esset, nec in stirpe aut iure vllō regio (quippe postea à Magis inopinatō electo:) at *Arfaces* patri quidem nondū regi natus, sed nato è regibus & in hanc spem sublato. Itaque discrimen apparet in vtraque sorte: etsi nec id quidem alibi obseruatum, & quomodo-cumq; primogenitis sceptrum ferē delatum.

Excipio, in causā etiam alterā: si minor aliquis virtutibus excellat; & contrā, inopia sit in maiore. Tum enim præponendus videtur, quem Deus honestauit: idq; ex publico etiam bono. Tale *Ioannes Comnenus* prætextum habuit **MANVELEM** filium præferendi *Isaacio*: idque moriens persuasit. Cepit igitur imperium, & tenuit: sed reuera non pro spe rexit, nec fratri fortasse, nisi ab affectu patris, præponendus.

- III. Et verò rarò felix, nec nisi turbandis rebus, talis electio. vt in PTOLOMÆO LAGI F. qui cùm minorem item, rupto gentium iure, regno imposuisset: ipsa naturæ iura violata mox sunt. cùm alter fratrem suum paricidio sustulisset.
- V. In PTOLOMÆO Physcone haud dispar euentus, sed purus à scelere. Blanditiis vxoris illectus iuniorē seniori antehabuit, & sceptrum credidit: sed populus eo mortuo, huic reddidit, & illi exsilium dedit.
- VI. Quid in LVDOVICO Pio, *Caroli Magni* filio? ille item Iudithæ vxoris suadâ *Carolū* minorem *Ludovico* in multis prætulit: cum eo fructu, vt bellum ipso viuo adhuc motum sit, & arma adeò, iunctis etiam aliis fratribus, in patrem sumpta.
- VII. Ideò non nimis ridendi fortasse Pannonij, qui peruicaciter hoc ius sunt tutati in suo COLOMANNO. *Vladislau* rex, liberis ipse orbus, *Almum* fratris sui filium adoptauerat, animo & corpore meliorem, æquo inferiorem. Vt autem rata magis electio esset, *Colomannum* fratrem sacris initiauit, & procul à patriâ Lutetiam Parisiorum, specie studiorum, ablegauit dicam, an relegauit? Hæc facta, & ipse obiit: sed statim proceres & populus *Colomannum* reuocant, & veniâ exsecrationis à Pontifice impetratâ, regem simul & maritum fecerunt. Quem autē hominem? ridebis Lector: statu pusillum, linguâ balbū, oculo luscum, pede claudum, dorso gibberum. Non monstrum vides? tamen hic placuit, & ius hominum etiam in ambiguo, pænè dicam, homine seruarunt.
- VIII. In hac totâ re tamen fateor morem ABYSSINORVM (in Africâ latè dominantur) non improbandum videri, aut improbum. qui gentiles omnes agna-

agnatosque Regis in vnâ quadam arce educant, remotos à populo : quia & arx in monte pænè inaccessible est (*Angam* nominant) & valido præsidio custoditur. Tenentur illic igitur, ne turbas aut partes faciant : & mortuo rege, cum qui maximè idoneus optimatibus & custodibus videtur, assumunt & substituunt.

MON. III. *Patruum, aut fratris filium, variè præferri.*

Quid autem, si filius maior præmoritur, prole ex se relicta? Rationes & exēpla in diuersum trahunt: id est, vtraque vtroque. Nam qui patruum præferunt, rationem proximi sanguinis adspiciunt, à patre rege: & nepotem toto gradu antecedit. At nepoti fictio iuris subuenit, & idem cum patre censetur: cur non ergo & in iura succedat? Sed exempla etiam, vt dixi, variant: & pro patruo sunt ista.

LVDOVICI Pij primum. Qui *Bernardum* Italiae I. regem deiecit, & vinclis ac carcere coërcuit, quia ius sibi à parte *Pipino* primogenito vindicabar, contra patruum *Ludonicum*.

ROBERTI regis Neapolitani. cui & Pontificis auctoritas pondus addit. Nam hic *Clemente* v. sic censente ius regni tenuit, contra *Carolus Numbertum* II. Hungariae regem: etsi iste natus è *Carolo Martello* III. esset, Roberti maiore fratre. Res clara est & Annalibus testata: sed *Baldus* Ie^m arbitratur, in regni vsum hoc à Pontifice factum, & quia optimus & prudentissimus Robertus esset, quod res docuit: itemq; salubri temperie & partitione, quòd Carolus iam regnum Hungariae teneret, in eoque posset acquiescere.

III. Iamolim etiam NUMIDÆ pro communi iure habuerunt, patruum nepoti præferri.

III. Quod & VANDALI vsurparunt:

V. Itemq; hodie MOSCOVITÆ, sed restrictiùs. nempe si impubes filius relictus sit, tum patruus sceptrum accipit: in *Basilio* nostro ævo factum. Aliter autem, si iusta nepoti ætas: atque ea discretio rationem suam habet.

VI. Hæc pro Patruo: plura etiam sunt pro Nepote. SPARTIATÆ, sapiens populus, sic seruarunt: & ipse *Lycurgus* regnum *Charilao* fratris filio cessit, quod in manu eius erat, omnium gratiâ, tenere.

VII. ROBERTVS Neapoleos rex, etsi alio iure, vt dixi, promotus, hoc velut æquius melius restituit, & sententiam publico iudicio sic tulit, in lite super *Comitatu Sⁱ Senerini*. Quæ inter patruum & nepotem vertebatur, & Iurisconsulti variè trahebant: meliores & ipse ad nepotem flexerunt.

VIII. Ita ille rex: at OTHO *Magnus* Imp. iudicio armorum rem commisit: Pugnarūt singulari certamine, barbaro illo ritu, & vicit nepos. quod iterum ita sub *Henrico* I. Imp. adnoto euenisse. Ergo & Deus hanc causam videatur comprobasse.

IX. Sed quod iudicium, publicum aut priuatum, isto

cccc. Hispaniensi clarius? Rex *Henricus* defunctus erat filio infante relicto *Ioanne*, duos & viginti menses nato. Patruus ei erat FERDINANDVS, vir vel solo virtutum merito (vt sanguis seponatur) omni summâ fortunâ dignus. Itaque coniecti in eum oculi, vulgi & procerum: nec ambire opus, ambiebatur. Atque id non à singulis tantum, & in priuatis collo-

quiis,

quius, vbi adulatio timeretur; sed in Conuentu pu-
 plico, huic rei indicto, omnium non studia, sed a-
 perta suffragia in eum ibant. Incitabat non ipse so-
 lum æui maturus, & virtutum, vt tetigi, spectatus;
 sed & ætas pueri, *qua quando tandem gubernationi*
suffectura esset? Longum annorum interuallum, bella
in manibus, turbas & dissidia in metu esse: qua sem-
per ferè comitari, vbi penes alios regimen esset. Ergo
ageret cum Deo benè inuante, expergisceretur, & vel
regni causâ, caperet fraternum regnum. Surdæ au-
 res ad has voces, & ius infantis ostendebat, & Hi-
 spaniæ consuetudinem: quæ eò magis tutanda ipsis,
 quò minùs ille puer (hoc ipso miserandus) posset.
 Nondum tamen persuaferat; iterumque Conuen-
 tus, si fortè pœnitentiâ subeunte mutasset. Non ig-
 narus ipse eius rei & affectuum, infantem chlamy-
 de rectum occultè intulit: & cùm *Danalus* magi-
 ster equitum, de communi consensu, iterum tenta-
 turus dixisset, *Quem regem, Ferdinande, rennuntiari*
tibi placet? ille acri voce & vultu, *Quem autem,* in-
 quit, *nisi Ioannem, fratris mei filium?* Et simul pue-
 rum in sublime extulit, nomen *Ioannis* idemtidem
 & *Regis*, vt mos est, ingeminans: iussitque vexilla
 explicari, & alia solita fieri in nouo regno. Tu fi-
 des, tu Modestia, è cælo paullisper descendite, &
 hunc alumnum vestrum lætis oculis videte: quanto
 illustriorem spreto sic regno, quàm si decem frau-
 de vel ambiguo iure quæsisset? Sed pauci isti *Fer-*
dinandi: cui Deus tamen regnum Aragoniæ paul-
 lò pòst contulit, pretium virtutum, & Electione
 (de quâ dixi) siue iudicio delatum.

CAP. V.

DE FRAUDE ET VI.

Has quoque priorum specie interuenire.

Sed violat Successionis iura aut polluit sepe Ambitio, quæ vim & fraudem miscet. Quam sæpe sceptrâ sic delata non ad longinquos tantum, sed indignos? & hic quoque ludi interueniunt: quos lubet paullum, Sapientiâ volente, spectare. Venite qui regna estimatis, cælo æquiparatis: en seruuulum, aut infimum homuncionem, suo ingenio ad ea sublimatum. Videte:

- I. Et primum **PISISTRATVM**, qui fraude quidem; sed virtutibus pænè debitum regnum Athenis quæsiuit. Ille comem & benignum se ciuibus ostendere, etiâ liberalem vbi opus; adeò vt refugium & asyllum iniuriâ aut inopiâ pressis haberetur. Suspecta ista optimatibus: neque nesciebat. quos vt in ordinem redigeret, & satellitiû pararet aliquo prætextu, iussus se vulnerauit. Sic saucius, in forum delatus, sanguinem & vulnera ciuibus ostendebat, à potentibus illis, præmium scilicet benignitatis suæ in ipsos, accepta. Quin & vitam suam periclitari, nisi subueniant, quibus eam consecrasset. Fremitus & indignatio populi, mox suffragia, & custodia illi decreta. Quâ cinctus, & inimicos suos statim, & mox populum tyrannide oppressit. Nec omittendum hîc *Solanis* dictum, qui dolum odoratus ei ingessit: *Non rectè, inquit, o Pisistrate, Homericum Ulyssæ*

sem imitatis. siquidem ille flagris se conscidit, ut hostes falleret; tu te vulneribus, ut cines.

Ac genera sanè fraudium plura sunt: sed vna ad II.
rem hanc Successionum apposita, quæ crebra. Est
eorum, qui inferunt se in alienam familiam & cal-
lidè adoptant: histrionio toto & ludicro initio, sed
quoties in turbas & cædes iuit? Fuit in Macedoniâ
ANDRISCUS quidam, homo ultimæ sortis, diurnâ
mercede vitam tolerare solitus: qui *Philippum* se
subitò, *Persæ* regis filium dixit. Et oris similitudo
ad auum inclinabat. Ipse dixit, alij credunt aut cre-
dere simulant: Macedones & Thraces maximè,
tædio Romani imperij, quod nouitate & aspe-
ritate displicebat. Itaque ingentes mox copiæ, &
Prætorem Romanum fudit: donec à *Metella*
idem victus, & in catenis Romam ductus trium-
phatusque est.

In eodem imperio, sed sub *Tiberio* Principe, CLE- III.
MENS quidam exstitit, reuera seruus *Agrippæ Postu-*
mi, quem nepotem suum ex *Iuliâ* Augustus in Pla-
natiâ insulâ relegauerat: sed famâ & fallaciâ, mox
ipse Postumus effectus. Iuit enim magno animo, au-
ditâ morte Augusti, in insulam, ut dominû furtim
educeret, & ad Germanicos aut alios exercitus fer-
ret. Sed dum tardiùs nauigat, interfectum *Agrip-*
pam repperit: & huc iam delabitur, ut sese eum fe-
rat. Venit in Etruriam, ignotis locis se abdit, crines
barbamque in squallorem promittit: mox per ido-
neos homines spargitur, viuere *Agrippam*. primùm
occultiùs, ut vetita solent: tum vago rumore apud
imperitos aut turbidos, eoq; noua cupientes. Iam-
q; in municipiis & coloniis se ostendebat, sed leui-
ter & obscuro diei, & copiam sui haud plenè factu-

rus. Augentur asseclæ, audet Hostiam venire, atque adeò in urbem, & occultis cœtibus celebrabatur. Tiberius, non ignarus periculi, ambigebat, vim militarem, an fraudem fraudi opponeret: & hæc magis placuit. electique *Sallustij Crispi* operâ duo milites, qui simulatâ conscientia adiuerunt, pecuniam & pericula sua offerentes. Mox noctem speculati & solitudinem circa eum, acceptâ idoneâ manu, vinctum & ore clauso, in palatium ad Tiberium attraxêre. Ibi interrogatus, *Quomodo Agrippa factus esset?* respondisse liberè fertur, *Quomodo tu Caesar:* dolum & illi maternum obiiciens, quo ab Augusto adoptatus esset. Secretò interfectus est, magnâ inter tormenta constantiâ, cum neminem conficiorum edidisset: nec Tiberius (prudenter in talibus) vltrâ quæsiuit.

- IIII. In Syriâ similis dolus, etsi vix dolus. *Demetrius Soter*, ille qui Româ obles profugerat, iis imperabat: cum certâ, nec iniustâ de causâ, Antiochenisbus offensus, bellum iis infert. Ipsi extremorû metu, ad noua remedia confugiunt, & vilem quemdam è plebe ALEXANDRVM salutant, & *Antiochi* filiû faciunt, ac repetere optimo iure patrum Syriæ regnû. Fraus cui non apparebat? sed nouitatis studium (insitum popularibus, & addo Orientalibus) siue odium Demetrii effecit, vt crederêt quæ non crederent, & certatim Alexandrum omnes amplexi. Ipse mirabatur nouam suam sortem, & tot comitû militumq; agmina: ac vires propè Orientis trahebat. quibus stipatus pugnat, primò parùm feliciter; mox aliter, & non vincit solùm Demetriû, sed cædit. Eo factò pacificus Syriæ possessor, quod solet, in vitia & luxum se effudit: paruis Demetrii liberis, nec ab iis metu

metu. Sed cùm adoleuiffet *Demetrius* Demetrii F. cum paruâ manu Cretensium rem aggressus, adiutores repperit, & pari leuitate ad se transeuntes, qui à patre defecerant; in his, ipsos Antiochenos. Itaque solutû illum, & inter scorta ac mensas iactatum inuadit, superat, trucidat. Hic finis scœnici & imaginarij Regis, sed satis tamen diuturni, quiq̃ue annos nouem & menses decem in imperio alieno fuit.

Alius ab isto, sed tamen *ALEXANDER*, & in finitimâ Iudæâ, ipse Iudæus genere, adoptauit se in familiam *Herodis* regis. Occasio erat, quia facie *Alexandrum* referebat, ab illo extinctum. Igitur mortuo Herode hic reuixit, & fucum etiam acutioribus faciebat, naturâ & ingenio uaser, tum ipsâ illâ similitudine valde geminâ, & vel noscentes fallente. Venit igitur Cretam, & Iudæos illuc induxit sese agnoscere, pecuniâ & alia vsui dare: quod idem in Melo insulâ, omnibus subtrahit verum neci *Alexandrum*, aliumq̃, suppositum, credentibus vulgantibusq̃. Ita Puteolos appulit, pari illic Iudeorum credulitate & gaudio: ac mox Româ, grandi comitatu, regiâ pompâ. nam & Iudæi, qui Romæ frequentes, & in his hospites notique *Herodis* obuiam ire, iurare eum esse, læticiam eius deferre: prorsus ut à regio cultu & fastigio, præter Cæsaris auctoritatem, nihil abesset. Et sanè Cæsar Augustus moueri quoque cœperat: sed retentabat, quod vetus ille & ueterator *Herodes*, non videbatur, in re tantâ decipi potuisse. & denique ut experimentum caperet, mittit *Celadum* vnum è libertis suis, qui olim familiariter cum *Alexandro* & *Aristobulo* fratre (nam & is seruatus dicebatur) versatus fuerat: sed quid? impositum ipsi *Celado*, & ille quasi notor & assertor

ad Cæsarem redit. Tamen dubitat, ipsum Alexandrum vocat, & sagaciter animaduertit manus callosas, & duratas opere; item in sermone & moribus non illum Principalem Genium & gratiam, quæ solet sic natis comitari, & vel inuitis insciisque adesse. Tum etiam interrogat, quid factum *Aristobulo* esset, & cur non ille aduenisset? Causante ipso, Cypri hæsisse, ob pericula maris & itinerum, & ne, siquid durius euenisset, totum Mariamnes genus vnâ periret. Hæc illo canente, & doctore eius accitante, qui simulatâ grauitate aderat; Cæsar seductum adolescentem monet & interminatur vera dicere, & propositâ impunitate, *Quis esset?* interrogat. Ille verò metu instantium, & splendore illo præsentis territus, vera fateretur, seriem fabulæ denarrat; & à Cæsare ad remum dānatur, vt fidem in vitâ datâ non falleret, doctorem eius exiit vitâ. Reliquis satis supplicij cēsuit credidisse, & pecunias effudisse.

- VI. Hæc vetera, aut longinqua videbuntur: addam haud longè ab eo, aut finibus nostris. Ecce in candidâ & simplici illâ Germaniâ, exstitit PSEUDOFRIDERICVS, tempore *Rudolfi Habsburgensis* Imperatoris, qui verū se *Fridericum* diceret, mortuum ante
 ∞. cc. LXXXIII. * plures annos. Obsidebat tūc Rudolfus Colmariam: sed haud vanè territus, quòd impostor ille in Germaniâ nostrâ inferiore magnas sibi vires, nobiles, vrbesq; adiungeret; solutâ obsidione, Rheno prono descendit, & quasi veneraturus veterem Augustū accessit. Sed eius cōpos, interrogatū quis, unde, quare sic esset, igne in opido *Witzlariâ* cōbussit.
- VII. Pōst in eadem Germaniâ nobilis impostura circa Marchionem Brandenburgensem VOLDEMARMVM euenit. Is ante annos triginta & vnū amissus,
 ∞. ccc. XLVII. siue

siue mortuus peregrè erat : cùm *Rudolfus* Saxonie Dux despicit, quâ viâ *Ludovicum Banarum Ludouici Augusti Filiû*, Principatu Brandeburgensi pel-
lere posset. Cõponit fabulam, ipse inquam eius poë-
ta & actor: nam molitorem quẽdam secretò habi-
tum, omnibus notis insignibusq; arte & astu instru-
ctum, ad verum illum Marchionem, producit tan-
dem in scenam: atque ecce populares, desiderio &
more plebis, accurrunt, se & sua, plerique arces &
opida etiam tradunt. Resistentes, partim Saxonis
copiis, partim *Caroli Bohemi*, qui Imp. à quibus-
dam designatus, ad deditionem coguntur. Ipsi Ba-
uari, & auxiliares eorum Palatini, variâ fortunâ
certant, & grandi vno prælio vincuntur: capto *Ru-
dolfo* Palatino Rhenensi, cum LXXIX. è nobilitate e-
questri. Denique triennio toto elusit, aut potius il-
lulit ille molitor: donec captus tandem ignem ipse,
infamiam fautores eius subierunt.

Sed in vicinâ etiam nostrâ & sociâ *Flandriâ* fa-
ctum, omnia dicta adæquat aut superat. Fuit *Bal-
duinus Octauus* Flandrie Hannoniæque Comes, &
idem grandi ausu pregressuq; Orientis siue Byzan-
tij Imperator. Dum illic res gerit, in prælio contra
Bulgaros cadit: nec ambigua res erat, donec quidam
BERNARDVS RAINSVS, Campaniâ Gallicâ oriun-
dus, & specie religionis iuxta Valentianas in siluâ
quadâ Anachoreta; donec is, inquam, vulgaret fin-
geretq; post annos xx. reducẽ & rediuuium se Bal-
duinum esse. Impulsus à nobilium quibusdam cre-
ditur; & ætas, forma, astus, atque etiam audacia
aderant ad fallendum. Igitur, rebus in Hanno-
niâ motis, in Flandriam ipsam cum hac famâ ve-
nit: & rarâ quadam oris grauitate, commemora-
tione

VIII.

∞.cc.

XXV.

tione hominum rerumque priorum, stemmatis totius notitiâ, etiâ sagaces cautosque inducit. Desciscunt & adherent passim, fastidio etiâ & contemptu sæminei imperij: quod *Ioanna* id temporis, *Balduini* filia, rebus præsidebat. Quin ipsa profligata, & propemodum in *Querceto* opido intercepta, præsidium & refugiû ad regâ *Ludovicum Octavum* Gallix habuit: qui subuenit, sed cû priûs à Senatu *Ioanna* examinatus inquisitusque planus ille esset. Eius enim Præfcs sic dixit, rogauitque: *Tu quocumque nomine appellandus, si te verum Balduinum iactas, cur Orientis magnum imperium deseruisti, ad hoc minus properasti? Cur apud notos atque optime de te meritos duces ac ciues, mortem simulasti, vitam distulisti? Quæ commenti causâ, aut merces? An numquid ij oderant? etiam nunc resument, si vernus es Augustus. Obnoxij semper subditi fuerunt; atque utinam illi domino esse possint! Quid ad nos potissimum venisti, tot lustra nō visus, nisi ut inter ignotos ignotus falleres? Viginti anni iam sunt à morte illius, quem te dicis: quibus tenebris, & quâ causâ, tã curiose te occulisti, sic ut nec aura fama de te spirauerit? Passi multa mala fuimus, & id ob te mortuû: modexi unâ voce, uno scripto poteras, VIVO: cû non feceris, ego, etiamsi uiuis, uiuum te habebo? Impietas tua non meretur: abi ingrata à patriâ, cuius caritatem exuisti; à Principatu, cuius curâ abiicisti; à cinibus, quos obliuione sepelisti. Dixerat Quæstor: at ille mirû quâ confidentiâ, & ex ipsâ fidem præstruens: Domi, inquit, inclementiores ciues, quàm foris hostes, repperi. Tu me Flandria, mater & altrix reijcis, quem Græcia, Macedonia, Thraciâ aduenam excepit, coluit: ipsa Barbaria, maiestatem verita, seruauit. At enim, ubi delitui? audite, & casuum humanorum miserescite, si quid tamen humani in pectoribus*

ribus istis habetis. Captus praelio ad Hadrianopolim à Bulgaris, ab iisdem in custodiâ habeor, satis læta & remissa: usque eo ut effugium etiam patuerit, & animo isto ac Deo ducibus me liberarim. Cum ad meos propero vagus & erro, in alios barbaros incido, ignaros fortuna mea, & ab iis in Asiam trahor ac vendor. Heu miseriam! pudet, sed vos narrare cogitis: Syri me habent, & in ergastulum rusticum dant. Ego Baldunus, Comes, Imperator, quâ manu sceptrâ tenui rastra tractavi, plures per annos: donec à Germanis mercatoribus casu transeuntibus, quibus me aperui, pretio liberarer. Ij me domum remiserunt: vos expellitis? ingrati, immemores veterum beneficiorum, quibus aui vestri, patres, etiam tu atque ille, à me affecti estis. En senium & hanc canitiem, quò reservati sumus? post tot fluctus scopulum repperi, ubi portum putabam: ipsa mea filia, mea Ioanna, patrem nò agnoscit, ne Comitem cognoscat. Hæc & plura opportunè differens, magnitudinem suam vel fallaciam tuebatur: vario animorum motu, & plerisque ad illum inclinatis. Adeò, ut nobilium populariumq; bona pars statim adheresceret, Comitem & Augustum salutaret: donec re iam in præcipiti, Ioanna ad Ludonicum Regem supplices Legatos mitteret, ut Balduni, auunculi quoque sui, magnam sanctamque memoriam, ab impuri nebulonis contagio tueretur. Suscepit negotium Rex, diem homini dicit: venit ille magno comitatu, solitaque fiducia & fastu. Vestis erat purpurea, alba in manu virga, barba promissa, à quâ vulgò Peregrinus Longobarbus vocabatur: sistitq; se Regi, Peronæ. Ille orditur, succinctus nobilitate & Senatu: Flandria in fide & clientelâ meâ est, ne mireris te huc vocatû: quod more & iure, non ambitione aut usurpatione factum. Sine iniuriâ afficeris, à me vindicandus es; sine afficis, puniri

paniri debes. *Vtinam Deus & calites facerent, ut tu sis ille Balduinus, mihi auunculus, amitina mea pater, nec uno nomine Gallia mea illigatus. Vtinam inquam. sed fama tot annorum, tam constanti, quid faciam? ilia te iugulat. Credere me abnuis, & unus tot millibus contradicis: sed fidem ex genere humano tollis, si consensui mortalium non ultra credimus. Tamen effare, fauce siquid habes quo famam redarguas, quo Balduinum te afferas, quo veterem meum cognatum, aut potius parentem à mortuis restituas. Si ille es, breuiter ad hac respondere, & statim, potes. Quero, T'ne pater meus Flandria Comitum dixerit iura dederit? quo teste, loco, tempore, ritu? Baltheone te & insigni militari donarit? Quamulier ex Fracica nobilitate, quo conciliante, quo auspice, loco, cœtu nupsit? Quid hares? hac ignorare de se verus Balduinus non potest. Ista rex: tamen audacia illa, velut deprehensa, hærebat, & spatium cogitandi recolligendi; sui petebat. Inde pro impostore haberi, & contemptim dimitti: dimitti tamen, quia sub fide publicâ venisset. Nec diu post in Burgundiâ captus, ab equite gētis Chastenaïæ, Ioanna offertur: quæ conuictum confessumque, ut dicunt, laqueo strangulauit. Non tamen sine plebeculæ rumoribus, quæ patrem ab improbâ filiâ in ligno suspensum, tunc & diu postea differebat,*

- ix. Nonne consimile in Hispaniâ, cùm *Alfonsus* Aragoniæ rex esset, iuuenis & vndecennis, matre gubernante? superuenit qui se *ALFONSYM* veterem adfirmaret, ante annos viginti & octo ad Fragâ cœsum. Pro colore adferebat, redio se rerum humanarum in Asiam & Terram sanctam iuisse, illic bella pro Deo & religione pugnasse, redisse ad suos culpis expiatis. Cur spernerent, & puero ac mulierculæ potius adhærescerent? Mouerat multos, res turbaturus haud dubiè,

dubiè, nisi Cæsaraugustæ captus laqueo gulam fre-
gisset.

Tædium iurè vereor in paribus ausis & euentis: x.
quî tamen duos *MVSTAFAS* fileam, in Turcarû im-
perio. vt nec id sit à scēnicis his ludis immune? Prior
fuit, *Muratis Secundi* principatu, *DVSMIS*; sed qui
se *Mustasam* diceret *Baiazitis* primi filium, quem
fama & res erat, infelici illo prælio cum *Temir-lan-*
co periisse, vbi & pater eius captus. At enim post an-
nos *vigintiduos* ille se sufficit, & fraudes ac turbas
Murati miscet. quas turbas: tatas, vt Begi, Bassæ, &
primorum plerique ad eum deficerēt, ipsi Christia-
norû Principes fœdus inirent, & Byzantij Impera-
tor. Deniq; per triennium *Muratē* sic exercet, vt in-
certû imperij & vitę faceret: donec ad *Lopadium* la-
cû collatis castris (& *Murates* ipse aderat) arte quàm
viribus magis vincitur, & trās fugiis paullatim nu-
datur. Iuuat ad hanc rem cōmentum callidum Lega-
torû, quos Byzantium vno tēpore, ad fœdus & so-
cietatē, ipse & *Murates* miserant. Sed *Muratis* irriti
dimissi, illius impetrauerant: cū tamem *Muratai*,
cursim præuenientes, audaci astu spargūt, sese voti
compotes, & Græcos à se stare. quod creditum spar-
sumq; in vtrisq; castris, multos *Mustasæ* detractos
Murati iunxit. Deniq; fugit ille, sed retrahitur, &
Hadrianopoli ad pinnam muri laqueo suspenditur.

Alter *MVSTAFAS* miri & noui commenti est, sed
ab alieno impulsu, & in alterius, vt putabatur, fru-
ctû. Ne graue sit me diducere paullū, quæ faciunt
ad grauem illum nobis hostem. *Soleimanno*, maxi-
mo inter Turcarum principes, duæ vxores fuerunt,
& ex iis liberi: altera *Bosphorana*, è quâ *MV-*
STAFAS; altera *Roxolana*, è quâ isti quattuor, *Maho-*
metes, *Selymus*, *Baiazites*, *Giangir*. Sed omnes hos
etate

∞. cccc.

xxii.

xi.

ætate & gratiâ apud militem *Mustasas* anteibat; nec dubium illius imperium, si id exspectare, quàm habere maluisset. Pater sanè cum suspectum nimis spei interfecit. Iam è quattuor illis *Mahometes* obiebat, & mox item *Giangir*; duo competitores supererant, è quibus *Selymum* fata & pater promouebant, *Baias* item mater, mirificè in eum prona. Frustrâ maritum aliquoties tentauerat, vult fraudem & fortunam. Itaque re cum filio collarâ, visum illis initium res nouandi per falsum *Mustasam* facere, ad cuius nomen & gratiam miles facilè còcurreret: ipsi deinde eo in rem suam vtrentur. Reperiunt iuuenem audaciâ & facie idoneum, instruunt & dimittunt. Personam sumit & agit, venit in Thraciæ loca quæ Valachiâ & Moldauiam spectant, vbi equitum copia, & qui plerique viuo nuper *Mustasa* addicti. Ibi clanculùm & quasi timidè se ostendit, comites qui aderant mullitant *Mustasam* esse; fugâ elapsùm à patre, & alium ab amicis substitutũ qui interfectus pro ipso esset, incuriâ, nec seriò agnitum aut inspectum. Id argumētum fabulæ erat, ad quam spectandam agendamque statim concursus. Veniebant & ij, qui oculis suis *Mustasam* interfectum viderant: sed vel falli volebāt, vt locus esset si non recipiendi *Mustasa*, saltē vindicandi. Iam pænè exercitus erant: sed Sangiaci trepidi rem ad Soleimannum referunt, qui fraudis certus eos acerbè increpat, *Quid ita initiis non obstitissent? vel nunc facerent, aut iram ac pœnam à se exspectarent. Mittere se Pertavvum Bassam, cum validis, fidisque copiis; sed melius gratusq. fore, si y quod neglectum est sarciant, Signem nondum validum exstinguant.* Sangiaci iis monitis minisq. excitati aduigilant, concurrunt; aduentantes reprimunt, manus iam factas dissipant

& spargunt; nihil reliqui sibi ad diligētiam faciunt, vt fidem & operam suam Domino probent. Tamen Bassa superuēnit: nec res adhuc *Mustafa* satis validae aut constitutæ erant. itaque à præsentī metu fluctuare multi incipiunt, dilabi alij & transfugere, donec desertus miser cum præcipuis ministrorum in manus venit. Viuus trahitur Byzantium, examinatur, nihil celat: cura iam non de illo puniendo (quod statim factum) sed de filio patrem subit. Hōcne illum ausum, in tam recenti *Mustafæ* infelici exemplo? dolor non ab impietate solum erat, sed ab impudentiâ & temeritate ira. Et iam magnum aliquid parabat: sed mater filium non deserit, callida mulier & mariti sui diu potens. Venit & rem fateatur, excusat & deprecatur. *Quid enim magni miri, inquit, si in fratrem (non enim in te, ne cogita) aliquid molitus est, non tam ambitu, quàm metu impulsus? Le-ges sine fata nostra gentis sunt, unam non imperare solum, sed vivere: & exordium noui Principatus est, fraternum paricidium. Quid inquam mirum igitur, si fugere triste & extremum hoc voluit? si vitam pro-rigare? Naturâ impellimur, & te consule. Hic scopus huius conatus fuit, miseratione, si consideras, quàm irâ dignioris. Tu illam da. cui? filio. cui? & mihi uxori. nam certum non superuivere illi; & in vno duos occides. Quamdiu autē dature? me miseram, instant fata, & in tuâ senis animâ adolescētis illius spirat, & mea. Mouit intimū senile pectus & cōcussit mulier: dat veniam, sed eâ lege vt filius se videat, & ipse eam petat. Ergo aduocatur, & à matre quoq; excitatur iam securâ vt tutò veniat. Venit, sed cū in aditu paterni hospitij est (extra urbem conueniebant, nec temerè filij patre viuo in ipsam intrant:) ecce milites, qui descendentem ex equo tradere pugionem & gladium*

K iubent.

iubent. Id in aliis de more fiebat, sed conscientia stimulante omnia timet, & multus in oculis *Musculus* vterque erat. Mater tamen dat animos. quæ de industriâ ad ianuam expectat, & per fenestrâ linteo obductam hortatur intrepidè pergat, viam omnem à se præmunitam. Accedit ad manum patris, petit veniam & accipit, monitus magis quàm castigatus. Atque ut plenam fidem reconciliationis faceret, potum de more gentis iussit offerri: sed nec hunc sine metu bibit, venenum suspectans, donec pater ex eodem poculo haustu ducto, omni eum curâ liberauit. Atque hæc Fraudium sunt, addam

Violentia exempla.

1. Heu, quàm multa ea occurrunt! passim video aditus atque exitus Regiarum sanguine respercos. Sed temperabo, & eligam. Ab Oriente ordior, atque ibi, in Iudæâ, triste fatum Gedéonis familiæ video, vnius ambitione consumptæ. Laudatus ille vir, & dux per quadraginta annos populi, liberos genuit & reliquit *septuaginta*: atque hos legitimos. vnum è concubinâ *Drumâ*, cui nomen ABIMELECHI. Hic post mortem patris imperio imminens, & adiutus maternâ pecuniâ atque amicis, copias collegit è vagis & sordidis hominibus: cum quibus *Sichimam* vênit inopinatò, atq; omnes ibi fratres *septuaginta super lapidem unum* (ut sacra loquuntur) interfecit, & velut immolauit. Quid si totidem alienos & extraneos? ô facinus! at ille imperium inuadit, & in triennium etiam retinet, ut cœperat, sæuiens, & subditos variè affligens, sic ut *Sichimitæ* arma caperent & rebellarent. Frustrâ. domuit eos & occidit, & ipsum opidum deleuit, salemque in eo conspersit.

fit. Sed cælestis vindicta tamen consequitur, & cum turrim quādam oppugnaret, fragmine molaris lapidis mulier supernè caput eius contriuit. quo ictu collapsus, & iam moribundus, ad satellitem suum, *Tu me, inquit, gladio ingula, ne muliebri manu dicar cecidisse.*

In Parthis *Orodes* regnavit, ille qui *Crassum* ^{II.} victum iactat & occisum. Is cum senuisset, in luctu ob *Pacorum* filium à *Ventidio* cæsum, aquæ intercutis vitio laboravit, neq; longè iā à morte. Quam tamen longum *PHRAATI* filio visum expectare: & veneno eam maturat. Sed id contrā fuit, nec aliud quàm morā aluo in medicinam abiit, & totius morbi seminem allenauit. Quod ille indignatus (neque enim pænitentia subiit sceleris, cui vel Numen videbat aduersari) ad apertum parricidium ab occulto transit, atque hominem palàm suffocauit. Iamne finis? minimè: catenata sunt scelera, & post patrem fratres *triginta*, quasi inferias, adiecit. Quis tamen illius finis? consimilis. nam cum in pace & fœdere cū Augusto esset, cui & signa *Crasso* erepta remisit, hic vicissim dona dedit, inter alia, pellicem insigni formā Italici generis, quæ prole ei genuit *Phraatacē*. Hic ipse vt adoleuit, conscientia & operā matris, patrem interfecit. Benè, benè. quidni dicam? tulit, quæ meruit, & quæ docuit: rediit in auctorem exēplum.

Breui stilo lara scelera in *MITHRIDATE PONTICO* ^{III.} stringam, cui bellum & clades fuit à Romanis, sed mors ab ipso filio. An & hoc immeritò? ecce ille matrem iam primis annis sustulit, mox fratrem; deinde tres filios, totidemque filias. Cælum, terra, mare, aspicere, ferre, purgare toties impium potuistis? Ignosco *Pharnaci*, & animos ad scelus

pænè addo: vindica adolescens auiam, patrum,
fratres, sorores, tot mortes (leue est) in vnâ.

- IIII. Iam in PRVSIA Bithyno tyranno, Romanorum
non socio rege sed seruo, vix memorabile est, quodd
is filium *Nicomedem* tollere è medio voluerit: quid
ita? vt locum aliis filiis faceret ad regnum. Peruerſa
aliqua pietas hæc fuerit. sed ecce filius, rei conceptæ
gnarus, scelus in ipsum vertit, & defectione popu-
lorum, regnum ei ademit, & deinde vitam.

- V. Relinquo te Oriens, fatiges me ſi perambulem:
centesimam partem (verè loquor) non libaui: sed
vnum tamen abiens hîc conſignem. *PTOLOMÆVS*
inter Alexâdri ſucceſſores, pulſo *Antigono*, Macedo-
niam occupauerat, pacem cum *Antiocho*, fœdus &
affinitatem cum *Pyrtho* fecerat: ſecurus iam omniũ,
niſi ſororis, & ex eâ liberorum. *Arſinoe* erat, quæ
in matrimonio *Lyſimachi* fuerat Macedoniæ regis.
Itaque animum & artes intendit ad eam vnâ cum
libris captandam: cautam tamen, monitam, &
omnia timentem. Quid adhibet? machinam in
hunc ſexum validiſſimam, amorem. ſoror erat, ſed
quid ad rem? incendit, non abſterret ea cognatio
Orientales barbaros, & res in mores & iura vertit.
Itaque munera, legatos, litteras miſſitare; offerre ipſi
ſocietatem regni, liberis hereditatem: nec alio ſine
ſe armis id occupâſſe, quàm vt iis poſſet relinquere.
In has res fidem ſe paratum dare quam vellet, &
vbi vellet, apud ſanctiſſimas aras & templa. Quid
multa? perſuadetur mulierculæ, ex ſidiſſimis
amicis mittit, qui iuramentum accipiat: quod ille
incunctor, & pænè inuitans, in veteriſſimæ reli-
gionis templo concipit, ipſa ſimulacrâ & altaria
deorum tangens; ſe ſuumque caput inauditis vlti-
misque

misque execrationibus deuouens : *Sincerâ se fide matrimonium sororis petere ; nuncupaturum eam reginam ; eiusque liberos, suos heredes habiturum, nec alios.* Ergo Arsinoe spe iam plena, in conspectum colloquiumque fratris venit: qui vultu ipso & oculorum acrimoniâ amorem simulans, fabulam peragit, vxorem ducit, capiti diadema coram milite populoque imponit, & Reginam appellat. Secuta quæ solent nuptiis: & læta *Arfinoe, Cassandream*, munitissimam urbem (quod vnum petebatur) vbi thesauri & liberi, præiuit, maritum introductura, & festo apparatu exceptura. Viæ, templa, domus ornantur; aræ & hostiæ disponuntur; filios quoque suos, *Lysimachum* sedecim annos natum, *Philippum* triennio minorem, patri & auunculo occurrere iubet. Quos ille extra portam obuios, cupidè & ultra modum solitæ affectionis amplexus, osculis fatigat, nec dimittit. Portam & arcem ingressus, ponit personam, sumit suum vultum & affectum, statimque milite introducto, pueros iubet interfici in gremio ipso matris, ad quam confugerant. Illa hoc miserior, quod mori cum iis non licuit (sæpè se gladiis interposuerat & obtulerat:) in exilium cum duobus seruulis pulsa est: *Ptolomæo* tamen haud diu ab hac victoriâ triumphante, cùm Galli Macedoniam inundantes, victo ei caput paullò post abstulerint, in hastâ, ad terrorem & fidem, circumlatum.

Ad Occidentem iam ire mihi licet, & ordiri ab Hispaniâ: in quâ cùm Cn. Scipio, post Africanus, victoriales & funebres simul ludos daret, captâ *Carthagine nouâ*: en duo fratres patruels, CORBIS & ORSVA, qui de regno armis certaturi eum adeunt. Ipse, vt mitis ingenio, omnia cõatur & tentat, vt ratione non Marte iudice, rem componant: frustra:

campum & arenam volunt. Concesso, magnis animis concurrūt, sed maior natu *Corbis*, facilè minorem natu, astu & armorum vsu vicit, atque occidit.

VII.

Dicam in Italiâ de ROMULO, *Tarquinio Superbo*, *Nerone*, tot aliis, qui scelere & sanguine sceptrum pepererunt? multa, & nota sunt, ideoque cum veniâ omittenda.

VIII.

∞. 10.

XI.

Venio ad æui nostri patricidam nobilem, & quod indignetur aliquis, felicem. Sceptra imperij Turcici tenebat *Baiazites Secundus* rebus gestis clarus, & numerosâ prole succinctus, in quâ natu minimus SELYMVS erat, de quo eo dictum. Sex ille fratres habebat: è quibus duo primæui suo fato obierunt, tertius paternâ vj: duo supererant, ætate & iure imperij ante ipsum. Sed imperium tamen animo agitabat: & vt perueniat, patrem impedimento futurum, è medio vult sublatum. Id variè tentauit, & primò colore aliquo pietatis. Mos Turcarum habet, filios Principis in certo loco aut opido claudere, nec finibus iis egredi, nisi permissu aut iussu patris. Id contra spes aut res novas institutum videtur, & ne militibus aut populo misceantur, captenturve aut captent. At Selymus fines istos audacter migrat, comites & milites colligit, & cum hac manu ad patrem pergit. Miranti, & per legatos etiam exostulanti, *Ecquid sibi vellet? patria leges. patris iussa sperneret? quo sine, aut causâ?* ille refert: *Non prauitate, sed pietate motum facere. & Mahumetis legem esse, tertio quoque aut quarto anno visere ad parentes: velle se parere, & parentis optimi manum* (ita Turcarum etiâ sermo habet) *osculari*. *Baiaziti* haud placitum, iterumq; legatos & asperiora mandata mittit: quorū summa, rediret. Ille pergere nihilo sequiūs, & iam

Hadria-

Hadrianopoli appropinquare: nixus, vt putabatur, occulto fauore & gratiâ Genitzarorû, quos in partes traxerat. Erat in caipſâ tunc vrbe pater. qui fraudes aut vim metuens, & simul vrbi dominæ timens Conſtâtinopoli, vbi theſauri & regia gaza erat, illuc concitus pergit. Idem filius, & patrem in vicò aſſequitur qui *Tzurulus* appellatur: quid? ad manus osculum? imò ad manus conſertionem; & ſuos inſtruit, & vim parat facere: patre contrà, cùm eò ventum videret, dirigente. Pugna committitur, anceps & cum discrimine, maiore etiam metu Baiazitis; qui haud de nihilo fidem ſuorum ſuſpectabat, & Deum ac Mahumetem altâ voce inuocabat, vindices patriæ & imperatoriæ maiestatis. Audiuit ille (non enim iſte) & fugit Selymus, vaſa & impedimenta omnia amittit, animum & impietatem retinet: ac *Capham* cùm veniſſet, copias iterùm colligit, & primâ hieme in Thraciam redit. Fiduciam etiâ Genitzari dabant, qui in vrbe tumultuari, *Achmetis* (is frater maior erat) imperium aſpernabantur, atque adeò legatos eius qui tunc aduenerant, per ignominiam eiecerunt. Occultè ad Selymum etiam miſſis, vt appropinquaret: ſeſe cætera exſecuturos, & manu viam facturos ad ſoliû & ad ſceptrum. Imperium illud miles temperat, prauo & noxiomore: nec alia cauſâ exitij aliquando erit. Sed *Achmetes* horum non ignarus, cùm ipſe quoque iuxta Conſtantinopolim veniſſet; & militum quidâ operam ac fidẽ obtuliſſent, adnuuit, ſed quod momẽtum inclinationi aliorum facturum erat, aurum præſens, & amplioris ſtipendij ſpem, non adiëcit. Imò vocem iecit, liberam, ſed intempeſtiuam; *Seſe vel inuitis illis imperaturum*. Offendit, & alienauit: iamque Selymus ad urbem venit, tentoria in pratis

fixit: cui obuiam factus *Corcutes*, frater alter, modesti ingenij, & sapientiæ ac religionis studiis deditus, ut captus est gentis. Genitzari audito aduenisse, statim cœunt & tumultuantur: decem è suis ad Bassas (Præfectos sic nominant) ablegant, qui postulent, *Dominũ & Sultanum Selymum esse: Baiazitem ultra non esse, atatis & virium imbecillum, nec molem imperij sustententem. Hoc ipsi edicerent, suaderentque volens faceres, quod vel nolens adigeretur: & cederet, aut cadi ipsi Bassa expectarent. Sententiam omnium sic ferre.* Hęc dicta, & prœpti facere erant: ergo timor Bassas incessit, & Baiaziti rem & discrimen exponunt. Generosus animus, & veteris laudis factorumque conscius, indignari; nihil indultum velle, arma & manus suorum spectare, & implorare. sed abnuentium: atque ibi primus Bassarum (*Vizirium* dicunt) *Mustafas: Ergo supremum vale Imperator,* inquit: *nam nos quidem morituri te alloquimur, nescio an moriturum. Hoc animi tui decretum, ultimũ nobis iam dicit: & minas militares addit.* Mouetur ille, & ipsos miseratur, atq; inquit: *Ergo certũ is, vitam nobis adimere? & huc ventum?* Mustafas: *Huc ventum, quod ad nos attinet: de te, Deus meliora. sed ut optima, spiculis tamen hastarum (verba ponimus) de solio imperatorio scito te detrahendum.* Senex videt necessitatem ultimam esse, & paullisper vocem compressam soluit: *Agite igitur, inquit, ad filiũ ite, nunciate rerum summam illi permitti.* Filius venit, pater excipit, vultu quidem lætus, & thesauros ei atque alia imperij resignat. Tum & solium conscendere iubet, sed recusantem: & subdolâ modestiâ, solam pietatem, affectumq; visendi patris, præferentem. Iterũ iubet, propinquo etiam periculo monitus, & minaces militum vultus vocesque audiens, aut videns.

Ad-

Admittit filius, sed in sequentem diem. Conueniunt frequentes, equites peditesque: sedet pro tribunali, & imperij iurisque vsurpandi causâ, vnum è Genitzaris suspendi laqueo iubet: ceteris spe factâ benigni simul, & fortis dignique maioribus imperij. Cuius primum facinus, relegatio patris *Dimotuchum*: & priusquam perueniret, interitus veneno procuratus. Aiunt medicum eius corruptum id obtulisse, adamante minutatim con fracto, & cibis immixto: cui tamen pretium operæ mors fuit, & ceruix intisa, cum voce Selymi præuiâ: *Veteri domino infidum, nouo fidum non futurum*. Itum in alias cædes. & quinque fratrum filij occisi: tum ipse frater *Corcutes* neruo arcus strangulatus, cum è fugâ reprehendi curasset. Supererat *Achmetes*, primus fratrum, & societate Ægyptiaci etiam Sultani validus: sed falsis Genitzarorum litteris elicit, tamquam fastidientium nouelli & iniqui imperij: prodiret modò, arma cum ipso in hunc sociaturis se daret, Prodiit, pugnavit, victus, suffocatus est: & solus iam certusque Selymus Princeps. Qui in Bassas & proceres variè item sæuiit, homo cædis totus & sanguinis: idem tamen Fortunæ (non enim Deo) carus, & qui res maximas in imperio suo gessit. Persas vicit & reppulit, Sultanum Ægypti sustulit, & amplum id regnum sibi posterisque firmiter subiecit. Nihil etiam priuatim aduersum: & dormire videbatur cælestis Iustitia, nisi quòd in extremo actu se ostendit, & peste correptum extinxit, ipso loco & vico, vbi prima cum patre signa contulisset. Sed & filio tamen felix fuit, magno illo & infesto nobis *Soleimanno*: vt externarum rerum fluxus, non sint tesserae semper beniuolentiæ diuinæ.

IX.

Atque illud seculi nostri est, hoc etiam soli. Fuit ADOLPHVS EGMONDANVS, cui pater *Arnoldus Geldriæ Dux & dynasta* erat. Ille adoleuerat, iste senuerat, & agrè ferre cœpit patris diuturnum imperium & vitam. Itaque per factiones, quosdam è popularibus in arma trahit, & patri bellum palàm facit. sed pater viribus & causâ melior, oblesum in opido *Uenlone* tenet: ac denique Principum vicinorum interuentu pax coit: hac lege, vt iuuenis urbē *Noniomagensem* sibi accipiat teneatque, in quâ liberè & solus dominetur. Sed exigua hæc ei portiuncula visa, resilit mox à fœdere, familiares quosdam patris in eius contumeliam laqueo enecat: & cum videt à se vim frustrâ tentari, ad alienam potentiam fugit, ad nostrum *Philippum Bonum*. Bruxellam venit, patrē accusat, sese approbat, promittit multa: sed apud verè *Boni* Principis surdas aures. Desperatis igitur auxilijs, ne patrē videat, Hierosolyma properat, homo sacer scilicet ad terrâ sacram: paullò post redit, omnium inops, quò nisi ad patrem? Recipitur amicè, & ipse pœnitentiam & amorem simulat, sed vultu nō animo bonus. Nam fraudem & insidias patri statim ita struit. Erat senex *Grania* ditionis suæ tunc opido, cum vxore: venit quasi per officium filius. More gentis epulantur & bibunt largiùs, saltant etiam in multam noctem: ipso sene Duce sustentante, & in filij gratiam præter vires & morem lætiore. Tandem cubitum sese confert. Vix fecerat, cum adsunt à *Noniomago* (ij iuueni parebāt) ciues armati, & ab *Adolpho* clam intromissi; rectâ ad cubiculum Ducis, duce filio, tendunt. Pullant fores. ille è lecto, iocos & choréas etiam tunc cogitans, *negat id noctis saltare ultra posse: iuuenes faciant, & abeant*. At illi effractis iam foribus adstant,

stant, iubent surgere & se consequi. *Quò autem?* ait senex, & *vbi filius?* Miser, vbi auxiliū patat, exnium est: & ille improbus, *Pater*, inquit, *necessitati parendum est, age sequere.* Nec tantillum exspectant, vt tunniculam interiorem aptet atque induat, ne tibialia quidem sumat: sed pater equitantem filium, nudis pedibus & corpore, i a sequitur *Buram* vsque. Ibi carceri tetro includitur, & sex annos totos (non illius, sed & popularium impietatem culpo) sex inquam annos detinetur. Tandem improbitas querelas vulgi excitat, sed & minas Principum vicinorū: è quibus *Ioannes Cluix Dux*, ipsius *Adolphi* auunculus, arma etiam sumit. Qui tamen à se parū validus, auctoritatem vel auxilia à Pontifice *Papulo Secundo*, & *Friderico Imp.* petit. Illi statim annuunt, ad *Adolphū* acres minacesq; litteras scribunt, & vt patrem luci & libertati reddat, iubent. Nihil fit, ridet. Itaque iidem *Carolo Audaci* nostro, valido principi, totam rem committunt: liberet senem, reconciliet filium, denique faciat quod ex æquo & vsu videretur. Ille vtrumque coram se sistere iubet, qui in Gallix finibus *Dorlani* tunc erat. *Adolphus* haud spernendam iram, & iussa, tam potentis vicini ratus, patrem secum educit: accusat in consilio, fœda & falsa in eum ingerit: quorum faciliè purgatus senex, bonorum & illustrium virorum testimoniis, tandem impatientiā & fiduciā ed prorumpit, vt filium ad singulare certamen prouocaret, ferro & Deo iudicibus innocentiam suam asserturus. Mos tunc satis creber in Martiali nostro populo erat: sed *Audax* tamen abnuat, fœditatem rei proponens & insolentiam, & simul in euentu incerto certum scelus, vtercumque vicisset. Ita se cum suis deliberatā,

pro

pro sententiâ dixit *Arnoldus* pater solus titulo Ducis utatur: sed filio opida arcesque totius Geldria cedat, solâ Graniâ sibi exceptâ. Accipiat in alimoniam de manu filij tria quotannis aureorum milia. Hæc cōditiones: quis abneget, imò quis non miretur filio tam bonas? Sed non silent historici, *Carolus* nescio quâ occultâ causâ an pacto, in filium prioniorem. Quid tamen deinde? refertur ad filium, & quidem à viris primariis & grauibus, inter quos *Philippus* ille *Comineus* erat, qui hæc scripsit. At illi respondit in ipsâ verba: *Malle se præcipitem dare parentem in presentem, se deinde superiicere, quàm ut in has condiciones paciscatur. Quid malum?* inquit, *pater alibi imperet, qui totos quadraginta annos omnibus præfuit? Equum est, ut nostra quoque iam vices sint: nec aliud admiscro, quàm de pensione trium milium, sic quoque, ut pater totâ Geldriâ cedat, atque adeò excedat, nec unquam pedem in eam referat.* En responsum, non tam impium (& ita tunc omnibus visum) quàm insanum. Igitur *Carolus*, cui aliæ res præuertende, cum id ipsum tēporis *Ambianum* Galliarum rex interceptisset; dilatâ hac cognitione expeditioni se parat. Iuuenis suspicatus detentum se iri, auersione animorum cognitâ, fugam cum duobus comitibus, Gallicâ veste, ad suos capit: omnia in reditu vi & armis occupaturus, aut turbaturus. Sed ecce *Namuri*, dum *Mosam* flumen cymbâ transmittit, agnitus ab vno alteroq; vectorum, mox à pluribus, capitur, & ad *Audacem* reducitur. qui *Viluordiam*, atque inde *Contracum* duci, & in honestâ custodiâ asseruari iussit. Mansit ad *Audacis* ipsius mortem: cum *Gandauenses*, pro suo tunc more turbas daturi, huc idoneum ducem arbitrati, eum soluunt, & bello in *Tornacenses* præficiunt, quos tunc Galli habebant. Iuit cum manu aliquâ, adequitat mœnibus,

bus, erumpunt prædijarij, & miser inter primos cecidit. Quid tu nunc pater? talionem aliqua parte à iusto Iudice vides. Carcere te puniuit? ipse sustinuit. Mortem machinatus est? ipse subijt. Nec sanguis hic multus fusus, aut violentæ cædes, fateor, ut in prioribus: mihi tamen librati, impiæ Impietatis exemplum visum est, & supra omnia infixæ & obstinæ. Nero, Tullia, aut alius aliquis, impetu peccauerint & calore: hic meditatum, hic diuturnum scelus est, nec adhæsit animo, sed insedit.

Apud nos hæc gesta. quid si in Græciam nouellam, & BYZANTIVM abeo? si ad illos à *Constantino* Imperatores? Fideliter dico, plura scelerum ab hac Ambitione exempla, quàm in aliâ Europâ totâ reperiam. Sollennia illa erant, necare, excæcare, excæcare: hæc patres in filios, item matres ipsæ; hæc filij in utrosque patrabant. Quid parruos, fratres, agnatos dicam? in leui suspitione, & minimo metu hæc facta: quasi per ludum aliquem & iocum. Et vide ingenium sæuitiæ! certum est, non aliâ re hominem magis abiici, & animo conatuque cadere, quàm Exfectione illâ aut Excæcatione. Qui aut virum viro, aut lumen demit: nihil ab eo viri vltra formidet, & in pœnam aut ludibrium modò viuit.

Sed claudio hoc totum de Ambitione, vno eoque iocoso exemplo. CHAN TARTARORVM (eorum Princeps sic dicitur) cum *Stephanus* haud ita nuper optimus fortissimusque Poloniae Rex obiisset, in comitiis de Rege creando, ipse quoque per Legatos interuenit. Dixit & proposuit ista: *Potentem se esse, & posse myriades aliquos equitum* (vera sunt) *educere è suis terris, Polonia tuenda vel augenda. Item, frugalem se & continentem esse: ac sine ullis ciborum deliciis,*
solâ

solâ equinâ in fame contentum. Terriò, quod ad Religionem, de quâ disputari audiebat, Tuus, inquit, Pontifex, meus Pontifex esto; tuus Lutherus, meus Lutherus esto. Si risu excepta Legatio fuit, nemo quærat, effusio maximè: & ecce hominem paratum omnia sacra & deos deserere, regnandi causâ.

C A P. VI.

DE PRINCIPVM INCLINATIONE.

Deteriores eos sæpe fieri, & mutari.

NE scio quâ causâ occultâ, præter apertas, etiam evenit: ut cum in aliis artibus vsu homines discant, & meliores fiant, in hac regendi ferè cōtrâ, & Principes inclinent. Omnis ætas dicit, & rarò decursum ad metâ, æquabiliter hunc cursum. Causæ partim in Principe, partim Nobis; partim Principatu ipso videntur: atq; obiter examinemus. In Principe, quia initio magis intendit, & pudor est, & bonæ famæ studium: quæ calcat paulatim, & in omnium obsequiis audaciam, & proteruiam, & contemptum sumit. Itaque *rumor ille* (ait Lamprius) *qui plerumque novis solet dominari Principibus, nisi ex summis virtutibus non permanet.* Benè initio audiunt, & faciunt: sed rarò constans est illa virtus, nisi firmo fundamento nixa & instructa. Secunda causâ, ab infirmitate ingenij humani est. grande illud imperij pondus aliquamdiu rectâ ceruice sustineri, vix semper potest: lassantur, & se inflectunt. Quò facit natura, prona in vitia: & magis, ubi non metus aut pœna retinet; sicut in Principe, qui est super ista. Et nisi ipsum illud Honestum cum teneat,

teneat, & Religio: quis est qui possit? Accedunt deprauatores, insitum Aulæ malum: & qui prauè etiam facta laudantes, magis istuc ducunt. Itaque vt qui vinum bibunt, initio pares sunt, & sensibus subsistunt: mox alienantur, & compotores etiam inuitant aut vrgent: sic in potentiâ, cùm noua & modica, ferunt; diuturnâ corrumpuntur, & fiunt ebrij, & magis tales faciunt adulatores. Panegyricus scriptor rectè: *Vbi sub tanto onere infirmitas lapsa est, faciunt licentiam de potestate*: habenas omnes ingenio suo & cupidini laxant. Causæ etiam in Nobis & subditis, sunt istæ. Credulitas prima. quòd temerè initio, etiam de malis aut ambiguïs benè speramus: & quid mirum igitur falli? Neque illi se mutant: sed nos opinionem. Inde iactatum apud nos prouerbium: *Flandros amare futuros Principes, odisse factos*. Cùm præsentibus displicent, alios adspicimus & optamus: atque vt ægri, mutationem remedium destinamus. Secûda, quòd refractarij sæpe & praui simus, & cõmuniter etiam erga optimos ingrati: donec esse desinant. Id Principes grauantur & indignantur, & paullatim affectum & curam à talibus abducunt. Magis autem, cùm seditio, rebellio, aut insidiæ sunt: tum & iustè putant se opprimere aut affligere, & plurium noxam omnes luunt. Ausim dicere, bonos Subditos facere aut seruare Principes bonos. At causæ in Principatu ipso sunt. quòd is ad Superbiam & contemptum inuitet: & vel firmissimos conuellat, & à statu paullatim abducat. Sicut cæli à supero illo abripiuntur, & quamquã contrà nitentes obsecundant: sic Principes ab ipsâ illâ potestate. Vidēsne priuatos homines in opibus magnis, aut prosperitate, depruari, & à veteri viâ & viâ flectere? idem fit istic.

Poten-

Potentia impotentiam gignit, licentia libidinem, vitia: & ut pondera ab alto lapsa, in præceps eunt. Quid, quòd interdum ipsa Infelicitas mutet: ut quibus domi aut militiæ res sunt improspæræ, ipsi fortunæ, ipsis subditis (etsi extra culpam) obirascuntur; & ut in tempestate, clauum abiiciunt, & dant vela ventis. Priuatim saltem oblectamenta quærunt, continuia, ludos, mulierculas: publicum omne decus aspernantur. Exempla horum pauca videamus.

- I. Insigne primum in DIONYSIO IUNIORE tyranno Siciliæ: qui mortuo patre, mirè clementem se exhibuit & benignum. Tria millia nexorum, ob æs alienum, soluit; tributa per triennium remisit; alia, in gratiam & famam populi. Sed mox iam dominationis certus, rettulit ingenium, quod paullisper seposuerat: auunculos interfecit, quos verebatur aut timebat; item fratres suos, nequis æmulus superesset; mox in omnes promiscuè sæuiit, ille *Dionysius* effectus, cuius non tyranni, sed tyrannidis, nomen habetur.

- II. At hic naturâ prauus: à causis, & vi aut vicio Regni, PHILIPPVS Macedonum rex pænultimus, cui cum Romanis bellum fuit. Erat sanè ille (Polybius testatur, qui nouit & vidit) plerisque dotibus corporis atque animi ornatus: vultu decorus, corpore erectus, eloquentiâ promptus, ingenio & memoriâ validus, lepore & dictis etiam facetus; atque omnia cum regio quodam decore & maiestate. Accessit virtutum studium in togâ, & in bello; animi magnitudo, & liberalitas: vno verbo, vix aliud tantâ indole aut spe Regē Macedonia aut Græcia viderat. Sed ecce momento omnia vertuntur: siue Fortunæ culpâ, quæ aduersa ei in Romanos, animum infregit & ab

& ab instituto ad gloriam cursu reuocauit; siue delatorum vitio & suo, qui aures eis temerè & facilè præbebat. Sanè optimos quosque à se spreuit, veneno & ferro grassatus: sed nec sanguini & filio suo *Demetrio* tandem parcens. Denique ille *Philippus*, de quo omnia bona sperata & videri cœpta, in omnia mala desit, prauus, inuisus, infelix.

HERODEM Iudææ regem licet addere, inf- III.
gnem, mitem, magnificū, primis sex annis, siquem alium: reliquos triginta & vnum sic immanem, trucem in suos alienosque, vt *septuaginta* Senatores regię stirpis interfecerit, vxorem suam, & tres filios: denique moriturus, ex omni Iudæâ nobilissimum quemque, quasi ob aliam causam, euocari ad se iusserit; & cum venissent, ambitiosè ab amicis petiit, vt inclusos Circo, ad vnum interfici à militibus curarent. non ob noxam, sed (vt aiebat) quò verus iustusque dolor funeri suo exhiberetur, cum nulla familia immunis ab hac clade esset.

Quid TIBERIUM Romanum Principem lo- IIII.
quar? res pernota est, bonum fuisse, donec *Germanicus* ac *Drusus* superfuere; mixtum virtutibus ac vitiis, matre incolumi; pòst in omne scelus, flagitium, & infamiam prorupisse, vt ipsum quoque interdum non factorum solùm (animo torquente) sed vitæ pæniteret.

NERO in eadem re Romanâ notatur, magnus V.
initio Princeps, magnum postea monstium: & Traiani elogium de illo fuit, *Omnes etiam optimos Principes longè à primo quinquennio Neronis abesse. Quod* in aliis fortasse verum fuerit; sed domi tamen veneno frater sublati, secundo statim anno, dedecorat

L hanc

hanc laudem. Plura exempla notare est: plura? imò plurima: sed fastidium paritatis vitandum est, & nihil hîc, quod singulariter narretur.

C A P. VII.

DE FINE PRINCIPATVS:

Qui est, Publicum Bonum.

AT Princeps, ne inclinet sic & labatur, sed bonus sit & perseueret: quid magis eum fulciat & firmet, quàm Finis semper in oculis, quò spectet? Neque enim Principatus ipse finis est, absit, aut altitudo illa & splendor: sed populi bonum, id est directio eius & tutela. *Officium est imperare, non regnum,* ait Seneca noster. Græci ἀρχὴν *reges* dixerunt, vt Plutarchus interpretatur, ἀπὸ τοῦ ἀρχαῖος ἔχειν: quod est, *curam gerere, & tueri.* Certè debent, ipsum *Regis* nomen apud Latinos eòdem vocat: vt ordinem seruet, compositè imperet: quod qui negligit, non regit ille, sed dissipat & perdit. Cogitet secum Princeps: *Ego ex omnibus mortalibus placui, electusque sum, qui Deorum vice in terris fungerer: ego vita necisque gentibus arbiter: qualem quisque statum sortemque habeat, in meâ manu est positum.* O dignitas! vicarium Dei esse, & non esse æmulum? Vide vt ille ab orbe condito dispenset, & regat, ætates, hiemes, anni tempora; fruges, fructus, tot vsui nostro aut voluptati; cælos, terras, maria, omnia in statu & concordia, etsi maximè discordia, seruet; parcat plurimum, interdù puniat; verus pater simul & dominus generis humani: quid desideres, præter hoc exemplum? Subsequere: & à Deo reges, ad Deum cant. Sint

Epist. xc.

Sen. l. de
Clem.

Sint igitur in assiduâ curâ, sed cum tranquillitate & pace: & hæc vtraque suis, quantum potest, procurent. Absit otium. *neque enim specie tenus* (ait Panegyristes) *ac nomine, fortuna Imperij considerata est.* Sunt trabæ, & fasces, & stipatio, & fulgor, & quidquid aliud huic dignitati adstruximus: sed longè maiora sunt, quæ vicissim nobis, auctoribus fautoribusque potentiae, debent. *Admittere in animum* Ibid. *totius reipublicæ curam, & populi fata suscipere: & oblitum quodammodo sui, gentibus vivere. Accipere innumerabiles undique nuncios, totidem mandata dimittere, de tot urbibus, nationibus, & provinciis cogitare: NOCTES OMNES DIESQUE, perpeti sollicitudine, PRO SALUTE OMNIUM cogitare.* En breuiter tuum munus, & in fine Finis, Populi salus. Exempla addamus, qui fecere, aut facturos se sunt professi. Inter istos

TIBERIVS Imperator. qui pulchrâ voce (vti. i. nam & re!) testatus, in pleno Senatus: *Dixi & nunc, & saepe aliàs P. C. bonũ & salutarem Principem, quem vos tantâ & tam liberâ potestate instruxistis, Senatui seruire debere, & VNIVERSIS ciuibus: saepe ac plerumque, etiam SINGVLIS. neque id dixisse me panitet.* Pulchrâ, inquam, voce, & quam sine Numine conceptam non reor, aut emissam. Quid verba facimus in instruendo Principe? ecce hîc compendium. *Seruiat*, id est audiat obsequaturque *Senatui* & bonis consiliariis: *seruiat vniuersis*, in bono omnium procurando: *seruiat singulis*, in Iustitiâ administrandâ, iniuriâ arcendâ. Sine istis, non est Princeps, sed tyrannus.

Quod TRAIANVS, item Imperator, considerans, cùm præfectum suum Prætorij, de more, 11.
L 2 gladio

gladio succingeret, daretq; vitę & necis potestatem: *Cape hunc, inquit: & si quidem recte & ex UTILITATE OMNIUM imperauiero, pro me; sin aliter, contra me utere.* Optimam Optimi illius vocem! Viuam, si reipublicę viuo: si mihi, arma hæc in me verte.

III. Iam HADRIANVS Imp. quoties auditus est dicere? *Ita se rempublicam gesturum, ut sciret REM POPULI esse, non suam.* Iterumque, quod eodem ducas: *Talem se præstiturum Imperatorem, qualem sibi optasset priuatus.*

IIII. VESPASIANI etiam cæleste dictum est, qui sanus valensque, semper in publicis occupatus, etiam eger perseuerauit: & reuocantibus amicis, utque sibi parceret, *Imperatorem inquit stantem mori oportere.*

V. Inferiore æuo HENRICVS Imp. *Friderici* filius, ita assiduus in rebus, ut vix serò cibum caperet. Cumque idem moneretur, valetudinem & vires cordi habere, respondit: *Priuato quidem homini omne tempus cibi esse, cum id lubet, aut solet: at Regi, si nomen suum non abdicat, id solum, quo vacat.*

VI. Itaque rebus hominibusque se dant, etiam vilioribus: nam & ij Principatus membra. Insigni hîc monito RVDOLFI Imperatoris *Austriaci*; qui cum submoueri à satellitio suo tenuiores quosdam videret, ad se affectantes, non sine stomacho edixit: *Per Deum* (ipsa eius verba sunt) *finite homines ad me venire. Non enim ideò ad imperium sum vocatus, ut in arculâ includar.* Melius nihil possum, desino, & hoc infigo.

CAP. VIII.

DE EXEMPLIS PRINCIPVM.

*Ea facere ad Virtutes aut Vitia
subditorum.*

Principem ob se bonum esse oportet, sed etiam
ob alios: quos talis emendat, aut alius deprauat. Nam homines inprimis ad alta ista flectunt
oculos, & exempla sibi suis inde moribus sumunt.
Sallustius: *Qui magno imperio praditi, in excelsa etate
agunt, eorum facta cuncti mortales nouere. Ita maxima
fortuna, minima licentia est.* Sicut igitur regulam ma-
ximè rectam esse oportet, ad quam cetera dirigun-
tur: sic Principem. Et vt in corporibus grauissimus
est morbus, qui à capite diffunditur: sic qui ab
illo. Pindari, ad Hieronem Sicilia regem, aurea
dicta sunt.

Ἀλλ' ὁμοῦς . κρείσσων γὰρ οἰκτρομῶ φθόνῳ.

μὴ παρίει καλὰ . νό-

μα δικάω παλαιῶν στρατὸν . ἀ-

ψαδὲ δ' ἔ' πρὸς ἄκμονι χάλ-

κὰς γλῶσσαν.

εἴπῃ καὶ φλαῖρον ὄφθαλμοῖς-

σει , μέγα τοι φέρῃ

παρ σέθεν· πολλῶν τιμίας

ἑστί· πολλοὶ μάρτυρες ἀμφοτέροισι πύοι.

Attamen (melior enim miseratione Inuidia.)

Ne omitte honesta . guberna

Iusto clauo populum,

Veracemque ad incudem

Fabrica linguam.

*Si enim vel leue eruperit,
Magnum feretur
Abste. multorum dispensator
Es : multi testes utrisque fidi.*

- I. ALPHONSVS rex Aragoniæ & Neapoleos, cùm de Subditorum moribus disputaretur, dixit: *Vt herbas quasdam ad Solis motum, sic populares in Principum mores verti.*
- II. ALEXANDER MAGNVS ceruice leuiter incuruâ & pandâ fuit, quod certatim proceres & aulici imitati, quasi ipsum sic effingentes. Aded & minuta obseruant, atque æmulantur; vtinam sic interiora & virtutes!
- III. Luxus in conuiujs, veste, supellectile, familiâ, ad VESPASIANI tempora nimis Romæ inualuit: nec vel legibus potuit coerceri. at statim, illo Principe, sponte exoleuit. Causâ in Tacito: *Præcipuum adstricti moris auctor Vespasianus fuit, antiquo ipse cultu victuque. obsequium inde in Principem, & amulandi amor, validiora quàm pœna ex legibus & metus.*
- III. Annal.

C A P. I X.

DE IVSTITIA:

Quam Princeps in se, & suis, seruet.

INter omnes autem Virtutes, sunt quædam velut Regiæ, & Principales, vt *Iustitia* primùm. à quâ Homerus Reges *ἡγεμόνας* appellauit, *circa ius occupatos & versantes*. Nihil iis conuenientius, nihil dignius: & seruata, regna seruat. Seruanda autem,
etiam

etiam in iis quæ Principes, aut qui circa ipsos sunt, tangunt. Mali doctores, qui à legibus eximunt: qui cum Caligulâ censent, *Omnia ipsi, & in omnes, licere.* Siue cum Sallustiano Memmio: *Impunè quilibet facere, id est regem esse.* Abite qui docetis, qui discitis: imò qui præest Iustitiæ, ad eam præeat, & exemplo commendet. Theodosium imitetur, de quo Panegyristes: *Idè es qui fuisti; & tantū tibi per te licet, quantum per leges antea licebat. Jus summum facultate & copiâ commodandi, non securitate peccandi experiris.*

Dixit, sensitque ANTIGONVS Macedonum rex, I. cui cū blandiens aliquis suggereret, *Omnia regibus honesta iustaque esse:* respondit: *Sunt hercules, sed Barbarorum dumtaxat regibus at nobis ea honesta, quæ honesta sunt, & iusta quæ iusta.* Retudit adulatorem, & docuit, non regulam iustitiæ regem, sed ministrum esse. Quid idem iterum? Scripsit ciuitatibus, ut *Si quid forte inberet, quod aduersaretur legibus, ne admitterent: ac pro eo haberent, atque si inscio se scriptum esset.*

ZALEVCVS verò & insigni facto iustitiam asse- II. ruit. Legē, inter alias, Locrensisbus tulerat, ut *Adulter oculis orbaretur:* iustissimè, quia ij ferè ad hoc crimen illices sunt, aut duces. At ecce filius paulld post adulterauit, & legis reus etiam pænæ erat. quam tamen populus consensu, miseratione moti (vnicus enim erat) & in patris gratiam, remiserunt: sed patre abnuente & indignante, *Lex, inquit, sancta & pœna, etiam in nobis esto: sed viam repperi, quâ illâ saluâ humanitati indulgeamus. Ipse & ego unum sumus, mihi ergo vnus oculus, alter ipsi ernatur: atque id factum.*

III. CHARONDAS autem Thuriorum legislator, in eâdem magnâ Græciâ, feuerior & in se fuit, aut verè dicam crudelior. Nam & ipse legem tulerat contra ciuiles factiones & cades, *Nequis cum telo in concionem venisse vellet: qui aliter, capitale id esset.* Accidit, vt ipse rure veniēs, & indiētâ tubitō cōcio- ne, vti erat, ad eâ armatus accederet. cumque æmuli occlamassent, *Soluere cum legem, quam tulerat, ac palam cum telo esse:* ipse errore cognito, *Mehercule ita est,* inquit, *sed idem ego sanciam.* statimq; stricto ferro incubuit. A fine aliquis laudet, à facto non probet.

IIII. At PHILIPPVS MACEDO, Magni pater, quàm obnoxium se iustitiæ præbuit, & aures suas verberari vel conuicio passus est, quod ægrius quàm gladio, Principes ferant? Dicebat apud eum caussam *Machetas* quidam: & Philippus parùm intentè visus audire, & re non benè totâ cognitâ, damnasse. Machetas non tulit, & Macedonicâ ac militari libertate, *Appello,* inquit. Philippus miratus & iratus, *Tu à rege? & ad quem?* Machetas: *Ad ipsum te,* inquit, *sed vigilantem & attentum:* Siue, vt alij efferunt, *Ad Philippum sobrium.* Sed siue incuria, siue vinolentiâ regi obiecta; excussit vtrâque, & re propiùs pensiculatâ, iniuriam Macheta factam agnouit, & vindicauit. Quomodo? saluo tamen priore decreto: & æstimationem litis ipse à se dependit. Dupliciter laudandus. & quòd se, saluâ rei iudicæ firmitate, immutauerit: & pænitentiam, pœnam etiam suam fecerit.

V. Hæc in ipsis Principibus: circa ipsos, ista. ARTAXERXES Persarum rex, *Longimanus* cognomēto, identidem obtundebatur (sic loquēdum est. importunè, & sæpe, alter ingerebat) cùm, inquam, obtundere-
tur

tur à *Satibarzane* gratioſo ſatrapa, in re quapiam iniuſtâ, quam alteri volebat impetratâ: ille tandem reſciuit *triginta Daricorū millibus* emptū *Satibarzane*, vt conſectū hoc daret. Vocat ad ſe igitur, atq; vnâ *Quæſtorem*: & *Hens tu*, inquit, *triginta millia* huic illico *adnumera*: tu autē hac cape, & tibi habe. Cū enim dederō, nihilo pauperior ero; at ſi tuū illud conſeſſero, multo iniuſtior. Laudo, laudo. neque amicum alienauit, fidei cognitū; neq; Iuſtitia vllā re violauit.

PHILIPPVS iterū *Macedo* conſimile: neque par tamen vndique. nā æquitate aſſidet, liberalitate non conuenit. *Harpalus* pro amico quodam, iniuriarum poſtulato, acer & multus apud Philippū intercedebat, & liberari volebat. Addebat, ſe pro eo multā, quanta eſſet, depenſurum. Hic Philippus: *Quid tu igitur ſatagis, ſi multā dependitur?* *Harpalus*: *Nempe vt fama ſit ei ſalua.* Philippus: *Quid tu ais? & non æquius illum malè audire, qui malè fecit, quàm me innoxium, eius cauſā?* bonum factū, bonum dictum.

Nostri aut patrum æui vnum adiungam. Erat VII. CAROLO AVDACI, Burgundiæ & noſtro Duci, vir nobilis in ſequenti gratiâ: atq; ei præfecturam opidi in Zelandiâ dedit. Ipſe ibi in otio, amorem concipit in fæminam corpore ſcitā & moribus, animo meliorem, vt docuit euentus. Primò aſpectus, obambulation, ſuſpiria, & quæ ſolent amantes: mox audacior & verba miſcet, & affectum aperit, & ſolatium orat. Neque promiſſis abſtinet, & omnia tentat, quæ ſint expugnandæ. Fruſtrâ, munita vndique caſtitas erat. Igitur deſperatione ad facinus ſe vertit. Præfectus erat, vt dixi, & *Carolus* noſter in bello: maritum igitur amatæ fæminæ proditionis inſimulat, & ſtatim in vincla miſſum carcere cuſtodit.

Quo fine? ut vel hoc metu minisque illam moueat, & obnoxiam sibi reddat: vel maritum ipsum amoueatur, remoram amori. Custodit igitur. & mulier casta & viri amans statim ad carcerem, à carcere ad Præfectum, deprecatura aut liberatura, si possit. Præfectus: *Et tu o mea me rogas? imperium, quod in me habes, ignoras? affectum saltem mutuum redde, & maritum ecce reddo. Detinemur enim uterque, ille in meo, ego tuo carcere aut vinculis: ah, quàm facile utrumque soluis! Quid renuis? amans peto, & per meam vitam; Præfectus peto, & per mariti tui vitam. Vtraque agitur: & perire si debeo, perdam. Atqui misere, & mulierem te, & coniugem ostende. Mulier rubete ad ista, & stupere: & tamen pro marito etiam timere. Constat magis animo, quàm corpore: & trepidat, & pallat. Atque ille, quia moueri visa, & leuiter vim verecundanti adhibendam ratus (soli erant) in lectum impellit, fruitur fructum, utrique mox acerbum. Nam mulier confusa & lacrimabunda abiens, pudoris magis quàm peccati ægra, iram & vindictam coquit: quam magis etiam accendit barbarum (quomodo aliter appellem?) Præfecti factum. Nam ille voti potitus, & cetera prolixa autumans, si æmulum sustulisset: maritum damnari curat, damnatum capite plecti. At id non in publico, sed carcere ipso factum: atque ibi cadauer in arcam ligneam inclusum, mox sepeliendum. Venit interea mulier, siue accita ab ipso (ut quidam tradiderunt) siue sponte & super salute mariti anxiosa: sed venit, & vel ex pacto maritum recipere se sperat. Ille benignè affatus, *Et maritum*, inquit, *quaris? habebis. Abi* (& digitum ad carcerem intendit) *inuenies, & tolle. Nihil suspicata abit, videt & percellitur, & animo ac corpore lapsa super cadauer se**

se abiicit: ac diu lamentata, recipit animum atque iram, rediensque atroci vultu & verbis. *Et hercules*, inquit, *reddidisti maritum: gratia debetur, exsoluam*. Retinere & placare conatur, frustra: non tigris magis sæuiat, sætu erepro. statimque amicorum fidis aduocatis, rem denarrat, eius ordinem, & culpam suam non culpam: ac consilium viamque ultionis exquirat. Censent omnes ad Principem eundem: qui inter alias virtutes (insignes habuit, nisi superbiâ & peruicaciâ corrupisset) eximius Iustitiæ cultor erat. Accedit duobus amicis comitata, auditur; vix creditur. & indignatur & dolet Princeps, hoc in suo solo, & è suis, quemquam ausum. Sed & mulieri edicere minaciter, nisi vera & certa afferret, malum habituram. Iubet manere in Aulâ, & in vicinum cubiculum secedere, dum Præfectum vocat: nã fortè & ipse in Aulâ erat. Venit, introducitur & mulier. *Hæc noscitur?* ait Princeps. Colorem homo mutat: & Princeps exsequitur: *At querelas, quas super te defert, etiam nosti? Atroces sunt, & quas nolim esse veras. Quid ais?* Vacillat, perplexè loquitur, negat aliquid & annuit: donec Princeps ex vultu ipso & sermone culpam suspicatus, vt tamen certior esset, remotis omnibus solû alloquitur. *Quam fidem mihi debeas, & quam beneficiis meis gratiam, non nescis. Per hanc & illam te adiuro, vt quid in hac re sit, liquido & sine ambagine denarres. Fatenti gratia, aut aliqua seneritas, non deerit: nec abnuenti tormenta*. Ibi ille ad genua se abicere, factum agnoscere: denique mulieris culpæ omnis liberare, se onerare: sed in gratiâ Principis refugium & solatium ponere. Quam vt magis impetret, illicitam libidinem purgaturum matrimonio offert. Princeps, quasi aures præbens & iam mitior, mulierem reuocari, quosdam è suis adfi-

adlisteret iubet. *Et heus tu, quoniam huc ventum est mulier, placetne maritum hunc habere?* Illa abnuuit, & tamē voluntatem aut iussa Principis timens, adspicit circumstantes. Qui certatim innuunt aut suggerunt, accipiat cōditionem viri nobilis, diuitis, apud Dominum gratiosi. Victa dat manus. quas Princeps iungi cum Præfetti iubet. & sollennibus verbis matrimonium firmari. Firmato, iterum Princeps: *Tu noue marite hoc iam nunc largire, ut si prior sine liberis obeas, hæc coniux heres omnium bonorum tuorum sit.* Libens cōcedit, testes audiunt, tabularius scribit. Et his iam peractis, noster *Carolus* ad fæminā: *Dis sodes, animo tuo factum iam satis? Satis,* inquit mulier: *At nondū meo,* ille subiicit: & ablegatā fæminā, iubet Præfectum in illum ipsum carcerem duci, in quo maritus cæsus, & pariter cæsum in arcam ligneam siue capulum deponi. Facta sunt, tum mulierem ignaram eò mittit: quæ inopinato iterum casu contrita, duobus maritis eodem ferè tempore, eodem certè supplicio amissis, mox in morbum incidit & facto obiit. Hoc solum alteris nuptiis lucrata, ut liberos ex priore coniugio diuites relinqueret, nouā hereditate. Tragediæ exemplum est: sed gratulor Belgicæ talem exitum, sub tali Iustitiæ vindice: & vos successores seruate.

VIII.

Atque hæc circa Amicos breui, sed memorabili, facto claudam *MAHVMETIS Secundi* Turcarum Principis, quem veriùs *Muchemetem* scribi, gnari linguæ persuadent nobis. Memorabili; quia circa filium: & quid propiùs tãgar? Is igitur *Muchemetes* filium habuit *Mustafam*, imperio destinatū: & cetera bonum, libidinibus prouum. Hic *Achmetis* Bassæ vxorem, insigni formā, adamabat, & blanditiis

tiis diu peruincere conatus, cum non succederet, insidiis tentauit. speculatus est tempus, quo in balneum mulier iuit (& sæpe lauant se Turcæ:) & mox secutus cum paucis suorum, ibi nudam & frustra renitentem compressit. Illa ad maritum, maritus ad Imperatorē flagitium detulit, pœnas poposcit. *Muchemetes* primò cunctari, tum asperioribus verbis (sed alius in mente sensus erat) *Bassam* excipere: *Et quid*, inquit, *sic grauius de filio queri tibi visum est? An nescis te, & tuâ iuris mancipijque mei esse? Si filius igitur illam amplexus est, & animo suo morem gessit; nempe ancillam meam amplexus est. sine ullâ quidem culpâ, si me volente. Hac cogita, atque abi: cetera mihi permitte.* Sed ista iuris tuendi causâ magis, quàm quia sentiret, dixit: atque animi æger & saucius, filium ad se vocatum primo examinauit; tum confesum pessimis verbis minisque acceptum dimisit. Et mox minas in rem confert: ac triduo pòst, cum aliquamdiu in pectore filius & Iustitia pugnassent, hac vincente, fauces *Mustafæ* neruo arcus iussit infringi, & morte Pudicitiz litare.

CAP. IX.

DE IUSTITIA.

Quam Princeps erga subditos seruet.

Quid enim potius faciat? prima institutio & admissio regum ab hoc fine fuit. Sine Iustitiâ viuere inter nos, id est in Societate, non licet: ergo aliquis, aut aliqui eligendi, qui huic administrandæ
præ-

Lib. 1.

præfint. Liuius benè : *Multitudo coalescere in vnius populi corpus, nullâ re, quâ legibus, potest.* Planè nulla. hæc vinculum est, & vt sic dicam, coagulum : solue, dissipamur, & vt feræ solitariæ, vagamur. Homerus, qui omnia sciuit, de Iustitiâ istud:

Odys. 6.

Ἡ τ' ἀνδρῶν ἀγορὰς ἢ μὲν λύει, ἢ δε καθελεῖ:

Quæ catius hominum cogit, soluit quæ vicissim.

Cogit & seruat, si seruas: soluit, si negligis & sepomis. Mirum & breue, sed verû est: nullâ re (ad vltim prouoco) quæcumq; Respublica magis florebit aut floruit, quâ rigidâ & immotâ Iustitiâ: nullâ re magis flaccesct & deficiet, quàm illâ tali. Hæc felicitas regnorum & statuum, interna & externa. Interna quidem. nam quis nescit scelera & flagitia per eam remoueri, virtutes promoueri? Externa. quia agri, viæ, maria frequentantur, & securitas vbique ac

1. De Con-
sol Phil.

tranquillitas regnant. Boëtius egregiè : *Annum bonum, non tam de magnis fructibus, quàm de iuste regnantibus, existimandum.* Quid iterùm Homerus?

Ὡς ἔ τ' αὖ βασιλῆος ἀμύμονος, ὅτε θεοδῆς

Ἀνδράσιν ἐν πολλοῖσι καὶ ἰφθίμοισιν ἀνάσσει,

Εἰ δικίας ἀρέχῃσι· φέρει δὲ γαῖα μέλαινα

Πυρὸς καὶ κριδάς, βρίθῃσι δὲ δένδρεα χερσὶ,

Τίττει δ' ἔμπεδα μῦλα, θάλασσα δὲ παρέχει ἰχθύς,

Ἐξ ἀπηγάτης· ἀρετῶσι δὲ λαοὶ ἔα' αὐτῇ:

Vt cùm Rex bonus imperat, & metuens Diuorum,

In multis populis & fortibus. ille quoque idem

Iustitiam colit: obserues & tunc sola terra

Fructus ferre suos, & fruges fundere, item quæ

Fætificare armenta, & pisces exundare:

Nempe ex Iustitiâ. populis quæ benè atq; beatè est.

Si attendas, & dilates: quam laudationem vberem Iustitiæ non scribas? Ergo felicia regna reddit: eadē alia, si languet aut perit. O pulchrum, cùm licet glo-

riari

riari aut dicere, quod GVILIELMI, quem *Acquisitor* vocant, temporibus in Angliâ: *Totum regnum puellam onustâ auro posse peruadere! Ut possit, Iustitia* ∞. LXXXV.

MON. I. Seuerè administranda.

Etiâ in paruis rebus, aut iniuriis. Quod fecit **ANDRONICVS Comnenus**, Imperator Byrantiij: qui nullo discrimine nobiles aut nouos; tenues, diuites; suos, aut alienos, solitus culpæ conuictos damnare. In his *Theodorum* quemdam è suis caris, quæ agricolæ detulerant, diuertisse apud se cum seruitiis, nec in discessu quidquam soluisse. Res erat (vt hodie) non nimis noua aut insolens Palatinis. Tamen Imperator hominem statim corripit, fusti duodecies in publico cædi iussit, tum agricolis damnum largiter rependi. I.

Scripsit IDEM ad præsides & Magistratus hisipfis verbis: *Aut iniurias, aut vitam relinquit. nam vos iniuste agere, & viuere, nec Deo gratum, nec mihi eius ministro ferendum est. Tu verò nunc viue Imperator, & mapalia nostra ordina.* II.

LEO ARMENVS ibidem Imperator, cùm palatio digressus adiretur à tenuioris sortis homine, qui vxorem suâ diceret à Senatore raptam, stupratam-que: & id se facinus ad Præfectum detulisse, nec ius adhuc sibi dictû: *Leo cōfestim mandauit, vt reuerso sibi actor, reus, Præfectus sisterentur. Quos deinde auditos, cùm noxæ reum, negligentia Præfectum comperisset: hunc dignitate, illum vitâ exuit. O factum, Dei hominumque fauore dignandum!* III.

Neque aliter in causâ simili **TOTILA** rex: eò laudabilior quòd barbarus patrauit, & in militem, non sine

sine metu seditionis militaris. Accessit eum Calaber quidam, incusauitque è satellitio eius militem filia suæ per vim compressæ. Totila statim in vincla hominem dat, pœnas sumpturus: quas tamen milites remorantur, miseratione, aut cupidine similis licentiæ: atque agmine adeuntes petunt dimitti, & sibi donari, commilitonem notæ virtutis, & facinorum clarum. Totila auditos acri oratione castigat: *Quid agitis parùm pronidi, aut vobis vultis? Sine iniustitiâ rem civilem, aut militarē, stare non posse, satis vos Theodahadas rex docuisse debuit: qui pretio aut gratia eam largitus, quas clades ipse passus est, & per eum gēs Gothorum? Nunc me rege, & illa renixit, ac statim caput sustulit vetus illa glōria nostra ac fortuna: & vultis illā & hanc iterum (nexa ea sunt) corruiere ac labi? Quo autē pretio? unus è vulgo scelus admisit: & placet gentem totam luere, & vos venire, strenuos & integros, in communionem noxæ? Nam venitis: & asident inter se, ac panē paria sunt, delinquere & tueri delinquentes. Patria? imo maius hic peccatum est, viam aperire & struere peccaturis. Sed de vobis, vos videritis milites: ego altā voce & corde proclamo, non feram: & si ferre vultis, me auferite. Ecce corpus & pectus. Moti sunt, & animos ponunt, rem ei permittunt. qui hominem carcere eductum audit, ac capitis damnat: damnati bona vitiatæ velut in dotem donat.*

- v. ALFONSVS rex Hispaniæ, sed Imperator cognomento, quia huic dignitati destinatus, insignis æqui iustique cultor fuit. Exemplum. Nobilis quidam in Galaciâ, stirpe suâ filius, & temporū perturbatione confusus, rusticulum bonis omnibus spoliavit. Prætorē ille adit, hic nobilem monet desistere & reponere: non audit, rex aditur. Iubet idem, nec obtem-

obtemperat, in locorum longinquitate spem etiam
ponens. At rex, ceteris omnibus omisſis, priuati
habitu, quo res occultior eſſet. Toletō in extremam
Galæciam pergit. Militis ædes obſidet, dilapſum-
que comprehendī è fugâ, & pro iſſis foribus la-
queo ſuſpendi, & cum ignominia ſtrangulari man-
dauit.

In noſtrâ verò Belgicâ B A L D V I N V S *Septimus* VI.
Comes Flandriæ, *Petrum* virum nobilem, & *Orſ-*
campi toparcham, ob duos boues pauperculæ vi-
duæ reclamanti abductos, re ad eum delatâ, ſubito
arripi iubet, & atroci morte puniri. Fortè lebes a-
quæ feruentis in medio Brugenſi foro erat, mone-
tario puniendo deſtinatus : in hunc ſine morâ ho-
minem conijci iubet, ſic vt erat, ocreatum, veſti-
tum, gladio accinctum. Quid ais? ſic calidè, & an
non temerè? Nihil : nam inqueſtitio præceſſerat, &
culpæ conuiſtus, per aliam cauſſam euocatus, pœ-
nas ſic luit : meo animo, rectè & ſalubriter.

Ille I D E M vndecim equeſtris loci viros, quod VII.
tres mercatores per viâ bonis, & deinde vitâ exuiſ-
ſent, vocatos in palatium damnauit. Satinque ſe
coram laqueis iniectis, deſtitui ſuper tabulam an-
nexos ad trabem iuſſit : ac manu tum ſuâ tabulam
ſubduxit, ac penſiles fecit ſuffocauitque. Rem lau-
do, modum improbo : ac potuit debuitque mani-
bus hoc alienis.

MON. II. *Sine affectu vel aſpectu ad-*
miniſtranda.

Quod nobili exemplo præiuit C. MARIUS, ille r.
ſeptimū Conſul. Cimbricum terribile Roma-

M

nis

nis bellum erat, & ei, postquam aliorum ducum pertasum esset, Marius prefectus. Fecerat Tribunal in legione sororis suæ filium, militiæ fortasse fortem, libidinis impotentem. Amare cepit in legione suâ *C. Plotium*, tironem militem, & in flore adhuc ævi: nam Romani ab anno decimoseptimo eos scribebant. Igitur aliquoties tentare, & de stupro eum appellare: iste aspernari, & conuicio mox repellere. Tanto flagrantior, & ad imperij vim versus, noctu adolescentem in tabernaculum vocat: & capitale erat non parere Tribuno. Venit, & solita audit, & flagitij tentamenta, aut præmia: quæ cum fortiter rejiceret, manus Tribunus inijcit, & vim parat. cum ille boni sanguinis, gladio educto, *Virum me scito*, inquit: & Tribunal transadigit. Clamor in tabernaculo, tumultus in castris: novum & atrox facinus omnes concitat, Tribunal à manipulari occisum. Ducitur manè ad *C. Marium*, qui fortè eâ nocte non fuerat in castris. qui tribunali consensu, voces & præiudicia militum audit, disciplinam castrorum, & suam etiam cognitionem cogitat: atque omnia prædamnabant militem; sed eius innocentia, & Marij firma æquitas, eripiunt. Nam cum ille ægrè & inuitus; sed victo pudore denique, rem explicasset: Marius nihil cunctatus, sententiam & infamiam in defunctum vertit, & hunc noxæ absolvit. Absolvit tantum? imò & laudatum coronâ donavit, cum elogio: *Quod pulcherrimum facinus eo tempore edidisset, quo fortibus exemplis opus esset.* Maeste Mari! Pudicitia te amat, atque ipsa Disciplina amat: quam soluisses, nisi sic soluisses.

- II. Talis *ANDRÆ* regis Hungariæ iustitia, nec in caus-

in causâ nimis dispare. Iuit in terram Sanctam cum copijs, religione impulsus, & curâ regni *Bancbano* commisit, fidei eius & vxore *Gertrude* commendata. Quæ apud eum sancta, non ipsam fuit. nam cum frater Gertrudis, adolescens lasciuus & petulans, absente rege, visum ad sororem venisset: illa iuueni gratificatura, vxorem *Bancbani*, pudicam ad id formosamque fæminam, fraudibus & pellacijs ei substernit. Quæ post facinus penitentia ducta, rem omnem marito exponit, & simul reginæ fraudes, & iram à se in illam vertit. Quâ iustissimâ *Bancbanus* accensus, vt erat doloris recens, reginam adit, exprobrat factum, & gladio vlciscitur. Eade patrâ *Byzantium* abit, *Andræ* regi occursurus, illac in *Syriam* tendenti. quem mox reperit, & rem aperit: illum vnum iudicem, & si meruit, vindicem poscit. Rex differt in suum reditum, & vultu atque animo composito: *Tu verò abi,* inquit, *& in regnum redi: vicem meam, vt antè, sustinens. Nam reduci mihi, si Deus annuit, stat hanc causam cognoscere & decidere. Si innocens es, tunc libens absolvero: sin autem nocens, ne nunc quidem damnatum volo, nec expeditionem hanc in hostes fidei sumptam, Christiano sanguine aspicio & perfundo.* Vterque abiit: ille in *Asiam*, hic in *Hungariam*: & cum redisset, causâ serò inquisitâ & cognitâ, pronunciat, *Vxorem suam iuste casam videri.* O multa in hoc facto insignia! Quodd nihil sacræ expeditioni anteposuerit: quodd suspectum, si non conuictum, iterum regno preposuerit: quodd amorem coniugalem Iustitiæ postposuerit. Saluæ vel hoc facto magnæ rex: & tu *CROYORVM* inclyta familia, ramus ab illâ stirpe.

III. At OTHONIS Tertiij Imperatoris affectus, etiam in suo capite & salute, domitus Iustitiæ cessit: si vera est narratio, quam ab illo ævo plures scriptores tradunt. Aiunt vxorem ei fuisse, parum casti corporis: & hanc cum ad *Mutinam* Italiæ Imperator esset, cuidam Comiti in ijs locis copiam vsuramque sui obtulisse, sed repulsam tulisse. Id perdolitum famine (veteres ab eo iras & calumnias scimus:) atque ausa est ipsa crimen vltro struere, & tentatæ pudicitie suæ Comitem accusare. Imperator calidè audit, credit, damnat, occidit. Comes tamen antè mortem rei seriem vxori suæ aperit: & rogat vt mortuum vindicet, & famam, quoniam vitam non potest, seruet. Dat consilium, vt iudicio candentis ferri, Deo freta, rem committat: qui mos tunc frequens, nuper & hodie meritò exoleuit. Ille ita moritur: & paullò post dies aderat, quâ sollenniter Cæsar ius dicebat, viduis maximè & pupillis. Vidua igitur Comitis, mandatum executura, venit ad tribunal, & caput mariti occultum in sinu gestat. Stat ante Cæsarem, & veniam præfata rogat: *Ecquâ poenâ dignus esset, qui vitam alteri iniuriâ ademisset?* Hic Imperator: *Id quidem, liquet mulier,* inquit: *morte.* Tum illa, *Ergo panam hanc tu, Cæsar, te iudice subibis, qui innocentem maritum meum sustulisti. En caput, quod recidisti. Innocentem autem esse, quoniam testes & alia desunt, tractatione igniti ferri probabo.* Dixit, & sine noxâ fecit: miraculum Imperatorem & adstantes commouit. sed hunc maximè, qui Deum etiam vindicem timebat. Itaque permittit se fæminæ, vt suâ voce damnatum: sed veniam vitamque quattuor castrorum donatione redemit. Ea sunt in Etruriâ, Lunensi tractu, & *Decimum, Octauum, Septimum, Sextum*

xtum appellant : à numero dierum, quibus prorationem supplicij à fæminâ, ante plenam veniam, impetrauerat. Haud negauerim, à fabulâ quàm historiâ hoc videri propius : sed bonis tamen auctoribus scripta, quæ culpa est describere ?

Minus aspera, & vt sic dicam, Tragica sunt, quæ IIII.
subiungam : sed in quibus affectus tamen egregiè calcati. ARISTIDES Atheniensis, qui meritò, & à pluribus caussis, cognomen *Iusti* vindicat, iudex inter duos captus sedebat : cùm aduersarius, vt illum aduersario suo alienum redderet, sibi propitium ; multa dicere de hostili eius in Aristidem animo, & documenta adiungere. Sed ille interruptus, *Quin tu, inquit, siquid te laesit, hoc dicis, & alia mittis ? nam huic rei nunc sedemus.*

GRATIANVS Imperator Romanus lepidè V.
etiam hîc lusit, & ablegauit mulierem stultè importunam. Accessit, & de marito quæsta est, & aspera multa dixit. Ille placidè, *Quid hoc ad me mulier ?* At enim subiecit ipsa, *etiam in te malè animatus est, & loquitur.* Ille iterùm, *Quid hoc ad te mulier ?* & confusam irrisamque sic dimisit.

MON. III. *Subtiliter interdum vel sagaciter inquirenda.*

SALOMONIS regis Hebræi factum innotuit, I.
celebratæ subtilitatis in eruenda veritate : cui æquitas comitem se dedit.

GALBÆ Imperatoris. qui, cùm de proprietate II.
iumenti quæreretur, incertis vtrimque argumentis, ita decreuit, vt ad lacum, vbi aquari solebat, ca-

pite inuoluto duceretur: atque ibidem reuelato, eius esset ad quem sponte se recepisset.

- III. Sunt alia huius generis: sed omnia æquat aut superat RVDOLFI Austriaci istud. Agebat Noribergæ, & rebus imperij ac publicis intendebat: cum ad priuatas eum vertit leuiter mercator quispian, ius & vindictam petens in hospitem siue diuersitorem ibi notum, à quo grandi pecuniâ fraudatum se aiebat. Nam bonâ fide deposuisse apud eum in sacculo *ducentas argenti selibras* (Marcas appellant:) quas ille impudenter abnegabat, iniuriosè retinebat. Imperator de fide dictorum rogat: ille affirmat, sed suâ fide, nec alijs (vt solet ferè in Deposito) argumentis. Igitur Imperator, re-perpensâ, astum adhibendum censuit, & vestigijs verum indagandum. Quærit ab homine, ille sacculus siue vidulus cuiusmodi esset? describit formam: nec aliud Cæsar, quàm secedere eum in proximum cubiculum, & præstolari iubet. Habebat in animo euocare hospitem, sed Fortuna commodius instituit, & vtrò ad eum mittit. Nam veniunt primarij vrbis ciuēs, vt solet, gratulatum Principi, & salutatum: inter quos iste infidus hospes. Norat adedò iamantè Cæsar, & vt comitas eius erat, benignè & per facetias appellat: *Hæus tu, scitum illic pilleum habes. mihi dona, & permutemus.* Ille arripit, pilleum libens dimisit, & honori hoc factū duxit. Cæsar secedit paullum, quasi publicum negotium auocaret: & fidum ac notum eius opidi ciuem, cum ipso pilleo illo, ad vxorem hospitis mittit cum mandatis. *Hæus matrona, maritus iubet vt sacculum illum talem ad eum mittas. opus habet: & ecce resseram fidei meæ hunc eius pilleum.* Mulier agnoscit

noscit pilleum, & fuculum descripserat: itaque nihil ambigens ascendit, tradi, quasi ad maritum deferendum. At ille rectà ad Cæsarem. qui vidulum vocato tunc denique mercatori ostendit: & *Hicne est? & agnoscis?* Affirmat, exultat: tum & Hospitem Imperator adhibet, & *Hic*, inquit, *de te queritur, & perfidiam accusat: quid ais, & refellis?* Audacter ille, *mentiri eum dicere, aut dementire: nihil sibi rei cum eo esse, aut fuisse.* Denique Imperator fuculum profert: ad cuius aspectum ille confunditur, & animo ac linguâ labitur. Quid multa? mercator pecuniam, hospes infamiam recipit, atque etiam damnum. nam grandi pecuniâ aliâ Cæsar eum mulctat. At Rudolfus omnium ore & sensu laudem: & decantatum in Germaniâ satis hoc factum fuit. Sed quoniam nunc, & antè, Principes dedi, qui ipsi & suo ore, statim & de plano ius dixerunt, oriri pro moribus nostris potest

Q V A E S T I O:

An ergo deceat, aut expediat, ipsum Principem ius dicere, reddere?

Ego putem decere, expedire, debere. Non alia res imperium magis asserit & ostendit, quàm hæc in bona vitamque nostram potestas: & cur Princeps cunctetur exercere? Expedi etiam. quia contra potentes sæpè causæ aguntur: nec minores illi aut delegati iudices, satis in eos oris, aut roboris, semper habent. Seuerior igitur ita, sed & breuior Iustitia: & tricis remotis supremus ille decidit. Addidi, debere. quidni? In *Politiciis* docui, reges iu-

stitiæ fruendæ causâ primitus institutos. Si hoc fine, cur munus suum refugiant? Homerus audiatur:

Εἴς βασιλίδε, ᾧ ἔδοξα κρῖνε παῖς ἀγκυλομήτεω

Σκῆπτρον τ' ἠδ' ἄθροισα, ἵνα σφίσιν βασιλεύῃ:

Vnus rex, cui concessit Saturnia proles

Sceptrumque & leges, ut iudicet & dominetur.

Leges & iura Deus in manu eius, cum sceptro posuit: hoc ostendit & præfert, illas alijs demandet? Non debet: & vel veteres ab omni euo, in omni fere orbe, reges videat: ius ipsi dixerunt. Hæc & plura in istâ parte sunt: sed & alia acres habet assertores. Aiunt incommoda multa fuisse, & esse, si Princeps iudicet, ijsque animaduersis, ad hodiernam hanc rationem ventum. Primum ecce, da Imperium Principem, qui par erit? qui non faciet recta curua? Item, da Ineptum in sermone, in gestu: quid nisi irrifui se exponit? Amplius, crebra hæc ostentatio sui, & in populo locutio, nonne vulgar Principem, & detrahit maiestati? Quartò, vel seuerè iudicabit, & Odium pariet; vel remissè, & Ius violabit. Melius ergo res asperas, & sine bonâ gratiâ, in alios inclinari. Quintò denique, sunt nunc Curie maiores minoresque, & cuique rei statuta sua iudicia: quid Principem in nouas curas arcessimus, variè & affatim distractum? Quin melius tutiusque nil nouare, & siquid in iam statutis labat, firmare & vincere. Ista nec malè, nec abs re prorsus dicuntur, fateor: sed responderi tamen potest, & iustitiæ causâ, debet. Primum de imperitiâ, dico. plurimum & principem, & quemcumque alium, naturâ duce in magnis aut enormibus causis iudicare posse, nec opus grandi scientiâ (ad hanc rem) Iuris & Legum. Da simplicem, da probum, affectuum expertem: audeo dicere, rara causâ erit, in quâ

in quâ verum, aut quod iuxta verum, non videbit. Imò Deus plerumque inspirat, & talibus mentem mouet. quod facer ille scriptor voluit : *Diuinitas in labijs Regis, in iudicio non errabit os eius.* Et tamen fac interdum caligare : quid ? nōne in aperto remedium, & damus ei Adseffores ? damus, comitentur cum ad hæc talia exeuntem, nec auxiliij solū causâ, sed decori. Atquē in sermone aut gestu aliquis ineptus est. Scio esse, & tamen si alibi loqui eos deceat, hîc vel maximè, in re seuerâ, graui, paucorum verborum. Itaque aut Principem talem mutum, nisi fortè in cubiculo, faciant : aut patiantur & hîc loqui. Etsi talia exempla rata sunt : cur adducimus, aut insistimus ? Ad tertium, Vulgar se nimis ita Princeps. Fortassis, si in rebus alijs : at hæc per se talis est, vt reuerentiam sui gignat, vel terrorem. Videmus in cottidianis istis iudicijs, quàm plebecula eos veneretur & timeat, etiam illa innoxia, & cui nihil cum ijs negotij est aut fuit. Benè à Deo ita facti sumus, vereri hoc numen & nomen ipsum Iustitię, & quicumq; ei administrant. Quanto magis in Principe, si se non mandare tantum (in occulto id fit) sed exercere, cum summâ potestate, ostendat ? Et sanè nihil hîc familiariter aut comiter fit : verba, gestus, aspectus, apparatus, omnia tristitię aut seueritati propiora. Ergo hoc faceffat : quartum videamus, de Odij metu. Incurret in id, inquit, si seuerè iudicat ; in Iniustitiam, si remissè. Extrema accipiunt, & eunt extra ipsas Iustitię metas. Quid ? an semper damnationis materia ? fac esse : in causâ certè alter sic deprimitur, vt alter alleuetur. Hunc lædis, illum iuuas : ergo ab illo Odium, ab hoc Gratia, paria sunt. Sed nego etiam in seueritate crebra, odia excitari populariter : &

Prou. cap.
xvi.

contrà est in rectis animis, qui acclinant se magis ad tales & attrahuntur. In aspectu illa offendunt; cogitata & cum usu publico collata, delectant. Vidēne ut in medicinâ quoque tristitia & tētra sæpè propinentur, sed salutis causâ? itaque ab hoc fine, adeo non odimus medicos, amamus & laudamus. Simillimum in Iustitiâ: à cuius acerbâ sectione aut vstione salus generis humani pendet: & quis id vel è plebe nescit? Iam de Remissione, non abnuo naturas quasdam ad mitiora semper inclinare: & quid mali erit? imò sit nobis talis Princeps. Nam hunc sic clementem ratio tamen reget, & norma iuris & legum excitabit: nec deerunt, qui ad utiliora & tristiora, cum opus erit, flectent. Aliqua verò interdum remissio, planè ex usu erit, si tamen terror iste, & sub magno Iudice, præiuit: Ignouit illi Princeps: sed metu, sed ignominiâ perfunso. Ignouit illi Princeps: sed Princeps, id est sine corruptelâ, aut affectu alio sordido, humanitatis tantum amore. Hoc ipsum quàm Amorem omnium conciliet? & verum est, si opportunè adhibeatur. Vltimò, nobis Mos opponitur, & Consilia ac Curie iam definitæ. Equidem cum More haud temerè pugnem: sed quàm vetusto? Aui vel proaui nostri aliter fecerunt: vide quàm longinqua repetamus. Quin totum hoc de perpetuis Curijs iudicium, nuperum est, & è Galliâ ad nos manauit. Concludimus, & moderamur: Principem decorè & utiliter ius dicturum, sed aliquando: id est, vel certis temporibus, ut id sciri possit; vel in causis grauib; siue atrocibus; vel denique, contra potentes aliquos, & partibus graues. *Caroli Magni* legem, quæ exstat, traxerim in exemplum: *Hoc missi nostri notum faciant Comitibus & populo, quod nos in omni hebdo-*

hebdomadâ unum diem ad causas audiendas sedere volumus. Populo autem dicatur, ut caveat de alijs causis ad nos reclamare, nisi de quibus aut missi nostri, aut Comites, eis iustitiam facere noluerint. Ecce erant illo quo passim in opidis & pagis etiam Comites siue Graniones, qui communiter ius dicebant: interueniebant extra ordinem & Missi siue Delegati à Principe, qui idem. At Carolus ipse tamen audire causas voluit, idque hebdomadatim: causas scilicet grauiores, aut in quibus lésio aut iniuria interuenisse ab ipso iudice videbatur. Si non alius in hac re fructus, quantus iste esset? Coërcere hoc modo iudices, & vigilantes attentosque reddere: cum Principem cogitarent iudicij sui iudicem, & fortè vindicem mox futurum. Sed Exempla, pro instituto, hîc addamus.

PHILIPPVS MACEBO, de communi tunc more, 1.
crebrò ius dixit. Sed cum fortè in viâ, & aliò festinantem, mulier de re suâ appellasset, negauit *Sibi vacare*. Tum illa audacter: *Noli igitur regnare*. quasi admonens, siue exprobrans, regium hoc ita munus esse, vt sine eo legitimus rex non esset. Admisit, & mulierculam statim audiuit, & si quis alius inibi vellet,

Aliter DEMETRIVS *Poliorcetes*, in eâdem Macedonîâ rex: qui per proteruiam illisit etiam supplicibus. Nam cum libellos adeuntium benignè in viâ accepisset, quasi lecturus, & cogniturus: mox cum ad pontem Axij fluminis venisset, excussò chlamydis sinu, omnes in subiectam aquam abiecit. Non impunè. nam Macedones, qui talem *Philippum* suum nò viderant siue audierant, mox spreto illo

to illo ad *Pyrrhum* transficiunt, & Iustitiæ deserto-rem deseruerunt. Meritò, meritò. sic habeant, & luant.

III. A V G V S T V S Cæsar, quàm aliter! *qui ius dixit assidue* (ait Suetonius) & *in noctem nonnumquam*. Quod si infirmior etiam esset, & à corpore minùs valeret; lecticâ pro Tribunali positâ, & in eâ recubans, vel etiam domi, ius reddebat. Quid ad hanc diligentiam addi potest, præter *Euge*, & *Belle*?

IV. Iam CLAVDIVS Imperator item assiduus. imò & suis suorumque sollennibus diebus, atque adeò festis & religiosis, non abhorruit iurisdictionem.

V. Omitto vetera. in ipsâ Galliâ vicinâ, CAROLVS *Octavius* patrum quo rex, sub finem vitæ rebus iam attentior, omnibus septimanis binos dies destinavit iuri in publico reddendo: idque aditu tam libero, ut nemo vel è facie plebis regio conspectu & af-fatu arceretur.

VI. Sed dixi, vtiliter imò necessariò (quid enim si res subtilis, aut in legum ambiguitate sit?) Adsef-sorès adhiberi. quod plerique Romani Principes, aut prouinciarum Præsides, fecêre. Imò ALEXAN-
DER *Senerus negotia & causas priùs à scriniorum principibus, & doctissimis Iurisconsultis, & sibi fide- libus, quorum primus tunc Ulpianus fuit, tractari or- dinar. que, atque ita ad se referri precepit*. Prouidè. ius ipse dixit, sed inquisitum priùs & euolutum. Sed alia hîc etiam

Lamprid.
in eius vi-
câ.

Q V A E S T I O :

An Curias, & ordines Iudicum perpetuos esse conveniat ?

Hodie sic habemus, nec cùm Princeps intendit, & velit censuram interdum exercet, improbemus. Tamen suæ etiam rationes sint improbanti. Vt, quodd tempore omissiores segnioresque fiant: & assiduâ Iustitiæ tractatione, minùs eius reuerentes. Redditur enim cottidianum opus, & cum tædio aliquo aut fastidio vsurpandum. Secundò, factio aut coitio facilè oriri potest, & superba etiam quædam dominatio. quod Liuius notat in ordine iudicum perpetuo apud Carthaginienses: & qui unum eius ordinis, idem omnes aduersos habebat. idque inter causas lapsæ illius reip. quidam habent. Tertiò, corruptelæ interueniunt: & quibus ex diuturnitate securitas adest, facilè aures & manus ijs laxant. Itaque vt in alijs imperijs, breuia plerumque meliora, & peccare minùs obnoxia: ita quidam hic censent, & mutandos esse. Romani ita. qui Decurias Iudicum scribebant, ex honestissimis, & ex censu (ne paupertas ad culpam impelleret:) sed non eas omnes assiduè iudicare volebant, dumtaxat quotannis certum & necessarium numerum forte legebant, reliquis tunc feriatis. Sed re tamen benè examinatâ, cùm iam ad hanc multitudinem legum, & ex eâ tricas aut captendulas ventum: bonum est perpetuos esse, eosque iuris benè peritos. Quod ad Omissionem, aut Coitionem: Princeps facilè arcebit, si, vt dixi, ijs intendit. Quod ad Corruptelam: idem, si stipendia & præmia digna donat.

Opera

Lib. xxx.

iii.

h. g. d.

Operæ est ex Annalibus Turcarum inferere, quod huc mirè facit. BAIASITES *primus*, cùm fraudes & iniurias *Cadiorum* suorum (ita iudices vocant) sæpè iam audiret: commotus denique *Nicapolim* omnes ad se venire iubet, ibi in domum quandam includi, & igne iniectione comburi. Faciendum erat: cùm *Alis Bassa*, vir prudens, rationem quæsit, & repperit, Principis molliendi. Habebat Baiasites *Æthiopen* puerum, garrulum & lepidum, inter delicias: hunc instructum quid diceret, faceretque, ad Principem misit. Venit igitur in meliore veste, & ornatu omni: *Quid hoc rei?* inquit Princeps: *quid extra morem hic vestitus?* *Æthiops*: *Ut peregrè eam, & ableger à te ad Imperatorem Constantinopolitanum.* Princeps: *Ad illumne hostem nostrum? quid facturus?* *Æthiops*: *Nempe* * *Calogeros aliquos arcesiturus, ut nobis ius dicant: quoniam Cadios tuos omnes vis occisos.* Princeps: *At omni Æthiopille, numquid isti periti legumstrarum sunt?* Hic *Alis Bassa* opportunè interloquitur: *Et non sunt o Domine: cur peritos igitur tollis? Nam,* inquit, *cur malè indicant?* Iterum *Alis*: *Ego Domine causam edam. hi nostri stipendium è publico nullum accipiunt, capiunt igitur mercedulas à privatis. Hoc corrige, eos correxisti.* Placuit consilium Baiasiti: vitam illis dedit, Ali potestatem in hac re, quod ex usu esset, statuendi. Ille decreuit (& postea mansit) *Ut cuiusque hereditas tot millium Asprorum obuenisset, is in singula millena Cadio suo daret Asperos videnos.* Amplius: *Ut in matrimoniorum, & eiusmodi contractuum, instrumentis, item videnos.* Ita inopiæ subuentum, & simul Iustitiæ quæ laborabat. Alia munera nefas accipere, nec certè, quocumque colore aut velo, decet. *Ægyptius* rex Iudices

sculpi

*Sunt rap-
nachi Græ-
corum, aut
religiosi.

sculpi fingique iussit, velatis oculis, truncos manibus : significans, nec affectu flecti, nec muneribus capi debere. Aliquid laxant quidam. ut dumtaxat leuia munera, & cibaria : item, post sententiam latam : quæ talia, quid nisi rimam primò, tum ianuam patefaciunt corruptelæ ?

CAP. X.

DE LEGIBVS.

Eas nec multas, nec item lites, probari.

LEges in republicâ, ut medicamenta, esse debent : atqui nec hæc multa aut varia probentur : non item illæ. Plato verissimè : ὅτι παρ' οἷς πολὺς νόμος, καὶ δίκα καὶ τέραις καὶ βίαις μὴ χρῆται : *Quòd ubi plurima leges, ibi & LITES, itemque MORES improbi.* Deus bone, quàm rem tetigit ! & vsus ubique gentium, aut temporum, hoc affirmabit. Maneamus in Romanâ republicâ. paucas ea initio habuit : paulò plures Decemviri addiderunt : & ita ad Principes ferè mansit. Tunc sanè plures : & à Iustiniano plurimæ, quibus utimur ; Lothario Imperatore, cum diu siluissent, eas reducente. Nam Gallia, Hispania, Germania, earum ad id aui ferè expertes erant. Receptæ igitur sunt : & quo fructu ? Certè illo litium, nemo negauerit : quæ ex eo nimium quantum succreuerunt. Europam vide, & mentior, nisi maxima eius pars circa istas occupatur. Alij iudicant, alij instruunt, alij agunt, & qui miserrimi sunt, eas habent. Bone Lothari, manes tui per me quiescant : sed rosæ aut lilia sepulchrum tuum non ornent, qui tot tricas & spinas nobis sensit,

uisti. Nam quæ tam clara causâ est, quæ non aliquâ lege, lege? imò interpretatione (nam & has admissimus) obscuratur? Quæ tam improba, cui non dent colorem? Ars enim facta est Caussidici-
nâ, & peritè captare aut capere laudem habet. At-
qui opus est, inquiunt, multitudine: ut varij fa-
ctorum euentuumque velut vultus & species dis-
cernantur. Nam si paucæ leges, quid? an iudici li-
bera pleraque relinquentur? fenestram siue ostium
ad iniquitatem pandemus? Non ego censeo: sed
neque sic iudicem coërceri. Obsecro, quæ illa co-
pia est, quæ omnia comprehendat, aut distinguat?
Ipsam Iustinianèum ius vide: hîc deficit, & mul-
ta ex similitudine, aut obscuris ex eo argumentis,
iudicantur. Imò ubi copia, plus intricati erit; &
semper argutia aut calumnia in sinu aut recessu hu-
ius illiusque legis latebit, & se defendet. An non
videmus cottidie? præter ius illud Romanum, Sta-
tuta & decreta opidatim, pagatim, populatim ha-
bemus: claudimur vndique, & velut obsidemur, à
legibus: at litium tamen copia, quanto non alio æ-
uo, & controuersiarum assidue super ipso iure, aut que-
relæ. Pulcherrima Strabonis nota est, & vel aureis
litteris signanda: *Zaleucum illum Thurijs olim PAV-
CAS & SIMPLICES leges dedisse, sed secutos, alias per
subtilitatem & nimiam curam addidisse; ex quo fa-
ctum sit, ut celebres magis quàm boni redderentur.*
Additque dogma quantiuis pretij: *Ευνομεῖσθαι γὰρ, ὁ
ποὺς ἐν τοῖς νόμοις ἀπαντα σοληκτομένους τὰ τ' αὐκοφανεῖν,
ἀλλὰ τοὺς ἐμμένοντα τοῖς ἀπλῶς καί μιν νομοῖς: Bonis enim uti
legibus, non qui omnes ijs sycophantias aut calumnias
eant & excludunt, sed qui SIMPLICITER LATIS
firmiter inhaerent.* Oraculum est, oraculum. non
multæ leges bonos mores, bonum ius faciunt: sed
paucæ,

Lib. vi.

pauce, fideliter seruate. Atqui interueniunt calumnie. Quid igitur? quo fine iudex? quo fine Princeps est? ille vir bonus, & os Iustitiæ; iste potens, & viua ipsa lex, an non verbo vno decideret? Et da, quod alibi malè: quid magni mali est? primum in re obscurâ, & in quâ haud valdè interfit, Titius an Seius vincat. Deinde (vera dicam) in re parua: in agello, in prædiolo, in pecuniolâ: habeat, cui iudex donat. Absit tantum aperta iniquitas: nequè aliter in maximâ orbis parte hodie viuunt. Alterum in Platone, de Moribus malis, palàm verum. Improbitas huic Caussidiciæ adheret: excipio semper eos, qui ex dignitate & veritate ius habent. Ecce, vbi lites, nonne discordia: nonne odia deinde, iniuriæ, & sæpè cædes? Platonem iterum aduoco: Οὐ λείπονται οὐ ποτε πολλοὶ φίλοι, ὅπου πολλαὶ μὲν δίκαι ἐν ἀλλήλοις εἰσιν, ἀλλ' ὅπου ὡς ὅτι μικρόταται καὶ ἀλήθεια: *Non fuerint concordēs umquam aut interamantes ciues, vbi mutua multa lites iudiciales sunt, sed vbi ea* BREVISSIMÆ, ET PAUCISSIMÆ. Nota hæc vltima: vult non Paucas solum lites, sed Breues. Ego tecum: nunc vbi sumus? vna aliqua lis Metonis annum tenet. Fit inuolucris legum, fit sordibus aduocantium: & comperendinationes istæ ad questum & lucellum eunt. Per Symplegadas, nauigatur Colchos & aureum vellus. Quid iam in ipsis litigantibus? peruiçacia est, & sæpè impostura, aut improbitas: *neque enim bona Conscientia* (ait scitè Celsus) *sed Victoria, litigantis est præmium.* Enimverò nec publicè sic expedit. nam quanta pars hominum in istis dedita? in scholis, in foris, in curijs: & pulchrius meliusque sit, in agriculturâ, in mercatu, in militiâ, & quæ maioribus nostris studia fuere. Vt concludam (& satis fucos irritavi) Prin-

v. De Legib.

ceps lites minuat, Princeps & leges minuat, pro meo sensu. Vt imputata vitis latè se spargit, & infructuosa est: sic Ius profectò illud vetus, & labruscas iam pro vuis gignit. *Iustinianus* ipse olim reformauit, & nouauit; ante eum *Theodosius*; post utrumque *Carolus Magnus*, & tum *Fridericus*, Imperatores; deniq; in Hispaniâ rex *Alfonsus*. Quid? Principibus hodie potentibus & magnis, non idem ius sit? habent, sumant. His monitis robur ab exemplis etiam demus.

- I. C. IULIVS *Cæsar destinabat* (ait Suetonius) *ius Civile ad certum modum redigere, atque ex immensâ diffusaque legum copiâ, OPTIMA quaque & NECESSARIA in paucissimos conferre libros. Fata inuiderunt.*

- II. VESPASIANVS, post bella ciuilia, cùm *litium series ubique maiorem in modum excreuissent* (iterum Suetonius) ipse sorte elegit, qui iudicia, quibus peragendis vix suffectura litigatorum atas videbatur, EXTRA ORDINEM diiudicarent, redigerentque ad BREVISSIMUM numerum.

- III. Et verò extra ordinem sic eligi, vbi reformatio-
ne opus, utile: fecitque IVSTINVS *Cyropalates* Imperator Byzantijs. Cùm enim ipse morbidò corpore esset, ac rarò ius diceret; iniuria & lites creuerant, adeò vt pro desperatâ res pænè (Byzantijs præsertim) videretur. Ecce adit eum quidam, & ingenium operamque obtulit ad coërcendum, eâ lege, vt ipse Præfectus plenâ potestate in tempus certum esset. Annuit Imperator, sumit potestatis infulas, & pro Tribunali sedet. ac primò accusatur ex composito apud eum vnus ex illustribus Senator,

nator, in Aulâ ipsâ graciosus: accusatur, spernit se sistere, & contemptum, præter ipsum tribunal, in Aulam pergit. Pergit extemplò & Præfectus, videt Principem in conuiuio; & ibidem hunc reum. Nihil deterritus: *Imperator*, inquit, *iuri dicendo Præfecturam à te habeo: & ab ipso te auxilium & præsidium meritò sperabam. Nunc quid? vides his oculis homines palam iniurios, & legum non fractores solùm, sed spretores aut illusores, in tuâ domo, gratiâ, mensâ esse. Itaque insignia hæc tibi habe irrita potestatis: ego abdicò.* Imperator mirari, & excitari: *Tu verò*, inquit, *quod es esto: & ius tuum vel in me, quidni meos? exerce. Duc si peccani, sequor: duc si quis hic alius, & sequetur, aut trahetur.* Præfectus iam animi erectior, oculos & manus in illum Senatorem conijcit, per apparitores renitentem etiam trahit: atque in iudicio conuictum damnatumque, primùm verberibus afficit, tum & grandi pecuniâ mulctat. Hic ictus, qui tam validum illum concusserat, multos terruit: & in paucis diebus vim & vitam Iustitia recepit.

Sed de ijs, qui lites aut leges minuere voluerunt, III:
CAROLVS etiam *Nonus* in Galliâ nuper fuit. is prurigini sistendæ, vectigal iudiciarium excogitauit, *Vt quicumque litem ordiretur, deponeret & deponderet in fiscum Regium duos aureos, recipiendos si iure litigasse indicatus esset; si aliter, omittendos.* Sed non diuturnum id fuit: & leue etiam remedium in grandia & vetera mala.

Seuerius, & fortasse vtilius, illud IACOBI ARAGONUM regis, qui litibus & litigiosis semper infensum se præbuit: & ex ijs *Semenum Radam*, insignem & primarium eâ ætate Iurisconsultum, quod v.
∞.ccc.
xxvi.

cuius argutiâ aut malitiâ multi se afflictos quererentur, Præuaricatoris lege postulatum, regni finibus eiecit.

VI. Quid GALEACIVS Dux Mediolanensium? cùm aliquoties audisset vafro ingenio Caussidicum esse, qui lites serere, & fasas producere atque alere, etiam in liquido iure posset: hominem ad se accitum affatur. *Debeo, inquit, Pistori meo centum aureos. non lubet solvere: tu ecquid tueri me in iure, & rem pro- tollere potes?* Annuuit largiter, & Principi promptè se dedit: sed iste ei malum. Nam fraudis sic confessum, verbis priùs increpitum, laqueo publicè necari iussit.

VII. Heu, percutiunt hæc aures rabularum! desino: si MAHVMETANVM siue *Turcicum* iudiciorum morem, & in ijs breuitatem, explicaro. Qui alium in ius vocat, ne lictorem quidem aut publicum apparitorem adhibet ad vadandum: sed ipse aduersarium adit, & coram testibus *ad Dei Iustitiam* (sic loquuntur) vocat. Hic nec verbo refragari ausit, sed statim vnâ ad Iudicem siue *Cadium* suum eunt. Ille autem semper paratus, totum diem ante ædes, sub tecto aliquo sedet, & copiam sui facit. Isti, nullo aduocato aut caussidico, quisque rem suam narrat: testes, si eos habent, adhibent: iudex, ibidem re pensitatâ, in hanc aut illam partem decîdit. Quod postea aliud alleges, aut approbes, nihil est: arbor ea cecidit, releuari aut erigi vltra non potest. Quid? inquires. non interdum Iudices improbè, aut improbi? credo esse: sed in rebus humanis nihil sinceri est, & eligenda quæ minus noxæ habent.

CAP. XI.

DE IUSTITIA DIVINA:

Atque eam rebus interuenire.

PRincipi Iustitiam commendauimus : sed ut magis, discat à Deo interdum asseri, siquis violat, aut contemnit. Exempla mira, & supra fidem videantur, sed fidis, aut certè priscis, auctoribus scripta.

Fridericò Anobarbo Imperatore, Antistes Mo- I.
guntinus fuit HENRICVS, vir pius, tranquillus, æ. c.
suarum rerum : & ideò Romæ accusatus ut ineptus LIIII.
siue inutilis muneri, quod gerebat. Accessit *Ar-*
noldus, qui postea in locum eius venit, & fertur ab
ipso Henrico missus ad purgandum, igni oleum
addidisse; & purpuratorum quosdam patrum cor-
rupisse, & in se vertisse. Eò ventum, ut Cardinales
duo Moguntiam missi, de causâ quæsiuerint, Hen-
ricum damnarint, abdicarint, Arnoldum illum
subrogarint. Henricus patienter id ferens, haec-
tenus questus est, ut diceret : *In iustè iudicastis. ap-*
pello igitur ad IESVM CHRISTVM, a quibuscumque in-
dicem, ibi me responsurum exhibebo, venite. Illi ioco
eludentes ? *Cum præcesseris, nos sequemur.* Profectò
factum est. nam ille post annum ferè & dimidium
fato concessit : & rumore ad aures Cardinalium
delato, iterùm illudentes, *Ecce præcessit, inquit,*
nos sequemur. Secuti sunt, & vno die vterque sub-
itò obierunt. Addunt Annales de genere mortis,
quæ sileo : nec assensum huic narrationi firmiter
etiam dono.

II. Firmiùs *Lamberto Schafnaburgensi*, egregio, ut illa tempora tulerunt, scriptori: qui narrat *BVRCHARDVM* Episcopum Halberstadiensem, inquam diu litem cum *Abbate Herueldensi* fouisse, super decimis Saxonie, quas Episcopus monachis creptum, sibi vindicatum manu magis, quam iureibat. Neque spes aut ratio erat valenti aduersario resistendi: cum Abbas, paucis ante mortem diebus, Comitem Palatinum *Fridericum* ad se vocat, & extrema hæc mandata ferre Antistiti rogat: *Se quidem lite imparem, lege meliorem, cedere: atque etiam vitâ cedere. sed Deum iudicem futurum, ad quem appellaret. Pararent igitur se ambo, ut causam in Tribunali dicerent, ubi gratiâ & potentiâ spretis, sola Iustitia posset polleretque.* Neque diu post Abbas ipse febris obiit, statimque Antistes, cum equum conscendere vellet, ut fulmine ictus, concidit: desijtque in vocibus, *Abripi se ad diuinum tribunal, ibi iudicandum.* Hæc mira quamquam, fidem merentur à tradentibus, & ex vsu etiam vitæ est credi.

III. Certissimum verò habetur, quod *CLEMENTE* Quinto Pontifici max. euēnit. qui cum *Templarios* cœtum religiosum, & diu bonum atque utilem, Viennæ in concilio damnasset, & in sodales ferro atque igne passim vel animaduertisset, vel (ut alij) sæuisset: à pluribus eorum citatus ad Tribunal superum, paullò plus anno post obiit, quasi ad vadium obendum à supremo Prætoris arcessitus.

III. Sub idem tempus (quod admirationem auget) in eadem causâ *PHILIPPVS* rex Gallie: cui bono damnationes illæ fuisse putabantur, opibus ad eum translatis & confiscatis. Si, à casu, miremur: si à Deo, vereamur.

At res

At res etiam nota, & cognomine prodita in FER- V.
 DINANDO *Quarto* Hispaniæ rege, ipso illo ævo, si 60. CCC.
 non anno. Bello & pace bonus habebatur, sed in XII.
 iudicando præceps aut rigidus, & ad sæuitiam in-
 clinare videbatur. Fuit ut *Carnualij* duo fratres,
Petrus & Ioannes, suspecti essent in occultâ cæde
Benauidij, primarij viri inter nobiles. Sed suspecti:
 neque testibus, aut alijs probationibus conuicti,
 neque crimen sanè, vel in vinculis, fassi. Tamen, ut
 rex erat, duci eos iubet, & de rupe altâ præcipientes
 dari. Cùm id fit, clamant & vociferantur, *Innocen-*
tes se mori: & quoniam regis aures iustissima defen-
sioni obstructa essent, sese igitur ad summum Iudicem
prouocare, & regi diem dicere, ab isto (qui sibi ulti-
mus esset) trigesimum. Dicta nihil valuerunt, sen-
 tentia tenuit: etiam ipsorum vadatio, nec tempore
 nec die fallax. Nam cùm rex, animi securus, *Al-*
candetem in castra abiisset, contra Mauros: ibi
 morbo statim tentatus, sed leui, *Giennium* se con-
 tulit: atque ecce VII. Idus Septembris, id est, ipso
 trigesimo à supplicio die, in lecto exanimatus re-
 pertus est, in ipso ætatis flore, annos natus XXIII.
 menses nouem. Quis neget diuinum; aut Geniale
 aliquid, hâc interuenisse, sed supremo Numine con-
 sciscente?

Discite Iustitiam moniti, & non temnere diuos.

CAP. XII.

DE CLEMENTIA:

*Eam quoque Principi decoram vtilem-
que esse.*

11. De Cle.
cap. 111.

DEcet sanè magnos animos & fortunam leni-
tas: & quod notes, non nisi in eos cadit. Bar-
bari aut viles homines, vbi licentia adest, plerum-
que scui sunt: mites in eâ & moderati, ingenui san-
guinis & stirpis. Sed quid? inquires: ad hanc ego
Principes inuito, quæ aduersa Iustitiæ, & soluere
eam videtur? Videtur: in re non facit, imò eum-
dem vtraque finem & scopum habet. Iustitia seue-
ritate & metu emendat: Clementia benignitate &
remissione. Illa pœnam, hæc veniam dat: sed cum
iudicio vtraque, & vbi debet; & addam, à quo de-
bet. Non enim quorumuis est Clementia; sed eo-
rum qui in suprêmâ potestate constituti sunt, &
temperare aut flectere ex vsu aliquo leges possunt.
Est, vt verbo dicam, Principum. Itaque definitur à
Senecâ, *Clementia, lenitas superioris in inferiorem, in
constituendis penis.* Ais? *constituendis?* in parte ve-
rum est: sed adde & partem alteram, *in remittendis.*
nam & Clementia hoc solet. Sed est *superioris*: &
nihil pulchrius, ait idem Sophus, *in fastigio calloca-*
tis, quàm multarum rerum veniam dare, nullius pe-
tere. Quarum autem rerum? nec enim omnium,
& multas lex adstringit non resoluendas: sed ea-
rum ferè, quæ Principem ipsum tangunt, vt sunt
Iniuriæ, Calumniæ, Violentia: & quæ alia meri-
tam pœnam habeant, sed contentus potestate, re-
mittit & donat. Cogitat publicum se parentem esse.

vt au-

vt autem priuati isti parentes liberos peccantes sæpè castigant, interdum virgas modò ostendunt, & metum incutiunt pro pœnâ: sic ille facit, & faciendo sic emendat. Mirum enim & varium ingenium hominum. quosdam benignitas, & ex eâ reuerentia, quosdam seueritas, & ex eâ terror, meliores faciunt: Princeps vititur omnibus, ad dictum hunc vsus. Est & communiter illud dogma verissimum: *Verecundiam peccandi facit ipsa clementia regentis*: & in domo meâ ac familiâ sum expertus. Plura super hac Virtute liceat: sed pudor sit post Senecam, cuius aurei libelli duo, & Principibus meritò legendi, satis eam reuelant. Nos Exempla, pro more, demus: & quàm multa ea sunt? & nemo magnus laudatusque Princeps sine istis.

Sed agmen ducat diuinus ille dux, MOSES. Qui I. cùm populum ex Ægypto cælesti voce & monito, claris miraculis adstipulantibus, eduxisset: isti tamen idemtidem ingrati, refractarij, rebelles erant. Nunc carnè, nunc panem aut aquâ petebant: & ita petebant, vt voces proteruas, & pænè lapides ac manus in illû mitterent: sed tamen illa, & veniam etiâ dedit. Nec vulgû modò procacem habuit: etiâ proceres, etiam proximos. & ecce *Aaron* frater, & soror *Maria*, in mitissimû virum insurrexere: quâ causâ? priuatâ, & leui, quòd Æthiopissam quæ animo eius collibita esset, vxorem duxisset. *An huic soli*, inquiebant, *Dominus locutus est? nonne & nos celestem vocem auribus his accepimus?* Et iam se Moysi non opponebant solû, sed æquabant: cùm Deus pro viro mitissimo super omnes homines (ita Scriptura appellat) iratus est, & Mariam vitiligine ac leprâ subito percussit. Quæ sic cum fratre ad sanitatem

N 5 mentis

mentis reuerſa, ad Moſem reſpexerunt, ille ad Deū:
& poſt ſeptem dies, precibus eius ſincera pura긑ue
à morbo apparuit. Quid plures ſeditiones enume-
rem? fuēre enim plures: ſed Moſes ille ſemper in
manſuetudine conſtans, vſque eò amans & igno-
ſcens ſuorum, vt Dei iram vel hac voce ſedaret, *De-
le me*, inquit, *de libro vitæ, potiùs quàm vt hos tollas*.
O verè diuine vir! non niſi ab ætherico Spiritu hic
ſpiritus: & venerari magis in hac parte te fas, quàm
imitari.

- II. Tamen & DAVID imitatus eſt: quis? ille quo-
que Deo & cælo plenus. qui, cùm *Absalomus* fi-
lius fratrem *Ammonem* proteruè in contuiuo in-
terfeciffet, & triennio apud auum maternum in
Syrià exſulaſſet, fractus & miſertus reuocauit.
Quid tamen? ille à ſcelere ad ſcelus maius, quaſi
gradu factò, properat, & regno patrem pellit: vità
quoque, ſi potuiſſet. Dauid arma neceſſaria capit,
Ioabum Præfectum militiæ cum dilectis viris in il-
lum mittit, ſed cum mandato, *Seruate mihi puerum
Absalomum*. Adeò nec in iram, nec in vindictam
exarſerat; vt tunc quòque, cùm ambiguo euentu
armà caperet, ſolicitus de venià magis, quàm de
victorià eſſet. At Deus pro illo exarſit & vindica-
uit, & filius non filius interfectus eſt: ſcis quàm in-
uito & dolente? Luctus eius in publico, & iſtæ vo-
ces: *Fili mi Absalome, Absalome fili mi! quis mi-
hi tribuat, vt ego moriar pro te Absalome fili mi, fili
mi Absalome?* Proh ſuperi! vbi Orientales vos Re-
ges, & hodie Turcici eſtis; qui patres, liberos, fra-
tres interficitis, prompti libentesque pro regno? iſte
nec inſidiatorem ſceptri & vitæ, vità vult exutum:
& exutum veris lacrimis luget.

Excm-

Exempla hæc pænè supra hominem : at nostræ III.
 fortis PERICLES fuit, qui morti iam vicinus, &
 spiritu ac vitâ abeunte, cum amicos assidentes que-
 ri & lamentari audiret, atque alium prudentiam,
 eloquentiam, victorias, alium alia laudare: ille mo-
 dicè erecto capite, *Et quid hoc est ? inquit : aut par-
 na aut fortuita laudatis: at illud maximum omittitis,
 quod nemo meâ operâ pullam vestem sumpserit.* Mi-
 rum iudicium ! hoc vir ille magnus in summis suis
 laudibus ponebat, quod comis in omnes & huma-
 nus, numquam acerbitatem aut vindictam exer-
 cuisset. Maeste Pericles ! vel hoc nomine cogno-
 men *Olympij* meruisti : qui sic extra istos turbidos
 affectus, vt nulla non dicam crudelitas, sed asperita-
 tas, mentem tuam obnubilarit.

PHILIPPVS Macedo, non maior Alexandro: IIII.
 sed fortasse melior, & certè moderatior: is, inquam,
 Philippus famam & immortalitatem vel solâ hac
 virtute meruit. Amici stomachabantur & defere-
 bant, quod Peloponesij tot beneficijs affecti, cri-
 minarentur eum, atque aded ludis Olympicis exsi-
 bilarent : ille in iocum rem vertit, & *Quid ergo, in-
 quit, facient, si lasi à nobis fuerint ?* Idem, sua-
 dentibus, vt seueriùs paullò cum Atheniensibus a-
 getet palàm ingratis: *Nihil agitis, inquit: an ego qui
 ad gloriam omnia refero, theatrum gloria mea euer-
 tam ?* Sciebat Athenienses ingenio & stilo valere :
 eoque (etsi alibi humanissimus) hîc magis esse vo-
 luit, vt hanc quoque materiem & amandi & præ-
 dicandi præberet. At illud in hoc ipso incre-
 dibilis non clementiæ, sed & patientiæ. quod cum
 iidem Athenienses legatos super aliquâ re ad eum
 misissent, atque ipse benignè audisset atque indul-
 sisset ;

fisset; dimittens, pro cumulo adiecit, *Ecquâ aliâ in re gratificari ijs posset?* Hic Demochares è legatis, *Ita verò, inquit, si te ipse suspenderis.* Hem, vocem & conuicium importunum, & vt rem dicam, flagro aut cruce dignum! Itaque amici & adstantes exarserant: sed compescuit se & illos Philippus, ac Therpsitem illum nullâ vel re, vel voce acerbiorè, læsum dimisit. Tantùm hoc ad legatos alios, *Nunciate Atheniensibus, impotentiores esse qui ista dicunt, quàm qui dicta comiter audiunt.*

- y. Ad Romanos flecto. inter quos M. MARCELLVS qui Syraculas cepit, iamtum cùm cepit, clementissimi animi signa, in medio furore Martis, misit. Parci ciuibus, quâ potuit, iussit: edito, Nequis liberum corpus, manu, ferro, stupro violaret, seruitia modò & pecuniæ prædæ essent. Sed vel sic cùm multa seuitiæ aut libidinis exempla editum iri videret, vt in vrbe per vim captâ, conscendisse editum locum dicitur, & subiectâ eâ oculis, casum eius, paulloantè sic florentis, humentibus illis defleuisse. Priuatim etiam cùm de *Archimede* eiusque ingenio audisset, & vidisset; mandauit incolumem seruari, & curæ hoc omnes haberent. Non mirum in rudi adhuc æuo, & Romanis ad artes istas parùm factis? Sed mandauit, etsi frustrâ. nam miles discurrens, cùm Archimedem repperisset in puluere figuras describentem, & totâ mente illuc versâ ignarum publici fati, interrogat gladio super caput intento, *Quis tu?* Ille nihil, nisi puluerem suum manibus tegens, & *Oro ne turba*, inquit. Ita miles indignatus, & contemni ratus, occidit. Hæc in Siciliâ, & victoriâ: post ipsam ista. Siculi parùm grati, & ab inimicis eius impulsî, questum ad
Sena-

Senatum super eo venerunt, scilicet alienas etiam iniurias adscripturi. Consul tum erat, & collega *Valerius Lauius* fortè in Senatu non erat. Itaque facile ei turbare aut disturbare rem & homines, & irritos illufosque dimittere. Non fecit, & audiri voluit, sed cùm collega adueniffet: fedit in subfellijs inferioribus, & finitâ accusatione, cùm Senatus illos facessere iuberet; ille verò retinendos censuit, & vt suæ quoque defensionì, non vt partes, sed velut iudices interessent. Quâ absolutâ, excessit curiâ, vt liberius sententiæ dicerentur: sed quid opus? clara eius innocentia, istorum impudentia omnibus, atque etiam ipsis fuit. Nam statim è partibus in fautores se transferunt, fiunt supplices, atque adeò Patronum illum Siciliæ adoptant: & suscepit, tam bonâ fide, vt præsentium oblitus, alijs super alia beneficijs exornaret.

M. etiam BIBVLVS, etsi fortunâ parùm attollente aut prosperâ semper vsus, tamen virtute, & hac animi clementiâ, excelluit. Duos filios præstantissimæ indolis, cùm in Syriâ Proconsul ipse ageret, Gabiniani milites in Ægypto per sæuitiam, an proteruiam, interfecerant. Eos *Cleopatra* regina, iram iustam magnatis viri verita, comprehensos ad ipsum misit, arbitrio scilicet eius puniendos: at ille, etsi in recenti dolore, patrem, & aliquis dixerit, hominem exuit, vt humanitatem retineret. ac sepositâ omni ultione, eosdem ad Cleopatram intactos remisit, vindicare potuisse contentus.

Quem autem *Bibulo* adiungam? veterem collegam, IVLIVM CÆSAREM: in omni quidem vitâ & proposito hostes, sed in hac virtute geminos, nisi quòd copiâ vincit, qui omnes vicit. Ecce iam adolefcens,

lescens, in freto illo æui, quàm sustinuit se & moderatus est? Captus à piratis, iurauerat sapius, se cruci omnes suffixurum, si in potestatem redegisset. Redegit, sed tamen æstuat. Homines crucifigat? crudele erat. Remittat? religio adstringebat. In hac pugnâ naturæ & fidei, clementia viam repperit: & iugulari prius iussit, deinde suffigi. Item sub hoc quæ, *Cornelius Phagita* quidam fuit, ex assecclis & emissarijs Sullæ, homo nequam & ad bonorum cædem aut pericula factus. Is latitantem in ciuili dissidio *Cæsarem*, tamquam Marianarum partium acriter & sagaciter indagarat, & subinde mutantem latebras ægrè, * pretio accepto, dimiserat: huic tamen in mutatione temporum, cum posset, fortasse & deberet, nocere numquam sustinuit. planè quasi post nimbum & tempestates, non Æolo non Austro vltà offensus. Ista priuatus aut impotens fecit: quid in imperijs? mitior seipso illo priuato. Initio bellorum ciuilium, cum quæri terror & adhiberi consilio solet, ad reprimendum aut reducendum: ipse diuersissimâ viâ veniam, libertatem, vitam omnibus non dabat solùm, sed vltro offerebat. *Corfinij* quid euenerit, dignum memorari. Tenebat hoc opidum *L. Domitius*, vetus & acer eius inimicus, cum cohortibus triginta. Ierant Senatores plurimi, equites Romani, & flos aut robur Pompeianarum partium. Ipse obsedit: milites vim non expectarunt, sed inclinatis in Cæsarem animis, transire ad illum, dedere duces & opidum parant: & iam colloquia erant. Domitius sibi pretemens, & ex conscientia diffidens, vitam ponere suo, quàm Cæsaris, arbitrio (heu, quàm ignarus eius animi!) elegit. Itaque seruum medicum aduocat, iubet venenum sibi dari. *Quid deliberas*, inquit: *dominus*

rogo,

* *Diurum*
salëtorum.

rogo, & armatus rogo. Seruus quasi paruit, sed astu facinus discussit. nam soporem ei temperat pro veneno, & filio mox indicauit. Præuidebat scilicet futurum, vt hominem pæniteret præcipitis consilij, maximè si spes veniæ à Cæsare esset. Atque ea statim affulsit. Nam ille vir omnes honestiores ad se in castra vocauit, benignè affatus est, ad pacem & pacata consilia hortatus, dimisit cum rebus incolumes: & quò? stultitiam rideat aliquis: plerosque iterùm ad Pompeium. Sed hæc illorum, non Cæsaris culpa. Domitius interea cùm audisset, atque expectatus esset, torqueri & angì de veneno: donec famulus metum discussit, rem aperuit. atque ille quoque rectà ad Cæsarem, vitam, libertatem, pecuniam recepit. Eodem bello, in Hispanià ad Ilerdam, cùm hostes ad pacis necessitatem adægisset, & iam conditiones ferrentur, milites sermones & conuiuia miscerent, & ex binis castris vna facta essent: en *Petreius & Afranius*, Pompeiani duces, subitâ pænitiâ, an perfidiâ, arma capiunt, Iulianos inuadunt, occidunt: ipse, cùm facinus reponere posset, & Pompeianos detinere vel item occidere, illorum dissimilis, sui similis, summâ diligentia conquiri omnes iussit, & remitti. In ipsâ acie Pharsalicâ, medio ardore pugne, ita vincere voluit, vt perdere timuerit; & vox eius obequitantis passim excepta, *Parce ciuibus.* Atqui non fecit, inquires. Imò ille fide optimâ: nisi in acie, nisi resistens, nemo occisus est: & seruare promptior, quàm illi seruari. O inauditam, nec nisi cælestem, clementiam! è tanto numero, tam pertinacium aduersariorum, non nisi tres (*L. Afranius, Faustus Sulla, L. Cæsar*) interfecti post aciem, eius iussu siue permissu reperiuntur: atque ij saui & crudeles in eum, & veniâ, quam

quam antè impetrauerant, iteratâ rebellionē, corruptâ. Omnibus etiam suæ partis nominatim vnum, quem vellent, seruare & excipere ex hostibus concessit: denique tandem vno Edicto, etiam quibus nondum ignouerat, redire in Italiam, ad opes, honores, imperia, permisit. In ipsius *Pompeij* morte, qui alieno scelere & inuidiâ ceciderat, tantum à gaudio aut insultatione abfuit, vt lacrimas non tenuerit: & auersatus homicidas, bello etiam mox persecutus sit, & cæde ac sanguine manibus illius parentarit. Quin & memoriam statuasque eius, disiectas à plebe, restitui iussit: canillemur aut interpretemur, vt volumus, magno animo, & (vt ego censeo) verè miti & clementi. Verba eius ex epistolâ quâdam ad *Oppium* & *Balbum* notauimus & amaui, ista: *Gaudeo me hercules, vos significare litteris, quam valdè probetis ea quæ apud Corfinium sunt gesta. Consilio vestro utar libenter, & hoc libentiùs, quòd meâ sponte facere constitueram, vt quàm lenissimum me praberem, & Pompeium darem operam vt reconciliarem. Tentemus hoc modo, si possumus, omnium voluntates recuperare, & diuturnâ victoriâ uti. Hac noua sit ratio vincendi, vt misericordiâ & liberalitate nos muniamus.* Ex pectore sunt ista verba; & familiariter apud homines familiarissimos prolata. Ego te Cæsar, ob alia tua & caussas belli, non nimis amo: in ipso bello, & ob hanc clementiam, inter heroas numero, & meo calculo, hac quidè re *DIVVS* esto.

VIII. Aliquid ab hac stirpe aut multum traxit *OCTAVIANVS CÆSAR*, adoptione filius, sanguine eius nepos. Is in republicâ varium clementiæ specimen dedit, adedò vt in theatro cùm recitaretur *O dominum æquum & bonum!* vniuersi oculos ad ipsum refer-

referrent, & voce gestuque comprobarent. Sed in priuatâ etiam vitâ (vbi natura maximè appâret, nec gloriam aut sermonem sibi proponit) præbuit insignita exempla. Vt in *Diomede* seruo suo dispensatore, qui, cum vnâ ambulant, & repente ferus aper in eos incurreret; ipse dominum obijciens, manibusque propellens, post eum latuit. Atque Augustus quidem fato, aut animo suo, seruatus est; sed & hunc nihil læsit, timori potiùs factum, quàm noxæ adscribens. Idem, cum in Hispaniâ *Corocotta* quidam famosus latro esset, & paci publicæ ac priuatæ diu infestus, præmium proposuit, si quis hominem viuum adduxisset, * *decies sestertium*. At ille, spe euadendi aut latendi abscisâ, magno animo ad Cæsarem vltro venit: & *Quæsitus tibi Corocotta*, inquit, *ecce adsum: facies, quod uoles, huic capiti*. Cæsar irâ omni depositâ, & memoriâ tot facinorum, non solum ignouit ei, sed & præmium promissum (quia *Corocotta* *Corocottam* stiterat) appendit. Sed superat priora, hoc de *M. Bruto*: cuius statua ærea, adfabrè facta, Mediolani erat: credo, monumentum virtutis & modestiæ, quâ Galliæ illi Cisalpinæ, sub Cæsare, præfuerat. Hanc, diu post, transiens Augustus conspexit, & represso gradu substitit: vocauitque coram omnibus ad se magistratus, quasi in re graui: & cum venissent, *Quid vos?* inquit, *mimici nostri estis? & hostes meos apud vos habetis?* Illi timidi, nec gnari quod accusatio spectaret, negare, & mutuo se se intueri. Cæsar iterum, ostensâ statuâ: *Nonne hic ille est meus hostis?* Tum verò illi serio trepidare, & mullitare: at Cæsar aridens, laudare etiam eos benigno vultu & verbis cœpit, quod iudicium aut animum cum fortunâ non mutarent: & vt talis viri statua maneret, por-

* xxv. M.
Philippi-
cûm.

rò præcepit. Duplex clementia. & in defunctum Brutum, cuius memoriam honorat; & in Mediolanenses, qui rigidè interpretantibus deliquisse in maiestatem Principis videbantur.

ix. An dignus est, qui inter hæc nomina locum habeat NERO CÆSAR? monstrum crudele, tætrum, sed vnâ voce meritum clementissimis accenseri. Initio imperij, cùm duo milites deliquissent, & morte puniendi viderentur; *Burrhus* Præfectus Prætorio, chartam de more ad Imperatorem tulit, vt is subscriberet & mortem, & causam. *Nero* allatam aliquoties reiecit & distulit: tandem cùm repeteret & instaret *Burrhus*, nec vltrà esset effugiû, tristis accepit, & cum hac voce: *Quàm vellem nescire litteras!* O dictum magne, vtinam diuturnæ, lenitatis! O dictum, quod laudes magni *Seneca* illius meruit, & libros de *Clementiâ* expressit! Amemus laudemusque, vel hoc nomine.

x. Diuersi ab isto vterque VESPASIANVS, pater & filius: qui ante Principatum & sub initia, multo sæuirię & luxurię rumore, in ipso mutati in melius fuere. Patris quidem quanta benignitas? qui & *Vitellij* hostis sui filiam (adeò stirpem ex eâ non veritus) splendidissimè maritauit, dotaui etiam & instruxit. Atque idem, cùm sub *Nerone* interdicta ei aula esset, trepidusque abiret; accurrit quidam ex Admissionalibus, qui asperè eum compellans, & simul expellens, abire *Morboniam* iussit. Hunc postea, & iam Princeps, vitæ suæ anxium & deprecantem, non nisi ioco aspersit, & pariter abire *Morboniam* totidem verbis iussit. Denique communiter hoc de illo *Tranquillus*: *Neque cade cuiusquam*
vmquam

*umquā latatus est, iustis supplicijs illacrimauit etiam
& ingemuit.*

At filius TITVS, amor & delicia generis huma- XL
ni, nil nisi bonitas & lenitas. Pontificarum maxi-
mum ided se capere professus est, vt in summo sa-
cerdotio, puras à sanguine manus seruaret: & re
præstitit. *nec auctor posthac* (verba Suetonij) *cu-
iusquam necis, vel conscius, quamuis interdum ulcisc-
cendi causa non deesset, sed* PERITVRVM SE PO-
TIVS, QVAM PERDITVRVM adiurans. Duos pa-
tricij generis, conuictos in affectatione Imperij, sa-
tis habuit verbis monere, *vt desisterent. Principatus
fato dari: à se siquid aliud vellent, peterent impetra-
rentque.* Et statim etiam ad alterius matrem, quæ
procul agebat, ne tristiore nuncio percelleretur,
cursores suos misit, qui & periculum filij nuncia-
rent, & salutem. Fratrem *Domitianum* ex professo
insidiantem, & exercitus in eum sollicitantem, nul-
lâ re læsit aut minuit: imò precibus sæpè egit, mu-
tuo in se animo esse vellet, & consortem successo-
remque imperij nihilo secius semper nominauit.
Non fregit improbum. veneno eius paulò post
periit, cum publico generis humani damno.

CAROLVS verò MAGNVS inter nostros (nam XL
ad propiora veniendum est) gloriâ & gratiam
hac quoque virtute collegit. *Pipinus* eius filius in
patrem coniurauerat, res clara erat, ignouit: fecit
iterum, ignouit: at ne tertium tamen tam lubrica
mens laberetur, adstringendum religione censuit,
& monachum eum fecit. Duplici beneficio, & ve-
niæ, & viæ ad melius regnum ostensæ. Peccauit in
eum & filia, sed ridicula narratio est, tamen expro-
menda. Erat *Eginhartus* in aulâ. *Carolo* ab Episto-
lis,

lis, vir, vt illo æuo, doctus & prudens, sed non in Amorem. Concepit eum in Domini sui filiam, etsi impar erat, & ipsa vicissim arsit. Restinxerunt, vt solent amantes, furtiuâ sui copiâ & congressu, qui aliquamdiu latuit: donec hiemante quadam nocte, cùm in secretiore cubiculo *Eginhartus* fuisset, & sub ipsam lucem exire vellet, videt multam niuem cecidisse. Hæret, & timet ne à vestigijs deprehendatur vir in gynecæo fuisse. Consilio & astu subuenit amica, & illum in humeros sublatum & pendentem, dulce onus, aliquamdiu tulit. Ecce (ô sortem iniquam pariter, & æquam!) videt hoc casu *Carolus*, & cum dolore suo & risu simul vtrumque benè notat. Dissimulat, die pleno conuentû Principum virorum habet, narrat iocosum & fœdum factum: rogatque (sed nomina tacuit) famulus qui sic in dominum, filia quæ in patrem peccasset, quâ pœnâ digni viderentur? Illi, *Mortis*, respondent. Tum igitur vtrumque aduocat, & coram se sistit. *En*, inquit, *isti sunt qui peccarunt. Tu Eginharte, tu filia, qui ausi hoc estis? Nec negandi locus est: me inspectorem, accusatorem, iudicem, vindicem habetis. Quid meruistis? isti dixerunt, Mortem: sed & animus vester vobis idem dicet. Tamen, mitem tu Dominum, tu Patrem videte: ignoscimus, hac lege quam dicam. Eginharte hanc tuam lutricem uxorem duces: concordēs estote, & mutuum deinceps quoque inter vos ferre. Dixerat, illi à summo metu in summum gaudium translati, grates agunt, gratulationes accipiunt: *Carolus* in gloriâ est, isti in famâ.*

- xiii.** Nec nimis seuerum est, quod addam. **CAZIMIRVS** erat Dux Sendomiriensium, potens Princeps, idemque postea rex Polonorum. Visum illi aliquando

quando fuit tempus ludo fallere, & domesticum quendam suum, *Ioannem Conarium* Equitem, ad aleam vocat. Ille pâret, ludunt, alternat fortuna: & tandem cùm multa nox esset, atque incaluisſent, placuit vno iactu de totâ summâ decidere. Is felix *Cazimiro* fuit: & pecuniam totam ad se attraxit. Indignatus *Ioannes*, & sorti suæ iratus, per calorem Principem inuadit, & fortiter os eius depalmit. Clamor & ira omnium, famulus Dominum, eques hunc Principem Capitale erat: sed beneficio noctis elabitur, & manè tamen captus reducitur, & *Cazimiro* sistitur puniendus. Ille re benè consideratâ, in prudentem hunc sermonem erupit: *Amici*, iste minus, quàm ego, peccauit: imò quidquid peccatum est, est meum. Calor & subita ira (cui nec sapientes semper pares sunt) transuersum eum egit, & mentem ac manum monit: ego causſam cur prabui? cur oblitus conditionis & dignitatis meæ, quasi cū pari lusi? Imò tu *Ioannes*, non veniâ à me solum, sed gratiam accipe. utili castigatione me docuisti, nequid in posterum indignum Principe committâ, & intra decori ac grauitatis metas me sistâ. Ita dixit, fecitq; . ô clementiam, ô patientiâ, ô prudentiam! omnes hæ virtutes cōcurrunt, sed primas tamē prima, me iudice, ferat.

At in *LYDVICO Duodecimo*, Gallix rege, spectabilis eadem virtus fuit. Presserat eum *Carolus Octauus*, rex, vt heredem proximum: & qui doleret prolem, sibi non esse. Ita presserat, vt in custodiam etiam daret, & vitæ suæ parùm securus videretur: plerisque procerum & vulgi pro præſenti fortunâ stantibus, & aduersantibus, certè auersantibus infelicem. Interea Deus in occulto alia destinat: *Carolus* subito tollit, hunc ad regnum euehit:

attonitis multis, & vultum sermonemque mutantibus, & ad gratiam noui regis se acclinantibus. Erant enim qui superbiebant, constantes antea in eius cultu aut obsequio : è quibus vnus magnâ fiduciâ ad eum accedit, & bona petit ciuis cuiusdam Aurelianensis, qui tristi illo tempore inter acerrimos Ludouici hostes fuerat. Hic rex, animo planè regio, effatur : *Tu verò aliud à me pete, & meritis tuis gratia erit. De isto, omitte: nam rex Gallie* (verba eius sunt) *nō exsequitur iniurias ducis Aurelianensis.* Optinè. Dux enim antea, cum hoc titulo, fuerat : & significabat argutè, dignitatē sc, atque etiam affectus cum eâ mutasse. Ille verò eadē magnitudine animi (mater hæc semper Clementiæ) edixit publicè : *Habiturum se eosdē consiliarios cum defuncto rege, ministros, stipatores, eodemque honore & salario.* Deus bone, eosdem cū illo sic infesto, & iniquo? Fiducia virtutis hoc facit: & præstari sibi spondet, quæ scit deberi.

xv. Tempora cōfundere liceat, sed re eadem. Quàm enim geminum est, quod olim HADRIANVS Imperator cuidam, qui ante Imperium inimicitias secum gesserat? Ille occurrit trepidus, & vix verba ad preces reprensus : cū statim Hadrianus : *Euasisi,* inquit. Benignè simul, & acutè. *Perieras,* inquit, *si pares contendissemus : nunc superior omitto, & potentiam meam, non nisi beneficio, ostenda.*

xvi. Te autem ALPHONSE filebo? qui totus bonitas & beneficentia, Titum nobis, sed diuturnum, representasti. Obsidebas Caietam, pertinaciter in te rebellem. constabat obsessos inopiâ comineatuum premi : atque ipsi hoc fassi, senes, pueros, fæminas, & inutilem omnem turbam emittebant. Agitatum in consilio, vt reijcerentur & reprimerentur ; dedendam

dendam enim ita mox urbem. ille misertus, emitti eos maluit, & diutiùs assidere. Sed cùm nec potius eâ esset, quidam ausi obijcere, *Nisi tu illos emisisses, urbs iam tua fuisset*: ille constanter respondit, *At mihi pluris tot hominum incolumitas est, quam centum Caieta*. Tamen nec ea diu defuit: & ciues tam insigni virtute moniti & resipiscentes, vltro se ci tradiderunt. Simile in *Antonium Caldoram*, potentissimum regni Neapolitani, & peruiacem hostem. Is prælio deinde magno victus, itemque captus; cùm omnes suaderent de tollendo importuno homine, & Aragonijs semper infesto; vnus restitit; atque adedò non vitâ solùm, sed omnibus bonis redonauit. Quin & suppellectilem atque instrumentum eius, magnę elegantię & pretij, quod in manibus habebat, totum vxorie eius dedit: vnicâ modò paterâ cristallinâ sibi asseruatâ. Hęc facta viri, & consonę item voces. Interrogatus, *Cur erga omnes, etiam malos, ita lenis esset?* Quia, inquit, *bonos iustitia conciliat, malos clementia*. Iterùm, cùm de nimia eius lenitate quererentur ministri, nec decēre Principem: *Quid ergo?* inquit, *vultis vrsos ac leones regnare? Nam hominum Clementia, belluarum Feritas est propria*. Vera dixit. quò quis maior, & magis, vt sic dicam, homo est; hoc virtuti huic pronior; quę & *Humanitas* ideò est dicta.

CAP. XIII.

DE FIDE.

Hanc quoque Principi conuenientem, vel necessariam potiùs haberi.

POST Iustitiam & Clementiam, Fidem commendamus: hanc quidem ex Iustitiâ natam. Quid enim

enim magis ea dictat, quàm promissa præstanda :
 Et qui non facit, non solum iniustum, sed igna-
 uum meritò habeamus. Qui enim fallit & decipit,
 eò facit quia potentia aut viribus minùs fidit : co-
 natur igitur fidei specie circumuenire, & hanc vti-
 litati suæ prætendit, ostentandam non seruandam.
 Turpe, & sublimi omni animo indignum. Imò &
 naturâ abhorremus. pueros vide, Mendacium in-
 ter prima probra obijciunt ; & quamquam leuitate
 quadam assumunt, tamen iudicij insirâ rectitudine
 damnant. Admiranda Dei prouidentia, virtutes a-
 nimo inferentis, sine quibus vita & societas stare
 ægrè possit : quod in Iustitiâ, & Fide, palàm vide-
 mus. Tolle istam, aut minue : raptus, cædes, bella
 erunt : atque hæc, nullo fœdere aut pace termi-
 nanda. Quid enim adstringet? Cole igitur, ô Prin-
 cept, *venerabilo hoc Fidei numē, quæ dexteram suam,*
certissimum SALVTIS HVMANÆ PIGNVS *ostentas.*
 Iunge tuam, si non dicam bonus, sed magnus &
 felix esse exoptas. Hoc enim quoque ab eâdem Pro-
 uidentia, quòd callidi isti & impostores, quantūuis
 subtilibus consilijs, rarò aut numquam ad poten-
 tiam perueniunt : aut si, in eâ non sunt firmi. At
 aliter in candidis ingenuisq; mentibus, qui Deum,
 qui fidem reuerentur : hi crescunt, florent, & per-
 seuerant, cælesti fauore prosequente & attollente.
 Q. Marcius hoc benè, apud Liuium: FAVERE PIE-
 TATI FIDEI *QUE deos, per quæ populus Romanus ad*
tantum fastigij venerit. Benè, & opportunè ad Per-
 sem regem, qui spem in astu & fallacijs ponebat,
 fœderum parùm constans. Utilitas igitur fidem
 approbat : & vel noxa à Perfidiâ possit deterrire.
 Nam, vt sapientissimè Homerus :

Valer.
 Max. vi.
 cap. 6.

Lib.
 XLIII.

Iliad. d.

Οὐ μὲν πως ἄλιον πᾶλει ὄρκιον, αἰμὰ τι ἀγρῶν,

Σπορ-

Σπονδαὶ τ' ἄκριτοι, καὶ δεξιὰ ἧς ἐπὶ πῶμεν.

Εἰπερ γὰρ τε καὶ αὐτὴν ὀλύμπῳ ἐκ ἐτέλασας,

Εκ τε καὶ ὅψ' ἐτελείῃ σὺν τε μεγάλῳ ἀπέπας

Σὺν σφῆσι καθάλῃσι, γυναιξί τε, καὶ τεκέσσι:

At non irritum erit iurandum, & fœdera pacta

Sanguine, nec dextra, quis credere suadebamur.

Nam quamquā Deus haud panas in tempore sumit,

At post sumet: & hi magno, mihi crede, rependunt

Ipsi, atque uxores, & dulcia pignora, nati.

Audis verè vatem. semper mala Fides pœnas statim aut postea, in violatoribus, aut sanguine eorum, luit. Et vis præsentis aliquâ commodi specie adherere? fuge: nam & Fama sic te fugiet. & quisquis vel hanc amat, Fidem amet. Cuius multa vel testimonia sunt, vel Exempla.

ÆGYPTIIS quidem (& apud priscos illos multa præclara inuenio) lex fuit, recitante Diodoro: *Periuri capite puniuntur. quia duplici scelere obstrikti, & Pietatem in Deos violant, & Fidem inter homines tollunt, MAXIMUM VINCULUM SOCIETATIS.* Rectè de *Pietate*. quis enim perfidus, non & Dei numen, & aduocatum nomen, spernit?

AGESILAI Spartani regis factum & dictum subiungam. qui cum exercitum in Asiam traiecisset contra regem Persarum; *Tissaphernes* summus Satrapa, viribus imparem se videns, & celeritate præuentum, fallere per speciem fidei quæsiuit. Itaque de inducijs cum Agesilao egit, adsimulans operam interea se daturum, ut Rex cum Spartanis componeret. Dedit *Agesilaus* trimestres, quas ipse quidem optimâ fide seruauit: at alter copias cogere, loca munire, & bellum summâ vi comparare. Quod
O 5 vbi

vbi Laco sensit, & monitus est; nihil moueri. imò multum in eo sibi profici dicebat, quòd *Tissaphernes* suo periurio & homines alienaret, & Deos redderet iratos. Vtrumque in se aliter esse. quòd & milites fidentiores redderentur, Deorum ope fisci; & homines amiciores, qui ijs ferè studerent, quos conseruare fidem viderent. Et res atque exitus ita fuit.

III. Ex eadem Græciâ fuit *ANDRONICVS* quidam à *Demetrio* rege præfectus Tyro. Cùm autem *Demetrius* graui prælio victus à *Ptolomeo* esset; iste loca & regiones passim inuadebat atque occupabat, destitutas scilicet omni spe auxilij. In aliorum ignauitiâ aut perfidiâ, constans mansit *Andronicus*, & aduentanti *Ptolomeo*, atque inuitanti, fortiter resistit: donec à militibus, seditione motâ, desertus & vrbe eiectus est. Venitque in *Ptolomei* manus. qui nihil vt in hostem & pertinacè fecit, sed fidem illam ipsam admiratus, quam oderat, donis cumulauit, & in cohortem amicorum transscripsit.

IIII. Apud Romanos plura & fortiora exempla. Primum communiter in ipso SENATU, aut POPULO. vcluti, obsidione vrbis à *Porſenâ* cùm pax iam coisset, & datis vtriusque sexus obsidibus firmata esset: virgines, duce *Clæliâ*, transmissò *Tiberi*, hostibus se eripuerunt, & Romanis suis restituerunt. Poterat excusatio esse, & qui in custodiâ habentur, fallere posse custodes: sed noluit Senatus, & bonâ ac verè prisca fide censuit obsides remittendos. Iterùm. *Faliscorum* ciuitas aliquoties rebellis, dedere se tandem *Q. Lutatius* Consuli coacta est. in quam cùm seuire populus Romanus cuperet, & asperius

asperius consulere; doctus à *Papirio*, Faliscos non potestati, sed fidei se Romanæ commisisse; statim destitit, & verbuli religione motus, iram omnem impetumque deposuit. Quàm longè illi à cauillis, quos mala calliditas semper reperit? Romani etiam *CONSULES*, bello Punico primo, speciosè hac fidè se ostentarunt. Victa erat circa Siciliam magna Punica classis, fractique duces consilia pacis agitabant. Sed ex ijs *Amilcar*, negabat ire se ad Romanos, ne eodem exemplo sibi catenæ iniicerentur, quo ab ipsis *Cornelio Asina* Consuli fuissent nuper iniectæ. Sed *Hanno* melior Romani ingenij morisque estimator, dixit fidenter se iturum, & iuit. Verba fecit, & facienti Tribunus militum qui circa Tribunal adstabat dixit, *Nonne tibi meritò eueniat, quod Cornelio factum?* Consules statim Tribuno tacere iussio, *Isto te*, inquiunt, metu *Hanno fides ciuitatis nostra liberat*. Verba grauiora, verba veracia: & quanta gloria, nec speciem violandæ fidei dare voluisse?

Quod & *P. Scipio Africanus* fecit. qui captâ naue Carthaginensium, in quâ multi illustresque viri vehebantur; illi ad effugium commenti subito sunt, Legatos se ad eum venisse. Apparebat mendacium, & argui poterat: sed magno Romanoque animo maluit decipi fidem suam, quàm accusari. Idem. Carthagine iam obsessâ, cum fessis malis legatos pro pace in urbem misissent, atque interea naues Romanas & commeatum diriperent, contra fœdus: *Scipio* nihil armis etiam tentans, suos Legatos in urbem misit conquestum, & ius petitem. At illi vix retenti sunt, quin manibus eos violarent: nisi quod ereptos tamen è tur-
bâ, pri-

bâ, primores ad mare deduxerunt, & præsidium triremium dederunt, quæ prosequerentur redeuntes. Sed id quoque parùm bonâ fide. certè abeuntibus triremibus, *Asdrubal* statim eos aggressus est, & in conflictu duo Legatorum perierunt, reliqui inter tela volitãtia egrè se in castra & ad *Scipionem* receperunt. An non & hæc causã soluendi iustè fœderis? non fecit: Legatos Romã expectauit. Sed ij cùm re infectâ discedere à Senatu iussi essent, & ad suos statim se recipere, vt hostes: ecce tempestas detulit eos ad ipsa *Scipionis* castra. Et cùm Præfectus maris à *Scipione* petisset, *Quid is facere deberet? Nihil tale*, inquit, *quale nobis Carthaginenses*: dimisitque intactos. Hominem hunc fidum dicam, an ipsam in humano corpore Fidem?

- vi. Dissimilis aliâ virtute, aut fortunâ: sed hac par fuit *SEX. POMPEIUS*, is qui Siciliâ & Sardiniâ occupatis, graue bellum fecit Triumuiris, & populo Romano. Et cùm inediâ atque inopiâ eos conficeret, coacti sunt ad pacem venire, etsi parùm fidam aut diurnam. Igitur *Octavianus Cæsar*, & *Antonius*, colloquium cum eo instituerunt, circa *Misenum*; quò ipse classe instructâ appulit, illi terrestribus copijs succincti. Conuenit tandem certis conditionibus de pace: atque vt, illi firmandæ, inter se beneuolè agerent ac cænarent. Prima cænæ sors *Sexto* euēnit; qui rogantē *Antonio*, *Ubīnam canaturi essent?* facetè respondit, *In meis carinis*: ad nauem suam respiciens, in quâ paratum epulum; tum & ad domum paternam, quam sitam Romæ in *Carinis* *Antonius* occupabat. Igitur in naui conuenerunt, & iam epulæ, & sermones, & cauilli in *Antoniam*, & *Cleopatram* eius erant: cùm sensim à tergo

tergo accedens *Menas* libertus, classis Præfectus, *Sextum* clam affatus est: *Visne tu ut funes incidam, & nauim abducam, faciamque te non Sicilia modò & Sardinia, sed orbis terra dominum?* Dixerat, & facere poterat. pons tantum nauim cum terrâ iungebat: qui eâ motâ ruebat: & quis hominum impedire, aut succurrere potuisset? In duobus autem illis capitibus vniuersa tunc res Romana nixa. Sed Deus & Fata noluerunt: nec ipsa Fides, quæ *Sexti* mentem mouit: *Et te quidem, Mena, facere fortasse oportebat, inquit, non prædicere. Nunc autem præsentibus acquiescamus: NEC EST MEVM PEIERARE.* Maeste *Sexte*! quem vel ob hoc dictum factumq; (nā cetera degenerat) nec Roma abdicet, nec pater.

Atqui & in singulos fidei etiam exempla sunt. vt vii.
hoc *LVCELLI*, qui vir & Senator illustris, in partibus *Bruti* atque acie Philippenſi fuit. Cum Brutus igitur altero prælio victus fugeret, & equitum manus insectaretur, & iam in eo esset vt apprehenderet: ille statuit vel morte suâ illum eripere, ac paulum velut fatigato equo subsistens, Brutum se simulat & præfert, ac capi ab illis est passus. Qui ingenti gaudio perfusi, vt iam vbere prædâ, adducebant eum reflexis habenis (nā id quoque petierat, quod magis falleret) ad *Antonium*, non ad *Cæsarem*: quasi de eius benignitate melius speraret. Intered *Antonius*, per præmissos quosdam iam certior de capto *Bruto*, prodibat scilicet obuiam; sed & alij cum illo, partim miserantes, partim incusantes, quod vitæ cupidine eò deductus esset. Iam propinquis, substitit *Antonius*, incertus quo vultu verbisque Brutum exciperet: cum statim *Lucilius*. *M. Brutum, Antoni, inquit, nemo cepit, aut capiet.*

capiet, spero, hostis : *Dij meliora, quàm ut in tantum Fortuna Virtutem calceet. Sed enimuerò ille aut alibi uiuus reperiatur liberque ; aut certè, ut illo dignum est, abiuit. Ego verò Lucillius sum, qui multis tuis imposui, ut illi esset effugium : nec quidquam pænæ hoc nomine recuso. Obstupuerant omnes, præsertim milites, qui sic sibi dolebant prædam ereptam : sed ad eos Antoninus : Commilitones, inquit, bono animo estote, nec putate vobis fraude vel errore isto illusum. Imò ubcriorem, certè gratiorem mihi prædam, quàm putabatis aut petebatis, scitote adductam. Nam Bruto ipso quid facturus fuerim uiuo, sum incertus : nunc dum hostem quaritis, amicum repperistis, & adduxistis : qui, tu Lucilli, semper mihi eris. Abite, pramium expectate.*

VIII. Laudabilis & ille Cæsaris CENTVRIO, qui captus in mari Africo, cum paucis veteranis, & ad Scipionem deductus, cum is vitam & pecuniâ proposuisset omnibus, si militare secū vellent: ipse respondit, *Pro tuo summo beneficio, Scipio (nec enim Imperatorē appellabo, qui vnus mihi Cæsar est) gratias ago, qui vitam offers belli inre capto. Sed huic beneficio quia scelus coniunctū est, non utor. Egone contra Casurē, apud quem ordines duxi, vigintisex amplius annos militavi, aduersus armatusq; consistā? Ne fides hoc sinat, aut virtus : & te magnopere horror, ut de incepto desistas. Cōtra cuius enim copias contendas, si vossē vis; age, elige ex tuis cohortē vnā, quā voles : ego ex meis, quos nunc habes, nō amplius decem sumā; tunc ex virtute & successu nostro intelleges, quid sperare de copijs tuis debeas. Ita militariter Centurio, quē statim ante pedes suos Scipio interfici iussit: quo crimine damnatū? fidei, quod inter desciscentes grauissimū est.*

Sed

Sed nec superior aut nostra ætas huius laudis ignara est. vt in Hispaniâ cum rex *Ferdinandus Primus* tres filios reliquisset, *Sanctium*, *Alphonsum*, *Garciam*, regna quoque inter eos diuisit, sed voluntate aut pace non firmâ. Nam statim ab eius morte *Sanctius*, ingenio violentior, fratrem *Alphonsum* bello aggressus vicit, cepit, & monachum profiteri coëgit. Non diu perseuerat coacta pietas, abdicat, & clam cum *Petro Ansurio Comite*, ad regem *Toleti*, *Almenonem* confugit. Maurus is erat, & religioni hostis, sed cum patre *Alphonso Ferdinando* amicitia ei & pax fuerat: eoque electus à profugo, cui se crederet: & iste cum fide recepit, habuitque. Dum illuc est, euênit vt coram *Almenone* capilli eius subrigerentur, & manu aliquoties compressi non subsiderent: quod Mauri vates triste prodigium interpretati sunt, & hunc esse, qui ad vrbs *Toletanæ* imperium erigeretur. Itaque de nece suadebant. non fecit Rex, & potior ei metu fides fuit. Quod mirum in barbaro, satisque habuit, iuramento *Alphonsum* adstringere, ne se viuo regni sui terminos infestaret. Ecce autem paullò post interficitur ex insidijs, ad *Zamoram*, rex *Sanctius*: & soror *Vraca* benignè in hunc fratrem affecta, nuncios literasque statim mittit, quibus ad regnum euocat, & suadet astu aut celeritate euadere barbaros fines. Æstuebat *Alphonsum*. faceret? ingrati animi notam metuebat; tum etiam ne non celaret, & reduceretur meritiò non dimittendus. Non faceret, & rem aperiret? ne vinclis, aut conditionibus adstringeretur ab eo, qui à tam vicino & potenti rege haud frustra timeret. Vicit tamen fides in honesto animo, & gratitudo: ad *Almenonem* venit. Quod tibi gloriosum, inquit, mihi felix sit, ad regnum à meis vocor,

vocor, ereptum in parte à fratre nuper, nunc eius fato uniuersum relictum. Culpare illum mortuum, pietas me vetat: eadem, ut tuum beneficium pradicem, incitat. qui profugum, ab hominibus & fortunâ relictum recepisti, fomisti: quâ spe aut pramio, nisi quod ab ipsâ virtute est? Et tamen animus agnoscendi soluendique non deficit, fortasse nec occasio aut materies, si per te mihi datur eâ uti. Age Rex magnanime, imple tua beneficia, & pro cumulo, Regem me in regnum remitte. Hactenus vita tui muneris est, fac ut sit & sceptrum. Ita noster: quem Maurus amplexus, incolumem regemque gratatur, & promittit. Nentrum, inquit, futurum, si me inscio, non iter, sed fugam tentasses. Nec enim te celo, notam mihi mortem Sanctij fuisse, & tacitum expectasse tua consilia, ut aut laudarem ea, aut vindicarem. Istud facturis sanè eram, si fallaci & ingrato animo te subduxisses: & exploratores subsefforesque viarum dispositi à me erant, qui. sed taceo, & gaudeo opus non fuisse. Virum bonum fidumque te, erga me talem, ostendisti: fac & in regno, quod omnes dij tibi fortunent. Nihil stipulor, nisi illud vetus, Amicum te fore mihi & maiori filio Hissemo, quamdiu vita utrique erit. Dixit, & pecuniam comitesque dedit, atque ipse, honoris causâ, aliquantum spatium deduxit. Clarissimum hercules exemplû Fidei in Afro, quod miremur, religionisque diuerso: sed & diuinæ Prouidentix, quæ id regnû & urbem ab eo voluit capi, qui perfugium ibi habuerat & tutelâ. Quod nouem circiter annis post euênit, sed mortuo *Almenone* & filio maiore.

- x. Habet & iterum Hispania Fidei exemplum, in Lusitaniâ, sed in homine Christiano. Is fuit FLECTIVS vir nobilis, arci *Conimbrica* atque urbi à *Sanctio*

Sanctio rege præfectus. Sed enimuero is *Sanctius* malè & improspere regnum administrabat, aulicis quibusdam nimis credulus, & inprimis *Mencia* vxori suæ addictus mancipatusque. Igitur querelæ, & mox conspiratio procerum in illum fuit: denique eò ventum, vt Pontifice ipso, quem adierant, (is *Innocentius* fuit) auctore, curam tutelamque regni ad *Alphonsum* transferrent, *Sanctij* fratré. Inde bellum, & plerique à Rege veteri alieni: sed constans pro eò *Flectius* iste fuit, & oppugnationem & arma etiam *Alphonfi*, ac totius gentis, excepit. Nec flecti potuit, donec ei nunciatum, *Sanctium* in exilio *Toleti* mortem obiisse: pro quo pugnaret ultra, aut fidem obtenderet? Daret se & verteret, quò *Fortuna* & omnes; nec pulcherrimam laudem, titulo *Pernicacis* aut *Insanimentaret*. Audit *Flectius*, nec satis credit. petit veniam ab *Alphonso*, vt ipse *Toletum* ire, & coram arbitrari possit. Facile impetrat: & interea ab oppugnatione cessatur. Cùm venit, Regem suum fato functum, sepultumque inuenit: atque vt in animo suo, non solum opinione hominũ, liber esset, aperto sepulchro, cū suspiriis & lacrimis, ipsas clauas vrbs *Conimbricensis* in manus dat, his verbis: *Quamdiu, ô Rex, vinere te indicabam, extrema omnia sum perpeffus. coriis pellibusque famem toleraui, sitim lotio: ciuium animos ad deditionem inclinantes, & conantes, erexi aut repressi: denique quidquid à fidei homine, & in tua verba iurato, exigi expectarique potuit, id præstiti, & perseueraui. Vñ superest, vt clauibus tua vrbs tibi traditis, solutum me iuramento omnibus, & ciuibus te vitâ cessisse, denunciem. Deus tibi bene faciat, in alio & meliore regno. Ita abiit, & legitimum iam alterum Regem agnouit, & adhæsit.*

XI.

TRIMVMPARA etiam in Orientali Indiâ, qui rex *Cochini* erat, cùm eò Lusitani venissent, fœdus pacemque panxit. Mox in nouam & suspectam gentem conspiratio omnium, & maximè *Calecutiensis* regis, qui opibus & milite inter vicinos pollebat. Ille igitur copias amicosque iungere, & hunc inprimis *Cochini* regem pertrahere, & suadere vt eiectis aut potiùs traditis pauculis Lusitanis, quos fidei suæ creditos acceperat, se culpâ, omnes metu exsolueret. Ille verò obniti, & apertè dicere, *Omnia se potiùs, quàm fidem amissurum. Siqui è subditis aut amicis id suaderent, eos verò magis hostes se ducere ipso Calecutiense: quoniam ille regnũ modò aut vitam eripere, isti pulcherrimam virtutum conarentur. Et vita spatium breue ac definitum, perfidia maculã sempiternam esse.* Hæc & similia dicta factis affirmavit. oppugnat eũ vndiq; *Calecutiensis*, tandẽ & sui deserunt: vincitur, pellitur regno, in vicinã quandã insulam se recipit, sed nullius rei maiore curâ, quàm vt secum paucos illos Lusitanos seruaret. quid? ignotos & externos? cladem & pestem sui regni? Tanti fides fuit, quin etiam cùm *Calecutij* rex iam victo pulsoq; , offerret veterem fortunam & statum, eâ lege si illos traderet; abnuir, fortiter professus, *Sceptrum & vitam eripi posse, fidem non posse.* Hunc hominem barbarum ego dicam? solo & gente fortasse, animo non possum.

XII.

Haud magis quàm SOLEIMANVM Turcicum Principem, cuius classis, ducibus *Lusibei*o & *Barbarossa*, in Salentinos exscenderat. Ibi *Castrum* opidum arcemque, vicinum Hydrunti, subito terrore in ditionem acceperant, incolis & ipso Domino *Mercurino* salutem & libertatem pactis. Sed barbari, & præsertim nauales socij, nihil pensi habentes,
omne

omne maleficium inferre; & idoneę ætatis captiuos, cum ipso *Mercurino*, ad classem deduxere. *Lustibeius* tamen, non dubiâ perfidiæ infamiâ, ad minuendam, *Mercurinum* liberauit: ceteros paullo pòst ipse *Soleimanus*. qui inter grauiores curas, *Coryram* Venetorum obsidens, audito rem parùm bonâ fide cum *Castrensibus* gestam; ingenuo pudore perfusus, statim conquiri captiuos omnes iussit, & in naues impositos, ad penates suos remitti. Ipsos quoque præcipuos auctores supplicio affecit, non hîcantum Fidei amator & cultor.

Nam & in Pannoniâ, cum Budam cœpisset, metu xiii:
vacuam, eiûsque arcem oppugnaret, in quâ Germanus miles, eiûque præfectus *Thomas Nadaustus*, curabant: ille quoque metu perfusus, colloqui cum hostibus cœpit, & de arce dedendâ pacisci. Quod egrè *Nadaustus* ferens, ipse plenus animi & constantiæ, compescere conabatur, & diremptis colloquiis tormenta verti in hostē iubet. Enimuerò hîc illi ignaui ad scelus etiam versi, ipsum in vincula coniiciunt, & frustra reclamante & minante, rebus corporibusque suis saluis, arcem dedunt. Intran̄t barbari, isti exeunt, vt pacti erant: sed cum *Nadaustum* victū repperissent, & rem, vt erat, ex ipso auditam, ad Imperatorem suum detulissent; ille perfidiæ ignauiæ obitatus, statim immissis in abeuntes Genitzaris; omnes interfici iubet: ipsum *Nadaustum* vinclis liberatum, & ad se adductum, laudat & liberali stipendio inuitat; ac reuēntem dimittit.

Claudamus inclito exemplo, quod magnus rex xiiii.
Galliarum FRANCISCVS nobis donet, Ille *Carolus Quintum* nostrum, solâ fide regis & suâ fortunâ nixum, in Belgas & turbidos tûc *Gandauenses* prope-

P 2
rantem,

rantem, sine copiis, pænè sine comitibus, comiter & regaliter excepit, apud se habuit, deduxit. Sermones inter eos varij, & de pace etiam fuerunt, donando ducatu Mediolanensi (vti iniectum erat) *Carolo* Regis filio. Sed cum Cæsar iam apud suos, pacati-
 que domestici motus essent; tardior in hanc rem videbatur, siue quia nec antè ferio cogitasset. Tum igitur vapulare multorum sermonibus regia comitas, aut credulitas. *cur non hominem, in quo rerum omne momentum tenuisset? ecquando tam bella umquam occasio? & inuidia aliquid aut & infamia, pro tam spectabili utilitate. subeundum fortiter fuisse. Saltem leges firmiores certioresque ei dixisset: nunc, quid nisi inanem gloriam apud vulgus, apud prudentiores risum quasitum?* Neque nesciit *Franciscus*: & in conuentu procerum celebri, cum alia in purgationem sui dixit, tum hæc ipsa in clausulâ: *Etiamsi Fides toto orbe exfularet, tamen Regibus tenendam esse, qui eâ solâ, & nullo metu, cogi adstringique possent.* Notabile dictum, & res sic habet. nos alios Lex aut Pœna coercet, Principes solus Pudor aut Fides.

xv.

Quid claudam? Gallus rex alium eius gentis, & vetustiorē subiicit, IOANNEM *Primum*, qui ingenti clade ab *Eduardo* Valliæ Principe victus, captusque, in Angliam abductus fuit. Ibi quattuor annis in custodia liberiore habitus, ad suos rediit, certis conditionibus cum hoste depactus. quæ tamen cum grauiorē subditis viderentur, nec ciuitates Anglis dedendæ, faciliè nouum iugum præsidiumque admitterent; ipse placando hosti, & fidei testandæ, iterum in Angliam traiecit, ibique ex morbo decessit. Clade acceptâ famosus, sed sic latâ clarus, & fide clarissimus.

Sed

Sed heus vos, date veniam boni Reges & Principes, ac liceat illustri choro vestro seruile nomen inferere: non maculam, sed lucem & splendorem merum, quatenus hîc quidem spectabuntur. Nam & Fidei illorum in dominos aut patronos mirifica exempla sunt, nec nisi cum virtutis damno silenda. *Hasdrubal* in Hispaniâ res gerebat, & magnam eius partem vi aut astu subegerat: sed cùm nobilem aliquem Hispanum interfecisset, SERVVS natione Gallus id non tulit, & mortem Domini certâ suâ morte vindicaturus, *Hasdrubalem* occidit. Rapitur, torquetur, cruci affigitur: inter omnia mala eo vultu, vt ridentis etiam speciem præberet, expletâ vltione, sui securus.

M. Antonius inter Romanos oratores, & in dignitate viros, nobilis fuit: atque is fœdo crimine (puto falsò) incesti publicè postulabatur. Accusator SERVVM maximè in quæstionè flagitabat, quem dicebat præluxisse hero suo ad flagitium eunti, & laternam prætulisse. Aderat ipse seruus, cùm hæc in iudicio dicerentur, & videbat rem ad suam pellem, quod dicitur, suosq; cruciatus pertinere. Addo quòd iuuenis erat, imberbis, & in ætate adhuc minùs aut patienti, aut còstante. Tamen cùm domum ventum esset, & herù suum animi anxium videret: *Quid diffidis here?* inquit. *In meo robore & constantiâ, si vis & expedit, spem audacter pone. nullus metus, cruciatus, mors me adiget, vt te & honorè tuum prodâ.* Minùs arcto vinculo anima hac corpori illigata est, quâ affectus tibi: nihil diuidet, nullus dolor aut carnifex vocè ledendi tui ex ore isto extorquebit. Ad eò nò diffugio, depono hoc certamen, in quo tibi annis tiro, animi veteranum robur probem. Erexìt, & fiduciâ impleuit

Antonium: qui iterum poscentibus seruum, præbuit. atque ille flagris virgisque laceratus, eculeo impositus, laminis adustus, mirâ patientiâ perstitit, & omnem vim accusatorum fregit atque elisit. Accessit facundia *M. Antonij*: sed heus, quæ tanta, ut hûc conditione seruû, animo heroem satis celebret?

XVIII. Quid ille *Vrbini Panopionis* SERVVS? qui cum proscriptus in villâ suâ Reatinâ latêret, nec satis latêret (alij serui prodiderant:) ecce aduenientibus militibus, ipse vestem heri subitò induit, suam illi dedit, anulo etiam in digitum inserto: atque ita, hero per posticum emissio, ipse in lectulum se reposuit, & pro illo occidi fortiter passus est. Citò id dictum: non tam citò suscipi, aut susceptum fieri, verus iudex dicet. Magna fides, quæ vltima est, & postquam nec gratiæ, nec vitæ, ultrâ locus est.

XIX. *Antistij* verò *Restionis* SERVVS (qui & ipse miserabili illo Triumviratus tempore, inter proscriptos erat) ad fidem ingenium quoque adiunxit. Nam fugientem suum herum, & ut putabat, ignotum affectus est, & apprehendit: primò territum, quoniam hic erat stigmatum perpetuâ iniuriâ ab eo affectus, eoque in retrepidâ vindictam timebat. At ille primum confidere eum iussit. & *Ego te ledam?* inquit. *qui tot annos aluisti, benignè fecisti? absit. nec ista stigmata plus apud me possint, meo merito imposita, quam vetera tua beneficia in nec meritum collata. Quod seruiui, & serui, fortunæ iniuria est; tuum beneficiû, pressum non oppressisse. Diuinitas hunc ordinem rerum dissonit, & pareo: tu confide, tibi quoque parco, & scis quomodo? vel vita huius periculo tuam seruabo.* Dixit breuiter fideliterque. & herum in speluncam abduxit, atque ibi ex operis & mercede diurnâ aliquâdiu aluit. Sed
cûm

cū milites, omnia ob præmiū rimantes, ad speluncā quoq;, aliquid suspicati, tenderēt; ille subito senem viatorem abreptū occidit, & exstructo rogo superiecit. Superuenientibus in re militibus, & ferociter rogantibus *Quid ageret? Quin, inquit, scelestū meum herum interfeci, & crudelitatis huius ab eo* (stigmata ostendebat) *pœnas exegi.* Persuasit, & herū seruauit.

Singulorum hæc fides, plurium illa simul in eadem proscriptione. Nam *Pomponius*, audaci astu, arreptis insignibus Prætoris, ipse in prætextâ, serui instar lictorum, & cum fascibus exculti, urbem mediam transiēre: arctiūs dominum stipantes, ne ab obuiis posset agnosci. Ad portam sumpsit conscenditque vehiculum publicum, vt Prætor, & per totam Italiam sic incessit, quasi legatus à Triumuiris ad Sex. Pompeium iret: itaque & triremi publicè præbitâ in Siciliam, certissimum miseris tunc portum, transmisit. In tot hominibus, tot occasionibus & locis, admiranda plurium fides, & mente magis quàm stilo pensanda.

Addatur his non seruus, sed cliens *Roderici Danali*, Magistri equitum in Hispaniâ. Is *Rodericus*, cum aliis aliquot, postulatus maiestatis fuit, & litterarum ad *Iosephum* regem Maurum scriptarum, quasi patriæ prodendæ. Plura exemplaria prolata, & res in consilio Regis cognita, atque ipse alijque damnati. Hæsit in herili isto crimine **ALVARVS NVNNIVS FERRERIVS**, Cordubæ natus: qui Præfectus aulæ & domui *Danali* erat. Sed is strenuè se herumque defendens, non prius quieuit, quàm falsas litteras ostenderet, earumque auctorem *Ioannem Garfiam* conuinceret ac damnarēt. Et ipse quidem se expediuit, sed magni illi mansēre exules: cūm

xx.

xx. cccc.

xxiii.

ecce *Ferrerius*, ad heri egestatem subleuandam, omnia bona sua (quæ beneficio patroni acceperat) diuendidit, & octo aureorum millibus confectis, texitrinæ lignis excauatis ea indidit; atque asino imposita, agente in viliori veste filio, clam ad *Danulū* misit. Dignus, quem illustrissima ea gēs etiam nunc in memoriā & laude habeat, & posteros, siqui exstant.

CAP. XIII.

DE MODESTIA IN SENSV.

Hanc Principi decoram, & vtilem esse.

DIximus tres virtutes & commendauimus, planè Regias, & quæ in publicum spectant: sunt aliæ velut Priuatæ, quæ magis ipsum. Inter eas Modestia, quæ vario adspectu principi adsumenda. Primùm, quia omnes homines decet submitti, & ab Arrogantiâ fugere, scopulo virtutum. Sed magis Principem, qui in alto est, & causas plures siue occasiones Superbiæ habet. Natura quidem hæc corrupta eò vocat, & vani aut tumidi per eam sumus: quid cùm Fortunæ ille ventus obsecundat, & vela implet? auferimur. Adde Educationem, quæ in aulis, molliter, indulgenter, splendide habetur; obsequia & demissio omnium, etiam apud pueros: quî non inflentur? Denique Adulatio accedit, ô Aulæ certa pestis! blandiuntur assidue, & laudant, honoribus ac titulis afficiunt, id est demētant. Non iure sic loquar? vide *Alexandrum* illum, à tali patre, tali præceptore: fastidit homo esse, nec iam *Philippi*, sed *Ionis* filius audit. *Iulius Caesar*, ille animi & ingenij magnus, impingit: & omniū victor, A dulationi

tionem succumbit. Voces emittit, *Debere iam homines
considerationis secum loqui, ac pro legibus habere quæ di-
cat.* Itane pro legibus omnia dicta? difficile est cre-
dere, virum talem sic elatum & ablatum. *Caligulam,
Domitianum, Commodum* omitto, & hæc portenta: qui
palam saluari & haberi, *Dominus Deusque noster,*
volebant. Vide an temerè ad Modestiam vocem: &
quæ hodie peccentur, non dicam. Caue, caue Prin-
ceps: & cogita supra homines te sed hominem esse.
Quamdiu autem esse? mors imminet, & æquabit.
*Quamdiu etiam esse? tristis aliqua fors imminet, &
dimittet.* Regnas? potes subiici. Dominaris? potes
seruire. Quidquid altè se sustulit, opportunum est ad
casum. Seneca noster: *Nulli Fortuna minus bene, quàm* De Breuit.
optime creditur. aliâ felicitate, ad tuendam felicitatem, vit. cap.
est opus. Vidēsne histriones in scenâ personam Aga-^{xyli.}
memnonis aut Priami gerere: & mox, cum fabula
peracta est, ad habitum & sortem veterem redire? Date
veniam Principes, tales estis. Deus personam in orbis
theatro hæc imposuit: sustinete, agite; sed qui intror-
sim & apud vos sitis, cogitate. Choragus ille est qui
dedit ornamenta: & nisi refertis ad eum, aufert. Huc
vocant magnorum regum Dicta, vel Exempla: &
vtraque ex magnâ copiâ, cum dilectu quodam, habe.

SARDANAPALVS rex Assyriæ à deliciis, & purpu-^{I.}
ratâ, ut ita loquar, vitâ innotuit. tamè idem ab ebrie-
tate longâ sobrius, sepulchro incidi curauit symbo-
lum, quod ad Modestiam altissimos vocet. Erant
digiti duo, qui collisi inter se * crepitum edebant: * ^{crepitus}
signantes, omnia regna, omnia votiua aut magna, ^{in uia.}
NEC TANTI esse.

Sine aliis verbis ille hoc docuit: at ARCHIDAMVS^{II.}
Spattæ rex paucis, & pro Lacone. *Philippe* enim
P 5 Mace-

Macedoni, post victoriam ad Chæronéam, quâ libertas Græciæ concidit, insolentiùs se efferenti, scripsit: *Metire umbram tuam, nihilo reperies auctiorem.* O sapienter! Quid attollis te in hostibus victis, in finibus propagatis? tibi nil accessit. Numquid animo? curæ maiores, aut metus. Numquid corpori? *metire umbram, videbis.*

III. Sensit ipse PHILIPPVS, cùm aliquando in palæstrâ, inter luctandû, prolapsus surrexisset, & corporis vestigium in arenâ vidisset: *Papa, inquit, quàm parvam terra partem sortiti, orbem appetimus!*

IIII. SEVERVS Imperator Romanorum, diu in ambitione, & ob eam bellis, senio confectus ac moriturus, urnam ad se deferri iussit, in quâ cineres (prisco illo more) erant recondendi. Et diu contrectans & contemplatus, vocem misit: *Tu virum capies, quem orbis terra non capit.* Ita, ita. — *mors sola fatetur, Quantula sint hominum corpuscula.* Attollere in vitâ, manus & spes ab Oriente ad Occasum mitte: illa contrahet, & te intra te coget.

V. *Severus* hoc sub mortem: diu ante eam MAXIMILIANVS Primus Imperator *Austriacus*. Nam ille memor fragilitatis huius, triennio (alij biennio) ante morbum, non solùm mortem, capulum funebrem & querno ligno, arcæ viatoriæ inclusum, circumferri secum iussit: cavitq; testamento, vt exanimû corpus suum, rudi linteo inuolutum, sine vllâ exenteratione, illi imponeretur, naribus, ore, auribusque viuâ calce oppletis. Quid sibi voluit magnus vir? nisi monumentum illud assiduè in oculis habere, quod diceret, *Cogita mori.* quod ampliùs diceret, *Quid te dilatas & extendis? quid multa possides, plura appetis?*
Quem

Quem tot provincia & regna non capiunt, locus iste capiet. Cur autē & calcem cauis illis partium immisit? en aromata quibus cōdiretur! Sed hoc spectauit, vt corpus putredini natum, eâ quoque exedente & consumente materie, citiùs consumeretur, & iret in suam terram. *Maximiliane*, magnus fuisti! & res tuæ dicunt, tum & hæc circa mortem.

Sed amplius, ille idem, pluribus diebus ante mor- VI.
tem nil nisi *Maximilianus* appellari voluit. quod imitatus nepos eius CAROLVS, cū raro & miro exemplo, Imperio se vltro abdicasset, & in filium, iam validum quē & animi, curas contulisset. Secessit enim in Hispaniam, & in Dñi *Iusti* monasterio, septem à *Placentiâ* milliaribus, se abdidit, cum duodecim dumtaxat familiaribus, Deo & quieti vacaturus. Interdixit autem, aliter se quàm *Carolus* appellari; *Cesaris* atque *Augusti* illa nomina, cum rebus animo exuens, & totum hoc honorari contemnens.

Sed inter mundanos istos externosque Principes, VII.
fas sit locum dare & Ecclesiæ Principi ac capiti, CLEMENTI *Quarto* natione Gallo: qui incredibile est, quàm se in summo illo culmine modestè gesserit & remperanter. Ante Pontificatum Iurisconsultus fuerat, & filias ex vxore susceperat duas. Harum vni in monasterium collocatæ, non nisi *triginta libras* Turonenses semel dedit: alteri quæ maritum habebat, *trecentas*, loco dotis; idque hac lege, nequid vñquam plus peteret. Nepoti quoque tria Beneficia, vt loquimur, habenti, optionem detulit vnum retinendi, cetera statim dimittendi. Mirantibusque & instantibus amicis, vt & illa permitteret, & alia daret; in claram hanc vocem erupit,
Non

In Onu-
frio.

Non esse dignum Petri successorem, qui plus cognationi, quam pietati largiretur. Exstat epistola viri sancti ad nepotem quemdam suum, ab Antonio Augustino prouulgata, in quâ & voces & sensus videre est, ab ipsâ modestiâ conceptos.

VIII. Sed CANVTI etiam Anglorum regis insigne ad Modestiam documentum est. qui cùm obsideretur ab Adulatoribus, id est, coruis aulicis, & sortem eius attollerent, dicerentque omnia seruire, & ad nutum eius vultumq; (verba annalium) conuerti: ille fœdam adulationem sic repressit. Spectantibus iis, sedem regiam in litore maris posuit, in ipso accessu eius & fluxu. Tum dixit: *Tu mare ditionis mea es; & terra, in quâ sedeo, est mea. Impero tibi & denūcio, ne in terram meam ascendas, nec membra, nec vestem domini tui madore perfundas.* Ille dixerat, mare tenorem suum tenebat, veniebat, alluebat. Tum resiliens: *En,* inquit, *quàm ego omnibus imperito! Quin sciât omnes, qui terram incolunt, vanam & falsam esse regū potentiam: atque vnum eo nomine dignū, qui verè imperium inhibet calo, terra, mari.* Neque intra verba Modestia hæc stetit. in omni actione talem se præbuit, atque adeò coronam vltà in caput non admisit.

IX. Hæc inuitent & excitent, sed Mutationum exempla quæ addam, fortiùs etiam percellant. Quot enim ea sunt? & quàm paucis Fortuna currum à carceribus ad metam, sine offensâ aut euerfione, perduxit? In omni æuo, & in omni orbe occurrêt. In Ægypto SESOSTRIS rex hoc didicit, & imbibit. Victor erat vicinorum, & imperium longè protendebat: sed & animū euexerat, & quattuor reges, equorum vice, currui suo subiungebat, quo vehabatur. In eo cùm sublimis federet, regum illorum vnus capite

capite reflexo identidem rotam currus aspiciebat, & capi ac pasci videbatur. Quid rei sit, Sefostris rogat: ille liberè, *Intueor volumen hoc assiduum rote, in quâ vicissim ima summa, & summa ima fiunt: quod exemplum capio, & applico nostra fortune.* O benè! potuisset tamen addere, & tua, sed Sefostris ipse fecit, & statim illos à iugo, se à fastu liberauit.

SOLONIS etiam monitum tale, sed non apud talem: neque doceri, nisi malo suo, aptum. Apud CROESVM erat Lydię diuitem illum regem, qui Solonem comiter, vt peregrinum, excipiens, & gazam omnem atque opes ostentans, *Et quid videtur? habes dicere hominem me beatiorem?* Habeo, inquit Solon: & *Tellum* quendam, hominem modicę fortis, sed in eâ quietum, nominauit: tum & duos alios, qui vitā benè actā essent defuncti. Risit Cræsus: & *nos quo loco sumus? Haud dixerim,* ait Solon. *nec fas beatum etiam censere, qui in his vita fluctibus iactatur, donec sit in portu. Nonne tempestas interuenire potest, & turbo qui enertat?* Nec sic hominem docuit, sed fecit mox Cyrus. Nam ille acie victum, & victum, rogo imposuit exurendum. cū Cræsus clamare incēpit, *O Solon, Solon!* Miratus Cyrus, rogari iubet, *Quem in extremā illā sorte hominum deorūve inuocaret?* Dixit, Solonem sibi in mente esse, qui sapienter monuisset, non fidere præsenti fortuna, nec beatitudinem ante finem vindicare. Risi, inquit, nunc probo & miror. Probauit & Cyrus. statimque ad modestiam etiam ipse flexus, liberari Cræsum iussit, & in amicos transcripsit.

Addamus quamquam æuo dissitum, sensibus exemplum assitum, GILIMERIS regis in Africā Vandālorum. Diu felix fuerat, ope, terrasque victoriis quæ-

quæsiuerat : vertit se Fortuna, & *Belisarius* à *Iustiniano* Imperatore missus, cum exiguâ manu, hominem euertit. Acie igitur victus, fugit in Numidiæ excelsum montem *Pappum*, atque illîc obsidione aliquamdiu toleratâ, desperans ad *Pharam* misit, qui mandato *Belisarij* obsidebat, actum super deditione, simulque petito, *Panem sibi mitti, spongiam, & citharam*. Panem, fami releuandæ; spongiam, siccandis oculis; citharam, leniendo animo. Dedit ea *Pharas*, & mox sese *Gilimer*. qui ad *Belisarium* deductus, nil nisi risit. Desipere eum è cladibus homines censebant: vera sapientia erat, quâ incerta hæc rerum, vsu edoctus, ridebat. Idque apertius in ipso triumpho ostendit. cum per pompam *Byzantij*, ad *Iustinianum & Theodoram* coniugem in sublimi folio sedentes adductus, hoc tantum effatus est, *Vanitas vanitatum, & omnia vanitas*. O bone *Gilimer*, felix tua infelicitas, quæ mentem hanc dedit: nec vita deinceps infelix, quam in *Galliæ* angulo priuatus quietusque duxisti.

XII. In eadem Africâ, sed vetustiore æuo, non alium regem video vinci, capi, triumphari? *IUGURTHA* is fuit, *Masanissæ* nepos, opibus & ingenio validus, sed tamen à *Mario* deuictus. Romam ducitur, & post triumphalem illusionem in carcerem coniectus, veste spoliatur, inaures, quas more gentico ferebat, detrahuntur, sic ferociter, vt partem imæ auris senserit auelli. Tum denique nudus in carcerem infimum abiectus, tætrum & horridum, *Papa*, inquit, *quàm frigidum est vestrum balneum!* atque inibi fame obiit.

XIII. Quid Rex è *Macedoniâ* *PERSES*? is quoque victus à Romanis, & animo fractus, ad religionem templi

templi in Samothrace confugit: quasi sacra tueri possent, quem non arma. Intutum igitur asylum: fraude vel vi eductus est, & cum vxore & liberis ad *Emilium Paulum* Consulem perductus. Ibi solutus in lacrimas, & humiles preces, ad genua etiam se submisit: miserante Paulo, & simul indignante, quòd homo sic vilis & degener victoriæ suæ decus delibaret. Triumphatus deinde est, cū duobus filiis, & filiâ: ipse in carcere, & duo mortui: tertius seruatus, quid nisi iterum ludibrium? Regia illa stirps primò fabrilis arte vitam tolerauit; & vñ iam Latini sermonis aliquo, scriba & assecla magistratuum fuit. Vbies Confidentia, aut Superbia?

Ante illum, & maior illo *PHILIPPVS*, eiusdem XIIII. Macedoniæ rex, & *Magni* pater, quàm sensit infidam sortem? Græciam ferro vel auro suam fecerat, spes in Asiam mittebat: & iam conuentus indictus erat, vbi caput & Præfectus eius belli legeretur. Quem vt celebriorem lætiorēque faceret, nuptias in eum contulit filiæ suæ *Cleopatra*, cum *Alexandro* Epiri rege. Ludi & theatra parantur, etiam sacra & duodecim Deorum statua in pompâ ferendæ: quibus ipsis (ô cæca mortalitas!) decimatertia adderetur. Quid lætitiæ aut gloriæ abest? diuturnitas. & dum securum se putat, & theatrum ingreditur, *Pausaniās* ex amicis (& hoc inopinatum) à tergo consecutus interficit. Vis iterum inopinatum? conscendit ille celerem equum, & euaserat, nisi pes eius in vite adhæsisset: vbi à satellite Philippi confectus est.

Sed quid ego talia memorem? vna illa Græcia, XV. præsertim à *Constantino Magno*, qui imperium in eam transtulit, tot exempla casuum istorum det, vt
non

non sit opus alio theatro. Quid in Italiâ? ab *Augusto* ad eundem *Constantinum* numerantur IMPERATORES *quadraginta tres*. Dispice. vix decem ex istis certò dabis, qui suâ morte sint defuncti. Alios ferum, venenum, laqueus abstulit: à filio, fratre, vxore, amico, inimico: quid nisi singulos iustæ tragœdiæ argumentum?

XVI. Iam & fati alia genera miseranda. POLYCRATEM in cruce mori video, BAIASITEM in caucâ, DIONYSIVM in scholâ, BOLESLAVM Poloniæ in culinâ. Quid ANTIOCHVM Syriæ, nōne à latronibus occisum? PYRRHVМ à fæminâ? HENRICVM nuper Galliæ à monacho?

XVII. In solâ Hispaniâ tria hæc demus: & quartum alij.

∞.CC. HENRICVS *Primus* puer sceptrum ceperat, nec diu

XVII. tenuit, post biennium miro casu, & verè casu, sublatu. Nam dū Palentiæ, in arcâ domus, cum æqualibus ludit, tegulæ lapsæ ictu repentè caput comminutum: & ex vulnere vndecimo pòst die obiit.

∞.CCC. IOANNES itidem primus, in flore rerum & ætatis
XC. (annum *trigesimum tertium* agebat) dum equum iuueniliter calcaribus incitat, & ad cursum admittit, cum eo labente lapsus, inibi extinctus est. Magis

∞.CCC. tragicum est de P E T R O. qui cū aliquamdiu
LXIX. sæuiter, & multâ procerum cæde, regnassèt, *Henricus* frater arma in eum cepit; & auxilia è Galliâ etiam conduxit. Pugnatum acriter, quàm odiis pertinacibus, exitus docuit. nam victus *Petrus*, cū in conspectum *Henrici* captus adductus esset, iste pugione faciem eius percutit: atque alter dum vindicare parat, fœdè colluctati, vterque ad terram prosternitur. Sed aliis quoq; suppetiantibus *Henricus* superior, fratrem multis vulneribus conficit,

& re-

& regnum capit. Nōne hoc Thebanum vetus illud par fuit? Quartum exemplum in mente habeo, nondum in stilo:

In isto, quintum. & est SEBASTIANI nuper XVIII. Lusitaniæ & Indiarum regis, *Indole, prob, quantâ iuuenis!* sed Fata eum euerterunt, & ipsum regnum verterunt. Iuuenis erat, animorum plenus: & accedebant, qui etiam Pietatis specie illos tollerent, & arma in Mauros, exque iis victorias, suaderent aut sponderent. Acrior stimulus *Mahumetes Abdala* filius, profugus è Fessæ regno; qui ius suum & amicos ostendebat, & largiter promittebat, exsulum ingenio & more. Ergo excitatur, & omnia parat, naues, milites, commeatus; præter consilia, quorum inops tunc & postea fuit. Vetus regnum, & altâ pace, commouetur. insolens armorum nobilitas, & facta maiorum facilius, quàm sua ostentans. Additur & mercenarius miles: Dux nusquam, nisi in titulo & splendore regis. Mare transeunt, regna Fessæ & Marôcci, vt destinant, occupaturi: sed rex illorum ex aduerso prodit, *Moleius Moluccus*, corporis æger, animo melior. Disponuntur acies, pugnatur, *Moleius* interest, etsi per ægritudinem vix in equo hærens. videt autê fluctuare suos aut fugere, & generosâ irâ in hostem ipse equum concitat, exemplo aut terrori futurus: sed proximi retinent, gnari virium. Quâ re ita excanduit, quasi in ordinem redactus, aut proditus, vt gladio eos petierit; & mox animo linquens, in lecticam repositus, illic in ipsâ acie obiit. Sed mira fides aut prouisio amicorum fuit. silentium de morte, cursus & recursus ad lecticam eius, quasi à viuo mandata peterentur: quæ res victoriam parti illi dedit. Nam Christiani pauci

Q in

in plures paullatim fatigari aut cedere, multi cadere: postremum ipse rex, qui in mediis hostium pugnabat, cum videt omnia aduersa cinctum se sine spe effugij, verba de pace aut deditioe facere: ah, quam serò! Hostes inuadunt, & occidunt siue inter plures ignotum (& quidam aiunt regia insignia sibi detraxisse:) siue cognitum, sed rixâ inter ipsos ortâ, quorum præda esset, per iram interemptum. Addunt, equestri sellæ cadauer impostum, & in tentorium noui regis Afri (frater defuncti erat) delatum abiectumque ostentui fuisse, donec à captiuis bonâ fide agnosceretur. Ita ille obiit: & simul rex tertius *Mahumetes* exsul, qui fugere & fluuium vadare conatus, vorticibus siue voragine haustus mersusque est. O acerbis fati adolescens, quæ tulisti, & quæ dedisti! nam tecum regnum corruit, & quod seorsim diu luxit splenduitque, velut radius redijt ad solum Solem.

XIX.

Assiduus hic ludus: & ided non sit finis narrationum, nisi reprimam. quod facio: sed vnicum insignis exemplum Mutationis effatus, in quâ & manus carnificis interuenit. CONRADINVS imperatoriâ & regiâ stirpe iuuenis, vltimus Ducum Sueuiæ fuit. Pater ei *Conradus*, rex Neapoleos & Siciliæ; mater è Ducibus Bauariæ; auus, *Fridericus Secundus* Imperator; auia, *Constantia* filia *Ferdinandi* Hispaniæ regis fuit. Quàm amplum, & illustre hoc stemma! quos animos non faciat? quæ fata non promittat? sed spes vndique destituit: & statim à puero aduersâ sorte, regna Neapolitana & Sicula, iure debita, *Manfredus* patruus fraude inuasit, vi tenuit. Cum ille abiisset aut pulsus esset, auctoritate Pontificis

tificis (*Clemens quartus* tunc erat, Gallici sanguinis, & genti fautor) *Carolus Andegauensis* aduocatur & inuadit. Quem *Conradinus* dum pellere conatur, copias contrahit, è Germaniâ in Italiam venit, multâ nobilium manu: inter eos, *Friderico* Duce Austriæ, cognato suo. Sed & Itali se iungunt, quidam ius eius, plures commoda vel affectus suos spectantes, Pugnâ cum *Carolo* commissâ, primò victor, denique vincitur: & fugit cum eodem *Friderico Austrio* per ignotam Italiam, trepidi & agasorum habitu se occultantes. Ita Asturam ventum. vbi consilium capiunt naui conscendendæ, & Pisas dirigendæ, sociam & fidam urbem. Conueniunt cum nauiculatore, & iam in naui erant, sed panis & commeatus deerat, quem mittunt eundem illum præstinatum. Pecunia etiâ deerat: ergo annulum alter à digito detrahit, siue pignus nauiculario, siue pretio ab eo permutandum. Is annulus gemmam raram & æstimatam habebat: itaque aurifex miratus à sordido homine deferri, & suspectans, unde habeat? quærit. Ille candidè, *A duobus iuuenibus ingenui vultus & sanguinis, sed habitu & veste squalidis: neque ultra se scire.* Defertur res ad Dynastam urbis (qui tunc illi proprius erat) *Ioannem*, è gente *Frangipannum*: atque is ex euentu prælij, & famâ, tale suspicatus, nauem instrui iubet, adolescentes retrahi, & ad se duci. Dictum, factum: sistuntur, agnoscuntur: & putabant extra periculum se, quia extra hostile solum erant, esse. Aliter accidit prauitate, siue auaritiâ Dynastæ. nam is *Carolo* indicat: qui statim cum copiis terrâ marique aduolat, & captiuos suos Neapolim abducit. Quid exspectas?

Q₂ aliquid

aliquid regium? pudor est Andegauensis stirpis aut macula, quod dicam. Diu deliberato concluditur, tollendos adolescentes, & publicè capite minuendos. Quid? ut sicarios aut prædones? qui ius suum repetierant? qui bellum palàm intulerant, & iure ac more gentium administrarant? Omnia in hoc facto sæuitiâ & barbariem habent: etsi Pontificem etiam obtendunt, atque illum consensisse, aut suasisse. Alterum potest, vix alterum: sed æstimatio aliorum etiam esto, in re autem istud. Producentur in scænam publicam, concursus ad tale spectaculum è totâ Italiâ, plerique omnes miserantur & illacrimantur; sed nemo, nisi inani fauore, iuuat. *Conradinus* animosè loquitur, *Carolus* accusat, se excusat: Deum vindicem inuocat, & ius suum in hæc regna *Henrico Castellano*, amitæ suæ filio, donat. Huic rei tesseram, chirotecā exuit, abiicitq; . Tum *Fridericus* primus ingeniculare iubetur, & caput inciditur: quod sublatum è tabulato *Conradinus* (quis sine motu audiat?) pectori appressum, deinde ori applicuit: & sortem miseram eius defleuit, cui auctor ipse esset. Tum & ipse in genua prouoluens, fortiter carnificem exspectat: qui caput amputat. & cùm fecisset, statim alius hunc interficit, ne exstaret qui iactaret generosum illum sanguinem à se sublatum. Hoc vnum *Carolus* magno in speciem animo: cetera feritatem habent. etiam illud, quod ipse spectator supplicij esse sustinuit, in altâ quâdam turri occultus. Illi obierunt: nec diu victoriâ aut regnis *Caroli* posterius gauisi sunt, & Hispani (an non morituri voce & voto?) eiecerunt.

CAP. XV.

DE MODESTIA IN CVLTV:

Et hanc conuenire, elegantiam aut pompam non conuenire.

ET præcipuum quidem est, animum sic affectum esse: sed vt corpore idem prodatur, quidni decorum sit? Aurum, gemmæ, serica, non digna sunt ornamenta magno Principe: & negotiator aliquis aut mango ea vsurpet. Quis etiam nescit, Principi in mundo hæc esse? habet gestarque, si velit; sed maioris animi est, seposuisse. Sanè egregios aliquot Principum sic factitasse video, & plebi virtute eminuissè, cultu consensisse.

AVGVSTVM apud Romanos: de quo Suetonius. I.
Instrumenti eius & supellectilis tenuitas apparet etiam nunc, residuis lectis atque mensis, quorum pleraque vix priuata elegancia sunt. Ne toro quidem cubuisse aiunt, nisi humili, & modicè instrato. Veste non temerè aliâ, quàm domesticâ vsus est, ab uxore, sorore, & filiâ neptibusque confectâ. Vt alia omittam, vide an vestis illi trans mare petenda, qui non nisi domo sumptam, & confectam, gestauit.

ALEXANDER Senerus, planè inter bonos Imperator, gemmas lapillosque omnes, quos in Palatio repperit, vendidit: addens, *Gemmæ viris vsui non esse.* Idem nec apparatu, nec pompâ multum utebatur, hoc vsurpans: *Imperium in virtute esse, non in decore.*

Q 3

Quod

III.

Quod sensit sanè AGESILAVS, Spartâ dignus rex. qui iam senex in Ægyptum *Tacho* regi suppetias iuit. Nauibus vehabatur: & cùm appropinquaret, ingens Ægyptiorum turba in portum se effudit, ad celebrem ducem spectandum. Præceperant animo magnificum virum, veste, comitatu, ipso corpore spectabilem: at ille prodiit cum vili palliolo, par gregalibus, & nec aspectu verendus, nisi si quis nosset. Itaque palàm cœpit contemni, aut irrideri: *Hunc esse, qui res lapsas instauraret? anchoram sue spei? Omnino iactatum illud in eo verum cōspici, Montes parturire, murem nasci.* Hæc & talia plebecula: sed plebecula. virum & ducem se mox exhibuit, non parem famæ, sed maiorem.

IIII.

Talis in eâdem Græciâ PHILOPOEMEN, quem scitè & verè dixit aliquis, *Vltimum Græcorum*. Post eum, vix sanè aliis magnâ virtute, & laude fuit. At hic & corpore parùm decēs, & cultus omnis negligens fuit: ac dedit sanè modestiæ huius (sed apud fæminam) pœnas. *Megara* ibat, & præmiserat nunciatum amico cuidam, affuturum se vespere, & hospitem conuiuamque ei futurum. Gaius ille, vt cocti aliquid esset, rectà ad forum properat, vxori denunciâns, vt domi interea paret, verrat, sternat: & quæ tanto hospiti cōueniant. Illa satagit, & *Philopœmen* opinione maturiùs adest, & comites post se reliquit. Salutat hospitam. illa resalutat: & de cultu eius & corpore suspicata antecurforem aliquè esse, & ex famulitio: *Hæc tu, inquit, festinamus adde manum & adiuta, atq; hæc ligna mihi scinde.* Vnâ porrigit securim: & facit opus sedulò *Philopœmen*, donec amicus de foro superuēnit, & attonitus, *Quid hoc rei est Philopœmen? ita te & me dedecoras?* Ille subridens, *En pœnæ, inquit, vultus & cultus mei luo.*
Aded

Adeò non indignatus pro seruo se habitum, vt vltro iocatus in se sit: & credo materiam bellam sermonum eâ die, hoc factum fuisse.

RUDOLFO nostro Austriaco non aliter Mogutiaci v. euēnit, & à pari causâ. Nam vestitu, nihil à plebeio differebat. Manè igitur egressus solus (& aura frigidior erat) videt in pistoris domo carbones de fornace recentes, ignitosque. Intrat fidenter, adstitit, calefacit: cùm mulier eum adspicit, & ex vestitu æstimans, *Heus*, inquit, *mi homo*, parùm decet vos ad mulierculas, & in alienam domum sic venire. Rudolfus, *Mea mater*, miles sum, qui meas res in obsequio & comitatu imperatoris contrini: at ille parùm benignè me nunc habet, nec pro spe aut meritis muneratur. Mulier ad illud Imperatoris nomen cœpit stomachari, & multa mala in Rudolfum dicere: *Quin iste vir est*, inquit, *qui nos & nostra perdit, pauperum scopulus & exitium*. Merito hac vobis eueniunt, qui adhaeretis & sequimini: atque vt plura eueniant, opto. Rudolfus delectatus procaciâ mulierculæ, *Sed mulier*, inquit, *de me missum face: vos propriè quâ re lesit?* Ibi mulier exclamare, *Illène? qui omnes pistores huius urbis, lautos satis antea, fortune enertit: nec faciliè resurgemus*. At tu bone vir fabulari desine, nec ultra molestia aut impedimento nobis esto. abi. Aliquid voluisset etiam Rudolfus, sed illa Amazon vas aquarium in prunas accensas iecit, & fumo, vapore, cinere perfusum eiecit.

Sed iste cultus eius priuatim, & non publicè fortasse fuit. Publicè? vide. Quis dies lætior, & magis pompæ aptus, quàm cùm victum Ottocarum, Boëmiæ regem, ad se vocatum excepturus erat, & fidem ab eo (Homagium dicimus) accepturus? Ille venit

cum magno & splendido comitatu: viri & equi auro, gemmis, serico nitebant. Dictū Rudolfo, aduentare: & sedulo à quibusdam additum, *Pararet se, veste & cultu ornatiore & Imperatorio, talem regē admissurus.* Rudolfus renidens: *Imò rex Boëmia, inquit griseam meam vestem* (verba fuerunt) *sape derisit: nunc ipsum vestis mea grisea deridebit.* At vos arma & equos expedite, & accincti instructique, ut ad pugnam, stete. *Decus Teutonicorum armorum, non vestium, aduenis istis ostendite: hoc me vobisque dignum est.* Dixit Rudolfus, neque aliter fecit. *Ottocarus* illi vili cultui se & aurum suum submisit, & ad genua accessit: non sine ludibrio etiam. cum Imperator iussisset tentorium, in quo res gerebatur subire pandi & reuelari, ut ab omnibus geniculans *Ottocarus* conspici posset.

* *Leucophea* Græcis: cineream, aut murinam Latinis.

VII. CAROLVS *Quintus* Imperator, ut sanguinem ab eo, sic hanc virtutem traxit. In omni vitâ modicus, vel potius tenuis, in cultu fuit. quod notarunt Itali, & mirati aut calumniati sunt, in primo eius & sollenni ingressu Mediolanum, Insubrum urbem. Ciues nouo domino omnia instruxerant, plateas aulæis, tabulis, frondibus, sese quisque vestibus exornauerant: umbella aurea parata, quæ ingredientem teget. cum ille & Imperator, & non semel Rex ac Princeps, in laneâ atrâ penulâ, & vili pilleolo, sub eam se dedit. Videbant eum, &quirebant: matronæ præsertim, & virorum vaniores. qui trabeas, & illusas auro vestes, & fulgentes in capite & collo gemmas expectabant.

VIII. O quàm dispares isti à Græcanicis Imperatoribus, quos luxur & deliciæ ad cultum vix virilem

tra-

traduxerunt. In quâ re lepidum est, quod *Nicetas Choniates* denarrat de ALEXIO ANGELO, Principe Byzantino. Erat in Italiâ tunc *Henricus Quintus* Imperator, filius *Frederici Enobarbi*, qui Siciliâ & Neapoli subiectâ spes suas longiùs porrigebat, & Græciæ imminabat. Misit igitur legatos, qui magnum auri pondus poscerent, velut tributî nomine: aut si negaretur, causam belli. *Alexius*, quem dixi, audito aduentu exterorum, ut opes suas & splendorem iis ostenderet, & oculos veneratione aut metu præstringeret, iussit suis omnibus quàm ornatissimos adesse, auratos, geminatosque: ipse autem à capite ad calcem nil nisi splendor, & nitor erat, rarum vel in templo aliquo spectaculum. Veniunt legati, sed Germani, id est viri. qui tantum abfuit (ait *Nicetas*) ut spectaculo eo ad metum mouerentur, ut contra ad cupidinem: & nihil magis vellent, quàm cum istis quamprimùm ad manus venire, effæminatis, nec nisi ad prædam natis. Cùm interim Græculi etiam accedentes eos cubitis tangebant, & digitis præibant, ut *Imperatoris vestem & gemmas aspicere*: quibus ille, ut floridum aliquod pratum, aut *Alcinoi hortus*, variè nitebat. En, aiebant, vel in mediâ hieme, Veris opes & gratias usurpate, & oculos ijs pascite atque hilarate. O belli parasiti! & quid ad hæc Germani? Nihil capi aut affici se istis muliebribus spectaculis aut ornamentis. atque adeò iam tempus esse, ut his sepositis Græculi ferro aurum commutarent. Nam si irriti legationis suæ redirent, pugnandum iis cum viris esse, qui non ut prata lupillis niteant, neque vestibis variegatis, ut paucos, gloriantur: sed qui veri Martis alumni, flammæ nitoremque ex oculis in acie iaciant, & quorû sudor splendidis guttis defluens referat margaritas. Hæc nostri Germani

ad Græcos, iam verbis terrefactos: quid si ad rem ventum fuisset? Et fuisset, nisi *Henrici* mors subsecuta consilia hæc & incepra turbasset.

C A P. XVI.

DE MAIESTATE:

Et saluâ Modestiâ posse assumi.

NEque enim inter se hæc pugnant, & conuenientia est etiam inter specie dispares virtutes. Appello autem *Maiestatem*, venerationem aliorum animis insitam, cui à magnitudine est origo. Et ipsum etiam nomen Maiestatis est à Magno. Ouidius decenter aperit:

*Donec Honos placidoq; decens Reuerentia vultu
Corpora legitimis imposuere toris.*

Hinc sata Maiestas.

Proles igitur est Honoris & Reuerentiæ, sed & matrem si quis horum dicat, nõ aberret. Origine ei præcipua ab internâ magnitudine, id est virtute: etsi externa etiam species, gestus, cultus, aliquid addunt. Orientales in his talibus magis curiosi aut affectati: minùs Europæi, & veteres Principes diademate & purpurâ ferè cõtenti fuêre. Hodierno ævo, illis abolitis, sceptrum & corona successerunt. Parùm est. arbitraria sunt: leue adiuuamentum ad maiestatem, nisi aliunde ea adsit. Sunt & insignia quædam nouitiæ inuentionis, vt Aurei velleris, Conchæ S^{ti} Iacobi, & talia: è quibus primum, omen habuisse videtur aut præfagium plufquâ Iasoniæ nauigationis, quâ nouus orbis, & in eo aurû, sunt resecta. Aliquid & Aulæ pompa, & ministeriorum Varietas aut copia, item satellitium huc faciunt: & *Julianum* Imperatorem, vulgò

vulgò *Apostatam*, culpatum in his memini, qui sus-
tulit aut recidit: ὅπ (ait Socrates) παυομένη ἢ ἐκ τῆ βα-
σιλεῖα πλῆτε τοῖς πολλοῖς ἐγγομένη κατὰ πλεξίς δυνατοφρον-
τον ἐποίησεν τὴν βασιλείαν: quoniam cessante admiratione
opum & potentia, quæ plebeiis animis hoc aspectu inse-
ritur, vilem & cōtemni facilem reddidit Principatum.
Plebeium iudicium est, nec magni hæc momenti:
magis mores, si ij compositi & graues. Talem *Peri-
clem* Plutarchus describit, vultu serio, nec ad risum
facili; incessu moderato; voce & sermone sedato. Alacri-
tas illa nimia vix conuenit, sed nec dicacitas, etsi in-
genij notam dicas. Liuius in *Philippo* vltimo Mace-
done hoc notat: *Et erat dicacior naturâ, quàm regem
deceret, & ne inter seria quidem risu temperans.* Iam
corpus & species si adest, valdè iuuant. atque ita de
P. Scipione Africano idem Liuius: *Præterquàm quòd
suapte naturâ multa maiestas inerat, adornabat pro-
missu casaries, habitusq; corporis, non cultus mūn-
ditiis, sed virilis ac verè militaris.* Postremò, secessus
& abductio iuuat. Vt enim ille ait, *Parit conuersatio
contemptum, raritas conciliat ipsa rebus admiratio-
nem.* Sed nimia ne sit: aut tollit munus & officium
regis. Neque enim Persæ laudandi, apud quos perso-
na regis, sub specie maiestatis, occultitur. Non item qui
eos imitati, intra secretum Palatina domus inclusi,
tamquam aliquod Vestale secretum consuluntur: tu-
mida & odiosa sunt, nisi gentium aliquis receptus
mos (nec is bonus) ita habet. Quid tamen de regi-
bus dicam? ecce olim libertum, qui huc superbix &
fastidij deuēnit. Is fuit *Pallas Claudij*, qui venera-
tioni asserendæ, numquam domi aliquid, nisi nutu aut
manu, significauit; vel si plura demonstranda essent,
scripto usus, ne vocem sociaret. Examina hoc, &
ride seruilia illa portenta tam impotenter regnasse.

Eccles.
Hist. III.
cap. I.

Lib. xxx.

Lib. xx-
viii.

Apul. de
Deo Socr.

Panegy.
ad Theo-
dos.

Tacit.
XIII.
Annal.

CAP. XVII.

DE CASTITATE.

Quam Princeps extra connubium, & in eo pro parte seruet.

Addidi denique alias virtutes, quæ ex decoro aut usu sunt: & quattuor præsertim, *Beneficentiam, Castitatem, Patientiam, Animi magnitudinem*. De primâ, alibi dicendum commodiùs: nunc de Castitate, dignissimâ Principe: cuius proprium est, alta & seria cogitare. Non facit libido, quæ in sordidis cogitationibus & cæno suo hæret. Benè ille veterum: *Nihil est tam mortiferum ingeniis, quàm libido*. Nec animi solùm, sed corporis robur minuit: & perplacet illud Augustini, *Pudicitia est virtus, quæ comitem habet fortitudinem*. Omitto pericula ex eâ & contemptum, alibi dicenda. Habeas igitur ante matrimonium: neque enim ab eo te arceo. imò quod honestius (ait ille) *Imperatoria mentis leuamen, quàm assumere coniugem, prosperis dubijsque sociam? cui cogitationes intimas, cui paruos liberos tradas?* Cogitationes, nec tamen omnes. Illæ de republicâ, nō benè semper infirmo, & interdum infido sexui, committuntur. Spernimus, qui referunt ad istas pleraque omnia, & qui audiunt: etsi Aristoteles notat, *feroces & militares saepe populos ita subiici, & nominatim Lacedamonios*. Quod idem de istis Plutarchus, scribitque: *Lacedamonios vxoribus suis semper addictos esse, plusque cū his de negotiis politicis, quàm has cum illis de priuatis communicare*. Turpe est, ne fiat.

De Ciuit.
Dei, lib. I.

Tacit. XII.
Annal.

II. Politic.
cap. VII.

fiat. Quis *Claudij* imperium non nouit, hoc nomine famosum, quod semper aut *Messalina* aliqua, aut *Agrippina* regeret; aut vnà cum his, quispiam è libertis? Quis & *Alexandri Seueri*, boni aliàs principis, non misereatur: qui per pietatem nimis matri se addixit, & se sic euertit? Herodianus obseruat:

Quippe illi mater supra modum imperabat; atque is Lib. vi.

dicto audiens semper fuit. idque aliquis solum in Alexandro reprehenderit, quod mansuetudine nimia, & reuerentiâ maiore quàm oportuit, matri etiam in iis quæ displicebant, obsequeretur. Atque idem scriptor proprium muliebre vitium tangit, quod instillant.

Alexander, inquit, ipse ad prælium cum Partho non uenit, incertum metûne proprio, an quia mater retinuerit, famineo pauore. Omnes enim illius (hæc nota)

GENEROSOS SPIRITVS retundebat, suadēs alios potius periclitari pro se sineret, quā ut ipse in acie consisteret.

Talia fæminæ, & deteriora, solent: ac bonarum rara exempla, aminosarum pauciora sunt. Mihi verò, siquæ Principis fæminæ partes in republica esse possunt, eæ sint quas *Homerus in Arete Alcinoi* describit: quā, inquit, maritus honorat & ciues: quid ita?

Οὐ μὲν γὰρ π νόε γε καὶ αὐτὴ δ' αὖτ' ἰδὼν,

Οἶσιν τ' ἔφρονέησι, καὶ ἀνδράσι νείκεα λυήν,

Nam neque mente animoque ea deficitur sapienti,

Atque inter ciues & amicos iurgia soluit.

Hoc bonum germanumque fæminæ opus, pacare, mitigare: amplius, ex eodem Homero, afflictos iuuare. Ita enim *Minerua Vlyssi* suadet, adire in priamis & blandiri *Arete*: quia per eam in patriam restituendus esset. Plura quæ facit, plurimum malè facit. & pulchrum elogium de *Maria Emanuelis* Lusitani vxore. quæ (ait scriptor eius gentis) erat moribus & vitâ gravis, humanitate comis; etij inimica, &

ipsa

ipsa manibus suis opera muliebria, è lino aut serico, faciebat; & virgines suas eodem ducebat. NEGOTIIS PUBLICIS numquam se admiscebat, summum mulieris decus in modestiâ ponens, & vitæ perturbationem censebat, munerum confusionem. Hæc magnanimæ illius Isabella filia fuit: sed non in virilibus curis ei par: & ut verum dicam, Isabella, ut Phænices, vix quingentesimo anno gignuntur. Siquis tamen talem nactus, vtiliter audiat: vel minorem eâ, sed audiat, non semper auscultet. Exempla porro Castitatis, atque etiam deinde Caritatis inter coniuges, demus. ac primum illud, quod de

I. CYRO Xenophon, siue verè siue decorè, scripsit. Cùm, inquit, *Panthea* formosissima fœminarum capta esset, atque ad eum adducenda, vetuit: ne vel oculis scilicet castitatem matronalem, & suam, violaret. Atque *Araſpo* ex amicis suadenti adire eam, & alloqui: *esse enim mulierem insigni formâ, & Regis planè oculis dignam: Ob istuc, inquit, magis est ut abstineam. Etenim si nunc illam adiero, cùm vacat; fortasse illa efficiet ut adeam, etiam cùm non vacat, eiq̃ue assideam neglectis rebus seriis. Bona oratio, & ratio. ac sanè si non alia noxia in vsu fœmineo; ista certè est, auocari à melioribus curis.*

II. Itaque iure PERICLES, cùm Atheniensibus Prætor, collegam *Sophoclem* poëtam haberet, atque is in communi officio fortè districtus, prætereuntem egregium puerum intentiùs intuitus esset, impensiusque laudasset; grauissimâ istâ voce corripuit, *Oportet, ô Sophocles, Prætozem non solùm manus à luero, sed oculos à libidine habere puros.*

III. Quod fecit rex ANTIOCHVS tertius. qui Ephesi
in

in suâ vrbe, conspectâ Dianæ sacerdote, supraalias formâ decorâ, continuò illinc soluit: veritus scilicet, ne amor aspectu paullatim auctior audaciorque, eò impelleret, vnde pius castusque non rediret. Laudari meritissimò posset, & contra impios quosdam principes: quibus Deo dicatas virgines violare aut incestare, idque sub velo (ô nefas!) sacrorum & religionis, ludus iocusque fuit

At ALEXANDRI Magni in hac re continentia, IIII.
cui non innotuit? Is magno prælio Darij victor, eiusque gazam, coniugem, & filias etiam potitus: non solùm benignè & regiè habuit, sed sic castè & sanctè, quàm si eodem, quo ipse, parente genitæ forent. Darij quidem vxorem, exsuperanti formâ fæminam, nec oculis attingere vmquam voluit: quod ipse de se in epistolâ quadam ad Parmenionem sic scripsit: *Ego enim non solum nō vidisse inueniar Darij vxorem, aut VIDERE COGITASSE, sed nec verba facientes de eius formâ audire sustinuisse*. O raram in eâ fortunâ, & ætate, laudem! quam factum sequens cumulat.

Cùm aliquando enim IDEM, naturâ incitante, V.
vsum fæminæ voluisset, & ministri formosam noctu adduxissent: ille rogauit, *Ecquid tam serò venisset?* Ibi mulier excusare mariti vigilias, & expectasse donec cubitum iuisset. Quod cùm audisset, quasi telo ictus, & calore omni remissò, mulierem omisit: vocatisque ministris, *Reducite, inquit, istam. & quàm panè imprudentem me adulterio illigastis?*

Iam quæ verba Eivs & ira, aduersus Philoxenum VI.
num quemdam, maritiinæ rei Præfectum suum? qui ad eum scripserat, *Esse apud se Theodorū mangonem, & vanales habere duos pucros formâ eximâ, ecquid*

eos emeret? Quibus lectis valdè indignatus, & idemtidem exclamans amicos interrogabat, Quid igitur in se Philoxenus tam fœdum vidisset, ut tantam maculam sibi inureret? Sed & in epistolâ ad ipsum, multis eum probris scidit, iussitque Theodorum illum cum mercibus suis in malam rem ablegari. Quod si sicalij Reges & Principes; faxo, ut talium rerum conciliatores & interpretes pauciores in Aulis essent.

- VII. Quid autem Romanus S C I P I O? nec robur eius in hostes magis, quàm in libidines suspexeris: quas an non supra *Alexandrum* domitas habuit & compressas? Nam ille oculis suis parû credidit, & veritus est capi: iste cominus congressus, & vidit, & vicit. *Carthago Nonâ* ab eo capta erat, vbi præter aliam affluentiam rerû, pueri virginesque nobiles reperti: & inter eos vna, quæ ad *Scipionem* deducta, oculos quaquà ibat, omnium in se splendore formæ vertebat. Donum dabatur iuueni Imperatori, ut putabant, gratissimum: sed ille oculis libatam modò, abnuitt: & *Acciperem, inquit, fruereque, si priuatus, & non cum Imperio essem. Nunc respublica occupatum hunc animum tenet. Accipio tamen quasi depositum, reddendum cui ratio & humanitas suadebunt.* Simulque virginem percontari de patriâ, parêtibus, & sorte cœpit: agnouitque principe loco natam, & principi item suæ gentis adolescenti (cui *Luceio* nomen) desponsam esse. Igitur parêtes, & hunc, aduocat: cumque venissent, staturâ apud se virgine, sponsum ex iis priorem alloquitur: *Ego, ut hac virgo ad me deducta à militibus nostris, ac donum data est; & formam eius libens vidi, & dotes animi corporisque laudaui. Nec enim cacos, aut ignaros taliñ, Natura genuit: hac quoque pectora amor rãgere potest, sed non nisi hone-*

honestus, & quem tempora resque mea permittunt. Hac igitur etsi iure belli mea erat: tamen non lubet inter arma hos ludos ludere; nec deceat fortasse prærivere, viro forti iam desponsam. Hoc enim ab eâ didici, & idè te euocaui: ut coràm viderem, coràm tibi hanc traderem (numina testor) castus castam. Sic pudicè cauteque meâ curâ habita est, ac si apud soceros tuos, parentesque suos fuisset. Non esset me teque dignum donum, si aliquid ex eâ vis aut occulta fraus libasset: intactam, inuiolatam accipe, & frui. nec aliam mercedem, quàm te volumus, id est animû tuum Scipioni & Romanis addictum. Attonito iuvene, & præ gaudio vix mentis aut linguæ compote; parentes interuenerunt, gratias agentes habentesque. & ad pedes Scipionis satis grande auri pondus deposuerunt, quod pro redimendâ attulerant: rogaruntque, quoniam gratis redderet, ipse hoc munus ab sese haberet. At ille beneficentiam aliâ cumulans, sponsum tollere hoc aurum totum iussit; & super dotem, quam parentes daturi essent, hanc quoque à se habere. Quid laudes potiùs? libidinem victam, auaritiâ victam? cum laude priuatâ, cum publico fructu? quia vno hoc facto magnam Hispaniæ partem ad Romanos & ad se traxit, certim cupientes tali virtuti subesse.

Iam in IULIANO quoque Principe, etsi à pietate & religione nostrâ abiit, admiranda hæc continentia fuit. quem fides certa habet, mortuâ Helenâ coniuge, nihil vnquam venereum attigisse: celebrantem sepè & recolentem Bacchylidis poetæ illud dictum: *Ut egregius pictor vultum speciosum effingit, sic pudicitia celsius consurgentem vitam exornat.*

R

Liben-

IX. Libentiùs & Christianos hîc infero, & laudo, primumque inter eos BALDVINVM, ex Flan-
driæ Comite Byzantiij Imperatorem: qui annos
xxxii. natus, in ipso illo ætatis æstu, sic continuit
se & adstrinxit, vt toto illo tempore quo ab vxore
abfuit, nec impudicis quidem oculis mulierem sit
intuitus. quod de illo totidem verbis, hostis eius
alioqui, *Nicet. us* in historiâ consignauit. additque,
etiam in alijs hanc castimoniam exegisse, & *bis qua-
quâ hebdomade, sub vesperam, proclamari iussisse, Ne-
quis qui alienam mulierem attigisset, dormisse aut cu-
buisse in Palatio suo vellet.*

X. MAXIMILIANVS *Primus Austrius*, quàm
castus à libidine fuisse censebitur, qui sic verecun-
dus à contactu aut aspectu fuit? Inter alias dotes,
corpore & omnibus membris pulcherrimus de-
scribitur: sed eorum quæ natura occultari voluit,
ita celans, vt nemo vir aut fæmina nudum eum vi-
derit, aut reiectum. Subducebat se furtim, cùm
naturæ purgationes vocarent: ad lectum iturus,
nec cubicularium quidem ad extendum, depo-
nendum, collocandumque se admittebat. adeò vt
nulla virgo magis teneri pudoris fuisse videatur.
Quid, quòd testamento cauit, caligas & feminalia
mortuo sibi induci? vt & tunc cura pudoris esset,
cùm iam non esset.

XI. Sed & CONSALVVM *Magnum*, Hispanâ stirpe,
meritò celebrauerim. qui tot bellis, cùm regnum
Neapolitanum suo regi vindicaret, consensu tradi-
tur, nullam matronarum aut virginum temerasse,
imò & oblatas aut offerentes se (nec nouum in tali
potentiâ) comiter reiecisse. Atque adeò cùm pa-
ter quidam, vir nobilis sed pauper, duas filias sci-
tas &

tas & lepidas, ipse ad eum perduxisset, ratus hac se viâ ad opes posse venire: admisit quidem, sed causâ facti cognitâ, vt suas filias, dote datâ nobilibus viris elocauit, à se tam integras, quàm à parente.

Addi fortasse meretur, etsi in vno facto, conti- XII.
nencia; quam alij FRANCISCO *Sfortia*, alij CARO-
LO *Octano* regi Galliarum adscribunt. Sed huius
nomen vsurpemus, vt dignius: & potuit ramen
hoc simile in vtroque euenisse. Igitur *Carolus*, in
reditu à regno Neapolitano (quod quæsiuit fortius,
quàm tenuit) cum opidû aliquod Italiæ expugna-
set; in militum direptione & discursu, virginem
perhonestâ formâ ad pedes eius accidisse ferunt, tu-
telam à vi militum & custodiam pudicitiae suæ ro-
gantem. Atque illum à militibus quidem seruasse;
sed vt iuuenem & talium rerum satis liberum, sta-
tim oculos & cupidinem ad eam adiecisse, & sedu-
ctam in lectum abiecisse, iam imminuendam. Ibi
ea toto animo anxia, videt tabulam in pariete sus-
pensam, in quâ Diua virgo puerum, mundi serua-
torê, sinu gestabat: & eâ ostensâ, *Per intactam hanc
Virginem*, inquit, oro, adiuro, *virgini mihi parce*.
Mouit ita regem (non sine Diuæ illius numine) vt
libidinem iam exsurgentem coërceret: & lacrimis
etiam profusis, solo amplexu profecutus liberam
dimiserit, cum dote quingentorum aureorum. Sed
& propinquos, aut affines captos, ei donauit.

Hæc exempla in regnis, aut imperijs: quis car- XIII.
pet vnum alterumque prodi, in fortunâ priuatâ?
SPVRINA adolescens in Etruriâ, excellenti pul-
chritudine, matronarum virginumque in se ocu-
los, sed & virorum trahebat. Illæ potiri auidè,

& in occulto aut palàm, suspirabant : isti æmulatione tangebantur, & in suis quisque sæminis timentes, aut suspectantes. Optimus iuuenum vidit. & vt se aliosque metu vel molestiâ liberaret, faciem illam sic emendatam, plagis scissurisque totam ipse deformauit. Quid addam? ludibrium postea, non irritamentum vixit.

XIII. Addatur, addatur ille DAMOCLES, adolescens Atticus, tam insigni facie & corpore, vt vulgò ei cognomen *Formosi* esset. Itaque eo ipso proditus *Demetrio* regi, qui tunc Athenis lasciuebat, postulatur ad stuprum : impelliturque donis, promissis, minis. Nihil horum valuit, & vim aut insidias veritus, abstinere etiam cœpit gymnasijs publicis, & palæstrâ. Quod Rex cùm aduertisset, positis obseruatoribus, euēnit vt in balneas priuatas lauandi gratiâ iuisse cognosceret; statimque eò properans nudum deprehendit, quid nisi certam, vt putabat, prædam? Et iam irâ quoque accensa libido irruebat : cùm ille non nisi in morte effugium videns, hanc elēgit, reſeratoque aheni operculo, in aquam feruentem se demersit, & exstinxit. Triste fatum, etsi forte factum! sed iustiùs vndique laudandum, quod adiungam.

DECCC
XXI. XV. PELAGIVS in Hispaniâ fuit. qui in clade à Mauris acceptâ ad *Iuncariam*, sub *Ordonio* rege, cùm obses datus esset, siue pro auunculo *Hermogio* Episcopo Tudenſi, vt plures certioresque volunt; siue pro patre *Galiciæ* Principe, qui captus *Cordubam* trahebatur : sed pro vtro, tamen obses *Abderamini* regi Mauro datus : ecce formâ eius captus Barbarus, florem hunc sibi destinat, & alludere cœpit, contrectare, & tentare. Ille reijcit, atque id sapiùs:

sæpius : donec vim etiam parat amator. cui iste, ingenuâ irâ, pugnum impegit : & *Tolle canis, inquit, vitam, non pudicitiam mihi extorquebis.* Hic quoque in iram serîo iam datus, iussit vt fundæ machinali impositus, trans Bætîm fluuium vi emissus, rupibus illideretur. Quod factum: sed Pudicitia ipsa, opinor, alumnû suum tuita est, & cum miraculo viuus euasit. Non mutauit tamen Barbarus, nisi suppliciû : & forcipibus membratim discerpi lancinariq; iussum, in flumē proiecit. Vnde Christiani nostri extraxerunt, coluerunt : nomenque eius in Diuorum numerum ab Ecclesiâ meritò est relatum.

Satis sit iam talium : videamus & CARITATIS inter coniuges exempla. Nam ea castitati ferè semper comes.

Vespasiani æuo turbæ aut rebellio in Galliâ fuit, xvi. & dux partium *Iulius Sabinus*, cui vxor EPONINA. victis Gallis, dux ad supplicium quærebatur : sed is in speluncam auiam se abdidit, & famam mortis suæ sparsit, quasi veneno sponte eam sumpsisset: ac rei fidem, villam, tamquam super se, iussit incendi. Ipsa vxor hæc ignorabat, eratque in multis & mæstis lacrimis : soli duo liberti sciebant. qui miserati mulierem, mori certam, & cibi iam triduum expertem, marito indicant, & suadent amanti subueniri. Factum, & illa resciscit *Sabinum* suum sic viuere : venitque ad eum, fidem & silentium coluit per totos nouem annos, & liberos etiam in speluncâ concepit ac peperit, solâ Caritate obstetricante. Denique res euulgata est, capti sunt, Romam deducti : an non veniâ donati? laudem & præmium merebantur, certè ista. Sed *Vespasianus* (ah meo animo hîc sæuus) iussit in-

terfici. quamquam illa prolatis ostensisque liberis: *En Caesar, dixisset, quos ego in monumento peperì atque alui, ut plures supplices haberes.* Indignor, non vel dicto huic indulgentiam donatam. sed nihil illa: & læta, opinor, cum marito perijt, cum quo tot annos iamantè fuerat sepulta.

- XVII. Fuit & C A B A D I S Persarum regis vxor, ignoto nomine, mirâ in eum fide. Is regno suo spoliatus à subditis, quibus duriùs imperasse visus, & in custodiam datus erat. *Blazes* frater in eius locum substitutus, consilium habuit, quid captiuo faciendum? atque ibi *Chanaranges* (magistratus & præfecturæ præcipuæ nomen) ostenso cultello, *Hio*, inquit, *tam exiguus statim peraget, quod postea viginti millia hominum non efficient.* Significans, tolli ex facili nunc posse; viuum, daturum molestias aut clades, vti euénit. Nam cum mitior sententia in virum sanguinis & loci regij obtinuisset, utque in carcere cui *Lethe* nomen, perpetuò adseruaretur: fuit ibi aliquamdiu, vxore idemtidem inuisente, & focillante. Sed fors ita tulit, ut Præfectus carceris conspectam iam sæpiùs mulierem adamaret: quod illa ad maritum retulit: atque hic eam iussit obsequi, vel salutis suæ causâ. Non volens paruit: sed volentior deinde Præfectus, & mulieri, cum vellet, ad maritum accessus fuit. Itaque opera tandem *Seosis*, veteris & fidi amici, equi parati in propinquo ad effugium: atque ipsa carcerem, de more, ingressa, viro suam vestem induit, illius accepit: qui egressus sic fefellit. Iam plures dies abierant, & *Cabades* in tuto, & apud *Enthalitas Hunnos*: cum fraus deprehensa, & mulier iussu regio pœnas dedit. Infelix hac parte, nec *Cabadi* suo prosperorum

rum futura socia. qui vxore aliâ ductâ, filiâ regis *Euthalitarû*, grâdes à focero copias impetrauit, regnum recuperauit, & *Blazen* in custodiam dedit, oleo feruente super oculos infuso priùs excæcatum.

Simile est *SANCTIÆ* Hispanæ facinus. quæ so- XVIII.
ror *Therasia* reginæ Legionensis, aut eius ex fratre
neptis (nam dissentiunt) fidem & affectum erga
sponsum, & mox maritum, ostendit. Is erat *Fer-* D CCC.
dinandus Castellæ Comes, cui infensa *Therasia* LVIII.
ob patris mortem, vlcisci eam famineâ fraude ap-
parabat. Itaque nuptias *Sanctia* sororis offert, quæ
apud *Garfiam* fratrem, Vasconum regem, educaba-
tur. Placuit Comiti conditio, it modico & in pa-
cis speciem comitatu, ad sponsam capiendam, &
fruendam & deducendam: cùm *Garfias*, insidia-
rum gnarus & particeps, in vincla eum cõdit. *San-*
ctia, audito suâ causâ & amore id euenisse, et si a-
moris antea expers, honestè eum concipit: occul-
tè in carcerem venit, nuptias paciscitur, & cum eo
in Castellam, elusis custodibus, abit. *Therasia* nec
sic mitior aut quiescens, aliam iterùm fraudem
struit: idque per filium *Sanctium*, Legionis regem.
Qui conuentus regni indicit, quasi de magnis pu-
blicis rebus, & eò Comitem, de more, vocat. Hæ-
ret nonnihil iste, & dubitat: sed vt solent generosi
animi, in fidei partes inclinat. Tamen cùm venis-
set, immitiore statim vultu & sermone exceptus, in
arctâ custodiam datur. Quid facis *Sanctia*? in foro-
rem, in nepotem, pro marito quid struis? fraudem
iterùm, sed piâ. Simulat voti se ream, velle ad Diui
Iacobi proficisci: facit iter per Legionem, & satis
benignè (quidni à nepote, matertera?) excipi-
tur. Orat inprimis, visendi obiter mariti copiam
sibi

sibi fieri : atque impetrat, sed in noctem vnam. Ibi complexus, ibi lacrimę ; & domo allatum consilium exsequitur, vt veste permutatâ, vicariam se daret pro marito. Ita ille luce dubiâ emittitur pro *Sanctiâ*, equos ex composito repperit, inscendit, euasit. Ipsa *Sanctia*, cùm nepoti indicium fraudis factum, educitur : & quamquam stomacharetur primò, & delusum se doleret, tamen impetu ad rationem reuocato, pietatem & robur sæminæ veris laudibus tollit, & honesto comitatu ad maritum remittit.

- XIX. Firmus etiam fundatusque ille amor, qui in
 M. CC. *BLANCA SCARDEONIA*, Italicâ matronâ,
 LIII. ad stuporem apparuit. Captum *Bassianum* erat, in agro Patauino municipium, ab *Actiolino* immanis sæuitiæ tyranno : atque ibi dum fortiter repugnat maritus *Blanca*, interficitur; ipsa etiam in armis virilibus marito iuncta, & simul pugnans, capitur. Adducta igitur ad tyrannum, & armis exuta, formosissima mulier apparuit; & accensus libidine potius, quàm amore, potiri statim voluit. Illa abnegat. precibus, minis, & terroribus immobilis : donec ad vim tyrannus se parat. quod intellegens, astu ad fenestram se subducit, & præcipientem ex eâ iecit. Non tamen vel sic obiit, ad aliud facinus superuixit, quod fuit tale. Cùm enim sanguine fœdata & semianimis, sublata *Actiolini* iussu esset, & in lecto reposita, curataque : post dies aliquot iterùm tentata recusauit, & eundem animum vitę potius, quàm pudiciæ perdendæ, sibi esse testata est. Ab irato igitur constringi ligarique iussâ, violata, non contaminata est (quæ enim posset illa castitas ?) sed tamen dedecori huic superesse noluit,

noluit, & fortiùs quàm aliqua *Lucretia*, cùm ad mariti sepulchrum isset, alleuato & suffulto lapide, super fœtidum cadauer se proijciens, atque id amplexa, *Teneo te*, inquit, *mi anime: quis tyrannus ultra anellet?* *Maneo*, accipe fidam tuam *Blancam*, corpore & funere nunc iunctam. Dixitque, & fulcrum reuellens, caput sibi contriuit, & spiritum tenuem & exiturientem emisit.

At hæc in fœminis sunt, quarum ad honesta aut xx.
 praua maior sæpè impetus: sed nec viri destituimur huius Caritatis exemplis. Omitto vetera. sub rege *Emanuele* Lusitanie, in Africâ bellum gerebatur: & *Ataidius* eius ibi Legatus, cum satis magnâ manu prædatum in agrum Marochiensem iue-
M. D. XVI.
 rat. Inopinantibus superuênit, atque ita *RAHV* *BENXAMVTIVM* repperit, claro nomine inter Arabum duces: qui castra illic &, de more, familiam habebat. Igitur ingens à Lusitanis cædes edita, præda item hominum pecorumque parta. Ipse *Rahus* tamen euaserat: & cùm Christiani, onere graues, tardiùs iter facerent, collectis ad *LXX.* è suis equitibus, à tergo obequitabat minitabundus. Plures interea accedebant: & ipse tum suos cohortans, tum Arabas excitans (qui cum Lusitanis fœderati militabant) vt eos defererent proderentque: *En egregiam occasionem*, inquebat, *Deo*, *Mahumeti*, gentilibus placendi, si istos canes & alienigenas, facto agmine ac nobiscum iuncti, inuaditis, & cinctos undique trucidatis. Præda erit vestra, gloria æterna erit vestra, patria liberata muneris erit vestri. Agite fratres, agite commilitones, expiate fœderis dedecus honestissimâ transitione, Clamabat, non mouebantur: imò contrà, quò fidem suam magis nostris approbarent, in

R 5 primum

primum agmen cum prædâ se conferebant. Iam parabat, ut impar, discedere *Rahus*: sed vxor illius *Hota* nomine, singulari specie mulier, amata vnicè & amans, ex agmine nominatim eum inclamauit. Substitit ille, & vocem agnouit, simulque fœminæ fatum: atque ipsa à ducibus petito breui colloquio & impetrato, *Rahe*, inquit, *Benxamutie*, ubi promissa & fides sunt? Quoties iurasti, captiuitatem meam & discrimen ipsâ morte tuâ depellere? En trahor captiua, & pateris, perfide dicam an ignaue? Nec vtrum probum viro indignius sit, scio. Vbi autem de robore tuo vaniloqua verba? pudet & fama, quæ sic est mentita. His vocibus, & ipsis amoris furijs, incitatus *Rahus*: Dies, inquit, longa est, victoria in Dei manu, virtus in meo brachio. confide. At illa puluerem manu è terrâ tollens, & in altum proiciens, Sic, inquit, verborum tuarum fidem aura dispellit. Abi ingrâte, aliâ fruire, quam mihi, ut video, prætulisti. Sed *Rahus* statim, ut in more gentis est, calcem sibi detractum, in illam iecit: quod signum & pignus sanctum erat seruare seruandæque fidei; & simul ad equites suos conuersus, Si vniquam amor vos tetigit, inquit, mei atque huius miseremini, & adiuuate. Per sacra nostra, per gloriam gentis, per vitam hanc meam obsecro, quæ diuturna esse non potest, si hæc aufertur. Insilite, dii audentes & amantes iuuant. Fecitque ipse & alij impetum, quem egregiè sustinebant nostri, donec *Ataidius* in extremo agmine propugnans & sustinens, cum guttur eius casu arma nudassent, hastâ *Rahi* transfixus occubuit. Duce amisso, confusio; & ea maior, quodd' emulatio etiâ erat & certamen de loco. Alij hunc, alij istum sufficiebant, & id tanto certamine, ut penè (ô fatale insaniam!) ad manus inter se, relictis hostibus, venirent,

rent. Quod Arabes fœderati cōspicari, & simul miseratione nobilis illius Ducis tacti, arma in nostros verterunt, & puncto temporis dissipatâ acie, cæsi pleriq; omnes aut capti sunt. Recepta ita *Hota*: quâ secum ducens victor *Rahus*, omniû oculos, voces & laudes in se vertit, fidem & robur prædicantium, & vtriusque felicem affectum. Nec diu sanè pòst, mulier pro se fidem quoque testata est: cùm marito in prælio quodam mortuo, illa funus eius cum multis lacrimis magnificè curauit: & inediâ deinde nouem dierum se vitâ exuit, & marito iunxit.

Hæc tragica, mitius exemplum est, quo claudam, xxi.
nostri *PHILIPPI Boni* cognomento: qui præcipuus auctor fuit magnitudinis huius, quam domus Burgundicæ appellamus. Is igitur annos natus vigintitres, patrem *Joannem* Burgundiæ Ducem, scelere & perfidiâ (res dicenda est) *Caroli Delphini* interfectum amisit. Atque vt erat dolore & irâ recens, ad vxorem venit, quæ ipsa soror *Caroli* erat: & *O mea Michaela*, inquit (id mulieri nomen) *frater tuus patrem meum occidit*. Mulier statim in lacrimas & clamores. (nam mirificè viri amans erat.) & discidium non frustrâ verita, sine solatio lugebat: nisi quòd ipse eam erexit, multisque verbis affirmavit, *Nihilo sibi viliorẽ futuram, ob hanc propinquam quidẽ, sed alienam tamen culpam. Reciperet animum, & metum poneret, viro aternũ fido bonoq̃ue futuro*. Et fecit. vixit triennium cum eâ, omni amore & honore solito prosecutus: etsi ipse aspectus eius, scelus fraternalis & triste patricidium sensibus ingerebat. Accedebat, quòd sterilis esset. quæ sola causa diuortij, quoties apud Principes valuit? Sed nihil apud istũ: qui

qui amorem & primam copulam, nisi morte, noluit solui.

- xxii. Verè claudebam, sed SCYTHICA mulier interuenit, & ostendi postulat in hoc theatro. non illa magna, nec in re speciosâ aut magnâ, sed si ad calculos reuocetur, magni mirandique amoris. Sub *Andronico Palaologo Iuniore*, Scythæ incursionem in Græciam Thraciamque fecêre, & latè populati magnam prædam auexêre. In eâ captiuus quidâ Thrax fuit, qui cum alijs ante fores Scythicæ huius trahebatur: viditque & miserata est, & emit eum, imò & mox nupsit. Sed iuramentum tamen priùs exegit, non deferendam se ab eo in ullâ fortunâ, tempore, aut loco. Mulierem autem hanc iamantè acre desiderium habebat capiendæ nostræ religionis, & vt saluari aquâ tingeretur: quod marito indicat, atque ille approbat, & vnâ constituunt hoc fine in Christianos fines demigrare. Sed dum se apparant, & opportunitatem quærunt, annus elabitur, & binos intereâ liberos marito suo, alterum peperit, alterum in vtero gestabat. Ex quo & creuit amor mutuus, & iam firma nexio videbatur. Ecce autem intereâ euênit, vt iterùm Scythæ incursione factâ, priorem vxorem huius mariti sui abducerent, & prætereuntem cum captiuis ille agnosceret. & videret. Itaque, pro veteri affectu & consuetudinè, illacrimauit, & causam vxori suæ Scythicæ dixit. Illa nec indignata marito est, nec odio aut æmulatione (pro muliebri ingenio) in alteram illam tacta: sed statim eam quoque emit, tum ad domestica ministeria, tum vt aspectu ipso dolorem marito leuaret. Et iam tempus migrandi visum: migrant, Constantinopolim veniunt: mulier baptisinate tingitur:

tur : altera illa (ausim ingratam , si non iniquam, dicere ?) statim ad Patriarcham accurrit , clamitat per iniuriam maritum sibi ereptum , & à Scythicâ possideri. Illa quoque venit , & auditur , & rem totam exponit ; nec quisquam damnare eam sustinuit , ut quæ amborum domina esset , eosque ex servitute & immanibus illis belluis liberasset. Tamen hæsitantibus illis , ipsa sententiam hanc ultro tulit : *Marito meo , si prior uxor cordi est , habeat : cui etiam ob consuetudinem , & susceptos ex eo liberos , pretium redemptionis condono. In ipsam hanc autem feminam ut eadem liberalitate cupiam , sed cum in terrâ alienâ sim , & aliarum rerum inops , haud possum. Itaque illa , pretio reddito , cum marito abeat : ego cum duobus meis liberis benigni Dei manus exspectabo.* Dixerat mulier , & mirati omnes æquanimitem sunt : cui Deus sanè mox adfuit. & cum altera illa in Thraciam iuisset , ad pecuniam corrogandam ; ecce iterum à globo Scytharum abripitur , nec ultrà visa est , & maritus iam tuto in Scythicæ illius coniugio acquieuit.

CAP. XVII.

DE PATIENTIA.

Ab irâ & vindictâ alienum esse debere , præsertim in conuiciatores.

POterat sub Clementiâ hæc virtus contineri ; sed educere malui , & seorsim ostendere , quia valde Principem decet , & sæpè in eâ fortunâ locum habet. Quis non alta illa fermunculis aut iudicijs petit ? Grauiamur impèrari ; & quamvis benè atque

Sen. 111.
De irâ,
cap. vi.

que vtiliter aliquis faciat, tamen hoc, illud, carpi-
mus: & semper aliquid est quod non omnibus pla-
cet. Inde voces. sed spernat Princeps, & sciat *Nul-
lum esse argumentū magnitudinis certius, quàm nihil
posse, quo instigeris, accidere.* Sicut suprema Mundi
pars ventis, fulminibus, pluuijs non turbatur: non
item debent apices isti rerū. Hic aut ille in te ioca-
tus est? conuicio aspersit? calumnias dispersit? con-

11. De irâ,
cap. xxx.

temne. *Ille magnus & nobilis est, qui more magna fe-
re, latratus canum securus exaudit.* Potentia tua su-
pra læsionem est, gloria (si benè agis) supra infamiam.
Sed Mecænatis verba & consilium, quod
Dio lib.
LII. *Augusto in hac re dedit, digna adscribi: Siquis
conuiciatus tibi fuerit, aut in occulto detraxerit; ne-
que deferentem audire debes, neque delatum punire:
Turpe enim sit, facile te id credere, cū causam non
præbeas, esse tamen qui conuicio petant. Atque id fe-
rè non nisi mali Principes credunt, quos ad fidem in-
clinat conscientia. Deinde autem iniquum sit, hac ira-
sci aut punire. quæ si vera sunt, præstat non admittere;
sin falsa, dissimulare. Nam ultione istâ, quid nisi plu-
res sermones & plurimum pronocabis? Sunt saluber-
rima monita, siue rationes: & ultimam istam nota.
Ne moue, quod motum magis exhalet: ne moue,
quod mouendo non sedes. Quod si omnes punitū
ibis, quis finis erit? neque aliud agas, & assidue in ijs
occuperis. Contemne igitur, & Senecæ hoc imbi-
be: Contumeliarum patientiam, ingens instrumen-
tum esse, ad tutelam regni. Et, ut ad Exempla veniā,*

1. LACONES appositè in publicis sacris appreca-
ri solent, *Ut possent iniuriam pati.* Ne properè scili-
cet exsiliarent ad vindicandum, & statum ita suum
turbarent. Tum etiam, quia parū idoneos iudi-
cabant

cabant ad res gerendas, qui iniuriâ aut contumeliâ statim abriperentur. Sedatio animi & frigus decet imperantes.

In quâ parte D A V I D, rex Hebræus; mirificus. II. qui pulsus à filio *Absalomo*, & profugus, cum manu tamen fortium virorum, vt ad montem *Bahurim* venit, ausus est *Semei* è *Saulis* cognatis, petere virum conculcijs: tantum? imò & lapidibus, quos ex alto in eum iecit. Indignati comites, & ex ijs *Abisai*: *Itâne hic canis Domino meo & suo malè dicat? idque impunè? Ibo, mi rex, & recidam ei caput, domicilium proterua huius lingua.* At mitissimus virorum David, *Mitte, vt malè dicat. En filius, quem genui, sanguis meus, sanguinem istum quarit: & indignamur si conuiciatur alienus? Cælestis quædam hæc patientia: quid mirum in viro cælesti?*

Magis in tyranno P I S I S T R A T O. cuius vxor III. re petulanter & iniuriè habitâ à quibusdam adolescentibus ebrijs, idque in publico: malum illi timentes, manè ad Pisistratum supplices veniunt deprecaturum. Ille autem: *Quid vos vultis? mea vxor heri nusquam prodiit. At in posterum date operam, vt sobrijs sitis.*

Quid in ARTAXERXE Persarum Rege, in quâ IIII. gente superbia domiciliū habere visa? Apud quem legatus Spartanus *Euclidas* liberè pro ingenio gentis, & pro suo ferociter locutus, hoc responsi rettulit: *Tibi licet, qua libet, apud me dicere: mihi & dicere, & facere.* Saluâ maiestate modestia inserta fuit: & ad hanc iuit, ab illâ non abiuit.

Sed in hac virtute Macedonum aliquot reges V. eximij. Quid enim PHILIPPVS *Alexandri* pater? qui

qui plura eius dedit exempla. Vt in *Nicanore*. qui circumiens malè de *Philippo* opinabatur, & detractabat: nec defuit, vt solet, delator *Smicythas*. Amici igitur aduocandum, & plectendum censere: ille contrà, *Et Nicanor*, inquit, *non est pessimus Macedonum*. videndum igitur, numquid per nos admissum aut commissum, cur malè dicat. Et seriò quærens, repperit pauperem virum esse, benè meritum, nec adhuc habitam eius rationem. Itaque statim munere eum affecit: qui & ipse, mutatâ mente & linguâ, laudare vbique *Philippum* & attollere. Quod cùm idem *Smicythas* rettulisset: *Viderisne ô amici*, inquit, *in nostrâ manu esse, benè vel secus audire?* Factum dictumque pensitandum Regibus, qui cupiunt famam.

VI. Iam iterùm IDEM, de petulanti quodam & procaci conuiciatore, cùm suaderent exsilio plectendum: *Nequaquam*, inquit, *ne oberrans apud plures de nobis malè loquatur*:

VII. Nec verò in absentes solùm lingulacas talis, sed in præsentés, & qui in os insultabant. Vt ille *Demarus Corinthius*, cùm aduenisset ad eum, tunc fortè cum *Olympiade* coniuge & filio *Alexandro* disidentem: rogareturque à *Philippo*, *Ecquid consentirent iam inter se Græci?* ille ore libero, *Scilicet tibi conuenit de Græcorum concordia agere, qui dissides ipse à proximis tuis*. Sensit eum verâ dicere *Philippus*: ad se redijt, & cum suis in gratiam.

VIII. IDEM cùm pro tribunali sublimis, sub hastâ captiuos venderet, ac parùm decorè, veste reduciore, sederet: quispiam è captiuis clamare cœpit, *Iniuriâ se affici, esse enim paternum se Philippi amic-*
cum.

cum. Quod cùm miraretur Philippus, & dicere eum ac docere iuberet: *Apud te solum*, inquit. accedensque ad tribunal, in aurem insusurrat, *Hæus tu, vestem demitte. nam sic parùm honestè sedes.* Rex nihil offensus, gratiam imò rettulit: *Et verè*, inquit, *iste mihi amicus erat, mittite hominem.* simulque aliter se composuit. En, fructum etiàm suum alienam libertatem fecit. & solet ipse dicere: *Gratias se debere Atheniensium oratoribus, quòd conuiciis suis redderent se meliorè: dum illos factis conatur refellere.*

At inter successores eius ANTIGONVS: æmulus & IX.
 pænè par fuit in hac laude. Qui in castris aliquādo, cùm duo è vigilibus, iuxta ipsum Prætorium, de rege malè dicerent, atque ipse omnia audiret, nihil vltra quàm tentorij velum concussit; & *Hæus vos*, inquit, *paullò longius secedite, ne Rex vos audiat.* Quid istuc est? ne dissuadet quidem malè loqui, sed cau-
 riùs loqui.

IDEM cùm exercitum in tenebris aliquò duceret, X.
 & molestum ac salebris interruptum iter esset, milites ductorem passim execrabantur Antigonom. At ille ad singulos quosque accedens ignotus, & explicans: *Nunc*, inquit, *benè dicite ei, qui vos eripuit.*

Iam PYRRHVS qui Macedonię regnū aliquam- XI.
 diu tenuit, idem hanc virtutem. Iuuenes aliqui Tarentini, cùm in Italiā ipse esset, inter pocula malè de eo & minaciter locuti, deferuntur: adductique postridie, *Andixissent?* interrogantur. Vnus faceret & liberet: *Diximus, atque adeò te interfecissemus, nisi lagena defecisset.* Vini culpam, non animi ostendit: & Pyrrhus sic accepit, atque ipse arrisit.

Inter germanos Græcos PERICLES, cōuiciis peti- XII.
 tus in foro, à proteruulo quodam, nihil reposuit, &
 placidè

placide res suas egit. Actis, domum iuit, illo prosequente & linguæ tela idemtidem eiaculante. Nihil sensit, nihil dixit *Pericles*: hoc tantum, cum ad eedes iam venisset, & nox esset, ministro suo, *Abipuer, & facem accende, & huic redituro præluce*. Vah, non patientiam solum, sed benignitatem! qui adiutum iuit in ipso improbitatis freto æstuantem.

XIII. PTOLOMÆVS *Lagi* filius, Ægypti rex, in Grammaticum cauillans, & inscitiam arguens, *Quis esset Pelei pater?* rogauit. Cui ille, *Expediam, si tu mihi prius dixeris, qui Lagi*. Genus obicurum aut sordidum regi palàm obiecitabat: & id indignati omnes qui aderant, præter regem. Qui ad incitantes: *Nisi ferre diæterium regium est, nec dicere*, inquit. Idem ius volebat ferulæ, quod sceptro, in istis esse.

XIIII. Sed Romani quoque Principes huc ducant, & primus eorum CÆSAR. Ille C. Caluo oratori, qui famosis epigrammatis prosciderat, cum de reconciliatione significasset, prior & vltro scripsit, tamquam ipse læsisset. Idem *Catullum* poetam, qui fame eius perpetua stigmata (& nunc leguntur) versibus inusserat, satisfaciendam eadæm die adhibuit cænæ. Nihil stipulatus est, aut iniunxit, solâ penitentiâ pro pœnâ contentus.

XV. At AVGVSTVS verè & hîc successor, cum in iudicio quodam inter alia crimina reo obiiceretur, quodd malè loqui de Cæsare soleret: interrupit, & ad accusatorem, *Velim hoc mihi probes, faxisciat Elianus* (id rei nomen) *& me linguam habere*. Benè, & benignè. quid aliud significabat, quàm dicta dictis vlturum? Et si nec fecit, nec vltà quidquam inquisiuit.

XVI. IDEM in *Timagene*, historiæ nobili scriptore, plus

plus semel patientiam ostendit. Multa in ipsum, etiam in vxorē, in filiam & familiam eius dixerat: atque ea vt arguta, & ab homine docto, excipiebantur vulgò & circumferebantur: Cæsar tamen nihil, nisi monuit eū vt modestiùs ingenio & linguâ vteretur: idq; in domo suâ. Nam & (vide ingratitudinē) Cæsar eum alebat. Sed cū nec sic desineret, tandem domo ei suâ interdixit: & quis accusasset, si vrbe, si toto imperio? At ecce, qui velut in inuidiam Cæsaris excipiat: & is fuit amicus eius *Asinius Pollio*, nec idē deſiit eſſe. Fouit hominē, & eius exemplo alij: viſitur, colitur. & quis? priora omitto, ſed qui tunc quoque, tamquam profeſſas inimicitias cum Cæſare gereret, libros Hiſtoriarum de rebus eius ſcriptos combuſſit. Non hoc erat dicere, *Indignus es de quo ſcripſerim? falſa cenſeo, quæ prædicauerim?* Tulit & hæc Cæſar: tantūm Polliōni ſemel dixit: *Οὐκ ἔσθ' ἐγὼ, id eſt, Serpentem nutris.* Et paranti excuſationem obſtitit, addiditq; *Fructu mi Pollio, fructu.* Cū hæc lego & examino, dicam Romam tunc ſeruiffe? Aut ſi; addam quod publicè in theatro acclamatum, *O Dominum æquum & bonum!*

Nimirum confirmatus in hac patientiâ animus iam erat, & contra concuſſionem omnem ſtabilis. quod etiam Tiberiō oſtendit, conquerenti ſuper eā iuueniliter, & exſtimulanti. Reſcripſit enim in hæc verba: *Ætati tuæ, mi Tiberi, noli in hac re indulgere, & nimium indignari, quemquam eſſe, qui de me malè loquatur.* SATIS EST ENIM ſi hoc habemus, ne quis nobis malè facere poſſit. XVII.

Et hauſit ab eo TIBERIUS. qui aduerſus talia firmus, ſubinde iactabat, *In ciuitate liberâ liberæ linguæ eſſe debere.* Idem in Senatu, cognitionē ſuper iis XVIII.

flagitante: *Non tantum habemus otij P.C. ut implicare nos pluribus negotijs debeamus. Si hanc fenestram aperueritis, nihil aliud agi sinetis: omnium inimicitia, hoc prætectu, ad vos deferentur. O pulchra, ô aduertenda! etsi ipse non tenuit, & postea se mutauit.*

- XIX. Vnum propioris æui exemplum etiam, & finio. FRIDERICVS Imp. conuiciis petitus, & ab amicis ad vindictam excitatus: *Minimè, inquit. an nescitis Principes, quasi scopum, expositos ad has sagittas? Ita est. alta liuor & calumnia petent: petent, sed non tangent, vbi animus quidem est altus.*

C A P. XVIII.

DE MAGNITVDINE ANIMI.

Famam & immortalitatem Principi proposita, & expetenda esse.

HOC enim nunc appello Magnitudinem animi, alta & honesta proponere, & nunc, ac magis olim, in famâ bonâ ac gloriâ esse. Vt sol in aurorâ tenuior, assurgit & inclarescit; sic ex virtute & meritis fama cum æuo ipso augetur & crescit. Hoc velim equidem amare Principem, & vt trahat illum — *Fax mentis honestæ Gloria*, vt poëta ait. *Quid enim aliud in externis? Τὸ μὲν ἀργύριον*, ait Polybius, *ἐστὶ κοινόν τι πύργων ἀνθρώπων κτήμα· τὸ δὲ χαλόν, καὶ πρὸς ἔπαινον καὶ πικρὸν ἀνθρώκων, θεῶν καὶ τῶν ἑγγιστα τέττις περὶ κοινῶν ἀνθρώπων ἐστὶ: Argentum quidem & pecunia est communis omnium hominū possessio; at honestum, & ex eo laus & gloria, Deorum est, aut eorum qui à Dijs proximi censentur. Dictum egregium. alia aliis communia, & adipiscenda: at bona & magna fama magnis*

gnis conuenit, & quos Deus vicē suam fungi voluit in terris. Velleius de *Pom. cio Magno: Quo viro nemo alia omnia minus, aut gloriam magis concupiuit.* Egre-
giè. illuc eundum est, ad honestam ambitionem & nomen: quod non plebeix voces, sed seria Anna-
lium testimonia celebrent & posteritati commen-
dent. Ita ad virtutem (etsi per se appetendam) duci-
tur: *nec potest quidquam abiectum & humile cogitare, qui scit de se semper loquendum.* Studia hoc donant,
& rerum memoria; Princeps foueat, sed cum mo-
do & iudicio, vt nec passim eò vocet, nec argumen-
tum se cuiusque stilo velit. Augustum videat. qui
ingenia saculi sui (ait Trāquillus) *omnibus modis fo-*
uit: componi tamen aliquid de se, nisi & serio, & à
præstantissimis, offendeatur. Serio, non per ludos
& mimos: à præstantissimis, non ab ingeniis passiuus
aut plebeis, sed quæ Genium aliquem æternitatis à
se haberent. Hanc laudis cupidinem summi viri
prætulērunt: vt

Mamerti-
nus, Pane-
gyr. ad Lu-
lium.

THEMISTOCLES. qui in adolescentiā solutus, & r.
aliarum rerum, post *Miltiada* de Persis victoriam,
honestā emulatione percussus, depositis nugis seria
agitare cœpit, & totas noctes insomnis agitare. Ro-
gatus causā, reddidit: *Miltiada se trophæis à*
somno excitari.

IDEM in theatrum iturus, cū rogaretur, *Cuius* II.
vocem libentissimè audiret? aliò rettulit, & *Eius*, in-
quit, *à quo laudes meæ optimè celebrabuntur.* Num-
quid dissimulauit? professus est gloriæ cupidinem,
& eius aliquā mercede inductum se res gessisse.

IDEM tertio, in conuentu celebri Græciæ, ludis III.
Olympicis, cū plerique spectaculis ommissis oculos
in illum verterent, eumque mirabundi & fauentes
exteris

exteris etiam ostenderent : dixit alacer animi & lætus, *Illo die se laborum, quos pro Graciâ tulisset, fructum maximum cepisse.* Ad rigidam Sapientiam si examino, non sapientissimè. quid enim adiectum est? vox modò & laudatiuncula : sed virtuti aliqua oblectatio, cum & gratos istos videt, & posteros sperat.

III. At ALEXANDER hîc vel nimius. qui patrem crescere & inclarescere, interpretabatur se minui & obscurari. Cumq; nuncij idemtidè venirent, huius illiusque victoriæ : inter æquales ingemiscens, *Hem!* inquit, *quid tandem pater nobis vincendum relicturus est?* Mirus vehemensque affectus, qui vel innatam pietatem vicit.

V. Et quid quereris ô ALEXANDER? ecce Asiam, & Africam, & reliqua Europæ, tibi palæstram. Sed nimiam ambitionem iure dixerim, cui & orbis fuit angustus. Nam disserente *Anaxarcho*, plures esse mundos : suspirasti, & *Me miserum!* qui nec unum subieci, subiecisti.

VI. An non simile alterius *Alexandri*, imò maioris, id est IULII CÆSARIS? qui in Hispaniæ *Gades* cum venisset, ibique imaginem *Alexandri* illius vidisset, diu intuitus in vocem & gemitum erupit: *Hæu, nihil etiam memorabile à me gestum in ætate, quàm iste orbem terra vicit!* Non gestum, sed gerendum : acquiesce. affatim Deus & fata materiem gloriæ tuæ dabunt.

VII. IDEM in Alpibus, cum iter illac faceret, & comites rustica tuguria, & pauperes illos cœtus, riderent : *Atqui malim hîc primus esse,* inquit, *quàm Roma secundus.* Quid hæc vox, nisi tuba & classicum belli ciuiliis est? nolo secundus esse, vapula libertas.

Sed

Sed magis honestiusque se affectus hic prodit, VIII.
 cum posteros, & monumenta iis futura, cogitat. vt
 in PERICLE: qui in concionem ab iratis Athenien-
 sibus vocatus, quod tantam vim pecuniæ in opera
 & ornatum vrbis contulisset: ille placidè, *An ergo,*
ô ciues, penitet? conditionem fero, meum nomen iis in-
scribatur, & priuatim mihi feram expensa. Recla-
 matum à totâ concione: hortatiq; vtrò sunt, *Cum*
bonis diis pergeret, nec impendiis tali fine abstineret.
 Ecce in toto populo honestum ambitum, & certa-
 men à nullo, in gloriâ ad posteros, vinci.

TRAIANVS hoc quoque, *Optimus* suo iure Im- IX,
 perator, quæsiuit: & passim noua ac vetera opera
 cum faceret, aut reficeret; nomen suum etiam mi-
 nimis inscripsit. adeò vt quidam subsannâtes *Her-*
bam parietariam eum appellarent.

Sed fidelior in libris scriptisq; memoria: & X,
 ALEXANDER iam dictus sciuit. Is *Callisthenem* ab
 Aristotele acceptû, eloquentiâ & sapientiâ clarum,
 secum circumduxit, rerum scriptorè, & famæ pro-
 pagatorem. Sed heu! præproperâ irâ vitam abstu-
 lit, à quo æternitatem sperabat.

IDEM Aristotelem quàm fouit hoc fine, & pro- XI,
 duxit? felicius. nam ille nomen eius secum perenne
 fecit, in operibus quæ exstant. Sed non sine præ-
 mio. & in vnam *Historiam Animalium* scribendam,
 certum est Alexandrum contulisse *octingenta talen-*
ta, nostræ pecuniæ *quadringenta & octoginta millia*
Philippicorum. Quid dicitis hodierni Principes?
 compello excitandos?

IDEM eiusdem ardoris scintillas iudicio iecit, in XII,
 vate *Homero.* Et cum ad tumulum Achillis in Si-
 gæo constitisset, è pectore vocem emisit: *O fortunate*

adolescens, qui praconem Homerum repperisti! Certè, fatemur. tantum enim nescio an ipse se, sed tantus illè fecit.

XIII. Ab eodem iudicio IDEM, in accursu tabellarij cuiuspiam res, vt videbatur, lætas ferentis : *Et quid,* inquit, *nuncias? an Homerum renixisse?* Nec feriunt, aut capiunt, scio, hæc dicta vulgares animos : sed altos mirificè : & quid ille, nisi summum votorum, æstimauit, Homerum reuiuiscere, idque in suas (huc ibat) laudes?

XIII. Græciæ etiam colonus HIERO rex Syracusanus, animum Græcicum habuit, id est, vt cum Venufino dicam, *Laudis auarum*. Nam cum poëta quidam *Archimelus*, epigrammate haud inscito, sed breui (octodecim modò versuū fuit) nauim, quam ingentem fabricarat, celebrasset; ille delectatus, & porrò prouocans, in aliâ naui *mille modios tritici* Athenas, donum poëtæ misit; idquo in ipsum Pyrræi portum, omni suo sumptu. Si quis instructam nauim, & socios nauales euntes redeuntesque, cogitet : mirabitur regiam planè liberalitatem.

XV. At nec Latini expertes huius ambitus, etiam sæculo adhuc rudi. En P. SCRIPPIO *Africanus* poëtam *Ennium*, à quo res suas celebratas videbat gaudebatque, & viuum beniuolentiâ omni complexus est, & mortuum stare in effigie iussit in suo & *Corneliorum* monumêto. Quid aliud, quàm dictum voluit? Per me in imagine viuat, cuius scriptis ego mortuus etiam viuo?

XVI. Nec degenerauit alter SCRIPPIO *Africanus*, qui (verba Velleij Paterculi) *tã elegans liberalium studiorum, omnisque Doctrinæ, & admirator & fantor fuit, vt Polybium Panatiumque, præcellentes ingenio viros,*
domi

domi militiaeque secum habuerit. Maeste Scipio ! dignus tu comite Polybio , dignus ille te amico & patrono.

Iam POMPEIVS Magnus, apud se habuit *Theopha-* XVII.
nem Mitylenæum : quem Græcum & exterum , in
conçione militum , ciuitate donauit. Quâ causâ &
titulo ? scriptorem rerum suarum.

Sed in vnum benignus *Pompeius* , in totum ge- XVIII.
nus IULIVS *Cæsar*. qui rerum iam potens, *Omnes li-*
beralium artium doctores, qui Romæ essent , ciuitate
donauit. Quæ hæc liberalitas ? inquires, nihil à se de-
dit. dedit à publico : nec maior aut optabilior tunc
honus extero , quàm ciuem dici.

AVGVSTVS autem mirificè in hos propensus, XIX.
quod tot scriptores aut vates dicent, ab eo producti
& alleuari. Ambitio autem ab iis vicissim attolli, vel
ex epistolæ eius his verbis ad *Horatiũ* poëtâ (quem
hodie legimus) satis elucet : *Irasci*, inquit, *tibi me*
scito , quod non in plerisque eiusmodi scriptis mecum
potissimum loquaris. *An vereris , ne apud posteros in-*
fame tibi sit , quod videaris familiaris nobis esse ? Atq;
hoc velut conuicio expresseit Eclogâ, cuius initium:

Cùm tot sustineas , & tanta negotia, solus:

Sed quod operæ talis pretium ? serui , supellex, fun-
di toti.

Sed & VESPASIANVS, etsi cetera parcus, ingenia XX.
artesque fouit vel maximè. & primus è fisco (ait
Suetonius) *Latinis Græcisque Rhetoribus annua*
**centena constituit.* Idem *Salcio Basso*, eximio poëtæ
vnâ donatione ** quingenta* donauit : id est, censum
tunc questrem.

XX.
* Bis mille &
quingentos
Philippicos.
* Duodecim
milla Pbi-
lippicorum &
quingentes.

ANTONINVS *Pius* diffudit etiam liberalitatem XXI.
Vespasiani, nec Romæ tantum , sed per omnes pro-
vincias,

282 I. LIPSII MON. ET EXEMP. POLIT.
*vincias, Rhetoribus & Philosophis, honores ac sala-
ria detulit.*

XXII. Quibus ALEXANDER Severus addidit, *Gram-
maticos, Medicos, Mathematicos.*

XXIII. Magna in omnes liberalitas, & sic perpetua: sed
illa in vnum stupenda. ANTONINVS Caracalla, cete-
ra haud laudabilis, delectatus elegantia carminum
Oppiani, quæ illi inscripta legimus, in singulos
versus singulos aureos iussit rependi: id est, *nostra-
tes duos.* & versus numerâ, stupebis,

XXIII. DIOCLETIANVM addâ:is Eumenio Rhetori **sex-
centa annua assignavit, in scholâ Augustodunen-
si doctori. Credimusne? refragantur, & rescri-
bunt: ignosco pro iudiciis & animis, addam etiam,
opibus hodiernis.*

XXV. Sed conuenio vos, PRINCIPES, voce Anaxago-
ræ, qui senex & æger decumbebat; nunciatumque
Pericli, ex eius disciplinâ. Is accurrit, & solatus est,
& precatus ne sic desereret: sed ibi opportunè Ana-
xagoras; *At enim, ô Pericle, quibus opus est lucer-
nâ, oleum infundunt.*

XXVI. Infundite bonis meritisque. & cum LEONE
Græcanico Imperatore Eunuchum non audite di-
centem, *Hac in milites debere absumi.* Cui ille repo-
suit: *Vtinam meis temporibus eueniat, stipendia mili-
tum in doctores artium absumi! Vtinam, vtinam!*
sed meis non fiet: & incitiæ caligo aut tenebræ
(falsus sim!) imminent Europæ.

F I N I S.

INDEX CAPITVM, MONITORVM, QVÆSTIONVM, LIBRI PRIML

CAP. I.
IN sermonem & rem ingressio, atque
obiter utilitas Exemplorum. pag.9

CAP. II.
DE RELIGIONE. Eius utilitas, siue ne-
cessitas ostensa: vel in totâ Societate,
vel seorsim in Rege, & subditis. 12
MONIVM I. Deus vbique colendus,
etiam inter & apud hostes. 13

MON. II. Sacra nec in periculis dese-
renda, aut negligenda. 15

MON. III. Tutio sacrorum famam
& potentiam donat. 18

MON. IV. Sacrorum antistites aut ad-
ministratos honorandos, audiendos
esse. 21

CAP. III.
DE SUPERSTITIONE. Assidâ Religio-
ni esse, & in vanitatem, vilitatem,
timorem inclinare. 23

MON. I. In tristibus aut aduersis sæpe
se insinuat. 24

MON. II. In friuolis aut paruis se
ostendit. ibid.

QVÆSTIONCVLA. An in populo non
utilis Superstitio, & Principi per-
mittenda? 25

CAP. IV.
DE IMPIETATE. Eius matrem Super-
biam, aut ferociam, sæpe & Viti-
orum cumulum, esse. 36

CAP. V.
DE FATO. Id considerandum, cre-
dendumque esse. 37

MON. I. Regna & Reges à Deo dari. 39

MON. II. Regna à Deo & Reges tol-
li. 45

MON. III. Et causas quasdam medias,
sed inopinatas, his interuenire. 48

MON. IV. Regna à Deo & Reges tem-
perari. 52

MON. V. Clarissimè Fata in Prædictio-
nibus clucere. 53

QVÆSTIO. Licetne igitur & deceat
in euentus inquirere, & vates aut

diuinos consulere? 63

CAP. VI.
DE CONSCIENTIA. Eam curandam
esse, atque obsequendum. 66

CAP. VII.
DE PROBATE ET CONSTANTIA.
Vtramque Principi conuenientem,
aut necessariam esse. 68

CAP. VIII.
DE PRVDENTIA: Quâ Vfus & Histo-
ria gignunt, & producit Doctrina. 84

LIBRI SECVNDI.

CAP. I.
DE PRINCIPATV. Eum præferendum
aliis imperiis videri. 95

MON. I. Antiquissimū hunc esse. ibid.

MON. II. Cōmunissimum hūc esse. 96

MON. III. Iustitiam magis in eo exer-
ceri. 97

MON. IV. Tranquillitatem & concor-
diam coli. 98

MON. V. Modum regendi meliorem
ruriorūque esse. 99

MON. VI. Maximè hanc imperij for-
mam diuina. 100

CAP. II.
In eo Viros Fēminis præferendos, &
has vix feliciter imperare. 102

Muliebris imperij infelicitis Exempla.
103

Muliebris imperij boni & felicitis Ex-
empla. 110

CAP. III.
DE ELECTIONE. Quæ commendare
eam, quæ abicere possint. 115

CAP. IV.
DE SVCCESIONE. Hanc præfere-
dā, etsi incommoda etiā habet. 126

MON. I. Certos Liberos præferri. 127

MON. II. Præferri atque primos, etsi
in exemplis interdum aliter. 128

MON. III. Patrum, aut fratris fi-
lium, variè præferri. 131

CAP.

CEL. V.

DE FRAUDE ET VI. Has quoq; priorum specie interuenire. 134

CAP. VI.

DE PRINCIPVM INCLINATIONE. Deteriores eos sapè fieri, & mutari. 138

CAP. VII.

DE FINE PRINCIPATVS: Qui est, publicum bonum. 163

CAP. VIII.

DE EXEMPLIS PRINCIPVM. Ea facere ad Virtutes aut Vicia subditorum. 165

CAP. IX.

DE IUSTITIA: Quam Princeps in se, & suis, seruet. 166

DE IUSTITIA: Quam Princeps erga Subditos seruet. 173

MON. I. Seuerè administranda 175

MON. II. Sine affectu vel aspectu administranda. 177

MON. III. Subtiliter interdum vel sagaciter inquirenda. 181

QVAESTIO: An ergo deceat, aut expediat, ipsi Principem ius dicere, reddere? 183

QVAESTIO: An Curias, & Ordines ludicri perpetuos esse cōueniat? 189

CAP. X.

DE LEGIBVS. Eas nec multas, nec

item lites, probari.

191

CAP. XI.

DE IUSTITIA DIVINA: atque eam rebus interuenire. 197

CAP. XII.

DE CLEMENTIA. Eam quoq; Principi decoram vtilemque esse. 200

CAP. XIII.

DE FIDE. Hanc quoque Principi conuenientem, vel necessariam esse. 215

CAP. XIV.

DE MODESTIA IN SENSU. Hanc Principi decoram, & vtilem esse. 232

CAP. XV.

DE MODESTIA IN CVLTU: Et hanc conuenire, elegantiam aut pompam non conuenire. 245

CAP. XVI.

DE MAIESTATE: Et saluā Modestiam posse assumi. 250

CAP. XVII.

DE CASTITATE: Quam Princeps extra connubium, & in eo pro parte sumet. 252

DE PATIENTIA. Ab ira & vindictā alienum esse debere, praesertim in conniciatores. 269

CAP. XVIII.

DE MAGNITVDINE ANIMI. Famam & immortalitatem Principi proposita, & expetenda esse. 276

APPROBATIO.

HAs I. Lipsi. lucubrationes. ut egregiè fragiferas fore confido, ita praelo dignissimas censeo, quòd ea quæ Principibus ac politicis viris apprime conueniant, non modo legenda, verumetiam velut in tabula, non sine voluptate, spectanda, exhibeant.

Guilielmus Fabricius Nouiomagus, Apostolicus ac Archiducalis librorum censor.

PRIVILEGIUM CÆSAREVM.

RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriz, Carinthiæ, Carniolæ & VVirtembergæ, &c. Comes Tirolis, &c. Nostro & Sacri Imperij fideli dilecto IUSTO LIPSIO gratiam nostram Cæsaream. Postquam inter alia, quæ DEVS immortalis hominibus liberalianu dedit dona, illustra inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tamquam Dij quidam splendescere in terris videantur: rem sanè præclaram sequè dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, vt aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare ad dignitatis nostræ munus, ad quod diuino vocari beneficio, concessuque sumus, inprimis pertinere existimamus. Cum itaque ab iis, quorum nobis spectata fides, quique iudicare de Litteris possint, acceperimus, insignes te animi ingenique tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, vt olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituissti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitauit, peruensisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abste ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, veramusque, ne quis Typographorum, Bibliopolarum aut aliorum, quilibet negociationem exercent, eos libros, quos

quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut vendundare intra sacri Romani Imperij, Regnorumque ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, uti tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusve tuis, auxilio Magistratus, ubique reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscunque status, gradus aut ordinis extiterint, præferum verò iis, qui in Magistratu constituti, vel suo vel superiorum suorum loco aut nomine, ius dicunt, iustitiamve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senftenauv.

Ad mandatum sacra Cæsarea Maiestatis proprium.

Io. Baruitius.

Additum sigillum Cæs. Maiestatis in cerâ rubrâ.



SYM.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IUSTI LIPSI Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germania ditiones importet, venalesve habeat. Qui secus faxit, præter librorum confiscationem triginta marcharum auri puri illatione mulctabitur. Vt latius patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Navarra Rex Christianissimus, singulari priuilegio sanxit, nequis per vniuersos Regnorum suorum fines, IUSTI LIPSI, quos vel hæcenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulctabitur; vti latius patet in litteris, datis Parisiis, XIII. Iulij, M. DC. V.

Signat. Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti hæc MONITA ET EXEMPLA POLITICA typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.







